



118 - K. 35

no  
K

35

NAFOLJ

118-K. 35







VIRI ILLVSTRIS  
NICOLAI CLAVDII  
FABRICII DE PEIRESC,  
SENATORIS AQUISEXTIENSIS  
VITA.

Per PETRVM GASSENDVM Præpositum  
Ecclesiæ Diniensis.



PARISIIS,  
Sumptibus SEBASTIANI CRAMOISY,  
Architypographi Regij, viâ Iacobæâ.

M. DC. XLI.  
CVM PRIVILEGIO REGIS.







PRINCIPI MAGNO,  
 SAPIENTI, BONO,  
 LUDOVICO  
 VALESIO  
 ALENSI COMITI,  
 LEVIORIS EQVITATVS PER  
 Gallias Magistro, & Gallo-Pro-  
 uincix Proregi.

PETRVS GASSENDVS *℞. 1644.*



AGNE PRINCEPS,

*Scribere aggredior quam abs me deposcis lau-  
 datissimi Peireskij vitam. Quippe non prius in  
 hanc Prouinciam faustis anibus accessisti, quam*

*A ij*

ingemuisti præreptam tibi, magnâ fatorum inui-  
 diâ, illius consuetudinem; ac me, quem nôras  
 fuisse cum ipso familiarissimè versatum, perquàm  
 studiosè de eius studiis, moribusque es perconta-  
 tus. Voluisti etiam habitum oris ex effigie co-  
 gnoscere, & loca adire, in quibus superessent illius  
 vestigia, lustrando ubi habitare, ubi sedere, ubi  
 præstanteis quosque viros, quibusdam quasi Sire-  
 nibus, detinere solitus fuisset. Denique in eam  
 raptus es virtutum eius admirationem, ut con-  
 scribenda illius vitæ non postremus auctor mihi  
 fueris, ac me idcirco non inuitus à te abesse permi-  
 seris, ut in secessu hocce meo coronis citius impo-  
 neretur. Et poteram quidem germanam excusa-  
 tionem prætexere ex tenuitate virium: at cunctan-  
 dum non censi, cum ad multiplex officium at-  
 tendi. Nam primùm quidem, quod ad Te spectat,  
 morosus sim planè, nisi obsequar, qui nihil tale co-  
 gitans, ac nihil tale meritis, sic sui euocatus ad  
 te salutandum, ut ex eo usque tempore beneuolen-  
 tia erga me tua esse non potuerit & liberior, &  
 dulcior, & ad omnem comitatem, facilitatè que  
 procliuor. Didici certè experiundo, quàm merito  
 iure te suspiciat, ametque, & suas delicias tota du-  
 cat prouincia; sælix videlicet Prorege, in quo phi-  
 losophia, & imperium æquis momentis temperen-  
 tur. Quinetiam ita pacis studia cum artibus belli

componis, ita cum Marte Musas concilias, ut ambiguum fiat, generosiorne, an eruditior emineas; & cum immortale id decus sit tibi gentilitium, nemo tamen ex inclyta, Regiâque Valesiorum stirpe occurrat tecum comparandus. Sed memoranda hac aliàs: nunc commendari satis non potest, quòd fasceis ubique submittis virtuti, neque in solis Principibus regiarum laudum materiam quaris. Nihil interesse existimas sub qua veste lateat heroïca mens; & modo pectus diuinum sit, propensum te ad cultum præstas. Exemplo certè erit perpetuo, & magnorum Ducum, Imperatorumque factis accensendo, quòd iam tua commendatione Senatorij ordinis virum ob eximias animi doteis, inter Principes euehis; & ne unquam illius fama intermoriatur, curam assumis. Oportet nempe in te possideas quas in illo amas laudatas virtutes; neque potest affectus tui non perennare memoria, cui virtus ipsa est elogium prònunciatura sempiternum. Deinde quod spectat ad Virum, ingratus sim, nisi id præstem, quod singularis erga me amor, & munifica indoles erga omneis efflagitat. Nam me quidem quantum amarit, promptius est animo sentire, quàm verbis exprimere; satisque est dicere me felicitati vertere magne, quòd me tam carum habuerit, quòd tam frequentem sibi adesse, consilio-

ingemisti præreptam tibi, magnâ satorum inui-  
 diâ, illius consuetudinem; ac me, quem nôras  
 fuisse cum ipso familiarissimè versatum, perquàm  
 studiosè de eius studiis, moribûsque es perconta-  
 tus. Voluisti etiam habitum oris ex effigie co-  
 gnoscere, & loca adire, in quibus superessent illius  
 vestigia, lustrando ubi habitare, ubi sedere, ubi  
 præstanteis quosque viros, quibusdam quasi Sire-  
 nibus, detinere solitus fuisset. Denique in eam  
 raptus es virtutum eius admirationem, ut con-  
 scribenda illius vitæ non postremus auctor mihi  
 fueris, ac me idcirco non inuitus à te abesse permi-  
 seris, ut in secessu hocce meo coronis citius impo-  
 neretur. Et poteram quidem germanam excusa-  
 tionem prætexere ex tenuitate virium: at cunetân-  
 dum non censui, cum ad multiplex officium at-  
 tendi. Nam primùm quidem, quod ad Te spectat,  
 morosus sim planè, nisi obsequar, qui nihil tale co-  
 gitans, ac nihil tale meritis, sic sui euocatus ad  
 te salutandum, ut ex eo usque tempore beneuolen-  
 tia erga me tua esse non potuerit & liberior, &  
 dulcior, & ad omnem comitatem, facilitatèmq;  
 procliuior. Didici certè experiundo, quàm merito  
 iure te suspiciat, amètque, & suas delicias tota du-  
 cat prouincia; sælix videlicet Prorege, in quo phi-  
 losophia, & imperium equis momentis temperen-  
 tur. Quinetiam ita pacis studia cum artibus belli

componis, ita cum Marte Musas concilias, ut  
 ambiguum fiat, generosiorne, an eruditior emi-  
 neas; & cum immortale id decus sit tibi genti-  
 litium, nemo tamen ex inclyta, Regiâque Valesio-  
 rum stirpe occurrat tecum comparandus. Sed me-  
 moranda hac aliàs: nunc commendari satis non  
 potest, quòd fasceis ubique submittis virtuti, ne-  
 que in solis Principibus regiarum laudum mate-  
 riam queris. Nihil interesse existimas sub qua  
 veste lateat heròica mens; & modò pectus divi-  
 num sit, propensum te ad cultum prestas. Exem-  
 plo certè erit perpetuo, & magnorum Ducum, Im-  
 peratorumque factis accensendo, quòd iam tua  
 commendatione Senatorij ordinis virum ob exi-  
 mias animi doteis, inter Principes euehis; & ne  
 unquam illius fama intermoriatur, curam assis-  
 mis. Oportet nempe in te possideas quas in illo  
 amas laudatas virtutes; neque potest affectus  
 tui non perennare memoria, cui virtus ipsa est  
 elogium pronuntiatura sempiternum. Deinde  
 quod spectat ad Virum, ingratus sim, nisi id pre-  
 stem, quod singularis erga me amor, & munifica  
 indoles erga omneis efflagitat. Nam me quidem  
 quantum amàrit, promptius est animo sentire,  
 quàm verbis exprimere; satisque est dicere me fœ-  
 licitati vertere magna, quòd me tam carum ha-  
 buerit, quòd tam frequentem sibi adesse, consilio-

rúmque animi omnium esse conscium voluerit ;  
 quòd in meum sinum ut cetera, sic extrema ver-  
 ba, animámque ipsam tandem exhalárit. Eam  
 ob causam, cum nulli magis, quàm mihi esse cordi  
 debeat capitis tam cari memoria ; currenti sanè  
 adhibes calcar, cum tuo imperio idexigis, ad quod  
 gratitudo, & ius amicitia me procliuem facit.  
 Qui enim quoties quidpiam de illo cogito, loquor,  
 audio, intima quadam suauissimáque animi lati-  
 tia perfundor : quomodo possim non iucundè vite  
 eiusdem seriem sic scribendo retexere, ut cum ple-  
 risque comunicetur ? An non videbor adhuc cum illo  
 humanissimè conuersari, suauis que horas consu-  
 mere, ac tum mihi demùm satisfacere, ubi per me  
 non steterit, quin tanti amici gloria efflorescat ?  
 Quantum verò ad propensionem, qua animatus in  
 omneis fuit, exstitisse nemo videtur, qui in com-  
 mune bonum natus, id impensius curauerit, ut  
 constantissimè prodesset vniuersitati generis hu-  
 mani. Nam multis quidem cessisse potest, si fa-  
 cultates spectaueris ; nemini tamen, si virium mo-  
 dum, voluntatémque benefaciendi. Dignus proinde,  
 qui regnàrit in animis hominum, ac studioso-  
 rum praesertim, quos excitare, foueréque eruditio-  
 ne, consilio, auctoritate, gratia, opibus suis destitit  
 nunquam. Testes sunt boni, doctique omnes, qui  
 consensu unanimi fatentur nullum vnquam fuis-

*se Mecœnatem generosiorẽ. Heinc tametsi fama illius non videatur posse exstingui, cuius illustri nomine litteratorum orbis completur; haud tamen committendum est, ut idem nobis exprobrari, quod Mecœnatis saculo possit. Nam quod huius historiam nemo coatanens in posteros transmiserit, effectum est, ut præter nomen eruditus carissimum, vix quicquam de illo ad nos permanãrit; & cum idem Nostro timendum videatur, æquum profectò, ut qui illi familiariter conuixerunt, id curent, ut quis fuerit, nepotibus etiam seris innotescat. Similis enim crepusculo vespertino est rerum fama, quæ initio clarissima, ita paulatim euanescit, ut abeat tandem in tenebras; opusque adeò historia est, quæ facis instar illam producat. Agnosco porrò neminem esse, cui, potius, quàm mihi id munus incumbat; quando nemo est, cui propter diuturnum, familiarẽque conuictum, ille potuerit esse perspectior. Accedit, quod licuit à morte ipsius ea interrogare, & cum ex variis epistolis, tum ex aliis monumentis intelligere, quæ non fuissent cuius perinde in promptu. Factum certè est ob hanc causam, ut cum tot viri eximij huiusmodi Spartam ornare potuissent, nihilominus tecum conspirarint, meque sollicitauerint, ut illi admouerem manum. Postremò quod spectat ad Patriam, ad hanc ætatem, ad*

posteris, iniurius sim prorsus, si opus detrectem. Et patria quidem; nam species quedam impietatis videretur, si obduci paterer lumen, quo, ut hactenus coruscavit, sic merito in posterum gloriarri mirifice potest; si negligi id ornamentum, quo pronunciarè penè licet nullum unquam aut existisse, aut existiturum magnificentius. Quippe non tota modò Europa, sed Asia quoque, & Africa, ac ipse etiam novus orbis conuersos eius occasione in hanc provinciam oculos habuit; nemòque usquam fuit eruditus, bonarumve appetens rerum, qui non aut illum conuenire, aut cum eo certè agere per literas non affectàrit. Tum presenti quoque atati; siquidem eius interest, ut qui sequentur, intelligant non fuisse effatam in ipsa naturam; potuisseque eam virum magnum, insignemque producere, qui futuris post saculis proponi in exemplum possit. Magna certè eius laus est, quòd videatur in illo uno collegisse omneis omnium saculorum virtutes; possitque adeò sese efferre, quòd in ipso expresserit quicquid preclarum de Pandora fabulosa atas confinxit. Denique ipsis posteris; quoniam iucundissimum ducent virum illum cognoscere, cuius singulari affectui sese plurimum debere agnoscent; cuius fortassis imitatione sic tenebuntur aliqui, ut quasi Phœnices enasci ex illius cineribus non sine fructu aliquo generis humani



contendent. Quod superest, vitam describam,
 que narrationis simplicitate, non coloribus quasi-
 tis spectetur. Alij, si videbitur, comptiore cala-
 mo expolient, ac historiae forma donabunt quos ipse
 commentarios, ceu ruderam quadam, digessero so-
 lum, veluti annaleis, in temporum seriem. Siqui-
 dem mihi animus est agere Damidem duntaxat,
 & si qui fortè caussabuntur delectum mihi non ha-
 bitum, minima quaeque obseruitanti; dicam quod il-
 le, etiam micæ, quæ ex mensis Deorum sunt, di-
 gnas videri, quæ colligantur. Fortè neque res iis
 erit ingrata, qui, similes tui, pernosse magnos viros
 student, non ob actiones solum illustreis, publicèque
 exhibitas; sed ob obscuras etiam, & quas euulgari
 ipsimet noluisse. Quippe quæ in oculis omnium,
 & cum claritate geruntur, nescio quid persona-
 tum habent; unde quidnam intus, & sub cute la-
 teat, internosse per arduum sit; quæ verò procùl ab
 arbitris, & sine fama captatione, atque idcirco si-
 ne furo, ereptæque personæ fiunt, ea demùm homi-
 nem ostendunt; quod discernere est operæ pretium.
 Id scilicet animos addit ad imitandum præclarè ge-
 sta, cum etiam in heroibus nonnulla deprehen-
 dimus infirmitatis nostræ indicia; neque perin-
 de desperamus eorum virtutes assequi, ac dum
 grandia quæque duntaxat narrantur. Sin verò
 nonnulli requirent illustriora quadam, & am-

pliora facta, quàm commemoraturi simus; nõ-  
 rint oportet non omneis posse Scipiones esse, aut  
 Maximos, ut bella, triumphosque recordari va-  
 leant. Abundè illi merentur laudem, quos cum  
 fortuna ad summam opes, atque dignitates non eue-  
 xerit; maiores tamen animos gerunt, generosiore  
 virtute sunt, ac moliantur grandiora longè, quàm  
 pro conditione sperare quis possit. Talis porro Pei-  
 reskius fuit, quem exhibituri non sumus, nisi ut vi-  
 rum, qui fuerit gradus, censusque Senatorij; &  
 qui sese tamen ita gesserit, ut se fecerit quolibet en-  
 comio, ac panegyri superiorem. Videlicet sumus  
 duo quedam toto decursu prosequuntur, ob qua com-  
 mendatus summoperè est; alterù eruditio magna,  
 ac omnigena, cum ardore sciendi inexplebili: alte-  
 rum cura indefessa promouendi artibus ingenuas,  
 cum regia planè erga omneis literatos munificen-  
 tia. Ex hisce verò capitibus periculum sanè non  
 subest, ne efferre quidpiam hyperbolicè videar; le-  
 quar enim in ipso ore eruditorum virorum, apud  
 quos ille inclaruit, quique tantùm abest, ut me  
 causentur fuisse nimium, quin vereor potius, ne par-  
 cum nimis extitisse sint conquesturi. Sed ne harere  
 heic videar, patere, per optime Princeps, ut qua nos-  
 se desideras, deinceps enarraturus, exordiar à ma-  
 ioribus: ut vel ex eo capite constet, cur illum aucto-  
 res constantissimè Nobilissimum vocarint.



DE VITA  
PEIRESKII  
LIBER PRIMVS.

**P**RINCIPIO genus Peireskio fuit ex  
perantiquo illo Fabriorum, seu Fabri-  
ciorum stemmate, quod Pisis in Italia  
oriundum, translatum est in hanc Pro-  
uinciam, à tempore vsque Diui Ludo-  
uici, ac partus salutiferi anno supra millesimum du-  
centesimo quinquagesimo quarto. Memorant enim  
Hugonem Fabrium inter Pisanos nobiles militiae illi  
sacrae adscriptos, fuisse à Sancto Principe in Prouin-  
ciae oras deductum, cum ex Oriente rediens appulit  
Areas, seu Hieras, Olbiam scilicet antiquorum. Il-  
le cum morbo detentus fuisset, & à discedente Re-  
ge commendatus, ea fuit apud viros primores aucto-  
ritate, & gratia, vt contententium de arcis, & ciui-  
tatis dominio dissidia composuerit, ductaque dein-  
ceps ex stirpe Sollerienti coniuge, fixam Arcis statue-  
rit sedē. Loco deinde cooptato in patrimonium Prin-  
cipis, praefectus ipsi legitur anno saeculi illius septua-

gestimo à Carolo primo Comite Prouinciæ, ac Rege Siciliæ, cui non minus fuit, quàm Ludouico germano carus. Cœpit subinde ciuitatem, castrumque variè communire; sed absoluit opus Aycardus eius filius, relicta ex nomine suo vni portarum nuncupatione, quæ etiam - num vocabulo corrupto dicitur Cafabria. Natus Hugoni præter Aycardum filius alius nomine Paulus, qui fuit à Carolo secundo maior Massiliæ Iudex creatus: itémque alius nomine Guillelmus, qui ex variis peregrinationibus redux, auctor fuit Xenodochij, in quo peregrini cuntes, redeuntésque ex Palæstina curarèntur. Sed, vt compendium faciam, successit deinceps nobilis progenies, armis, literis, pietate conspicua; cum subiecto ipsi per propagines, ætatésque varias dominio Regij, Spinosa, Gramusa, San-Iuliani, San-Ianeti, San-Laurentij, Laucerna, Calasi, Petrisci, Valauesi, Riantij. Enimuerò taceri non debet abnepos Aycardi Antonius, ad quem, & ad Raymondum filium exstant, legunturque apud Nostradamum humanissimæ Renati Regis literæ, cum sese ante ducentos annos ad Neapolitanam expeditionem compararet. Fuerat Raymondus à puero vnà cum Renato in Ludouici secundi aula educatus; natúsque est illi, præter Antonium, Amædeus, qui, quòd esset natu posterior, ideo familiæ insignibus, seu Leoni furuo in scuto aureo lemniscum coccineum adiecit. Legitur is quoque Arearum præfectus, & Carolo tertio, cui Rex Franciæ breui successit, intimè notus. Ab hocce autem familia rursus in duos ramos diuisa est: siquidem ipsi fuere duo filij, alter Fulco, alter

Guillelmus; ambo & peritiâ armorum, & prudentiâ iuris instructi. Quippe, cùm primùm in expeditione Pedemontana militassent, sese ab ipso reditu excolendo iuri totos addixerunt. Nam Guillelmus quidem natu minor, à magno auunculo Elziario Portanerio Brinoniensi, viro literato adoptatus, concessit iuris discendi causâ Aureliam, & Auaricum; ductâque vxore Aruernate, in ea regione pedem fixit, & gratitudinis ergò insignia Portaneriæ domus assumpsit; in scuto nempe cæruleo fasciâque, & rosas argenteas. Reliquit porrò præter Hugonem iurisconsultum celebrem, filium alium nomine Ioannem, patrem Ioannis alterius, à quo procreatus Ioannes alius parens fuit Ioannis illius, qui iam Libellorum supplicum Magister, heroïnas habet germanas, tum Magdalenam Petro Seguierio, per-illustri Franciæ Cancellario; tum Mariam, viro generoso Philiberto Pompadorio Lemouicum Proregi nuptam. At Fulco, ex quo supremus Senatus vnâ cum nascente superiore sæculo Aquis-Sextiis creatus fuit, maxima cum laude causas perorauit, factusque sapius Prouinciæ procuratoribus Assessor, destinatus non semel fuit ad Ludouicum duodecimum, itémque ad Franciscum primum. Is, Fulconis eruditione, & probitate perspecta, Senatorem esse mero nutu iussit, anno eiusdem sæculi supra trigesimum secundo; & cùm Carolus Imperator immineret Prouinciæ, Annæo Mon-morantio Regiæ militiæ Præfecto consiliarium dedit. Memorabile porrò est, fuisse eum auctorem salutaris consilij; quo Mon-morantius regium Archium in

Baulciensem transtulit arcem : sic enim pretiosa illa tabularia euasere id , quod fuit à Sabaudò deinceps Auenensi Palatio illatum incendium. Quin-etiam cum non possèt vrbs Imperatoris copiis obstare, secessus auctor ciuibus fuit, & ne quid ex ea subsidij residuum fieret hostibus, ita ad pessundandum cibaria, cæteraque hortari cœpit, vt primus & horrea in puteum, & vasa vinaria, ac olearia in angiportum effuderit. Fulcone defuncto, admissus est Nicolaus filius in dignitatem Senatoriam anno sæculi quadragesimo quinto. Innotuit huius quoque virtus non modò Proregi Claudio Sabaudò Teudæ Comiti; sed ipsi etiã Carolo IX. qui Senatu interdicto, missaque in locum illius summorum Iudicum decuriã, conscriptum decuriæ Nicolaum voluit, & Carolo ipsius fratri, postquam per expeditionem Corsicanã copias deduxit, seseque strenuissimè gessit, concessit vltro dominium, & proprietatem Brigantij. Iam, vt accedamus ad Peireskij patrem, reliquit Nicolaus duos filios, Claudium nempe, & Reginaldum. Fuit autem Claudius corpore pusillo, ac infirmo quidem; sed animo tamen planè generoso, atque vegeto; adeò vt ab anno vsque eius læculi septuagesimo secundo, quo paterna, atque auita dignitate donatus est, magni in Senatu & tota Prouincia fuerit nominis, ac Henrico Engolismensi magno Melitensium Francorum Priori, Proregique eximiè carus. Reginaldus verò innutritus à puero apud Ducissam Ferrariæ Renatam Ludouici duodecimi filiam, cum illa exigeret senium Montargirij dedit se deinceps iuri excolendo, allectusque est sub-

fidiorum, factique patrimonij comitibus, & rationalibus Magiftris. Cùm incidissent autem illa hereticæ factionis difficillima tempora, perstitit constans vnà cum fratre, in fide Regi debita, & ( quod Bernardus Nogaretius Valletanus tum Prorrex magni æstimauit ) Arcarum arcem, atque adeò totam illam oram à Sabaudo desciscere, auctoritate sua curauit. Porro cùm frater viueret cœlebs, duxit ipse in coniugem Margaretam Bompariam, quæ ex paterna stirpe equites, & præsidēs habuit; ex materna verò ad familias Valleuoriam, Forbinamque attinuit. Fando verò accepimus fuisse illam formam adeò eleganti, & composita, vt Catharina Medicea Regum mater, cùm Aquis-Sextiis inuiseretur à nobilibus scæminis, ipsam vnã delegerit, quam suo osculo dignaretur. Is itaque fuit Reginaldus Fabrius, hæc Margareta Bomparia, quos Peireskius noster parentes agnouit. Quoniam verò editus est in lucem Belgenferij; ideo sciendum hoc oppidum situm esse in perangusta, sed peramœna tamen valle, quam Gapellus fluuiolus interfluens etiam diuitem facit. Distat heinc Tolone, heinc Arcis eodem, quo illæ quoque vrbes inter se distant interuallo; milliarium vt putà prouincialium trium: & cùm vtrique ad Boream sit, vtrique etiam aëris bonitate longè præcellit. Fecerat vicinia, vt maiores illi Arcis commorantes, tum aliquot prædia in eo oppido quærerent, tum eò secedentes exciperentur vetere castro, quod nunc temporis iacet dirutum: scilicet nondum extructa domo præclaris hortis coherentē, in quam, vt canalis ex fluuio deriuari tutius,

& vberius posset, Claudius pontem, seu aquæ-  
 ductum satis insignem interexstruxit. Natus est ergo  
 in memorato Belgenserij castro Peireskii, cum pa-  
 rentes eò diuertissent ob pestem memorabilem, quæ  
 1580. anno salutis millesimo quingentesimo octogesimo  
 grassari tota quidem Prouincia, sed Aquis-Sextiis  
 præsertim cœpit. Incidit autem natiuitas in diem  
 Decembris anni eius primum, ac horam à meridie  
 propemodum septimam. Quod attingo solum, ne  
 videat circa temporis circulantiam non fuisse satis  
 diligens; non verò vt faciam hariolandi ansam con-  
 iectoribus, quò iam post viri obitum, certius quàm  
 antè, fata retexant. Etenim mirum dicitur est, quàm  
 multa mentiti Astrologi fuerint, seu annos spectes,  
 quibus non vixit; seu vxorem, & liberos, aliàque,  
 quibus caruit; seu cætera multa, quæ est consequu-  
 tus. Cùm parentes porrò aliquot iam annos absque  
 liberis exegissent, eam ob causam quamprimùm ma-  
 ter, grauidam se esse pensit, destinavit proli lu-  
 stralem sponforem, non magnatem aliquem; sed,  
 quæ fuit eius pietas, pauperem obuium primò futu-  
 rum. Heinc qui pauper primus occurrit, accersitus  
 est, fidemque, dum initiaretur, abluereturque pro eo  
 spondens à nomine patruï Claudium appellauit. Ve-  
 rùm cùm patruus superuenisset, etiam aui nomen ge-  
 nere illum voluit; vnde, quasi prænomine Nicolai  
 imposito, dictus est Nicolaus Claudius. Quanquam  
 non modò, cùm puer esset, Nicolaus ferè audiuit, sine  
 adiuncto Claudij: sed etiam deinceps ætate proue-  
 ctus, vt cùm est ab auctoribus Nicolaus Faber, seu  
 Fabrius,



Fabius, seu Fabricius appellitatus. Quo loco adnotari potest insignis eruditi viri Ioannis Seldeni æquiuocatio, dum citatum à Baronio Nicolaum Fabrum, qui Præceptor fuit Ludouici XIII. Regis Christianissimi, pro nostro accepit. Præfatus enim in Eadmeri Cantuariensis historiam, & quas Lant-Franci-Epistolas Baronius tomo vndecimo Annalium habet, memorans, *Earum, ni fallor, inquit, se agnoscit ipse exemplar accepisse à clarissimo, & doctissimo viro Nicolao Fabro Petrisco Curia Aquensis Assessore dignissimo, atque amico mihi plurimum obseruando.* Et citat quidem Baronius Nicolaum Fabrum; sed *Parisiensem* addit, non *Petriscium*, quod epitheton noster tulit ex montano oppido maternæ ditionis, latinè Petrisco, & vulgò *Peirese*, vnde celebre ipsi nomen; quod vt debite pronuncietur, nos *Peireskium* inflectimus: non, vt multi, *Perescium*, *Perezium*, aut simili alia ratione. Cæterùm vix erat bimestris, cum ferunt anum maleficam ingressam in cubiculum, proiecisse coram matre securim, quam manu tenebat, aiebátque se reddere; atque ex eò tempore tum ademptam matri vocem, & ploratum infantulo; tum depressum vtrique caput in alterum humerum, ea rigiditate, vt flecti non posset. Addunt patrum, re cognita, vapulare anum iussisse, quæ & ipsa detorto collo sub camino inuenta est; ac illam, cum primùm caput extulit, vt satis plagarum esse diceret, renunciaisse id, quod fuit, matrem, infantemque valere. Id factum non modò ex aliis, sed ab ipso etiam Peireskio accepi, memorante vt patruus enarrare solitus fuisset. Res planè mira, si veru-

1580. la, cùm deflexerit ipsa caput, ea neruorum contentio-  
ne cui brare spiritus possit, vt distantis caput perinde  
deflectat, & pari vehementia, qua suam, alterius lin-  
guam cohibeat; neque seu caput relaxetur, seu lin-  
gua soluatur, donec rigorem ipsa remittens, disten-  
tas, sed insensileis veluti chordulas laxârit. Et solent  
quidem similia multa ad Cacodæmonas referri: ve-  
rùm, vtcumque optimus Deus innocenteis infantulos  
illorum malitiæ permittere possit; vtcumque ipsi ad  
ea officia, & ad obsequendum miscellis quibusdam ani-  
culis se comparent: compertum est tamen magnam  
eorum partem, quæ commemorantur, fabulosam  
esse, aut non alio certè niti fundamento, quàm mi-  
nùs solitis quorundam morborum symptomatibus,  
quibus sunt infantes obnoxij; cùm etiam constet ista  
præsertim in infima plebe; ac in ipsis agris esse fami-  
liaria, vbi minima quæque ansa credulitatem parit, ac  
fouet. Sefqui-anno post, hoc est mense Iunio anni  
1582. supra millesimum quingentesimi octogesimi se-  
cundi, Kalendarij reformatione memorabilis, natus  
est illi frater, cui nomen Palamedes. Is est, qui dein-  
ceps à clientelari fundo dictus est *Valauesius*, ex quo  
tempore Nicolaus quoque cœpit *Peireskius* nomina-  
ri. Scilicet ad exactam vsque adolescentiam nuncu-  
pati sunt nunc *Fabricij*, nunc *Calasij*, quæ fuit etiam  
patris, patruique vulgaris nuncupatio ex oppidi Cala-  
si ditione. Natus Palamedes cùm est, aberat pater  
negotiorum causâ Gratianopoli: mater verò altero  
à partu mense interiit, annos nata viginti duos. Ac  
superinduxit quidem Reginaldus pater aliam coniu-

gem, sed quarto-decimo tandem anno. Ea fuit Catharina Vassalla Caradetea, illustri vtrimque progenie, vt cuius maiores ex paterna stirpe inter Achaiae Principes fuissent, ex materna vero attinuissent ad Fliscanos Genuenseis. Vidua tum erat (nupta prius Oliuario de Thulia, ex senatorio ordine) cū superstite filia nomine Marchisa, quæ Palamedi postmodum nupsit. Ex altero autem illo matrimonio suscepit Reginaldus cū liberos alios, qui vel in pueritia, vel in adolescentia obierunt; tum superstitem etiamnum Susannam, quam Henricus Seguiranus rationalium magistrorum, & senatorum patrimonialium Præses primus vxorem duxit. Ad Nicolaum vt redeam, is haud iniuriâ Patrum semper, tanquam alterum parentem agnouit. Ille enim suæ dignitatis successorem eum destinans, speciale quoddam ingenue educationis studium assumpsit, ratus scilicet frustrâ esse, si quis nascatur fœliciter, nec liberaliter instituitur. Tantò autè magis animatus fuit, vt eius curam gereret, quantò ab ipsis cunabulis gratiorem in corpore pulchro venientem virtutem conspexit. Quippe ablatatus vix fuit, cū genium suum prodidit, nimirum se ad omnia visa, auditâque attentum præbens, ac solitus semper oris gratiâ suauitatêque vocis summa à nutrice, à parente, à patruo, à magistro, à quibuscumque poterat inquirere quid, quomodo, quorsum vnaquæque res foret. Sic cū litteræ primum monstrarentur, & libros, chartasque præ manibus habere gestiret; percontabatur frequenter ecquid argumenti contineretur in iis; & quoniam indignè ferebat, si

1182. aliquando responderetur, id superare ipsius captum, confingendum erat, quod illi cum voluptate recitaretur. Leuia hæc profectò, si ipsa spectentur; at non contemnenda tamen, si ad ætatem respexeris, & arbores etiam florenteis, gemmanteisque considerâris. Admirationi certè fuit viris ætate maioribus, qui & mihi illa narrârunt, & asseruerûnt, ipsum nihil vnquam,
1387. quod puerile foret, sapuisse. Septennis cum esset, & vnâ cum fratre institueretur Brinoniæ, vbi tum curia subsidiorum, rationûmque, ob pestem Aquis-Sextiis perseverantem commorabatur, crudiri expetiit in San-Maximitano collegio, quod litterarum studiis efflorescere fama erat. Non tacendum verò quòd patri persuasit, vt fratrem sibi permitteret, tanquam inferiorem ætatem, & iuniora eius studia curaturo. Neque prætereundum, fuisse illum fratri ex hoc tempore præceptoris simul, & parentis loco; fratremque illum tanquam parentem, atque præceptorem reueritum fuisse. Anno elapso, ac iam peste San-Maximini suborta, euocati sunt Belgenferium, & rursus post annum Aquas-Sextias, vbi patruus tum versabatur. Inardescantibus postea à morte Henrici III. ciuilibus bellis, Auenionem missi sunt, vbi quinquennio integro in Collegio Patrum Societatis IESV studuerunt. Memorare autem Peireskii solebat debere se multum Antonio Colombatio, & Andreæ Valladerio, quos supremos habuerat litterarum humaniorum professores. Dicebat enim eos faciliè solitos quidpiam ex aliis exercitationibus relaxare, vt dederet se maximè peruolutandis historicis, studio intercà

poëseos & linguæ Græcæ non neglecto. Ij nempè 1590.  
 gaudebant non tam opus esse gressum illius regere,  
 quàm eminùs viam demonstrare; laudandi, quòd  
 nobile peccatusea seruitute non opprimerent, qua ple-  
 rique aut odium rerum bonarum contrahunt; aut hu-  
 milibus nimis assuefiunt. Referebat etiam quàm su-  
 blimes adderentur animi, cùm illi præterea palàm  
 commendarent, quòd totam Iustini historiam, to-  
 tamque Ouidij Metamorphosin teneret ad vnguem;  
 nec faceret finem consulendis libris, ex quibus inno-  
 tescere singulares rerum circumstantiæ possent. Eam-  
 obrem certè auersabatur & ludos, & spectacula; vt  
 legendo, excerpéndoque singularia quæque incum-  
 beret totus. Immoderatiùs tamen, vt puto; relaxan-  
 dus enim animus per vices, nec statim à pastu con-  
 tendenda mens; quod cùm studiorum ipsius mode-  
 ratores non satis cauerent, effectum est, vt stoma-  
 cho, capitèque doluerit non semel. Exegerat iam  
 penè annum ætatis quintum-decimum, cùm Aquas-  
 Sextias rediit, illicque anno integro Philosophiæ 1595.  
 operam dedit. Voluit patruus, vt interea edoceret  
 arma tractare, equos regere, tripudiis membra exer-  
 cere. Verùm quia succidere gratiores quædam ho-  
 ras oportuit; ideò obsequutus est quidem; sed nisi  
 præsentibus illis, à quibus erudiebatur, retractare ni-  
 hil voluit; adeò quidpiam vel legere, vel scribere,  
 vel audire satius ducebat. Per ea tempora oblatum  
 fuit patri numisma aureum Arcadij, quod Belgen-  
 serij fuerat repertum. Idipse illicò poposcit, & cùm  
 circumscriptas literas legisset, Imperatorisque no-

1595. men adnotasset, ad patrum statim retulit, qui illi gratificaturus, & duo alia numismata, & libros etiam, quibus vberius erudiri posset, concessit. Atque ex hoc quidem tempore exarsit, seu ignis in siluis, curiosissima eius mens; auidè enim conquirere, atque congerere occæpit quotquot antiquos potuit nummos, singulis legendis, ac interpretandis acerrimo incumbens studio: qua occasione cæpit etiam inscriptiones omnes siue sepulchrales, siue alias perquirere, & studiosè obseruire. Destinatus est deinde
1596. cum fratre Turnonem, vt sub patribus Societatis IESU Philosophiæ curriculum, quod appellant, absolueret; fratre adhuc in studiis humanioribus consistente. Cùm verò studio Matheseos præsertim inardesceret, ardentè arripuit quam illic docebant Cosmographiam, certus historiam sine illa, ac sine Chronologia penitè obscuram, imperuiamque esse. Sic post vsum Spheræ, addidit etiam vsum Astrolabij, literis repetitis scribens, & expostulans aduersus quendam artificem, qui in se pridem receperat Astrolabij fabricam, nec ipsi tamen operam satis diligentem nauarât. Nihil intereà remittebat neque ex studio rei antiquariæ, cuius causâ Petro Royero professorum vni fuit eximiè carus; neque vniuersè ex ipsis humanioribus studiis, quæ, vt à fratre excolerentur, tanquam magister attendebat. Sed ad ista nêpe vt sufficeret, studere solebat in plurimam noctem. Euenit proinde, vt partim ex nativâ constitutione, partim ex assiduo labore, prolixisque vigiliis debilitatè stomachiantè contractam adauxerit, pulueremque

ideo vsurpauerit, quem literis ad patrem datis appellauit digestiuum. Quia literarum incidit mentio, idcirco adnotari potest illum ex eo iam tempore scripsisse omnia accuratè, stylo videlicet tentato per repetitas schedulas, quæ & mihi incidere in manus, & fidem fecere non fuisse illi vnquam phrasim luxuriantem, aut immaturam. Dixit nimirum semper quod voluit communibus verbis; tametsi non sine delectu, nec sine ea gratia, & vrbantate, qua testando beneuolentiam, obseruantiam, gratitudinem; qua excusando, commendando, gratulando, cæteraque huiusmodi præstando mirificus fuit. Nam ad nouercam, exempli gratiâ, ob quædam donariola, Fœlices videmur, ô mater, quod beneficiis tuis cumulamur: sed infœlices tamen, quandò sic illis obruimur, vt agnoscendo impares simus. Talia porrò dum scriberet, reponebat intereà quæ munuscula poterat; nempè ab ea vsque ætate vinci benefaciendo nescius, nisi quæ prorsus impotens erat. Ita ad amicum coætaneum scribens, ingratitudeque iam rum detestatus, Mihi ipsi, inquit, intulero manus, si vel minimæ in officio negligentia coargui possim. Eodem spectat, quòd præceptorum sollicitudinem commendabat, vt à patre, ac patruo honoraria promissis longè vberiora consequerentur. De studiis vt iterum dicam, non tulit patruus, vt triennium Philosophiæ impenderet: sed, exacto Turnone anno, reuocatum voluit Aquas-Sextias, vt destinatus Senatus iurisprudentiæ initiaretur. Id etiam expetierat, cum ille adhuc Turnone foret; scribens scilicet, vt

1596.

1597.

1597. maturè Rubricarum Enchiridium haberet præ manibus: verùm ipse, vt Iuris studium tantisper adhuc declinaret, hunc prætextum quæsierat, Volueras, patruæ, vt operam arti oratoriæ sedulam nauarem: si per telicæat igitur, faciam, quoniam heic possum percommode, ac initiabor prudentiæ Iuris, cum ex hac vrbe discessero: tu præscribe tamen quod factò sit opus; si perstes enim, nihil mihi fas, nisi vt iussa capeßam tua. Itaque domum euocatus, Iurisprudentiæ nomen dedit sub Francisco Fortio Andino, qui in Aquensi Curia aduocatus, & docendi iuris oppidò peritus, callebat præterea, si quis alius, elegantiores literas. Is Peireskij parentibus carus cœpit magnâ curâ Institutiones prælegere; ille verò tam occasione huiusmodi studij, quam, ne cœptam eruditionem omninò intermitteret, texere suo Marte cœpit Imperatorum seriem, à quibus leges fuerant latæ. Texuit & seriem Consulum, magistratuúmque cæterorum, conquisitis vndique numismatibus, vt & facie, & rebus gestis Latores legum agnosceret. Sic habere etiam curauit icones celebriorum Iurisconsultorum, vt cum in illorum responsa, interpretationésque incideret, fieret memoria tenacior ex concepto cuiusque vultu. Erat tum porrò Aquis-Sextiis Petrus Antonius Rascaßius Bagarius rei antiquariæ peritissimus: postea quippe Henricus Magnus, propter famæ celebritatem, illum accersuit, & cimeliarchio suo præfecit. Ipsi igitur succisuiis horis Peireskius frequens aderat; vt sciscitaretur, edoceretúrque; ille verò sagacitatem, crudi-



eruditionemq; miratus, & coniunctam modestiã cum  
 discēdi ardore amicè complexus, celare nihil poterat; 1597.  
 actum varia cimelia diebus variis demonstrabat, tum  
 prolatis libris coniecturas suas, explicationesque ful-  
 ciebat, tum singulareis Peireskij interpretationes &  
 admittere, & commendare non grauabatur. Anno 1598.  
 superato, Auenionem rursus concessit, vbi priuatus  
 illi doctor Petrus David natione Burgundus, qui  
 fuit deinceps Semurij capitalis Profenescallus. Huic  
 quoque præter peritiã iuris suauiores Musæ propi-  
 tiæ erant; vnde facillè ferebat Peireskium interpone-  
 re iuris studio rerum antiquarum peruestigationem.  
 Ea de causa non infrequenter cum Bagarrio de re  
 nummaria, & de rebus aliis selectis per literas egit.  
 Perscripsit aliquando ad illum singularia quæque in  
 Romæ cuiusdam Arelatensis cimeliarchio observa-  
 ta, misitque inter cætera obtentum pro eo cætypum  
 ex eleganti iaspide Deianiræ per Nessum raptæ. In-  
 terdum etiam recuperata egregia Neronis, Vitellii-  
 que numismata misit ad patruum, exorauitque, vt  
 ea exornari perinde curaret, & exornatum Hercu-  
 lem, Agrippinamque iam habebat. Rogauit quo-  
 que, vt ad se anulum quendam mitteret, com-  
 mutandum, vt sperabat, cum Corneola, seu Ony-  
 che quadam, quæ & præstantissimi, inquit, artificis  
 est, & incomparabilis, sed apud possessorem incom-  
 perti pretij. Memoro ista ex pluribus, vt quis ex illo  
 iam tempore circa hæc fuerit, meliùs noscatur. Cæ-  
 terùm qui curiosam eius indolem quammaximè fo-  
 uuit, Petrus Antonius Ghibertus Neapolitanus fuit,

1598.

quo Auditore Cardinalis Aquauiuua tum utebatur. Is enim ipsi rara quædam, ac non priùs visa monstrauit; & inter libros alios, etiam quosdam Huberti Goltzj, quos nondum habuerat, in plurimos dies commodatò dedit. Quin-etiam mentem viuidam, sagacemque perspicens, hortatus est, vt in Italiam iter institueret, habiturus, Romæ præsertim, vnde explere animum posset. Agebat tum annum ætatis decimum octauum; cum de profectioe in Italiam cogitans, natandi artem addidicit. Ante id tempus solitus erat se per æstare abluere in minore Rhodani alueo, qui est Barthalasiæ insulæ ad ortum, & in quem se Sorga fluuiolus exonerat. Deprehendit autem aliquando fundum, quod alias æquabile, & molliusculum obseruârat, induruisse in globulos, moleculasve, qualia oua sunt, cortice detracto, vbi coctiora fuerint. Id demiratus & collegit, & detulit aliquot domum, vt præceptor ostenderet, & facti causam sciscitaretur. Miraculum verò adauctum, vbi post dies non ita multos, cum redisset ad fluuium, deprehendit moleculas induruisse planè in flumatileis lapides, idemque etiam obseruauit contigisse iis, quas asseruabat repositas domi. Atque exinde quidem cœpit circa lapidum generationem philosophari; sed res dicenda posterius est. Tandem verò cum desiderio inuisendi Romam flagraret, veritus tamen ne parentes id abnuerent, petiit duntaxat Patauium mitti, vbi celeberrima iuris studia essent. Tacitè autem cogitabat proximè esse annum sæcularem, veniarumve solemniū; ac se ipsius oc-

casione posse Patauio Romam adire. Incipiebat tum 1599  
 fluere annus superioris sæculi nonagesimus nonus,  
 cum Cardinalis Ioyosæus discedens in Italiam, erat  
 Ferrariam concessurus. Videlicet Clemens octauus  
 conditionem caducam ex morte Alphonfi secundi Atte-  
 stini recepturus, eò discesserat; eaque de causa Car-  
 dinalis non Romam, sed illuc tendebat. Itaque Pei-  
 reskius valdè exoptârat se in ipsius comitatum vnâ  
 cum fratre dedere; at parentibus secus visum. Nam  
 constituerunt quidem fauere laudato desiderio; sed  
 censuere tamen expectandum autumnum, tum vt  
 tempestas foret moderatior, adolescentésque potiùs  
 hieme, quàm æstate succedente, alieno cælo assuesce-  
 rent; tum vt commodiùs de necessario apparatu pro-  
 uideretur. Quærendus porrò primùm fuit, qui studia  
 & mores eorum regeret; tametsi ea erat vtriusque, &  
 ipsius Peireskij præsertim moderatio, atq; prudentia,  
 vt videretur honori potiùs, quàm necessitati ductor  
 designandus. Itaque delectus est ipsis Paulus Gudanes  
 Fonuius, nobilis è Bearnia vir, qui ex Italia, Polonia,  
 Germania, aliisque regionibus redux, multorum iam  
 hominum mores, ciuitatesque nouerat, quemque  
 Belleuæus Cancellarius in proximos annos filio de-  
 stinârat. Discessere ergo cum illo sub Septembris ini-  
 tium, prætulitque Peireskius soluere ex Cannensi por-  
 tu, tum vt antiquum Monasterium in Lerone insu-  
 la proxime situm inuiseret; tum vt priùs occurren-  
 tia ad forum Iulij monumenta antiquitatis coràm lu-  
 straret. Cum appulissent Genuam, ac spectassent  
 abundè satis palatia illa magnifica, fuit quidem præ-

1599. tereâ superandus mari Veneris, ac Ericis portus; sed voluit tamen Peireskius terrâ deinceps contendere, tum quòd ex mari malè haberet, tum quòd lustrare curiosè vellet, quæ animo conceperat. Videlicet itinerarium suo sibi marte apparârat, statuerâtque non sic ex vrbe in urbem rectâ pergere, quin, si heinc inde aliqua notatu digna memorarentur, diuertere illuc prohibitu posset. Heinc sese nunquàm in extraneorum comitatum sponte adhibuit, & vbi se alij ipsi adiunxerunt, urbana quadam excusatione seiunctionem breui faciendam præuenit. Parum porrò abfuit, quin ex digressiones, ipso statim initio, illi pessimè cesserint. Cùm enim ad fodinas Massæ inspiciundas deflecteret, ductorem se vnus extorrium, quos Banditos vocant, sic præbuit, vt nisi maturè fuisset agnitus, deduxisset planè in carnificinam. Commoratus nonnihil Luca, spectare Pisis voluit insigne cimeliarchium: non potuit tamen, nisi postquam Liburnum inuisit, ac in eam urbem rediit. Memini verò, inter cætera, quæ ibi visa commemorabat, admiratum illum Corallij plantam, quæ humano cranio supercreuerat: quod adnoto, quia hæc deinceps fuit illi non postrema causâ, vt adesset coram in expiscatione Corallij, de qua suo postè loco dicendum. Vt paucis loca alia perstringam, iter exinde fecit Florentiâ, Bononiâ, Ferrariâ, ac vbi fuit paucis diebus immoratus Venetiis, sedem Patavij denique fixit. Illeic paucos menses vix fuit, cùm ipsius virtus apud vniuersam Academiam inclaruit. Quippe tamen vna cum fratre professores juris cir-

cumstaret frequens, ac nominatim Iacobum Gal- 1599.  
 lum, Bartholomæum Siluaticum, Ioachimum Scäi-  
 num, Ottonellum Discalcium: nihilominus alios  
 etiam, quotquot aderant, eruditos viros & conuenit,  
 & facile in admirationem traxit. Cæteros inter, Tho-  
 mas Segetus, ille nempe, quem Lipsius centariâ ter-  
 tiâ Epistolarum commendatum iam fecerat, sic suam  
 ipsi beneuolentiam, obseruantiamque significauit,  
 vt inscriptum priùs hoc voluerit, GENIO GALLIÆ  
 NARBONENSIS, IN GENIO, ET MATVRÆ, IM-  
 MATVRO ÆVO, NICOLAI FABRICII VIRTU-  
 TI SACRVM. PATAVII PRID. NATAL. CHRIS-  
 TI, CIO. IO. IC. Vir autem eximius Erycius Putea-  
 nus, non Lipsio modò collaudatus, ac postmodum  
 datus successor; sed iam tum etiam destinatus, qui  
 Mediolani ageret & Chronographum regium, &  
 artis Oratoriæ interpretem primum, in inscriptione ista  
 præiuit, LARE SECRETO. CUI GRATIÆ ADO-  
 LESCENTIAM ORNANT, ERVDITIO IUVEN-  
 TAM, PRVDENTIA SENECTAM; IS ADVLE-  
 SCENS VOLVPTATEM AMICIS CREAT, IUVEN-  
 NIS HONOREM PATRIÆ, SENEX VTRVM-  
 QUE SIBI. TV VERO, NICOLAE FABRICI,  
 CVNCTA SIMVL AMICIS, PATRIÆ, TIBI, IN  
 SPE ÆTATIS, ET FLOREM IUVVENTÆ, ET  
 FRVCTVM SENECTÆ PROFESSVS. PATAVII

∞. IO. KAL. FEBR. Atque hosce quidem re- 1600.  
 fero è multis. Cùm verò in se omnium ora, oculòs-  
 que conuerteret; notissimus sanè, & carissimus po-  
 tissimum fuit laudatissimo illi Ioanni Vincentio Pi-

1600. nello, qui origine Genuensis, & patria Neapolitanus, eam civitatem delegerat, in qua tranquillè ævum degens, totum se bonis artibus, literisque ingenuis promouendis consecraret. Is videlicet Bibliothecam instructissimam apparârat, rerumque omnium exquisitarum promptuarium instruxerat; ac xui illius literatos omneis, quâ propè quâ procul, si quid libris, aliisve rebus opus haberent, adiutabat. Callentissimus ipse rerum, & excitabat omnium studia, & fores suas colloquiis, consuetudinique eruditorum virorum tam aduenarum, quàm indigenarum apertas habebat. Testimonium illi dixerunt & Lipsius, & Scaliger, & Thuanus, & Casaubonus, & Pithæus, & quis non ex laudatis viris? Itaque, talis vir cum esset, deperit statim Peireskij genium, tanquam sui simillimum, admiratusque, & reueritus in adolescente est adultam iam, ac penè maturam virtutem, & eruditionem. Superfunt certè schedulæ variæ, quibus ad illum missitatis, testatus est summam familiaritatem; nunc variè consultans circa numismata, circa rerum gestarum loca, circa responsa danda Vrsino, Velfero, & aliis: nunc gratias agens ob varias interpretationes rerum, locorumque apud auctores difficilium, ob communicatos libros, ectypos, apographa, alia: nunc vicissim mittens, si quando aut Roma, aut aliundè accepisset libros, cimelia, inscriptiones, literas; nunc inuitans ad cognoscendum, colloquendum, spectandum, ferendum iudicium, & id genus cætera, quæ recensere molestum foret; ne quidpiam dicam

de literis, quas ad quadraginta vsque, dum ille Venetiis, Florentiæ, aut Romæ abesset, perscripsit, omneis familiarissimas, & singularis beneuolentiæ testificatione plenas. Commecabat autem Peireskius tertio quoque mense Venetias: tum vt necessariam pecuniam, iuxta nummarias tesseras, à nummulariis exigeret; tum vt viros doctos, litterarumque amantes, veluti Paulum Sarpium, Dominicum Molinum, & complureis alios conueniret; tum vt nihil, quod foret pretio, raritateve in ea ciuitate commendabile, sineret inuisum. Quam quidem ad rem eximie fauebat egregius Christianissimi Regis nomine Orator Philippus Canaius Fraxineus; cum ipse quoque sibi interea pararet amicos, quorum auctoritate nihil fieret imperuium. Præcipuus in illis fuit Fridericus Contarenus Diui Marci procurator, qui, cum Musæum haberet instructissimum, illius tamen pretium non nouit, donec Peireskius demonstrauit quidnam, & quanti æstimandum vnumquodque cimeliorum foret, quid inscriptiones Græcæ tam numismatum, quàm marmorum significarent, & id genus similia, ex quibus singularem viri beneuolentiam est consequutus. Neque verò ipsius modò, sed & totius etiam familiæ: ex quo intercessit illa cum Angelo Contareno viginti post annis agente in Gallia Reipublicæ Oratorem necessitudo; & cum Vincentio Contareno, qui sex annis post librum variarum lectionum edens, *E Gallia vsque, inquit, nobilissimus, & cum turis, tum antiquitatis totius egregie peritus Nicolaus Fabricius me sibi peramicè monendum*

1620. *putauit.* Prætereo Ioannem Mocenicum, cui fuere oppidò quam-rara: prætereo Bembum Equitem, cuius vniuersam penè rerum antiquarum supellectilem à Cardinali vsque Bembo deductam coëmit: prætereo Patriarcham Aquileiensem, in cuius cimeliario memorabat se obseruasse ad trecentos vsque Cameos petraros: prætereo & alios complureis. Refero solùm quod Puteanus, cum Venetius foret, ad Pinellum scripsit xi. Kal. Iunij eâ Epistolâ, quæ edita est in Promulsidæ octogesima secunda. *In ædibus, inquit, Scaramelli fui: Septimæ monumentum vidi, etsi penè frustra: ita similiter omnia expressa, vt nesciam, me hercules, industriam, an memoriam Fabricij nostri, an utramque debeam admirari, qui tam feliciter in summa festinatione ipse pinxit, aut feliciter pingentis postea, ac reformantis manum direxit.* Exinde nempe colligitur, quàm solers foret, ac diligens in singulis obseruandis. Caterùm Venetias profectus sub finem Augusti, ardorem tandem explicuit, consiliumque cepit concedendi exinde Romam, quòd tametsi Porta-Sancta aperienda, & Iobelæi celebritas inchoanda non esset, nisi sæculi, atque adeò anni sequentis initio: existimaret tamen, si quos illeic mensis præoccupando transigeret, haud malè collocatum iri. Nôrat aliunde fore, vt breui celebrarentur Florentiæ memoranda sponsalia inter Henricum Regem Christianissimum, & Mariam Mediceam nunc Reginam matrem: neque volebat committere, vt à se coràm non spectarentur. Itaque postquam Patauium scripsit, ac specialiter ad  
Pinel-



Pinellum, inscriptiones, aliáque mittens, & simul rogans, vt literas ad familiares Romam daret; discessit initio Septembris, lembo conducto Ferrariam, aut certè Francolinum vsque. Non peruenit autem Florentiam ante diem mensis vigesimum, quòd vbiicumque aliquid spectatu dignum occurreret, quantum ad illud peruidendum opus foret, commoraretur. Constitit verò, retardatusque Bononiæ potissimum est, quòd Iulius Cæsar Velius, qui credebatur hausisse totam antiquitatis notitiam, suavi illius congressu captus, detinere ipsum plusculum voluerit. Neque verò se continere optimus senex potuit, quin de sua felicitate in cognoscendo Fabricio, literas calidissimas, mirisque elogijs plenissimas daret. Calidissimas certè eas dixit Pinellus, commendans aliunde, quòd Fabricius ex iis non esset, qui peregrinando nihil aliud, quàm cursitant, quibúsque, iuxta Senecam, illud euenit, vt multa hospitia habeant, nullas amicitias. Accedens Florentiam, habuit aliquas à parentibus literas, ac, inter quasdam commendatitias, reperit speciales Caroli Lotharingij Ducis Guisij, & in Galloprovincia Proregis, ad Nicolaum Brulartum Sillerium, qui fuit deinceps Regni Cancellarius, quique tum Regius Romæ Orator, eò venerat, ad sponsalium celebrationem. Quamobrem ille Peireskium, fratremque accitos in familiam voluit, vt suis sub auspicijs omnia liberiùs contuerentur. Præter verò celebritatem, auidè imprimis spectauit Bibliothecas illas insignis, in quibus agnouit, & penè dicam, adorauit tum magnorum Principum, tum virorum eruditorum, à

1600. quibus bonæ literæ restitui cœpère, vestigia. Nihil speciatiim dico de Pandectis, quos, in Palatio magni Ducis religiosissimè licèt asseruatos, curauit tamen inspicere; lecurus nullum antiquitatis monumentum illustrius in litteratio orbe exstare. Amicos quoque illeic parauit; sed, quantum recordor, nullum constantiorem, quàm Richardum Richardi, studiosum plantarum, atque marmorum; qui ipsum quoquo-versùm ad opera publica, hortósq; deduxit. Mense transacto, Senas petiit, vbi salutare potissimùm voluit Celsum Cittadinum, qui tunc habebat præ manibus tractatum de Origine, progressúque Latinæ, & Italicæ, seu vulgaris Linguae. Inde discedens, Romam tandem sub finem Octobris peruenit. Romæ porrò dici non potest quàm citò fuerit notissimus; non modò, quia iam Pinelli, aliorúmque literæ celebre nomen fecerant; sed maximè etiam, quia cùm primùm vitis in ea vrbe eruditis cœpit congregi, ingentem sui admirationem, atque amorem conciliauit. Prolixum foret recensere quos eximios viros coluerit, à quibus, ob lumen ingenij, & temperatissimos mores, magni habitus fuerit: sed, cùm sileri omnes non possunt, commemorandi imprimis sunt magni illi duo Cardinales, Baronius, atque Bellarminus. Ille nempe obstupescēbat, cùm de insertis in Annaleis inscriptionibus, aliisque rebus ad historiam abstrusiorē spectantibus, edifferentem coràm audiret. Ecquid putas verò, cùm ostendit gemmas, numismatáque varia, quibus Basilidiani, Valentiniani, aliique hæretici inscribere soliti erant vocabula barbata opinionibus

fuis obtegendis? Collegerat nempe complura, ad illu-  
strandum, quod ille in secundum tomum coniecisset  
ex Amethysto Fulvij Vrsini, circa vocem ABPAÆAC,  
qua Basilidiani intellexêre summum Deum, conti-  
nentem Angelos septem, cœlorum septem præsidēs;  
ac præterea eorum trecentas sexaginta quinque virtute-  
tes, iuxta anni dies; idque ob septem literas, numeram-  
lemque earum valorem (iunctis scilicet numeris, pro  
ordine vnus cuiusque in alphabeto literæ) & id genus  
similia, quæ deinceps quoque ad Natalitium Benedi-  
ctum literis exposuit. Bellarminus verò tum eadem,  
tum alia accipiens circa hæreses, veteremque histo-  
riam totam, hærebat quid magis probaret, an sagaci-  
tatem in peruestigando, an solertiam in coniiciendo,  
an iudicium in eligendo, an memoriam in referendo,  
an leporem in explicando. Meritò autem lenissimis  
eius moribus capiebatur: nam, vt omittam cætera,  
confidentem in media plebe auditorem ferè habebat,  
quoties suos paræcos pro concione erudiret, familia-  
ritèrque instiueret. Dicendus deinde Iacobus Sir-  
mondus, inter homines Societatis IESV iam tum  
etiam clarissimus: arctissimam enim cum illo amici-  
tiam inuit, nihilque studiorum non commune habuit.  
Dicendus Lælius Paschalinus, cuius cimeliarchio spe-  
ctabilis quicquam non fuit, quisque illius eruditio-  
nem ita suspexit, ita amauit indolem, vt aliquando co-  
gitaret, ac voluerit pretiosa quæque tradere, quæ ipse  
secum absportaret. Dicendus Fulvius ille Vrsinus,  
cuius nomine inter viros antiquariæ rei studiosos  
maius, celebriusque nullum est, quisque ex perscriptis

1600. à Pinello interpretationibus, expetierat illum nosse perardenter. Dicendus Philippus Pigafetta, ad quem cum Pinellus initio non dedisset litteras, mirum quanta commendatione obliuionem compensârit. Dicendus ille ipse Ghibertus, quem Auenione iam noverat, qui que ad spectandum res varias ipsi deducendo se comitem præbuit. Dicendus, qui etiam eum variè deduxit, Paulus Gualdus, eruditus Vicetinus, qui in Pinelli contubernio ipsum miratus Patauij, Romæ etiam obstupescebat. Dicendi Petrus Stephanonus, Dionysius Octavius Sada, & vniuersè quotquot fuere in vrbe eruditi viri, & bonarum artium, literarumque amantes. Sed & reticendus non est Arnaldus Cardinalis Ossatus, Regia negotia tum Romæ curans, vir eruditione, prudentia, integritate, suauitate morum eximiè conspicuus: qui consuetudine Peireskij exfatiari vix vnquam potuit, neque illum vnquam abs se, dum inuiseretur, non ægrè dimisit. Non reticendus Abbas Montanus, Archiepiscopi Arelatensis patruus, qui virtutis illius potius, quàm Nepotis commendatione, in perpetuum propemodùm contubernium adscitum voluit. Iam neque dici facile potest, quàm vehementi studio vniuersa antiquitatis monumenta peruestigârit. Imprimis enim desiderauit situm Urbis cognoscere, & regiones, quas fuit complexa. Visit montium vestigiis, adeò depressos miratus est, quos putârat adeò sublimeis. Obstupuit inter cæteros Palatinum summè desertum, quo nullus olim frequentior. Disquisiuit, si fortè posset intelligere, aut subodorari, quâ fuissent Pomerij fines tam à Regi-

bus, quàm ab Imperatoribus prolati; & cum ad portas, viasque omneis diligenter attenderet, explorauit tamen præsertim Aureliam, propter eius viæ reliquias, quæ in Prouincia adhuc supersunt. Deinde regiones, vicosque percurrens, agnoscere voluit, quantum licuit, quæ extitissent Prætorum templa, ædes, aræ, luci, sepulcra, asyla, scholæ, bibliothecæ, amphitheatra, theatra, circi, hippodromi, naumachiæ, campi, odæa, fora, emporia, horrea, armamentaria, balnea, thermæ, aquæ, pontes, colossi, obelisci, columnæ, statuæ, & innumera alia, quæ inter legendum auctores adnotauerat, & in commentarios relata circumgestabat. Vix autem vnquam exfatiari contemplando poterat, cum obseruaret quidpiam adhuc siue integrum, siue mutilatum superstes. Sic dies benè multos posuit circa Pantheon, rarum architecturæ exemplar, considerando, conferendoque quicquid Ludouicus Demontiosius fuerat de illo ratiocinatus. Sic, quia nôrat asseruari in Vaticano Palatio tum Herculem truncum, tum Laocoontem cum duobus filiis, opera exquisitissima, & Michaëli Angelo miracula habitæ artis; idcirco illis inspiciendis non vna vice adstitit, vt nec semel etiam inuisit geminas illas Alexandri, & Bucephali statuas, quæ exstant adhuc Phidiæ, & Praxitelis monumenta. Sic aliquoties ad inuisendum C. Sestij Epulonis in via Ostiensi sepulcrum itauit, ob vetustissimas illius, nobilissimasque reliquias. Sic variè spectauit obeliscos varios, sed nullum frequentius, quàm Constantinianum, ob cuius effossionem, translationem, erectionemque laudare fatis non poterat

1600.

generosum Sixti V. Pontificis institutum. Sic & columnas; sed maximè Traianam, atque Antoninianam. Illam quidem, vt Pinello satisfaceret, cui factum satis non fuerat volumine toto de ea (seu de historia vtriusque belli Dacici, à Traiano gesti, prout Alphonsus Ciaconus illam ex columna eruerat) conscripto: vnde & exoptauerat tum exemplum libri à Peireskio quàm perfectissimum conquiri; tum depictas in eo figuras personarum, armorum, gestuum, cum insculptis, secundùm totam cochlidem, per ipsum conferri. Hanc verò, hoc est Antoninianam, vt per diligentem exprimi curaret effusionem illam Iouis Pluuij Romanorum exercitum irrorantis, & hostium copias fulmine ferientis. Eiusmodi certè Iconismum cùm Scaligero postmodùm offerret, ad illustrandum quod Eusebius de prælio commisso inter Antoninum, & Germanos, ac Sarmatas, contulit in annum Olympiadis c. xxx. viii. primum, Hæc, inquit, vna est ex rebus maximè notatu, & spectatu dignis, quas mihi quidem inter omnia antiquitatis monumenta contigit Romæ obseruare. Nec verò harum modò rerum delineationes habere voluit; sed rariorem etiam quarumuis statuarum, quas disquisit in Capitolio, in Vaticano, in Farnesianis, in Cæsianis, in cæteris ædibus; itémque in hortis, ac vineis, &, vt breue faciam, in quibuslibet priuatis, publicisque locis; pictores deducens, qui non modò statuas, intemerataque alia opera; sed truncos etiam, & ruinas ædificiorum veterum, quæ occurrerent, adumbrarent. Deferre quoque solitus erat selecta

quædam numismata, quæ conferret cum statuis, ex- 1600.  
 plorans cuiusque ætatem, & agnoscens plerumque  
 manum: cum eâ foret solertiâ, vt momento discer-  
 neret quid re verâ, quidque ex sola imitatione foret  
 antiquum. Sic inscriptionum etiam omnium, quæ  
 saperent antiquitatem, habere voluit apographa,  
 tentans pro sua sagacitate excessas supplere, ac penè  
 desperatas restituere. Rursus Codices MSS. seu Va-  
 ticanos, seu Farnesianos, seu alios, non quantum qui-  
 dem libuit, sed quantum tamen licuit, euoluit; &  
 quotquot inter cæteros maximè rari visi sunt, adno-  
 tavit in tabulis. Sic adnotavit etiam vasa, pondera,  
 mensuras, cælaturas, numismata, simulacra, imagi-  
 nes, & quicquid demùm notatu dignum occurrit in  
 Metallotheccis, iconotheccis, in Promptuariis, Mu-  
 sæis, Xystis, Pergulisque variis; vt præteream innu-  
 mera, quæ vel pretio quæsiuit, vel commutavit, vel  
 dono habuit, quorùmque saltem eclypos, ecmag-  
 mata, aposphragismata, aut iconismos obtinuit.  
 Vnum doluit, se nec habere, nec videre vsquàm po-  
 tuisse memorata Goltzio Tulli Hostilij, ac Seruij  
 Tullij numismata; vt neque alia memorata cum his-  
 ce inscriptionibus, Col. Aquæ-Sextiæ. Col. Arelate.  
 Col. Auenio. Col. Araustio Secundanorum, & simi-  
 lia, quæ amore patriæ ardentissimè, sed frustra tamen  
 requisivit. Ex hisce porrò ingentem sui admiratio-  
 nem excitavit, non modò Romæ, vbi illius amici-  
 tiam eruditi omnes ambierunt, sed in distitis etiam  
 locis, quocumque eius fama peruénit. Ex hoc nimi-  
 rum tempore cœpit, quæ fuit illi necessitudo cum

1600. Natalitio Benedicto, rebus exquisitis instructissimo, ac Fullinij tum commorante; quæque cum Adolpho Occone Augustano medico, tunc iteratò edente volumen de numismatis Imperatorum Romanorum; ut illos taceam, quos iam nôrat, Hieronymum Rubicum Rauennæ, Cæsarem Nichezolan Veronæ, Antonium Tolentinum Cremonæ, Cæsarem Campanum Vicentię, aliisque locis non paucos. Mirum autem quantum Patauij præsertim inclaruerit, adstantibus literis ad ipsum per id tempus datis à Laurentio Pignorio; qui ipse rerum prisicarum adeò peritus, professus est tamen se amplius ex vnis eius literis, quàm ex decem Antiquariorum voluminibus erudiri: quisque suspexit non modò copiam conquistarum ab ipso rerum, sed delectum etiam insignem, cum ex missis duobus quibusdam Constantini numismatibus, agnoscere se, ut ex vngue leonem, dixit. Consimilia scripta ab Edmundo Brutio, Georgio Ragusæo, Iacobo Papifauio, Martino Sandello, & quem nominare primum debui, Hieronymo Aleandro iuniore, vero Musarum delicio; itémque M. Cornaro optimo vrbis Præsule, quicum deinceps per litteras, donec fuit in viuis, amicitiam coluit. Sed quantum quidem fieret Patauij vel id indicat, quòd misso Augustâ Vindelicorum ectypo Sapphiri cuiusdam, inscriptionem præferentis, in qua *Xiphie* vox omnibus curiosis faciebat negotium; Pinellus ad eum scripserit, examénque, & iudicium ea de re ipsi detulerit. Prætermitto autem, ut fecerit satis, vocique lucem attulerit ex Strabone potissimum, cum



ex Polybio loquutus est de venatione *Xiphie*, mon- 1600.  
 stri videlicet marini. Quod ad statum Romæ recen-  
 tioris spectat, nullum fuit Templum, Sacellum, Col-  
 legium, Xenodochium, quod ingressus non fuerit:  
 nullum Palatium magnificum, nullum celebre Pon-  
 tificum opus, ad quod non diuerterit: nulla Raphaë-  
 lis Urbini, Michaëlis Angeli, Polydori Carauagij, Ti-  
 tiani, aut alterius artificis insignis pictura, quam  
 non inspectârît. Sic cæmiteria, cryptâsque illas sub-  
 terraneas, plena venerationis loca, & Christianæ  
 pietatis, constantiæque monumenta. Sic Religiosis  
 cæremoniis, quantum sine discrimine posse putauit,  
 interfuit. Quippe quòd complexione foret non  
 robusta magnoperè, coniiicere sese in turbam tumul-  
 tus plenam detrectabat. Heinc quod ad stas, so-  
 lemneisque Iobelæi attinuit, spectauit quidem, ob-  
 seruauitque ex ipsis quantum potuit; cæterum au-  
 tem Valauesio fratri, tanquam valentiori demanda-  
 uit curam spectandi omnia cominùs, & ad sese re- 1601.  
 ferendi. Idem præstitum circa cæremonias, quas vo-  
 cant cœnæ Domini: quod circiter tempus tam ipse,  
 quàm frater, vt Pontificem iis pauperibus, quos die-  
 tum pascit, ministrantem, simulque in eadem aula  
 discumbentem contuerentur, vices redemère duo-  
 rum pauperum, vestibûsque eorum assumptis, adfue-  
 re inter cæteros, & agniti licèt à Pontifice, ipso ta-  
 men rem placidè dissimulante, omnia spectârunt.  
 Paschalibus Romæ exactis, & postquam varia mu-  
 nera domo accepta distribuit, nonnullâque etiam ad  
 Pinellum misit, profectus est Neapolim. Superfluum

1601. foret recensere quantum, quotiesque diuerterit, vt  
 requireret varia, quæ apud auctores celebrata sunt  
 tam Latij, quàm Campaniæ loca. Affectum se verò  
 præfertim dicebat, cum memorata Virgilio coràm  
 haberet, lustraretque, vt Caietam, vt Cumas, ea-  
 rumque reliquias: vt Misenum montem, & Auer-  
 num Lacum, & similia. Cùm item loca, in quibus  
 exstitisse dicerentur villæ Ciceronis, & Luculli; aut  
 sepulti fuisse Scipio Africanus, & Virgilius: atque id  
 genus cætera, ad magnos viros attinentia. Addebat  
 se, cum crypten illam, seu, vt appellat Seneca, car-  
 cerem longum, & obscurum, Pausilippum scilicet  
 montem per passus mille perforatum, cundo, re-  
 deundòque spectaret, doluisse, quòd ignoraretur,  
 certusve non esset, qui tam præclarum facinus, tanto  
 viatorum compendio, commodòque attentauisset.  
 Digniore enim commendatione arbitrabatur esse,  
 quàm Xerxen, cum Græciæ bellum inferens, Athon  
 montem non à continente modò præcidit, sed me-  
 dium etiam perforavit. Neapolim quam-primùm  
 accessit, tenere se non potuit, quin Portæos illos fra-  
 tres conueniret. Cùm inductus autem fuisset ad na-  
 tu maiorem, cui nomen Ioannes Vincentius, is bre-  
 ui colloquio sic affectus fuit, vt ipsum exclamabun-  
 dus ad Ioannem Baptistam natu minorem deduxe-  
 rit, quò & ipse in similem admirationem raperetur.  
 Enarrare autem solebat Peireskius, licèt ipse quoque  
 Ioannes Baptista foret iam grandæuus, adpersis que  
 canis venerabilis; ipsum nihilominus eâ reuerentiâ  
 obseruare solitum iussa, nutusque Ioannis Vincen-

tij, vt maiore non potuiffet ora, atque imperium patris. Cæterùm, vt cum ipsis vltro communicauit plurima, ita viciffim ab iis accepit; neque fpectauit modò quæcunq; afferuabant in Mufæis, pretiofisque armariis; fed etiam omnigenis penè illorum experimentis, prout fibi in votis effe infinuauit, interfuit. Heinc nata ipfi cum vtroque eximia familiaritas, & quæ eft deinceps mutuis literis, officiiffque variis culta amicitia. Inuifit præterè Mufæum Ferrantis Imperati, ipfum quoque raris naturæ operibus instructiffimum; itémque Adriani Guillelmi, Martis Gurguftiolæ, & Matthei Cappuani Conchanorum Principis; tametsi ad hunc extra ciuitatem diuertendum fuit. Monumenta infuper omnia antiquitatis perueftigauit, ac præ cæteris delineatas voluit nescio quas columnas operis Corinthiaci, Apollinémque ad Tripodem, & fimiles quasdam figuras. Ad hæc rogauit, didicitque quicquid licuit cognoscere de familiis Neapolitanis translatis in Prouinciam, & de Prouincialibus translatis in eam regionem. Cùm verò noffet effe in templo Diuæ Claræ nuncupato fepulcra complura Regum, Principumque ex Regia ftirpe ad Carolum primum (quem diximus fuiffe S. Ludouici fratrem) atinentium: idcirco ad illa maximè attendit, præcipua adumbravit, Epitaphia exfcripsit. Quinetiam follicitus fuit in exquirendo fepulcro Simonis Portij. Philofophi celeberrimi, non ita pridem vita defuncti; fed enim curam explorandi, fi quæ fortè inueniretur, & maximè quidem cum Epigraphe, Pinellus ipfi commendarat.

1661. Viuebat tum Neapoli fœmina quædam sanctitate, institutôque vitę illustri. Ea Romam accita à tempore vsque Gregorij tertij-decimi, & ab optimo Bellarmino examinata, probatâque, dicebatur rapi in eam extasim, statim ab assumpto Eucharistico Sacramento, vt, quemadmodum genuflexo erat, ita immota, rigidâque, stipitis instar, consisteret, oculis apertis nihil conspiceret, toto corpore nihil planè sentiret. Itaque noluit Peireskius ex ea vrbe discedere, quin rem factu mirabilem vidisset, atque explorâisset. Ac obrinere illud quidem absque contentione non potuit; sed, vt imperium ipsi nihil erat, perucit tandem, ac præter fratrem, deduxit quoque Ioannem Porcelletum Mallianum, qui fuit deinceps Præful Tullensis. Vidit ergo, explorauitque, & commemorando mirari solebat, si posset quidpiam simile humanitûs contingere; neque facile credebat Cardano referenti sibi quid tale cœnire solitum, quoties animo collibuisse. Postquàm urbem fatis lustrauit, illiûsque elegantiam, amœnitatémque admiratus est, nihil habuit potius in votis, quàm adire Vesuuium, contemplarique locum, in quo magnus Plinius diem obiisset. Ea re peracta, insigni quodam flagrauit desiderio inuisendi Siciliam, & pergendi Meliten vsque. Tria autem erant, præ cœteris, quæ auebat coram spectare, Fretum Scyllæam, Æthnę incendium, Antiquitates Syracusanæ: restitit tamen Fonuius, neque ipse, illo inuito, progredi vsquam voluit. Quare satis fuit totam eam regionem circùm peragraré, & ad loca

etiam aliqua tedire, vt Puteolos, & Baias versus, quò possit oculatiùs duo quædam ædificia subterranea inspicere, quæ Piscina mirabilis, & Labyrinthus appellantur. An adiiciam verò, cum litrus prope Puteolos consideraret, pulueremque requireret aqua marina lapidescentem, detectum ipsi præterea fuisse inter arenas quendam plumbeum, quo cæ-laturæ, ac præsertim Onychinæ conseruarentur. Quòd autem in eo littore numismata ferè exesa deprehenderentur, opinatus est causam esse sulphur, quod tametsi insensibile, in iis tamen oris vbique interuenit, accedente aliundè ex mari falsugineo halitu, cum arrodendi facultate. Altero post mense repetiit Romam, idque vt amicis vale diceret, collatis variis munusculis, ac aliquibus etiam aliò missis. Constituerat nempe redire Patauium ante Solstitium, magnòsque ætus; vnde & paucos intra dies non sine relicto sui desiderio ex vrbe discessit. Instituit autem iter Perusiã, tum Academiæ gratiã, tum spectandi lacus Thrasumeni causã. Deflexit inde Eugubium, occasione inuentæ illeic non ita pridem Tabulæ æneæ lingua veteri Hetrusca perscriptæ. Salutato postea ad Assisium D. Francisci monumento, inuisit Fullinij Natalitium Benedictum, abs quo expectatus ardentissimè fuerat. Spectauit exinde ad Montem Falconem, inter D. Claræ reliquias, tres insignis globulos in cistula fel-lea inuentos, quorum duo, vel tres, non ampliùs, quàm vnus, ponderosi deprehenduntur. Tum votis ad celebre Fanum D. Mariæ Lauretanæ ritè per-

1601.

solutis, adiit Anconam, indeque Vrbinum, ad  
 obtinendum licentiam peruolutandi Bibliothecam  
 Ducis. Digressus Pisaurum, atque Ariminum, ac-  
 cessit Rauennam, vbi Hieronymus Rubeus clarus  
 ille Medicus, patriæque scrutator, complecti illum  
 expetebat, demonstrarèque in ipsa sede Exarchatus  
 nescio quas reliquias Barbariei Gotthicae, & orna-  
 menta Imperatorum, contemporaneorumque Re-  
 gum, cum his nominibus; ATHALARICVS  
 RIX, WITIGES RIX, THEODVISATVS,  
 & id genus alia; simulque ostendere ornamenta  
 quædam Gallæ Placidia, in nescio quo templo,  
 quæ Velius non esse antiqua censuerat: denique ipsi  
 sua manu exemplum Historiæ Rauennatis dare. Per-  
 uenit exinde Venetias, vbi amicis, magna illorum  
 cum voluptate salutatis, cognoscere non obiter  
 voluit Antonium Possuinum, ex Societate IESV,  
 virum optimum, ad quem cum expetisset com-  
 mendatitias literas, *Ecquid quæris proxenetam, re-*  
*scripserat ad illum Sirmondus, cum ad quoscunque*  
*veneris, ad eò ex teipso innotescere, amabilisque euadere*  
*possis?* Postremò non multos post dies, hoc est,  
 medio circiter Iunio, accessit Patauium, vbi tantâ  
 est exceptus lætitiâ, vt videretur quasi quispiam  
 Deus studiosorum eò aduentasse. Maximè verò re-  
 ditu suo recreauit optimum Pinellum, qui diutur-  
 nis, sed lentis morbis iam ingrauescentibus, pro-  
 pendere se in mortem sentiebat. Dies non sufficie-  
 bant audiendo, quæ compererat; neque inspicien-  
 do, quæ attulerat, neque cognoscendo, quæ visa

obscura interpretabatur. Dicam-ne, cum inter eos viros, quos cognouerat, fœlicitati verteret, quòd amicos sibi Baronium, ac Bellarminum parauisset, prouocatum fuisse optimum Pinellum, vt quidnam sibi circa illos contigisset, exponeret? Cùm, inquit, summus Pontifex ante annos treis venisset Ferrariam, dignati sunt illi me inuisere; sed tacitis nominibus, habitúque dissimulato, adeò vt se Presbyteros simpliciter asseuerarent. Ipse ex eorum iconibus, qui viri essent, statim agnoui: sed fingens tamen me ignorare, in eam Musæi partem deduxi, in qua virosum illustrium, ac ipsorum specialiter, imagines erant conspicuæ. Ostensa autem Baronio Bellarmini effigie, Num hæc imago, inquam, ô bone, socium istum tuum repræsenterat eximiè? & ostensa Bellarmino quæ Baronij aderat; Num hæc quoque, inquam, socium istum tuum exquisitè refert? Ac tum illi delusos se, cùm deluderent, agnoscentes in amplexus prolapsi sunt. Porò quia Peireskius præsentiebat se post annum reuocatum iri in patriam; idcirco se ad intermissa Iuris studia composuit: tempore sic dispensato, vt ad alia præterea innumera sufficeret. Siquidem præter varia, de quibus paullò post dicetur, in literatos officia, profecit continuo in notitia abstrusioris historię, altiorisque antiquitatis. Specimen autem infigne dedit, cum subortâ inter curiosos de monte Argæo controuersia, edisseruit ex Iaspide, variisque numismatibus Cæsareę, alibique cufis, originem, ritusque varios, quibus ille mons fuit olim

1601. in Cappadocia adoratus. Linguas præterea semper excoluit, quas credidit vsui futuras. Nam ex Hebraica quidem, & ex utroque caractere, tam vulgari nempe, quàm Samaritano; ex Syriaca item dialecto, idiomatèque Arabico, tantum ferè delibauit, quantum ad siclorum, similiùmque numismatum interpretationem necessarium duxit; vsus magisterio Iudæi cuiusdam commorantis Patauij, cui nomen Rabbi Salomon fuit. Ad Græcam linguam quod adinet, studiosiorem illi operam impendit, tum propter varias constitutiones Imperatorum Græcorum, ipsamque Iuris originem, quæ ad Græcos fonteis refertur; tum propter Philosophiam, seu studium Sapientiæ, proptèrque Poëseos, ac Historiæ, quæ in ea lingua supersunt, antiquissima monumenta; tum propter explicationem gemmarum, numismatum, marmorum, quorum sunt Græcæ inscriptiones, quibûsque illustrandis pulchrum semper duxit, suauissimùmque habuit seriam operam collocare. Heinc cum ad aliquem scriberet Græcarum literarum amantem, exempli causa ad Occonem, qui suas semper Epistolas sententiis Græcis interferebat, solitus erat ipse quoque eruditionem suam testari, nunc versum Græcum præmittendo, nunc quidpiam carmine, aut prosa appositè interpolando: vt ad memoratum Adolphum Occonem, *Fortunate Senex, Te Diuæ illius antiquæ, & venerandæ Μνημοσύνης filie, non iam Αδελφον, sed Αδελφον duplici nomine Germanum dicent.* Nec verò humaniorum modò literarum studiosus fuit, sed multum  
 etiam



etiam inuigilauit Mathematicis artibus, carus ex eo tempore Galileo Galilei, quem & apud Pinellum primùm nouit, & ex inuenta hauriendis aquis tum urbem infestantibus machina, admodùm suspexit. Incubuit quoque plurimùm in peruestigandis causis rerum naturæ admirabilium. Quippe, & varios variè rogauit de illis Parheliis, siue tribus solibus, ac triplici Iride uisis, die Februarij septima, hora circiter uigesima prima. Et de piscibus, aliisque rebus saxificatis philosophaturus, tum variam copiam impetrauit, inque angulo Musæi disposuit; tum ichnographiam eius montis, qui apud Vicetinos iis abundat rebus, obtinuit. Et quicquid fuit cuiquam perspectum circa fossilia, mineralia, rem metallicam, sua seu remuneratione, seu comitate concessum tulit; maximè autem Venetiis; ubi aliunde, cum multa præclara in armamentario se obseruasse diceret, referebat tamen nihil sibi fuisse ad spectu iucundius formatione aluminis in octahedricam figuram. Et frequens adiit rariore hortos, perferutaturus uarietatem, uicis que tam indigenarum, quàm exoticarum plantarum; ac destinans quasdam in Prouinciam, quasdamque uicissim ex Prouincia, nunc in Pinelli, nunc in aliorum uiridaria transferri curans. Et interesse solitus fuit non publicis modò Anatomicorum dissectionibus, sed priuatis etiam Hieronymi Fabricij ab Aquapendente, qui illum propter singularem beneuolentiam admisit, cum specialiter ex ouis gallinæ incubanti suppositis, singula in dies singulos subduceret, ut

1601. ab ipso usque incubationis initio obseruaret seriem formationis pulli. Atque hæc quidem de studiis. Sequitur, ut iam insinuemus, quemadmodum illum ex hoc tempore viri studiosi, eruditique arripere agnouerint gubernaculum literarum. Dicitur est iam, cum Roma rediit, cœpisse optimum Pinellum solito grauius laborare, inque obitum vergere. Is itaque non multò post, quippe sub Augusti initium, è mortalium vita excessit, propè septuagenarius: magno profectò dolore omnium bonorum, eruditorumque; sed Peireskij potissimum, qui illum, tanquam alterum parentem habebat, ac venerabatur. Cæterùm cum ille sui desiderium, quæ patebat orbis literarum reliquisset, consolationi tamen fuit, quòd videretur Peireskio quasi lampada tradidisse. Ipse nimirum ad eius mores ita se composuerat: ita studio rerum nobilium, exemploque benefaciendi, ac promouendi bonas artis animatus euaserat, ut virtutis heroicæ destinatus hæres iure censeretur. Huiusce rei congerenda aliquot testimonia sunt, quæ pleniorem concilient fidem. Imprimis verò citandus occurrit Paulus ille Gualdus, qui Pinelli vitam conscripsit, cuiusque mentio facta iam est. Is postquam viri mortem desseuit, dixitque naturam parè proferre eiusmodi viros, ac Methonis fortasse annum transigendum iis, qui alterum Pinellum expectent; talem scilicet, cuius studium humaniora studia restituat in pristinum splendorem, cuius opes in nobileis libros colligendos impendantur, cuius dignitas doctis viris patrocinio sit; tum


demum subdit, *Ætas sanè nostra, si quem feret eiusmodi, u, ita me Deus amet, non alius erit à NICOLAIO FABRICIO Gallo, domo Aquis-Sextiis, clarissimo adolescente, qui Romæ, & Patavij, vix-dum plenam pubertatem egressus, eo ardore Pinellum, & Pinelli studia est complexus, ut omnibus nobis, & doctis viris, quotquo. his capiuntur literis, miraculo sit. Egregium sanè vaticinium: sed en etiam votum Erycij Puteani, iam tum Mediolani, ut suprâ est dictum, Eloquentiæ, & Chronologiæ professoris. Is scribens ad Peireskium, O vulnus, inquit, quod Pinelli morte acceptum est! Abiit æternus ille vir, ipse nominis, & fama securus: sed nos in desiderio, & dolore reliquit, Musas in squalore. Quis succrescet, & dolorem nobis demet, Musis squalorem? Non doctrina, sed opibus quocac opus. Quis? fallor? an tu ipse hûc vocare, ut sis quod Pinellus fuit? Voueo, voueo, & saluere te iubeo, Iuuenturus spes. Quo loco fortassis non ingratum erit, si Peireskij responsionem adtexuero. Sic igitur ille rescripsit. Peruellis animum meum dolore, dum m. hi incomparabilis viri morte vulnus inslictum refricas. Meritò tu quidem funcbreis, ac luctuosas voces ingeminas, meritò viceni nostram deploras, meritò omneis ad lugendum inuitans exclamas, Quis nobis dolorem demet, Musis squalorem? Sed in fine risum excitas, dum, quasi vaticinari velles, subiungis me, quod Pinellus fuit, futurum; idque, tanquam fieri posset, seriò voues. Quod perinde est, ac si ingenti succisa pinu voueres, ut humili aliqua myrica robur illius, ac proceritatem æquaret. Verùm amor erga me tuus hoc tibi, quiduis aliud meditati, vo-*

1601. tum extorsit, cuius, ut reor, nunquam te damnatum iri, aut reum fore sperasti. Quod si ego tibi idipsum vouens, vatis illud accinam, Tu nunc eris alter ab illo, qui te penitens nôrunt, sat scio, me vatem affirmabunt hand vanum; tua namque hoc opus opis non mea. Arguté sanè, & eleganter; tamerli id dissimulauit, quod verissimè à Puteano dictum, ad subeundum id muneris, opibus quoque opus esse. Fuère & aliæ perelegantes vtrimque literæ conscriptæ, exstátque speciatim vna edita in secundis Ferculis, seu centuria Epistolarum Puteani secunda, qua sub initium sequentis anni, qui fuit supra millesimum, sexcentessimumque secundus, ille gratiosè conquestus est se Deorum genus nominatum. Fuère, inquam, aliæ literæ conscriptæ: sed ad rem facientis excerpti, ex quibus abundè intelligitur quàm apposité Ianus Gruterus in præfatione magni illius Inscriptionum voluminis ita coniunctim nominârit, commendauerstque Erycium Puteanum, & Nicolaum Fabricium, vt iuuenes esse præ cæteris dixerit,

—— Sacros qui sollicitare fluores

*Aonidum, totâmq; solent haurire Aganippen.*

Verfabatur porrò sub prælo ingens illud opus, cum Pinellus concessit fatis: Peireskii autem suppeditauit, quæ in illud insererentur, non modò ex iis, quæ inter Pinelliana cimelia, sed etiam ex iis, quæ Romæ, quæ Venetiis, quæ aliis in locis obseruârat, descripsérâtque, vt docet illud toties subiectum inscriptionibus, *Ex Nicolai Fabricij schedis.* Venio iam ad Marcum Velsærum, cuius interuentu Gruterus

schedas illas obtinuit. Ille Pinello propè par, & 1601.  
 singularis amicus, florebat Augustæ Vindellicorum  
 Duumvir. Me tacente, scripta illius, omnèsq; viri  
 eruditi, opem ipsius munificam, paratissimamq;   
 experti, quantus vir fuerit, fatis loquuntur. Velse-  
 rus ergo, literis ad Peireskium datis, testatus est  
 tanti se facere ipsum, eiuſque amicitiam, vt nihil  
 sibi fuerit ex tota Pinelli hæreditate expetibilium.  
 Quin etiam ipſe quoque illum non modò virtutum  
 Pinelli hæredem agnosens, sed futurum quoque  
 suarum successorem coniiciens, diligere cœpit, tan-  
 quam filium, & literarum frequentia, quoad vixit,  
 non destitit testatum facere affectum. Hoc vno ipsi  
 durus fuit, quòd sui effigiem constantissimè deneg-  
 gavit, pro eo, quo omnibus aliis ardentissimè fla-  
 gitantibus denegauerat instituto. Et Peireskius ta-  
 men, vt alios nonnullos, sic illum nescientem pin-  
 gi procurauit, conducto artifice, qui ipsius vultum  
 è clandestino loco spectaret. Sic obtinuit quod illi  
 Occo sperare nefas prædixerat, cum id abs Velfero  
 tulisset responsum, *Cato maior posteros volebat quære-  
 re, cur sibi statua nulla posita: mihi contra, quantum  
 video, cauendum, ne quis aliquando miretur, si non  
 indignetur, qua ambitione consortio magnorum virorum,  
 quorum imagines se colligere Fabricius ostendit, irrepse-  
 rim.* Præterea autem quàm præclare Noster illud ex-  
 ceperit: quippe ad Occonem rescribens, *Dixit qui-  
 dem, inquit, Cato non minùs argutè, quàm sapienter,  
 se malle, vt posteri quærerent quare sibi non esset, quàm  
 quare esset posita statua: nunquam tamen, quod legerim,*

1602. *se pingi, aut fingi renuit; cuius rei testes esse possunt icones eius non pauca, quæ in hodiernum diem circumferuntur. Igitur nec Velferus, vera Catonis imago, id abnuere deberet, & ne abnuat, precor preceris, ores ipsum, atque exores iterum oro.* Subnectendus Velfero est Iosephus Iustus Scaliger, vir ille maior, ac celebrior, quàm vt encomio nostro indigeat. Subnectendus, inquam, vt constet quàm sponte, quàmque alacri mente Peireskius se ipsi, aliisq; eruditis deuouerit. Nam ille quidem summoperè sibi ipsi est gratulatus, quòd in Pinelli defuncti locum talis amicus successisset; at occasionem vt accipias, ea fuit huiuscemodi. Scripserat Scaliger ad Pinellum, rogans, vt sibi procuraret Hebraïcos aliquot libros, itemque nummos aliquos Scaligerorum Principum; ac simul miserat tam Patris, quam sui ipsius autographa quædam, & vtriusque etiam icones, prout ille petierat. Scripserat vnà Carolus Clusius, miseratque exemplum suæ rariorum plantarum Historiæ, & iconem desideratam Matthiæ Lobellij: ne quidpiam dicam de destinatis à Scaligero literis ad Carolum Leberoneum Valentinum Episcopum Patauij tum commorantem. Peruenère ista Patauium, cum non modò iam Pinellus obiisset, sed discessisset etiam ex vrbe Cæsar Dux Acheruntj, qui fuit Pinello ex fratre nepos. Quia verò is Gualdo mandarat, vt siquid datum foret ad Patruum, id exciperet, & Neapolin ad se mitteret; idcirco Gualdus omnia excepit, ac priusquàm transmitteret, cum Peireskio communicauit. Itaque Peireskius, cala-

mo arrepto, rescripsit ad Scaligerum: nuntiavit non modò Pinelli, sed etiam Episcopi mortem: securum fecit de donariis à memorato Cæsare grato animo accipiendis: recepit in se quam Pinello commiserat curam librorum Hebraïcorum, ac numismatum: pollicitus est se aliqua saltem, quæ haberet iam, occasione prima missurum: obtulit & nonnulla alia ad illustrationem Scaligeræ gentis, quam cum veneraretur, adiecit se non commisisse, ut icones illæ abirent, quin exempla sibi earum obtineret. Scripsit pari modo ad Clusium, ac dici non potest, quantum illi se tam generosæ indoli, ac singulari humanitati deuincto prædicauerint. Hûc spectat illa Scaligeri ad Velferum Epistola, quæ est in tertium librum inserta, & in qua, *Numismata*, inquit, *gentis Scaligeræ cum literis Fabricij nostri, & tuis accepi; quo nomine gratias tibi ago. Nondum Hebraïcos accepi libros, quos ille ad me ex Italia misit; quia inter mercimonia Raphaelengiana sunt, quæ nondum hûc perlata sunt. Prope diem, quum accepero, & illi, ut gratias agam, scribam, & à me quoque alias expecta.* Scripta est autem Epistola IV. Idus Maij. An subinde commemorabo aliquos ex iis, quibus alacrem operam nauauit? Impri-  
 mis certè, si quid fuerat à Pinello priùs tentatum in studiosorum gratiam, id contentione maxima perficere adnixus fuit. Sic nullum lapidem non mouit, ut quam ille spem fecerat Prospero Alpino percelebri Medico recuperandi de tertia Methodicorum secta tractatus, opere ipso posset explere. Deinde, cum dicendi sint, quos Pinelli exemplo iuuuit, vnus instar

1802.

omnium esse posset memoratus Pignorius, dum  
 Ifiacam mensam exponens ( Tabulam nempe illam  
 anciam Hieroglyphicis Ægyptiis insignem, quæ ex  
 Petri Bembi Cardinalis reliquiis eo tempore in Du-  
 cis Mantuæ Bibliotheca asseruabatur ) gratias qui-  
 dem egit imprimis Velfero, sed subiecit tamen, Ni-  
 colao dein Fabricio Chalassij Domino, natalium splendore,  
 & recondita eruditione illustri adolescenti, qui non modò  
 insignes antiquitatis reliquias, quibus instructissimus est,  
 in meum, & studiosorum vsum munusculè contulit; sed  
 etiam aliorum Musæa, ut paterent, sedulo curauit. Eius  
 diligentia factum est, ut non modò Venetiis Frederici  
 Contareni Diui Marci Procuratoris, & Ioannis Moe-  
 nici illustrissimorum virorum præclarissima nummorum, &  
 gemmarum κειμήλια mihi in promptu essent; sed & Ro-  
 mæ ornatissimi viri Laliij Paschalini κέρως ἀμάλθια ( cur  
 enim hoc nomine non appellem bonæ copiæ diuitem thesau-  
 rum? ) de quo nobis numismata, gemmæ, sigilla, rara om-  
 nia insigni humanitate suppeditata sunt. Eidem Fabricio  
 acceptum ferri debet omne id, quod è Natalitij Benedicti  
 pretiosis oculis euulgamus, è quibus auctario nostro cum  
 robore, & incremento spiritus accessit. Ea enim omnia,  
 quæ ad illustrandam Epiphaniij, Irenæi, & aliorum Pa-  
 trum historiam Sæctarios antiquos exagitantem attulimus,  
 inde profecta sunt. Hæc fufiusculè refero; quoniam ex  
 iis, quæ iam antè attigi, pluscula confirmant. Adde  
 verò circa Pignorium, cum is librum de Patauinis ori-  
 ginibus scriberet, obtinuisse illi Peireskium à Ioan-  
 ne Vincentio à Porta, quod ipse postea memorauit,  
 & Philippus etiam Tomafinus in Tito Liuio retulit,  
 circa



circa Parentis historiæ bracchium. Nimirum ci-  
 ues Patauini ex asseruatis apud se Titi Liuij ossibus  
 alterum bracchium exemerant, concesserantque in-  
 clyto illi studiorum fautori Alphonso Arragonum  
 Regi, cum illud instantissimè per Antonium Panor-  
 mitam Legatum suum exorâsset, ab anno vsque sa-  
 luti millesimo quadringentesimo quinquagesimo  
 primo. Cum ignoraretur verò ecquid de bracchio  
 actum foret, occasionem cepit Peireskius mittendi  
 complura ad Portæum munuscula, quasi compen-  
 sans ectypum marmoris cuiuspiam, in quo erat ex-  
 pressus ritus mittendi milites sub iugum; ac simul  
 efflagitauit vt rescriberet, quid pro sua sagacitate de  
 bracchio compertum haberet. Rescripsit autem ille  
 consequenter, neque Alphonsum morte præuen-  
 tum, neque etiam Panormitam condere potuisse pro  
 votis id bracchium: successorem verò istius à secre-  
 tis regni, conclusisse sub marmore, collocassè-  
 que extra Oratorium, cum inscriptione huiusmodi,  
 T. LIVII HISTORICI BRACCHIVM, QVOD  
 OLIM ANTONIVS PANORMITA A PATAVI-  
 NIS IMPETRAVERAT, IO. IOVIANVS PON-  
 TANVS MVLTOS POST ANNOS CONDIDIT:  
 ceterum à multis iam annis id marmor non fuisse  
 conspectum, ob sacellum à nescio quibus confrat-  
 ribus superextructum. Vt fuit porrò Peireskius er-  
 ga Pignorium munificus: sic fuit etiam erga Vlyss-  
 sem Aldrouandum percelebrem illum de Animalibus  
 scriptorem, qui multa ab eo numismata habuit,  
 maximèque Asiatica, illustrandis iis, quæ circa ani-

1602.

malium symbola iam ediderat, ac tum de nouo apparatus. Atque is quidem Bononiâ scribens animo reuerâ grato pollicitus est se commendaturum per quem profecisset : sed in cæcitatem breui incidens id, quod destinârat, perficere potis non fuit. Idem fuerat pollicitus Ioannes Baptista Villalpandus, de illius nomine, patria, conditione sollicitus, vt testari posset à quo accepisset & siclos, & pleraque alia, amplificando tractatui de nummis Hebraïcis, post editos iam magnos illos in Ezechielem commentarios. De Sirmondo heic memorandum, quòd cùm accipere à Peireskio Roma discedente noluisset, nisi ex iis numismatis, quæ geminata illi adessent, postulauisse ipsum tamen, obtinuisseque ab eo, postquam Patauium rediit, plusquam ducentos ectypos, vel ex Græcanicis duntaxat. Eius scilicet generis cœgerat iam supra mille, quæ forent penitus intacta rei nummariæ auctoribus : & cùm haberet cusa tam ante, quam post Romanum imperium in ciuitatibus quibusque Græciæ, Asiæque præcipuis, ex quibus contexerat seriem Seleucidarum Principum, ab Alexandro ad Romanos vsque : eamobrem Sirmondus hanc seriem desiderauit cognoscere, vt illius instar seriem Principum Ægyptiorum texere posset. Sed faciendus his modus est. Porrò iam penè triennium in Italia exegerat, cùm apparare reditum cœpit. Ac habuerat quidem in votis Venetiis tendere Augustam, tum vt Velsorum, Oconémque ea in vrbe inuiferet : tum vt exinde commissus Danubio circumstantia Germaniæ, Hungariæque loca lustraret,

& Constantinopolim tandem per Euxinum Pontum, Bosphorúmque Thracium perueniret, peragraturus deinceps quicquid liceret ex Græcia : verùm Fonuius planè abnuìt , vel quia censeret Patrem, Patruúmque id consilium auersaturos, ob digressiõnem prolixam nimis , periculísque plenissimam ; vel etiam quia ipse Parisios repetitò accerferetur. Peirefkius ergo nihil planè ausus ipso repugnante moliri, res suas ita composuit , vt imprimis omneis Italiae amicos , quibus vale coràm dicere non potuit , literis salutauerit, oblatóque obsequio, & plerumque etiam adiunãtis munusculis deuinxerit. Sic exteros quoque, ac præ aliis Scaligerum , cui ad superiùs memorata adiecit nummos ab amicis Veronensibus recens habitos , nonnulláque alia spectantia ad Scaligeranam familiam. Coëgit deinde quicquid potuit seu librorum , seu cimeliorum , seu aliarum rerum exquisitarum nancisci : ratus sibi in patria parem copiam non occurruram. Discessurus coniecit omnia cum sarcinulis in aliquot capfas , quas direxit Genüam , conuehendas inde Massiliam : ac reseruauit solùm rario-  
ra, & pretiosiora aliqua, quæ vnà translata eandem secum experirentur fortunam. Videlicet , cùm sibi satis lustratum putaret ex Liguria, peragrarè Galliam Cisalpinam voluit, emergereque Lugdunum , vt prouidere illic posset quemadmodum litteras ab amicis acciperet , & vicissim ad illos daret. Postremùm relicto ingenti sui desiderio Patauij præsertim, ac Venetiis ( ne quidpiam dicam de Augusta, vbi Velserus concepta spe complectendi illum frustratus,

1601.

quasi dimidium animæ subduceretur, ingemuit) itineri sese commisit. Diuertit autem primum Vicentiam, salutaturus illeic amicos, ac inuisurus eum montem, cuius, vt dictum est iam antè, ichnographiam quæsierat. Considerauit etiam Gustosæ illam venti dispensationem per canaleis, ac tubulos; accepitque, & in commentarios retulit historiam illius, qui nascentem e crypta ventum in loco satis dissito, domum vsque per meatum subterraneum ita deduxit, vt tandem velut secuerit, distribueritque pro arbitrio. Accessit deinde Veronam, attenditque illeic præsertim ad Scaligerorum sepulcra, quorum, quia tum non licuit adumbrationem obtinere, impetrauit postea interuentu Cæsaris Nichezolæ, & Marci Antonij Montani. Mantuæ cum foret, tam multa vidit, atque adnotauit in Ducis Cimeliarchio, vt cum superioribus annis accepisset direptum fuisse, Germanis urbem vastantibus, vix satis sese consolari per multos dies potuerit, tantam ducebat factam iacturam. Inter cætera spectauit curiosè Ægyptiam illam Tabulam, vt varios de ea scrupulos eximere Dignorio posset. Visâ Cremonâ, voluit Brixiam, Bergamumque diuertere, ac tum venire Mediolanum, vbi non modò Erycius Puteanus, & Septalij fratres, aliisque amici; sed maximè etiam ille nunquam satis laudatus Archipræsul, Cardinalisque Fridericus Borromæus, Ambrosianæ Bibliothecæ iam tum crebrescentis fundator, sunt illum humanissimè, ac per dies multos complexi. Digressus Ticino, Nouaria, Vercellis, peruenit Taurinum, ac superatis Alpibus,

Geneuam ; vbi peruolutis libris variis , spectatôque 1602.  
 Lemmano lacu , Tononum vicum adiit , vt fieret  
 oculatus testis admirandorum facinorum , quæ pã-  
 trare per illud tempus Dæmoniaci perhibebantur.  
 Traiecto lacu , perlustratâque circumuicina Heluetia,  
 soluere vota placuit ad celebre fanum Sancti Clau-  
 dij , ac præsertim pro Patruj cognominis incolumi-  
 tate. Desistere inde volebat Semurium , Dau-  
 idem illum quondam suum præceptorem salutatu-  
 rus , ædificque illas inuisurus , in quibus ante quin-  
 que annos Genebrardus obierat : sed rerum in Bur-  
 gundia ob factionem Bironij Marefcalli innouata-  
 rum , suspectarumque status deterruit. Deflexit ergo  
 potius Lugdunum , vbi acceptâ pecuniâ , persoluit  
 largè honorarium Ductori suo Parisios , vt iam di-  
 ctum est , discessuro. Deinceps , quamuis amore  
 patriæ , parentumque teneretur , callidè tamen con-  
 silium cepit non pergendi recto itinere domum , sed  
 discedendi Monspelium , vbi Iulius Pacius à Beriga  
 Iurisconsultus Vicetinus profiteri magna cum laude  
 Iurisprudentiam ferebatur. Quia enim satis sibi ipsi  
 circa Iuris studium nondum fecerat , & apud se ta-  
 men constituerat neque postulare , neque adipisci  
 quam lauream vocant Doctoream , absque insigni  
 quadam gloria , testationeque eruditionis ; idcirco  
 domum tendere noluit , ne inuitus adigeretur ad  
 consequendum lauream , possétque priùs sub illustri  
 Antecessore fieri instructior. Itaque concessit Mons-  
 pelium sub Iulij mensis initium , seseque statim ipsi  
 Pacio in contubernium cum fratre dedit. Subinde

verò consilium indicauit Patri, ac Patruo, qui nihil tale suspicantes subueriti sunt, ne fortè in Italia non satis studiosè Iuri incubuisset. Præter eum secessum, argumento fuit, quòd tam ex caplis Genuâ acceptis, quam ex transmissis residuis illis, selectioribusque cimeliis, quibus Monspelium cùm peruenisset, sese exonerauerat, peruiderunt illum debuisse tantum temporis in iis colligendis, cognoscendisque impendere, vt nihil, aut parum omninò, quod impenderetur Iuri, superfuisset. Id autem vbi ille rescituit, quadam veluti apologia suspicionem est amolitus. Nimirùm, se nihil detraxisse horis Iuris studio debitis; sed tantùm quas alij aut ludicris rebus, aut computationibus, aut Venereis illecebris vulgò dederent, succidisse, contriuissèque in comparanda antiquitatis notitia. Quam viderent de ea congeriem, argumento saltem esse pecuniam sibi creditam non fuisse in nequitiam, perditosve vsus absumptam. Cæterùm & se agnouisse non esse studium antiquitatis Iurisprudentiæ inutile, cùm alia ratione non possent pleraque loca seu Digestorum, seu Codicis intelligi; & posse ipsos id experiri, cùm quod, exempli gratiâ, lateret iam Interpretes circa Viriolas ex Smaragdis Vlpiano, ac Paulo sapiùs memoratas, intelligere ex iis possent, quas eruisset Romæ ex quibusdam ruderibus, quasque ad illos mitteret, rem iam à plerisque sæculis inuisam. Existate etiam in sarcinis plureis reliquias ex eo Ære, quod antiqui graue dixerunt (cùm id nimirum penderent) interque parteis Assis variam reperiri Qua-

drantem , qui altera facie Suem præferat , ex quo , 1602.  
& ex Oue , ac Tauro pariter signatis , dicta primùm  
fuit Pecunia , tanquam à pecudibus. Sic & repertum  
iri alia propemodùm innumera , de quibus coràm  
differere , sine voluptate vtriusque non posset. Deni-  
que tam sese , quàm fratrem non diuertisse ad Pa-  
cium , quòd se Iuris ignorantiores suis coætaneis  
crederent ; sed quòd eximium aliquid supra ipsos sa-  
pere vellent. Placuit mirè parentibus instituta de-  
fensio , ac Patruo præsertim , qui tanto ardore vi-  
dendi ipsius inarfit , vt , vix tertio mense exacto , ac-  
cessitum voluerit. Accessit ergo ; sicque Lareis reui-  
sit primùm mense Nouembri , sed adducto tamen  
secum Pacio , vt vel reducendi ipsius prætextu deti-  
neri domi non posset. Relictus verò germanus fuit ,  
quòd è morbo tum conualescens sese dare itineri  
absque periculo non posset. Hec non memorabo  
qua exultatione exceptus Peireskius domi fuerit ,  
neque quo cultu habitus Pacius. Referam duntaxat  
magnum illum virum Guillelmum Varium , qui tum  
erat princeps Aquisgranensis Senatus , quique fuit post-  
modùm suffectus , vt suo infrà loco dicetur , in vi-  
cem Cancellarij , mirari satis non potuisse indolem  
adeò egregiam , raràmque adeò eruditionem tanta  
cum modestia coniunctam ; neque vnquam satis fa-  
tari interrogando , excipiendóque quæ ille scitè ,  
perspicuè , suauiterque commemorabat. Paucis post  
diebus Monspelium vnà cum Pacio rediturus , dese-  
ctendum è via censuit , vt demonstrare illi posset  
scaturiginem Vallis clausæ , non aquarum exundan-

1602. tium copia magis, quàm Petrarchæ, & Lauræ amoribus concelebratam: itémque Arcum illum triumphalem, qui Araufione conspicuus, C. Marij credebatur, cum ipse Fabij Maximi potius esse opinaretur; tum ciuitatem Auenionensem; & fornicatum triplici serie Wardonis, seu Guardonis pontem; ac Nemaufentia quoque nonnulla, quæ ille non aduerterat, tametsi illeic biennio moratus. Quam-primùm autem rediit, tanta se cum alacritate ad studium Iuris composuit, vt horas decem solidas diebus singulis in eo collocaret. Neque verò id solum tempus consecratum est studiis; sed dietim etiam quasdam horas, ac potissimùm ante somnum impendere solitus fuit litteris humanioribus, studiòque rerum antiquarum. Non id abnuebat penitùs Pacius, qui mirè etiam afficiebatur, quoties illum de rebus variis, ad antiquas præsertim leges pertinentibus, dicentem audiret. Quin non modò etiam est passus, sed penè, dicam, auctor fuit, vt Narbone inuiseret, quæ exstant illeic vetustatis non ignobilia monumenta; ac speciatim votum, factàmque Augusto Aræ dedicationem, cuius ante annos triginta effossæ, & Burdigalæ, cum illustratione Eliæ Vincti, excusæ exemplum obtinuerat. Scilicet nondum allatum erat Inscriptio, num Gruteri opus, in quo postea obseruauit Tribunitiæ Augusti potestatem, quæ apud Tacitum legitur trigesima septima, fuisse ex hac ipsissima inscriptione trigesimam octauam. Ad hæc, quia Pacius perlubenter edifferebat de rebus ad Physicæ spectantibus, nullam non occasionem captabat rogandi



tandi illum de causis naturæ abstrusioribus, & maxime quidem per horas relaxando animo datas. Sic cum aliquando noctu incidisset in crustas, squamâsque piscium lucidas, collegit, intulitque clam in Pacij Musæum; ac postea cum illo ingressus, quam præfererat candelam consultò exstinxit, ut illo primum attonito, ac deinde lucem mirante, sciscitaretur ipsius causam. Ac recurrit quidem Pacius ad calorem ex putredine excitatum; sed rogauit Peireskios, cur non sentiretur ergo calor neque in iis squammis, neque in quibusdam lignis putrescentibus? cur horrea præ putredine incalescentia, calx item madefacta, & alia tantoperè calida non emitterent lucem? cur si ob calorem cicindelæ lucent, non lucent etiam animalia cætera tantoperè iis calidiora? Ad quæ Pacius, posse calorem, quem in scholis dicunt virtuales, sufficere; & aliunde exigi certam dispositionem materiæ, quæ reperitur in rebus minùs ad sensum calidis, non reperta in aliis calidioribus sensu deprehensis. Prætereo porro, cum hæc, & alia non fecissent satis Peireskio, nihil deinceps visum fuisse probabilius, quàm lucem omnem flammulam esse, sed rarissimam, tenuissimamve: argumentoque esse lucem Solis, quæ dum cogitur, densaturque, ardet; ad eum modum, quo vapor nihil aliud, quàm aqua rarefacta, tenuatque est, quæ rursus coacta, densaturque, humor apparet. Cum lux autem Solis directa, seu primaria sit adhuc satis densa, ut calorem sui sensibilem faciat; repercussam tamen, secundariamve adeò tenuem euadere, ut eius

1603. calorem sensus non percipiat. Quare & nihil mirum videri, si lucula illa squammarum, similiúmque rerum non sentiatur calida; cum sit longè tenuior illa solari secundaria, intra quam planè euanescit. Quòd res autem calidiores non perinde luceant, causam dici posse; quòd calor vehementior tetriores excitet vapores, seu fuligines, quàm vt connatam luculam patiantur puram emergere, atque idcirco apparere. Rursùs, cum foret valdè curiosus rei anatomicae, ac herbariae; ea propter quoties licitum erat, diuertebat in Regios hortos, à quatuor iam annis instructos, ad Richerium Belleuallium vtriusque demonstratorem, cui nunquam non fuit Peireskij & desideratissima, & iucundissima consuetudo. Diuertebat etiam frequens ad Franciscum Ranchinum, qui ad peritiam Physices, Medicæque eximiam, pulchrè adiungebat notitiam, cultúmque rerum antiquarum. De Ioanne Dortomanno quid dicam, cuius semper solitus fuit & exquisitam doctrinam, & insignem erga se beneuolentiam commendare? Hoc certè Medico est vsus, cum febriculâ laborauit, cumque vexatus est grauiore, quàm eò vsque fuisset expertus, dolore hæmorrhoidum, & nonnulla etiam vrinæ emittendæ difficultate. An adtexam verò quod retulit sapiùs; cum Dortomannus aliquando ægrotantem inuiseret, rogareturque, cur ea vice feriuò solito aduenteret, respondisse ipsum se accedere ex consultatione memorabili pro muliere Belliquadrensi, quæ tum gestaret vtero mensem iam vigésimum tertium. Ea æmpè iteratò nupta, cum ex priore coniugio par-

tus aliquot nonimestreis edidisset, ex posteriore tamen ediderat treis, vnum mensium vndecim, alterum quatuordecim, tertium verò octodecim: & quoniam ex periculis antecedentium puerperiorum, conuicibat sibi ex quarto impendere grauissimum; medicos ideò consuleret, si qua ratione incolumis euadere ex illo posset. Et memini quidem obiecisse me, videret, ne esset eadem scæmina, quam non ita pridem Antonius Saporta, aliique Medici propter simile nescio quid non omninò sanam mente pronunciaissent. Verùm perstitit fuisse aliam, adiiciens ipsam non longè post peperisse infantem cum capillitio, ac dentibus, obtinuissèque à coniuge, ne vltèriùs contingeretur. Vt cumque porrò hac de re sit, (quam venditare pro vera nolim) occasione partim morborum, partim vehementioris studij, effectum est, vt literas ad amicos scriberet raras. Inde euenit, vt cum semel totos quatuor menses à scribendo abstinuisset, & periissent etiam destinatæ quædam in Italiam epistolæ, ideò rumor de eius morte Romæ, ac Patauij precrebuerit; & Pignorius etiam ad Patrem consolatoriam scripserit; Gualdus verò, falsitate rumoris comperta, illum quasi rediuuium salutauerit, crudelem blandè appellitans, quod suâ in scribendo negligentia, amicos tam bonos, tamque constantis enecaret. Videlicet non admittebant quod expectandas à se raras literas præmonuerat, donec studium Iuris foret absolutum. Quare compulsus denique fuit, vt sæpiusculè scriberet; neque ad ipsos Italos modò, sed ad ipsos quoque Velsorum,

1603.

Scaligerum, Clusium. Quia porrò ambages nimis erant magnæ; cum oporteret literas Augustâ, atque Francofurto transferre in Hollandiam; ideò Scaliger auctor fuit, ut literæ mutuò destinarentur Parisios, ad Præsidem illum eximium Iacobum Augustum Thuanum, cuius nomen diffusus est, quàm ut elogio vlllo possit comprehendi. Etenim, quòd Scaliger illum & sui amantissimum, & pro singulari in bonos, eruditòsque omneis affectu ad omne genus officij paratissimum comperisset; idcirco eam ipsi curam non dubitavit committere, ut commendatas ab utroque literas ex æquo curaret. Quare hac primùm occasione, & ex hoc vsque tempore cœpit quæ magna, exultaque deinceps fuit, inter Peireskium, & Thuanum necessitudo. Ad Patrem verò, ac Patrum, uti par fuit, scripsit frequentius: sed maximè ut obtineret, ne ante finem eius anni, qui fuit huius sæculi tertius, Aquas-Sextias euocaretur. Et quia nôrat ciueis Aquensibus ea tempestate procurare, ut non modò Regium Collegium pro humanioribus literis, ac Philosophiæ studio haberent; sed ut priscam etiam Vniuersitatem, Regiis Professoribus illustratam facerent; eapropter scribens ad Parentes miro contendit studio, ut Professori primario Iuris ampla forent stipendia, quo Pacius illuc accederetur. Siquidem perspectum habebat tam Palatinum Comitum, quàm Academiæ Curatores euocare illum ingenti pollicitatione Heidelbergam, ubi iam per complureis annos sui specimen dederat; ipse verò & expetebat posse Aquensem Academiam tan-

to ornamento gloriari, & ægrè ferebat excidere spe, quam satis firmam conceperat efficiendi demùm ex illo virum Catholico-Romanum. Cæterùm, cum non posset ampliùs Patruì votis obfistere, quippe qui resignata illi dignitate Senatoria, etiam ab anni initio regium diploma quæsierat; accessit tandem Aquas Sextias, vt necessarium illi habendæ doctorem gradum consequeretur. Non accessit autem nisi priùs optimè exercitatus, ac nisi obtenta in finem anni dilatione, tum vt Pacium per ferias Natalitias deduceret, tum vt intereà se ad varias actiones obeundas meliùs compararet. Etenim quia moris tum erat in Aquensi Academia, vt nemo priùs ad lauream Doctoratus admitteretur, quàm, præter alia tentamenta, triduanas theseis defendisset; idcirco theseis miscellaneas ex vtroque Iure desumptas, maturè & seligere, & mandare typis oportuit. Et aliunde, quoniam à Patruo accepturus vno die Doctoratus insignia, constituerat ipse in fratrem insequenti die conferre; eapropter habere sibi tempus voluit, ad congerendum vnde posset insigniorum originem, vetustatè que explicare. Accessit ergo tandem cum Pacio sub brumam Aquas-Sextias: tamen si gradum adeptus non est, nisi die Ianuarii insequentis anni decima octaua. Tædium fortassis parerem, si vel per capita attingerem ea, quæ magna cum eruditionis testatione edisseruit singulis illis actionibus, quibus est Lauream consequutus. Satis esto subiicere, gessisse se illum eo cum vigore animi, vt non totam modò coronam in admirationem ra-

1603.

1604.

puerit; sed ipsi etiam Pacio visus fuerit seipsum longè superare. Biduo post, cum ornamenta Doctorica in Fratrem conferret, dici non potest qua suavitate auditores perfuderit. Scilicet ex statua quadam Metrodori cum galero suo, seu Arcadico pileo, & infulis, cumque pallio philosophico, & annulo in sinistra manu: itemque ex statuis quibusdam Hippocratis cum simili pallio, epomidèque adiuncta: ex inscriptione quadam Eubuli Marathonij, ac infulata statua non ad ceruices, sed circum caput: ex consimilibus Platonis, Theophrasti, Phauorini, aliorum: ex cimeliis Gotthicis, in quibus mitræ pileis non admodum absimiles; ex innumeris aliis (ut breue faciam) monumentis, ostendit quemadmodum vsus eiusmodi ornamentorum ab usque Græcis ad Latinos, & ad nos usque transfierit; quemadmodumque ex Philosophia atque vetere Sacerdotio, gradum fecerit in doctrinam, Professionemque multiplicem recentiorum Academiarum; idque citatis passim Conciliis, Patribus, Poëtis, Historicis, Philosophis, Oratoribus, quibus plenam faceret fidem.



DE VITA  
PEIRESKII  
LIBER SECVNDVS.

**V**ix iam desierat celebritas, cùm memoratum, antè diploma, ne, anno maius, antiquaretur, Senatui exhibendum fuit. Id ergo exhibitum quidem, & in acta referri iussum: verùm obtinuit Peireskius, ne propterea statim admitteretur, conscribereturque reipsâ in Senatorum numerum; tum quia videri noluit ex eo numero Patrum amantissimum exegisse; tum quia timuit, ne si semel astringeretur officio, sibi & libertas studiorum, & occasio peregrinandi maturè nimis præriperetur. Heinc quoniam ad amicos scribens, & occupationes doctoreas in excusationem diuturni silentij prætexens, insinuavit simul se ad Senatoriam dignitatem adigi non sponte: responsa tulit varia, congratulantibus plerisque, quòd iam inter Senatores cooptatum arbitrarentur. Ex istis fuit Scaliger, qui & dignitatem nouam commendauit, & con-

1604.

gratulatus ob lauream, subiunxit se aliàs adfuisse Aquis-Sextiis, testem feueri exa minis, quo Academia vteretur. Fuit etiam, Velferus, qui non modò est ob dignitatem congratulatus, sed a dmonitionem etiam, adhortationémque paternam adhibuit, ac inter cætera, *Non esse animo ipsi despondendum: munus Senatorium tamesi spinosum, id tamen prima fronte duntaxat; principium solùm molestum esse, lenire tempus cætera: nihil supra vireis exactum iri; fore Numen propitium; deberi patriæ operam, & quædam alia in cundem sensum.* Sic adhortatus etiam est Pacius, statim ac rediit Monspelium, epistolâ nuncupatoriâ, qua Imperialium Institutionum Analysin ipsi dicauit; quam, quòd nosset illum nondum inter Senatores relatum, dicauit, ac inscripsit solùm, tanquam in *supremo Prouinciæ Senatu Consiliario Regio designato.* Non pigebit porrò hûc transcribere ipsissima, nuncupationis, & adhortationis verba. Sic ergo illum affatus est. *Ad te verò, mi Fabrici, meas lucubrationes mitto. Cùm enim tu antiquis moribus præditus, à nostro conuictu, unà cum suauissimo fratre tuo in patriam rediens, vetusto more, præclara xenia, vel potiùs munera obtuleris, quibus vestram, vestrorùmque Patru, & Patris virorum amplissimorum, & regionum in supremis Senatibus Consiliariorum erga me, meòsque benevolentiam testatam reliquistis: me quoque oportuit, ne ab antiqua, & laudatissima consuetudine discederem, aliquid inuicem rependere, quod grati animi testimonium esset. Quid autem à me proficisci potuit, quod tibi gratius esset, quàm aliquid ex his studiis depromptum, quibus nobilissimâ tua familia*



*familia maximè floret? Nam pecunià neque tu eges, neque ego abundo: hæc verò studia amas, & colis; ac te ex nostris prælectionibus, atque exercitiis profecisse lubens fateri soles. Eximia verò laudis, quam tuo merito in doctoro gradu assumendo es consequutus, participem me quoque esse vis, quasi nostris monitis, & præceptis adiutus, ad illud eruditionis culmen, quò multi frustrà aspirant, ascenderis. De quo tuo, optimique fratris tui nouo honore vobis ex animo gratulor; & ut iam Senatorios animos accipiat, iam in Rempublicam, qua vestram operam requirit, omnes vestras cogitationes conuertatis, publicumque bonum perpetuum vestrorum consiliorum obiectum statuatis, etiam atque etiam hortor. Hac enim re nulla vobis dignior, nulla parentibus vestris (Patruum alterum vestrum parentem agnoscitis) gratior, aut iucundior esse; nulla vos illustriores reddere potest. Hactenus Pacius; Peireskiius verò animum quidem allegendi se aliquando Senatoribus non abiecit: non intermisit etiam prorsus susceptum Iuris studium: verùm dilatione obtenta, & liberioribus iam studiis, ad colendum suauiores Musas, ad promouendum bonas artes, ad adiutandum, quantum potuit, viros bene de literis merentis animum applicuit. Ac primùm quidem variè sollicitatus de coniugio, cælibem vitam prætulit; ratus non posse se vxoris, succrescentisque familiæ sollicitudinem gerere, & expeditum se erga studia, viròsque studiosos tueri. Heinc cum Pater, ipso inconsulto, conuenisset propè de nuptiis cum viri illustris Ioannis Ceppedæi primi Rationum Præsidis vnica filia contrahendis, veniam*

1604.

ardenter petiit non discedendi ab instituto. Quippe se Palladi, ac Musis nomen, fidemque ita dedisse, ut sacrilegium duceret de aliis nuptiis cogitare. Et Pinelli quidem exemplum, alta licet mente repositum, noluit Patri proponere; sed proposuit tamen exemplum Varij, quod præsens ac illustre erat; adiecitque sibi præ aliis domesticum esse coram oculis, quod se non posse, nisi cum laude imitari arbitraretur. Itaque imitatus Patruum ducere vxorem germano concessit; illéque propterea sequente ætate memoratam supra Marchisam à Tullia duxit coniugem, ex cæque tertio anno post Filium suscepit, quem Claudius Patruus, superstes adhuc, cognominem fecit. Deinde, non admodum longè à doctoro gradu suscepto, perlustrare placuit maritimam oram, tum ut omnia antiquitatis monumenta peruestigaret, tum ut rariores quasdam plantas per eam regionem deligeret in Belgenferianum hortum transfereudas. Quòd duxerit autem initium à Foro iulien-sibus antiquitatis reliquiis, circa quas sibi prima vice ( discedendo nempe in Italiam ) abundè factum non putabat, fuit occasio deducendi Draguinianum vsque nobileis consanguineos, qui ad Doctoratus accefferant pompam. Visere autem imprimis voluit opus Romano nomine dignum, intercisam scilicet Rupem, seu excauatam amplum canalem in decliui quadam montis facie, quæ Cyanci fluuij scaturigo altera forum Iulium, à quinto vsque Prouinciali lapide, per anfractus vallium, siluarumque fuit perducenda. Quàm multa verò toto progressu obseruârît,

collegeritque, enumerare prolixum foret: adnoto  
 solùm ipsum exinde cepisse ansam conscribendi,  
 mittendique varia ad amicos varios. Cætera inter  
 plurimi fecit Consulare quoddam numisma, quod  
 dicebat insolitum, & neque Goltzio, neque Vrlino,  
 neque aliis memoratum, quòdque destinauit ad Pi-  
 gnorium, vt cum Friderico Contareno communi-  
 caret. Plurimi etiam inscriptiones quasdam Flami-  
 nij, & Dudistij, de quibus supplendis (nam exse-  
 rant) cum Velfero præsertim egit. Plurimi quædam  
 alia selecta, quæ misit ad Scaligerum, & ex rebus aliis  
 conchas nescio quas, quarum occasione scripsit ad  
 Penam Medicum de Concha anatifera mituli instar  
 conformata. Sed vt de Plantis speciatim dicam, co-  
 mitem adhibuit Botanicum quendam plantarum  
 quouis tempore internoscendarum peritum, capro-  
 ptérque non solùm plantas in suum hortum destina-  
 uit, sed plerarumque etiam radices transmisit ad  
 Clusium, ac inter cæteras Tragacanthæ, Aristolo-  
 chiæ, Asphodeli, Arbuti vtriusque. Significauit au-  
 tem simul desiderium, quo vellet Clusium aliquan-  
 tisper Belgenferij detinere, ostensurus illi Styracem,  
 seu arbutum foliis cotoneæ malo, floribus arantiæ  
 non absimilem, & liquoris fragrantia nequaquam  
 Syrio posthabendum. Is enim ad vnum milliare iux-  
 ta oppidum itanascitur, vt aliàs frustra requiratur.  
 Ostensurus etiam Lentiscum, quæ non minùs Ma-  
 stichen sudet, quàm quæ in Chio insula nasci specia-  
 lis dicitur. Ostensurus & alia quædam vix aliàs vs-  
 quam obseruabilia. Cùm rediisset, agere cœpit de

1604. instituendo Eremitarum Camaldulensium cœnobio in egregia illa solitudine, subrupeâque Ecclesia, quæ Diuæ Mariæ de Angelis sacra, æquâ propè distantia est Massilia m̄ inter, & Aquas-Sextias. Occasioni fuit, quòd Patauij degens eorum institutum valdè probauisset, eruditusque inter ipsos Religiosus nomine Elias, Nouitij cuiusdam causâ, Aquis-Sextiis tum versaretur. Peireskius itaque illius conuersatione delectatus, ipsum per multos menses detinuit, in solitudine sustentauit, ac sæpiùs per complurcis dies commoraturus inuisit. Procurauit intereà vt ciuium tam Aquensium, quàm Massiliensium decreto id cœnobium postularetur. Licentiam quoque instituendi à Mimtensi domino, in cuius ditione est locus, obtinuit, ac circumuicinum dominium, seu fundum pretio acquisiuit. Satagit quàm enixè potuit per Patauinum Episcopum, & Cardinalem Palauicinum, vt Congregationis eius Superiores non Eliam modò illeic loci relinquerent, sed religiosos etiam alios in amplissimam messem destinarent. Rogauit, vt aliquos saltem loco visendo committerent, pecuniâque intereà sumptibus faciendis necessariam misit. Et facta quidem plurima spes: sed postremò tamen irriti conatus. Sic votis etiam non respondit redintegratus pro Pacio labor. Siquidem cum incunte vere euicisset, vt Aquenses destinarent Pacio primariam Iuris cathedram, præstituto stipendio librarum Turonicarum bis mille, & quadringentarum, proficisci ipse Monspelium cum Assessoris vr̄bis voluit, vt si quidpiam difficultatis obsiste-

ret, amoliretur. Et rediit tamen re infecta; præ-  
 xente quidem Pacio, quòd tria librarum millia, præ-  
 ter occurrentia emolumenta, expeteret; sed causâ  
 reuerâ ab vxore datâ, quæ Catholicam urbem exo-  
 sa, Heidelbergensem præoptaret. Incidit verò sta-  
 tim in morbum, è quo vix initio æstatis conualuit.  
 Importuna præsertim fuit mira cutis teneritudo;  
 nam quacumque corporis parte tantilla fieret ve-  
 stium compressio, rubescens tumor cum vehementi  
 prurigine cooriebatur. Casus hic ansam illi præbuit  
 philosophandi de Maculis, quas ab vtero plerique  
 fortiuntur. Quippe cogitatio illum subiit fieri simi-  
 liter posse, vt qua parte corporis grauidæ mulieres  
 sese attrectauerint, dum expetitæ cuiuspiam rei ima-  
 ginatione tentantur, in eadem Embryonis parte  
 eiusmodi rei character suboriatur, exprimatürque.  
 Ita non semel retulit, ac non multis speciatis an-  
 nis ante obitum, cum vnâ philosopharemur de qua-  
 dam canis imagine intra vrinam hominis à rabido  
 cane demorsu conspecta. Ac difficultas quidem erat,  
 cur ille character non corpori matris, sed Embryo-  
 nis inureretur: sed assensit tamen Embryonem vte-  
 ro gestatum vnum corpus cum matre esse, eadêm-  
 que specie alimenti, iisdémque spiritibus secundùm  
 omneis sui parteis sic enutrirî, vegetarîque, vt se-  
 mine ex omnibus partibus deciduo fuit primùm for-  
 matus. Quare & tenue corpusculum iisdem affici  
 casibus, quibus ipsum corpus maternum; ac posse  
 ipsi tantò facilius notam aliquam imprimi, dum,  
 spiritibus speciem conceptam deuentibus, eo ma-

1604.

tris contactu veluti defigitur, quantum ipsum est mollius, ac tenerius. Memini verò id confirmatum memorabili quodam facto, quod ipsi fando accepimus; Muliere nempe grauida in oppido huius Prouinciæ Cippiensis dicto, ante annos circiter sexaginta, pugione confossa, eductum fuisse ex ea Embryonem cum totidem notis liuescentibus, & ad easdem partibus conspicuis, in quibus mater fuerat percussa. Quòd autem, dum illæ fructuum species, cerasa, fraga, aliæque rubescunt, impressi quoque characteres viuidiore rubore sint, causam dici posse affectionem aëris secundum eandem tempestatem similibus spiritibus concitandis idoneam, ut dum vitibus florescentibus vinum in doliis commouetur; sed non est quorsum ea de re vberius quidpiam heic proferatur. Repeto potius Peireskium balnearum usu conualuisse (sanguine putà temperato, perspirabilique facto corpore) ac magno fuisse leuamento, quòd iucundissimam intereà familiaritatem duplicem parauit. Altera fuit cum nobili Francisco Villanouano Flayosci Barone, & Marchionis Transij germano, qui linguæ Græcæ, omnigenæque historiæ callentissimus, quicquid penè erat in tota Prouincia monumentorum vetustatis perspectum ad vnguem habebat. Altera cum celebri viro Francisco Malherbio, qui deinceps habitus fuit Gallicæ linguæ arbiter, & Poëscos facilè princeps. Inuisebat enim vterque; & cum priorem quidem ipsi patria communis, ac studium earundem rerum conciliasset, posteriorem illi quæsiuit commendatio Va-

rij, clarúmque in Prouincia nomen, ex quo tempo- 1604.  
 re fuerat memorato magno Franciæ Priori à Secre-  
 tis. Heinc proinde cæpit Peireskius Malherbij poë-  
 mata cognoscere, suspicere, apud exteros commen-  
 dare. Siquidem cùm mense Septembri illa memo-  
 rabilis Oltendæ obsidio exitum habuisset, pulchrá-  
 que illa carmina, *Arca Parua ducum*, &c. fuissent  
 Gallicis versibus non modò à Vario, sed à Malher-  
 bio etiám expressa, misit illicò cùm ad alios, tum  
 ad ipsum Scaligerum, quem Latinorum carminum  
 arbitrabatur esse auctorem. Taceo autem vt Scali-  
 ger ad ipsum rescripserit auctorem esse Hugonem  
 Grotium, adolescentem lectissimum; puellas verò  
 ex Helicone se, vt senescentem, pridem auersatas;  
 ex quo etiam se excusauit, quòd versus ab eo pro  
 Pinello expetitos non mitteret. Diuersatus per Au-  
 tumnum Belgenferij, spectauit Rarum illum con-  
 cursum trium superiorum Planetarum, qui nonnisi  
 anno quoque octingentesimo contingit, & Magna,  
 seu Maxima potius, Coniunctio meritò vocatur. Et  
 mirabile quidem fuit nasci in eo conuentu Stellam  
 magnitudine Iouem æmulatam, quæ supra annum  
 in eodem Serpentarij pede sic perseuerauerit, vt per-  
 seuerauerat alia in sidere Cassiopeiæ ante annos tri-  
 ginta duos, & alia rursùs ante triennium in constel-  
 latione Cygni. Verùm quia tum Peireskio cœlestis  
 globus non aderat, quò fieret certior de siderum  
 non errantium nomenclatura; ideo facilè credidit  
 Nouam illam stellam ex antiquis esse, ac potissi-  
 mùm videns ipsam non, vt Planetas circumstan-

1604.

teis, obtusi esse luminis, sed fixarum instar mirè  
scintillare. Acceptis post aliquot mensis à Pigno-  
rio literis, didicit Stellam esse recentem, ac obserua-  
ri à Galileo; idque cùm iam ex vespertino in matuti-  
num situm transisset: at quia in morbum incidit,

1605.

quo initio veris multùm laborauit, cùm simul quo-  
que agrotarent Pater, Frater, Patruus, Nouerca, &  
domesticorum nonnulli, idcirco sibi à studio eam  
obseruandi temperauit. Ne memorem, cùm voluit  
postea ad illas parteis respicere, stellam sic fuisse iam  
imminutam, vt fixis circumstantibus, perpetuisque  
nihilo maior, ac vna earum credita, euaniisse iudi-  
cicaretur. Posterioribus tamen annis dolere satis non  
poterat, quòd ad tam rarum spectaculum suis ob-  
uium temporibus studiosè magis non attendisset.  
Per ea tempora cùm Massilià Belgenferium conten-  
deret, transire Castelleto voluit, vt Parochum loci  
nomine Iulianum, ob ingenuam curiositatem sibi  
iam carum, salutarer. Cùm ab ipso aliquantisper ex-  
tra vicum deduceretur, occurrit illis Mulio floridum  
ramum ex Myrto gestans, latifolium, & flore pleno,  
qualem Peireskius neque viderat, neque inaudierat  
exstare. Itaque raram miratus Plantam, perducere vo-  
luit in mediam siluam, vbi enata fuerat, ac trans-  
ferri ipsam curauit, vt excoleretur, propagaretur-  
que. Transferri autem noluit in Belgenferianum  
hortum, quoniam non aderat qui illam satis dili-  
genter curaret; sed in hortum potiùs ipsius Iuliani,  
cuius futurum circa ipsam exquisitum studium con-  
sidit. Et excoluit ille sanè, vt par fuit, quosque ex  
planta



planta manente incolumi, propagatio fieri Belgen-  
 serij potuit. Id attingere visum est, quia nusquam  
 in tota Europa Myrtus pleno flore fuerat agnita; ac  
 debetur Peireskio, quòd iam in hortis Regiis, quòd  
 Romæ, quòd in Belgio, quòd alibi gentium visa-  
 tur. Prætereo ipsi quoque deberi Fungum Coral-  
 loidem dictum, de quo cum Clusius rescriberet,  
*mentionem*, inquit, *faciam in auctario ad Exotico-  
 rum Historiam, quam spero breui publici iuris facere,  
 Fungi cognitionem tibi acceptam relaturus.* Heic non-  
 dum dixi Varium tantoperè fuisse illius consuetu-  
 dine delectatum, vt donec fuit Aquis-Sextiis, con-  
 tinenter penè habere commensalem voluerit. Quin  
 habere etiam voluit peregrinationes, rusticationes-  
 que cum illo communcis; & cum sub Iulij initium  
 profectus est Massiliam, vt Carolum Neouillam  
 Alincurium Ex-legatum Regium Roma redeun-  
 tem inuideret, illum comitem in via facundum con-  
 salutaturum deduxit. Cum destinaret autem pergere  
 Parisios, insinuauit ipsi an-non vellet Urbem, au-  
 lamque cognoscere. Ipse nihil quidem sibi esse ma-  
 gis in votis professus est, & maximè in tanti viri  
 augustissimo comitatu: at obstare dixit volunta-  
 tem Patru, qui paratum aliàs negotiorum causâ  
 eò discedere, id abnuisset, prætulissetque Fratrem  
 proximè discessurum. Scilicet in Regis consilio  
 tum agitabatur negotium circa solutionem Tallia-  
 rum, vt vocant, ad quam Riantiensis contendebant  
 ratione fundorum quorundam Reginaldum  
 Patrem teneri. Enimvero Varius sese curaturum

1605. recepit, ut ipse potius destinaretur, réque ipsa Patruo persuasit tenerum nimis esse affectum, iniuriámque esse, non benevolentiam, arcere tantam indolem à consummatione virtutis. Itaque Patruo, propter viri auctoritatem, consentiente (nam Pater alioquin votis filij numquam apertè repugnauit) dedit sese Peireskius in comitatum Varij, Augusti mensis initio, annóque huius sæculi quinto. Incredible autem dictu quàm citò Parisiis inclaruerit, partim virtutis propriæ, partim Varij commendatione. Primus, quem gestiit salutare, Augustus ille Thuanus fuit, tum ut ob summam humanitatem, ageret coràm gratias; tum ut ab illo acciperet, si à Scaligero quid haberet. Quantâ verò lætitiâ exceptus ab eo fuerit, exprimi non posse ipsemet narrauit. Aperta nimirum statim Bibliotheca tum priuata, tum Regia; apertum quicquid monumentorum ad contexendum historiam asseruabat in scriniis; apertum cor, & viscera sinceritatis miræ profusa. Ipse, tum plura edocuit, quæ ille de viris in Italia eruditis expetiit; tum, quia nonnihil desiderabatur ad conscribendum eorum elogia, recepit se per literas ex amicis consequuturum. Cùm iteratò illum inuisit, acersitus illicò fuit Isaacus Casaubonus, cui sub Thuano commissa erat Bibliotheca Regiæ custodia. Is à primo statim congressu, nescias an magis suspexerit, an amauerit illum magis. Nimirum tam multa accepit, edoctusque ab eo fuit, ut nec publicè, nec priuatim per familiareis lite-

ras tacere id potuerit. Nam primùm quidem edens 1605.  
 Notas ad Epistolam Gregorij Nysseni, quæ est ad  
 Eustathiam, Ambrosiam, & Basilissam, meminit  
 nummi ærei Rogerij Regis Siciliae, quem, inquit,  
*inter multos Arabicè inscriptos, cum variis figuris di-*  
*uersorum Principum nobis ostendit Fabricius de Petris-*  
*co Senator Aquis-Sextiensis, vir eruditissimus.* Deinde,  
 cùm Peireskius illi detexisset errores apud Vrsi-  
 num, & Goltzium, qui Iacobo Stradae, potius  
 quàm numismatibus fidentes, corruperant varia  
 ex gentilitiis nominibus aliquorum Imperatorum,  
 inter triginta Tyrannos sub Gallieno recensito-  
 rum, ac nominatim MARCI PIAVVONII VI-  
 CTORINI, ET LVCII ÆLIANI, ( ex  
 quibus illi MARCVM AVRELIVM, VICTO-  
 RINVM, & SPVRIVM SERVILIVM LOL-  
 LIANVM, contra fidem numismatum, quæ ipse  
 ostendit, commenti immeritò fuerant ) Casaubo-  
 nus gratias amplissimas egit, ac pergens, *Oro te,*  
*inquit, per amicitiam nostram nuperam, sed antiquis-*  
*simam, si per te licet; oro te, inquam, quæ habes eius*  
*generis mihi communices. Omnind quam ingrederis viam*  
*illustrandi eas tenebras, certissima est, & vnica. Ex-*  
*pectabo magnâ auuiditate quæ supra huiusmodi Σχολο-*  
*γιας magnus Scaliger obseruauerit: sed auguror etiam*  
*post illius messem tuo spicilegio fore locum. Est enim*  
*cuiusdam felicitatis incidisse in eos nummos, qui in*  
*illa caligine lucem tibi affulserunt. Sed ne sum proli-*  
*xus, excerpo duntaxat quæ in hæc verba ad illum*  
*scripsit, vno, alteròve post anno. Deum precor, vt*

1605.

tanto Musarum Patrono omnia laeta , ac fausta largiri velit. A te autem peto , ut qui semel tua beneuolentia me dignum iudicasti , etiam porro eandem mihi impertiaris , hoc est , rogatus facias , quod ultro cepisti. Ego me tibi & debere iam multa sentio , & debiturum etiam plura non despero , si tibi dabitur aliqua occasio de studiis nostris bene merendi. Nescio an rescueris iussu ad me fuisse à Serenissimo Duce Vrbinati Codicem Polybij , cuius tu mihi index fuisti : itaque tibi cum primis id beneficium debeo , &c. Notum , ac inter eruditos celebrem virum heic refero , ut ex eo iudicium de cæteris facias. Nam quid memorem Frontonem Ducæum , Papyrium Massonum , & nonnullos alios , quibus salutem per ipsum dici à M. Velfero fuerat expetiturum ? Quid Nicolaum Fabrum , Iacobum Bongarsium , Scæuolam , & Ludouicum San-Marthanos fratres , Franciscum Pithæum Petri germanum , & alios penè innumeros , quibuscum ex eo tempore familiaritatem contraxit ? Dicere præstat nullam fuisse Bibliothecam celebrem , quam euolutam non fecerit , ac præter memoratas quidem , San-Victorianam potissimum , in qua referebat se , cum multa alia , tum speciatim vidisse omnia Puellæ Aurelianensis acta , vindictasque , & effigiem , contexto ex iis magno Codice , iussu Abbatis contemporanei. Sic & complura meminerat , quæ obseruârat in priuatis , ac nominatim Ioannis Iacobi Memmij Roissij , viri indole generosa , & tam virtute propria , quàm genere , & prole illustris , qui etiamnum uiuit felici

senecta princeps Comitum consistorianorum. Itém-  
 que Renati Poterij Episcopi Bellouacensis, quem  
 prædicare solitus erat rarâ doctrinâ spectabilem.  
 Ac rursûs Pauli Petauij Senatoris summè laudati,  
 cuius commendabat quidem supra mille MSS.  
 codices: sed faciebat tamen Cimeliarchium pluris.  
 Cùm ipsum autem videretur esse cumulatissimum;  
 voluit tamen sponte augere variis Regum numif-  
 matis tam primæ, quàm secundæ Stirpis. Dedit  
 nempe quædam, in quibus nomina Regum lege-  
 rentur, v. g. Clotarij coronâ gemmeâ redimiti,  
 (Constantini scilicet more, qui pro laurea gem-  
 meam vsurpauerat) quædam in quibus Comitum, sub  
 quibus numi fuère cusi, vt *FILAPARII* Rhemen-  
 sis, cum inscriptione *REMVVS FIT.* Pari ratione  
 commendabat Francisci Oliuarij Fontanæi cimelia,  
 ac libros. Ex Cimeliarchio autem Regio, cui Ba-  
 garrius iam præerat, æquum sanè fuit nihil ipsum  
 latere. Probauit porrò consilium, quo Francisci Pe-  
 rerij nobilis Aquensis promptuarium præclaris ci-  
 meliis instructissimum transferendum in illud erat:  
 quippe multa adhuc deesse agnouit, vt dignum  
 Regio nomine meritò existimaretur. Quia verò in-  
 ter cætera Bagarrius illi ostendit Amethystum per-  
 elegantem, in qua cælatus Solonis vultus celebris  
 illius Dioscoridis Augusti cælatoris manu; ideò ce-  
 pit ansam edocendi ipsum quidnam sibi vellent fo-  
 raminula in Inscriptione, quam ostendit, obser-  
 uata hac serie,


1605.



Edisseruit enim esse forulos, in quos fuissent inserti clavi continentes Græcas ex metallo literas, quæ cælatoris illius, seu ΔΙΟΚΚΟΥΡΙΑΔΟΥ exprimerent nomen: sed ordine retrogrado, vt proprium est cælaturarum. Id autem manifestum fecit, vbi depictis in alba charta, vti mox est factum, foraminulis, lineas interdixit, quæ eas literas in hunc modum exprimerent,



Sic se interpretatum dixit foramina quædam, quæ visebantur Assisij in antiquo nescio quo Templo. Cùm enim nemo dicere posset ecquid illa significarent, diuinavit ipse inscriptionem esse, seu dedicationem factam ΙΟΒΙ ΟΡΤ. ΜΑΧ. idque demonstrauit per lineas foramina sic connectentes.



Sic sperauit se interpretaturum seriem quandam foraminum Nemaufensis Basilicæ, quam Quadratam Domum appellant, vbi cætupum obtinuisse. Sed

Parisijs vt regrediamur , vix publicum vllum monumentum fuit , quod in examen non reuocârit , de quo iudicium non tulerit. Quippe altero statim mense , ex quo in eam vrbem accessit , literas dedit ad Flayosceum , quibus scripsit se nondum quidem monumenta prisorum Regum San-Dionysiana inuississe : sed iam tamen falsi conuicisse Tumulos exstructos tum Clodouæo ad Sanctam Genouefam , tum Chilperico , & quibusdam alijs ad Sanctum Germanum. Et paucis pòst diebus , cùm eos expendisset , qui ad Sanctum Dionysium , Nihil potui comperire , inquit , quod ante Diui Ludouici tempora satisfecerit ; existimóque omnes illos antiquissimos tumulos tempore eodem , nec multò ante D. Ludouicum constructos. Qui autem placuit maxime , is est nostratis Margarete , sororis nimirum Beatricis primogenite , S. Ludouici vxoris. Denique commendans vetera sigilla , quæ coràm inspexit , eotypisque expressa tulit , ex Archiuis Abbatiarum S. Dionysij , S. Germani , S. Mauri , & cæterarum , vt in quibus continerentur germanæ effigies Karoli Magni , Hludouici Pij , Hlotarij Imperatoris , Pipini Regis Aquitaniæ , Karoli Calui , Karoli Simplicis , aliorumque Regum ex secunda stirpe , Hæc sanè , inquit , satis refellunt tumulosque , & statuas hisce Principibus confectas ante quadringentos , aut quingentos annos. Nihil non adiciendum esset circa aliarum rerum studia : quoniam nihil exstare accepit ex mirabilibus seu artis , seu naturæ operibus , quod non studiose spectauerit , veluti ædificia , opificia , machi-

1605. nas, plantas, animalia, fossilia, omnia denique obseruatu digna. Hæc inter, varia officia quæ propè, quæ procul literatis exhibuit; & cum anxie requisisset ex Paulo Seruita, ex Scaligero, ex Casaubono, ex eruditis aliis ecquid nouissent de Iuenco Cælio Callano Dalmata, cuius Codicem MS. de Attilæ vita Venetiis abspportauerat; is, vt ederetur, animum applicuit.

1606. Anni sequentis ineunte vere, ac breui in Prouinciam redituro Vario, non multo labore obtinuit, vt liceret sibi inuisere Angliam, comitaturu præsertim virum illustrem Antonium Boderium Regium Oratorem illò destinatum. Neque id modò Varius est passus, sed laudato proposito (in quod etiam conspirârunt Thuanus, Memmius, Mericus Vicus, amici alij) recepit sese curaturum, vt Pater, Patruusque factum comprobarent. Discedentem voluit Peireskius Aureliam vsque deducere; vnde priusquàm regrederetur, spectauit attentius tum prisca Ecclesiæ S. Crucis vestigia, quæ vetustatis esse duxit mille, vt minimùm, annorum: tum præter alias statuas, imaginésque tam Karoli Septimi, quàm Ioannæ puellæ, videre eas voluit, quæ in Municipali Curia asseruari perhibebantur; sensitque speciatim effigiem, qua Rex est depictus cum barba, & San-Michaëliano torque, non esse vndequaquæ fidam. Inibat porrò iam mensis Maius, cum discedente Boderio, ipse paucis diebus retardatus fuit, coactus veredis postea subsequi, vt Caleti assequeretur. Cùm soluissent, perpauci fuère ex vniuerso comitatu, quibus ex nauis agitatione, halitúque maris stomachus

non



non fuerit submotus. Peireskius, cum id præcaueret, cæteris relictis, ad malum confedit, ubi & meliùs habuit. Causâ requisitâ, respondit agitationem minimam illa in parte fieri; quamobrem se eò declinasse, ne nausearet, ut cæteri, qui longè magis, tam ad proram, quàm ad puppim agitantur. Appulsus in Angliam, ac postquam præeunte Oratore Iacobum Regem salutauit, carus ipsi habitus est, accersitusque ab eò non semel. Admissus est etiam in conclaue, seditque inter primores Comites in solemnino quodam Conuentu per ea tempora celebrato. Ad viros doctos quod attinet, quos seu Londini, seu Oxonij, seu aliis in locis conuenit, primus fuit ille de sua Britannia benè meritus Guillelmus Camdenus, apud quem cum aliquando sermo incidisset de antiquitate Britannicæ linguæ, ad quam Aremorica spectat, & præsentè Doctore Tato, post rogatas circa complureis variarum Galliæ regionum voces, requisisset etiam quid Arelate, quid Tolonum significarent, responsum tulit, Arelatem eâ linguâ dici ciuitatem in vliginoso loco constitutam; & Tolonum citharam, fortè ob vicinũ promontorium, cui Citharistes nomen fuit. Accepit & id genus alia, ex quibus penè deductus fuit in Strabonis, Taciti, aliorumque sententiam, qui scripserunt Gallos, & Britannos eadem primitus lingua vsos. Alter fuit Robertus Cottonus, inter curiosos, optimèque animatos conspicuus. Deinde tam Iacobus Collius, quàm illius focer Matthias Lobellius, regius Botanographus, quem vtrumque deuinctum voluit. Post-

1606.

cà Albericus Gentilis, Henricus Sauilius, Ioannes Nordenus, & plerique alij. Non tacendus verò eruditus tum iuuenis Ioannes Barclaius, quem quanta beneuolentia prosequutus fuerit, intelligetur inferiùs. Dolere autem solebat non agnitos sibi nec Guillelmum Gilbertum auctorem libri de Magnete, nec Thomam Lydiatum celebrem Mathematicum. Non heic memorabo Bibliothecas varias, in quibus rariores libros obseruauit; non Musæa, in quibus uidit, & ex quibus comparauit quicquid pretiosum licuit. Magni verò ducebat præ cæteris gemmam, centum & quinquaginta libris Turonicis emptam, propter cælatum Aëtionem cum Tiara Phrygia, quem Patrem Andromaches Hæctoris vxoris argumentabatur. Referam solùm, quia maturiùs, quam concepta spes, discedere voluit, idèò maximum fuisse factum ipsius desiderium, & in familia Oratoris, & apud eruditos viros, qui cùm postea variè ipsius meminissent, sufficiet heic excerpere quod memoratus Camdenus habet in descriptione Britannia, cùm de numismatibus ad rem suam pertinentibus verba facit. *Cuiusmodi, inquit, non alibi effossa hæctenus audiui, priusquam nuperrimè nobilissimus, & in re nummorum antiquaria longè doctissimus, & perspicacissimus Nicolaus Faber Petriscius eiusmodi in Gallia reperta mihi ostendit. Et commoratus quidem fuisset non nihil ampliùs in Anglia: sed quia treis duntaxat mensis se abfuturum promiserat, idcirco post mensem discessit in Hollandiam, quam ab vsque initio (sed planè tamen tacitus) constituerat perlustrare. Quo*

discessurus tempore fuit, adiungere se illi voluit nobilis turba iuuenum, qui ipsi quoque fuerant ex Gallia Boderium sequuti. Verum illi quidem ad arma, aliaque studia diuerterunt; ipse perrexit requirere cruditos praesertim viros. Ac salutauit quidem primum quos Middelburgi, Dordraci, Roterodami, Delphis, Hagæ celebrari acceperat: sed id tamen tum in transursu solum, quoniam praecipua illi cura inuisendi Scaligerum Lugdani Batauorum degentem. Constituerat cum ipso primum quasi ignotus colloqui: quamobrem nomine mutato epistolam commendatitiam, quasi à Peireskio conscriptam, missamque illi obtulit. Scaliger autem eam perlectâ, ipsum est humanissimè in Peireskij gratiam complexus. Post multos confertos sermones, & productos obiter libros, voluit Peireskius ex nescio quo paucas lineas exscribere: vbi verò ille chartam, calamumque exhibuit, ac inter dictandum primas lineas characterem vidit, & *ιδιοχειρα* agnouit, tum in amplexus proruens, gratiosissimè conquestus est fraudem. Cùm deinceps variis de rebus colloquerentur suauissimè, Scaliger inter cætera declarauit velle se quidem iteratò procurare editionem Eusebij (nempe non planè arridebat quæ iam tum primum absoluebatur) itemque paterni in Aristotelem de Animalibus commentarij: sed esse tamen animum redeundi postea in Galliam, & apponendi ossa sua Iulij parentis ossibus. Cùm excepisset autem Peireskius non esse illum igitur *επιγονή* mortuorum, illacrymatus Scaliger verbum ea de re non

1606. adiecit. Interpretatus illi Peireskii numismata varia, ac præsertim Siclos, donatus est, inuitus licet, singulari Semisclo, cuius ille præ cæteris interpretationem fuerat demiratus. Donauit ipse multa vicissim, & quod fuit illi iucundissimum, exhibuit, quam detulerat, expectatam ichnographiam, cum inscriptis carminibus sepulcrorum Scaligeranorum. Scilicet eam demùm superiore Martio Veronâ obtinuerat, nec pluribus literis datis habere prius potuerat, ob varios morbos Nichezolæ, & quod Syluius Donius, qui illam aggressus primus fuerat, inter perficiendum obiisset. Vnum, de quo Peireskii auebat interrogare Scaligerum, & non est tamen vnquam ausus, ne rem molestam faceret, fuit opus illud Cyclometricum, seu de Circuli quadratura ante duodecim annos in lucem emissum, ac statim à Francisco Vieta, Adriano Romano (postea quoque à Christophoro Clauio, hominum Societatis IESV *νομιματάριον*) aliisque in eo puluere exercitatissimis erroris conuictum. Nimirùm præmonitus fuit non posse illi eam camarinam sine quadam bile moueri. Quod attinet verò ad Genealogiam, non professus est quidem se subdubitare an reuerâ attineret ad Veronensis Principes, quorum stirpem ille in se desitutam assueuerat: sed paullò tamen liberius, & quasi vellet quid cæteris responderetur, accipere; proposuit ipsi quæ à Scioppio, Guilandino, aliisque fuere obiecta. Post Scaligerum cura fuit inuisendi Karolum Clusium, quem octogenario maiorem podagra tum primùm tentabat, vt & primùm Scaligerum exer-

cuerat , ante paucos menseis. Deprehendit autem 1606.  
imprimi curantem in Appendice altera exoticarum  
plantarum figuram Fungi Coralloidis , quem ad il-  
lum ex Prouincia , cum aliis penè innumeris planta-  
rum , radicum , seminúmque generibus transmiserat.  
Commodùm etiam illum admonuít circa Indicas  
quasdam plantas , in quibus describendis errasset , &  
quasdam , de quibus nihil audiisset , idque prolatis  
commentariis iuxta ostensos sibi Parisiis à Vespasiano  
Robino fructus. Inuísit quoq; post Clusium , præcipua  
Academíæ lumina , ac speciátim iníit amicitiam cum  
Bonauentura Vulcanio , qui circa Procopij versio-  
nem tum occupabatur ; cum Dominico Baudio , qui  
ad peritiam historiæ adiiciebat poëseos elegantiam ,  
& cum nonnullis aliis. Dolere verò solitus fuit ,  
quòd per ea tempora abfuisset Lugduno Daniel  
Heinsius , quem non semel audierat à Scaligero com-  
mendari. Fuit deinceps Amsterodami ; vbi satiari  
vix potuit interrogando , & cognoscendo tam mul-  
ta præclara , & rara , quæ ex vtraque India in id  
emporium conuehuntur. Fuit Enculæ , vt spectaret  
illeic celebre illud Bernardi Paludani Cimeliarchium ,  
in quo non ægrè tulisset , tanquam ad Cyaneos sco-  
pulos consenscere. Redeundo , nonnihil Hagæ  
commoratus , discedere noluit , quin priùs agnouisset  
Hugonem Grotium , quem , tametsi adolescen-  
tem , eruditio planè matura , ac omnigena com-  
mendabat. Diuertit verò Scheuelingam , vt explo-  
raret vectationem , & velocitatem Currus eâ solertiâ  
à paucis annis excogitati , vt passis velis in littore

1606.

nauigij instar euolaret. Inaudierat nempe Comitē Mauritium post Neoportuensem victoriam experiundi gratiā illum conscendisse, vñ cum capto in prælio Francisco Mendoza, ac intra duas horas attingisse oppidum Puttenum, quod inter, atque Scheuelingam horaria milliaria quatuordecim interceptiuntur. Quare ipse quoque experiri voluit, commemorarēque solebat stuporem, quo correptus fuerat, cum vento translatus citatissimo, non persentisceret tamen (nempe tam citus erat, quàm ventus) cumque animaduerneret serobeis occurrenteis præteruolari; restagnantes passim aquas superficie tenus duntaxat attingi; qui antecedeabant cursores visos quasi retrorsum niti; quæ distantissima apparebant, momento penè præteruehi; & quædam id genus similia. Delphis iucundè exceptus fuit ab Abrahamo Gorkæo, quem fortè offendit cælari curantem Græca quædam numismata, quorum aliquot miserat Parisiis, oblati prius ad vsque mille, quæ ex Italia adduxerat. Satagebat nempe Gorkæus complere illa Paralipomena antiquorum numismatum, quæ promiserat in Dactylitheca; quare & commisit Peireskio descriptionem breui prælo subiiciendam, ut pro suo candore eam expenderet, &, quæ opus foret, duceret lituras: ipse autem morem bona fide gessit, correxitque potissimum nescio quid scriptum circa Traianum. Quo loco narrare solebat rem memoratu non indignam, nempe Gorkæum, cum aliàs Latinæ linguæ non studuisset, intellexisse tamen libros omnis circa rem nummariam Latine conscriptos;

eodem modo, quo Forcatulus omneis circa rem Mathematicam : tantum valet improbus labor ex desiderio quidpiam noscendi vehementissimo profectus. Vidit etiam Delphis superstitem adhuc Religiosam quandam ex eo tempore, quo Hollandi à Catholico-Romana religione defecerant ; viso prius Ultraiecti Canonico in primæua sua professione viuere permissio. Cùmque suspexisset non modò quicquid antiquissimorum ad conclusa illa Rheni ostia monumentorum superest ; sed etiam quicquid dominatio Burgundionum Ducum expressum reliquit ; tum miratus maximè est , maximoperèque laudauit temperasse sibi Hollandos ab euerfione Templorum, & asseruasse intactos Choros, cum affixis insignibus Equitum aurei velleris à Philippo vsque Bono instituti. Cæterùm redire voluit per Brabantiam , Flandriam , reliquasque Belgij Prouincias , impetratis prius ab Hollandis , & ab Archiduce liberi com meatus libellis. Accessit autem primùm Antuerpiam circiter finem Iulij , inistque ibi amicitiam cum Andrea Schotto , & Carolo Scribanio ex Societate IESV viris eruditis : itémque cum Auberto Miræo, Ecclesiæ Decano, rerum Belgicarum, ac totius Historiæ Ecclesiasticæ eximie perito ; & cum Nicolao Roccoxio rei antiquariæ impensè studioso ; & cum Henrico Sedulio auctore vitæ B. Elziarij. Cùm deinceps Machliniâ peruenisset Louanium, nihil æquè doluit, ac non fuisse ampliùs in viuus Iustum Lipsium , præclarum illud bonarum literarum lumen ante paucos mensis extinctum. Sperârat enim sese

illum non minùs, quàm Scaligerum omnibus officiis breui deuincturum. Doluit pariter non adesse per eos dies Adrianum Romanum Mathematicum illum celebrem, quem gesterat summoperè cum Scaligero conciliare. Postquàm inuisit Academiam, doctòsque, qui in illa viros, visere voluit apud viduam Medici cuiusdam cornutos duos lepores, qui ex Noruegia dicebantur allati. Et quia reperit mortuum alterum, obtinere quouis pretio & illius cornua, & geminorum iconismum voluit. Bruxellæ amicitiam inuit cum Karolo Bromantio, Comite Brouzo, & quibusdam aliis; at suspexit potissimùm celebrem Pictorem Venceslaum Cobergeum, qui tum habebat præ manibus insigne opus quadripartitum de Architectura, de Pictura, scripturâque antiqua, de Deorum imaginibus, de Numismatis, seu mauiis Medaliis, aut metallicis æneis à Iulio Cæsare ad Gallienum vsque. Memorabat porrò varios circa parteis singulas confertos cum illo sermones, maximè autem circa postremam, propter Cobergei opinionem, quòd Medaliæ huiusmodi monetales esse non possent; argumento præcipuo, quòd typus seu forma, qua ferirentur, signarenturque, elaborari non posset ante duos menses ab artifice; adeò vt, cum plures ducentis percuti eodem typo non possent, pretium operæ fuisset longè superaturum monetæ valorem. De colloquio, mentiri solùm obiecisse Peireskium, vsurpatam fuisse Seruorum industriam, quæ pretio non redimeretur; & excepisse Cobergeum, rem peractam fuisse cum Serui edicto



ēdicto prohiberentur non modò quidpiam pingere, 1606.  
 sed pingendi etiam addiscere artem. Bruxella disces-  
 surus, scripsit ad Cottonum epistolam pereruditam,  
 misitque simul cętypos variorum nummorum, ac  
 nominatim Commodi, ob inusitatam scripturam  
 vocis BRITANIA, per duplex TT, & simplex  
 N. Salutare voluit exinde Gandavi Laurentium  
 Deebrotium, quem in Italia nouerat. Insulis Flo-  
 rentium Nallæum, eruditum Canonicum, antiqui-  
 tatum Liturgicarum auctorem. Tornaci Dionysium  
 Willerium Canonicum, & Cancellarium, ac Hiero-  
 nymum Winghamium similiter Canonicum; il-  
 lum rerum antiquarum instructissimum, istum stu-  
 diosissimum rariorum Plantarum. Duaci Guillel-  
 mum Richardotum Ioannis Præsidis filium, quicum  
 ex vsque Italia colebat amicitiam; & Andream Ho-  
 ium Professore Græcum, abs quo memorante ac-  
 cepi quàm iucundè suauissimis Peireskij, ac Richar-  
 doti confabulationibus tertius interfuisset. Enim ve-  
 rò præ cæteris referendus hoc loco est eximius Prin-  
 ceps Karolus dux Croius, & Arschoanus, qui ipsum  
 totis decem diebus in celebri domo Bellimontana de-  
 tinuit, continuò spectantem vt innumera, ita raris-  
 sima cimelia, ditissimásque metallothecas, quibus  
 curiosissimus, eruditissimúsque ille exornauerat no-  
 bilissimum Musæum. Quin discedentem etiam coë-  
 git absportare omnia, quæ habebat antiquorum  
 Galliæ Regum tam aurea, quàm argentea numisina-  
 ta; itémque ex Græcis ad vsque sexaginta; præter  
 aliquot vascula, ponderaque, & mensuras antiquas;

1606. cùm tamen nihil aliud à Peireskio accipere voluerit, quàm æreum nummum Ioannis illius, qui Theodosij, ac Placidij Valentiniani temporibus arripuit Imperium. Quo loco venit in mentem, aduexisse illum ex Flandria numismata Gallorum Regum, ex prima quidem Stirpe quadraginta aurea, præter varia argentea; & ex secunda quinquaginta argentea, præter vnum aureum Ludouici Pij, quod æstimabat maximi, quoniam non modò rarissimum, sed etiam parùm aberat, quin singulare arbitraretur. Instabat tum tempus, quo perhibebatur celebres fore cæremonias ad Fontem bellaqueum, in Delphini Principis, hoc est Regis Franciæ Primogeniti, baptismo. Videlicet illius sponsor dicebatur Pontifex Summus, ac nomine Pontificis Maffeus Barberinus Nuncius. Quamobrem sub Augusti finem discessit ex Belgio, ac satis tempori adueniens solemnem pompæ interfuit, quæ peracta est die mensis sequentis vigesima quarta. Renuntiatum intereà est obiisse domi Nouercam, expectarique eius redditum variis rebus componendis. Quocircà amicis quàm coram, quàm per literas salutatis, regressus in Prouinciam est sub initium alterius mensis. Domi exceptus non abnuuit consilium, quod Pater, Fratérque potissimum sumpserant (nam Patrus nonnihil repugnârat) coëmendendi ipsam Riantij Baroniam, cuius quia Valuesum erat subclientelare prædium, idcirco fuerat litigiorum benè multorum seminarium. Heinc ipsemet curam assumpsit paciscendi, contrahendique cum Ludouico Grollæo Medullioneo Marchione Brissiaci, càmque ob caus-

sam in Delphinatum versus illum profectus est, rediitque confecta re, sub initium sequentis anni, qui fuit salutis millesimus sexcentessimus septimus. Cum rediit, multis quidem rebus præclaris incubuit, sed nulli iucundiùs, quàm procurandæ multiplici vestigi-  
 orum vrbis, portùsque Carthaginensis descriptioni. Nimirùm non alia ratione summos Auctores intelligi, conciliarique posse putauit; cogitauitque ea re gratificari Casaubono, quicum de Portus præfertim situ, formaque differuerat, neque illius tamen dubiis nouerat esse factum satis. Scripsit prætereà copiosè ad Alardum Compendiensem Canonicum circa rem monetariam, ac inter cætera, de vsu Aurei Solidi in Gallia ad tertiæ vsque Stirpis initium, ostendendo viginti duos huiuscemodi solidos pependisse integram libram (tamen si quam uocant monetalem libram ex viginti solùm constaret) ac demonstrando Solidum non semper pro duodecim tantum denariis argenteis oblocatum fuisse, sed nonnunquam pro pluribus, etiam ad vsque quadraginta. Inuasit illum interea morbus oculorum molestissimus, à quo medio vere vix fuit liberatus. Cœpit tunc illum Patruus uehementer exstimulare, ut sese ad adipiscendum destinatam pridem Senatoriam dignitatem compararet. Ingrauescebat enim ual-  
 tudo, infestabantque maximè articulorum dolores, quibus leniendis statuerat ad balnea nostra Dinien-  
 sia ante ætatem accedere: sed timens ne quid for-  
 tè sibi humanitùs contingeret, constituerat simul  
 ex vrbe non antè decedere, quàm Nepotem coopta-

1607. tum inter Senatores vidisset. Et necessebat is quidem semper quàm gratiosè poterat, moras; sed ipsum die quadam, tacito consilio, deduxit ad Varium, vt iuberetur illius ore sese necessario examini subiicere, Senatuque aggregare. Tum ratus Peireskius nihil ampliùs cunctandum, postulauit solùm octiduum, vt rem maturiùs aggredereetur. Medius erat Iunius, imminebátque anniuersarium, trimestréque Curia Parliamenti iustitium: quocirca festinandum fuit, cum examinari, approbarique, nisi pro Comitibus curiatis, non posset. Itaque paratus accessit, seseque probauit conuocatis Classibus ad vi. Kalendas Quintileis. Proposita ipsi Lex fuerat ex sexto libro Codicis, qua Gordianus sanxit ab eo, qui neque legatum, neque fidei-commissum, neque hæreditatem, vel mortis causâ donationem accepit, nihil posse per fideicommissum relinqui. Eam porro cum exponeret, oblitus non fuit, quod à Valerio, & Sallustio de Scipionis Æmiliani facinore proditum est, qui à Masinissa Numidiæ Rege sibi coniunctissimo totius Regni hæres testamento nuncupatus, enixéque rogatus, vt ipsum inter quinquaginta quatuor superstites filios æqualiter hercisceretur, egregiè adco id præstitit, vt ne minimam quidem rem sibi retinendam putârit. Non item oblitus quod Aristoteles in Politicis detestatus est tam Carthaginensium, quàm Locrensiū instituta, quorum alij patrimonia æqualia habebant, alij quæ habebant, vendere non poterant, vt antiquæ hæreditates penes familias diutiùs starent; quoniam,

præter incommoda cætera, heinc efficeretur, vt ciues inertes tam in expectandis, quàm in possidendis patrimoniis forent. Cætera mitto, vt attingam qua præsertim re admirationem sui creârit. Nempe tamen si quod ad theoriam, quæstionésque Iuris spectaret, existimatus fuerat paratissimus adfuturus; quod attinebat tamen ad vsum, iudiciorúmque formulas, creditus non fuerat perinde instructus. Sed nimirùm neque Parisiis, neque Aquis-Sextiis, occasionem vllam prætermiserat sciscitandi pragmaticos, cognitorésque, & structores litium, ac reducendi in commentarios quicquid aut ex ipsorum ore, aut ex inspectis instrumentis, sacularibusque copiis didicisset. Profecerat etiam consilio, exemplóque optimi, consultissimíque Senatoris Antonij Thoronij, dictionem nullam in toto formulario iure intactam relinquens, cuius notationem, causamque non nosset, vt vsum meliùs eliceret, animóque infigeret. Vt paucis expediam, mirus fuit applausus, mirúmque elogium, quo fuit denique Patribus conscriptus. Inardescibat deinde Patruus desiderio veniendi Diniam, sed obstitit increescens morbus, inualecensque Solis feruor: proxima quippe erat tempestas dierum Canicularium, per quos ab vsurpanois balneis, thermisque mos est abstinere. Auebat etiam Peireskius vnà cum Patruo accedere; tum vt obsequio continentem gratitudinem testaretur, tum vt hanc partem Prouinciæ nondum sibi visam lustraret; tum vt Baronem Flayosceum interuiferet, qui ducta in vxorem filia vnica Guillelmi Falconij Di-

nienſis Proſeneſcalli, apud ſocerum morabatur. Ab-  
 nuit tamen id Patruus, ſeu ne abſiſteret à iure di-  
 cundo in Claſſe per ferias ſtatuas delecta; ſeu ne diſ-  
 cederet à Vario, qui illum abs ſe abeſſe ægrè patie-  
 batur: ſeu ne curam dimitteret, qua rogatus fuerat  
 præeſſe Cayero pictori in obducendis laquearæ Au-  
 ditorij Palatini contabulationi Gallorum Regum  
 Iconibus. Ipſe nimirum ſolus par fuit ſuppeditare  
 maximam quandam germanarum iconum ſeriem,  
 quam ex numiſmatis, ſigillis, ſepulcris, vitris, aliif-  
 que huiusmodi monumentis deduxerat: meminiſ-  
 que, cum veram faciem Hugonis Capeti diù deſide-  
 raſſet, dixiſſe non ſemel habere ſe gratiam optimo  
 viro Auguſto Galandio, quòd illam ab eo obtinuiſ-  
 ſet, ectypo ſigilli expreſſam. Diſceſſit ergo Patruus  
 ſine eo, poſt Canicularis exactos. Enimvero Varius  
 rem gratam vtrique facturus, conſtituit per Septem-  
 brim menſem vnà aduenire, adducereque Peireſ-  
 kium, vt vnà Patruum inuiſerent, vnàque regionem  
 ſpectarent. Et nonnulla quidem obſeruanda illis oc-  
 currerunt antiquitatis veſtigia: ſed nihil mirabilius  
 viſum noſtratibus Thermais, in crypra ſubrupea, quam  
 aquæ calentis prætercurrens alucolus ſic ferueſcit,  
 vt leniſſimè ſudorem educens, mirè conferat pitui-  
 toſis, frigidifque humoribus; idque præſertim vò  
 illi diſpoſiri priùs ad exſolutionem fuerint Balneo  
 quodam, Virturum dicto, ob ſingularem energiam,  
 mirabilifque, & desperatas aliis remediis curatio-  
 nes. Optabant porrò illi quidem præterea ſpectare  
 Serpentes, ex obuerta Auctro, ac præceſſa rupe, ad

cuius radicem sunt Thermæ, Balneâque deciduos, 1607.  
 & maximè quidem quia innoxij, expertesque veneni sunt: verùm illi non decidunt, nisi Maio, ac Iunio, & ferè quidem copulati, dum prurientes variè discurrunt, èque rimis in rimas subeuntes ad præcipitium non attendunt. Faciam heic fortè rem non ingratam hominibus nostris, si duo quædam commemorâro, quæ edifferentem Peireskium audierunt. Vnum apud Petrum Trichaudum, San-Martinium Inquisitorix classis Præsidentem, qui solitus Dinix per æstatem degere, illum cum Vario domo excepit. Cùm enim caussa exquireretur caloris aquarum Thermalium, & Guillelmus Alamandius doctus Medicus esse diceret non actu, sed potentiâ ignem; excepit ipse debere potiùs esse ignem actu ardentem in cauernis illis subterraneis, quæ exinde incalcescentes aquam præterfluentem feruefacerent; neque enim seu bitumen, seu sulphur, seu aliam materiam potentiâ solùm calidam excalefacere aquam seu traiectam, seu infusam, etiam vitriolo, halinitro, aliisque huiusmodi mineralibus turgescentem. Adiecit fumos, seu vapores ex aquis thermarum in fissuras rupium subeuntes ita Serpenteis afficere, vt veneni generationem seu impediunt, seu corrigant; eadem ratione, qua in Ponto idem facit vsus absinthij, ex Plinio. Qui Plinius quidem, cùm aliunde non improbet venenum serpentum in felle esse, & serpentes congressuri dicantur fel euomere; mirum non videri, si quo tempore Serpentes isti coeunt, deciduntque, veneno carcant. Alterum,

1607.

apud Antonium de Bononia Episcopum, qui sequenti die vtrumque, ac etiam Trichaudum conuiuio excepit. Cùm enim ex ostensis sibi à Flayosceo in duobus Sacellis maioris Ecclesiæ tam Porcelletanis, quàm Villanouanis insignibus, edisseruisset tempora, quibus Prælatos optimos ex iis familiis habuimus; incidit sermo de tempore, deque titulis, quibus Auenio, Comitatusque Venascinus ad Pontificem Maximum peruênit. Cùmque alij nihil sciarent aliud, quàm factam à Ioanna Regina Clementi sexto venditionem, anno supra millesimum trecentesimo quadragesimo octauo, ac die nona Iunij, pretio Florenorum octogies mille; retexuit ipse totam historiam ab anno vsque ducentesimo nono, quo Raymondus tertius Tolosatum Comes hæreticos Albigenisium fautor, & Legati interfecti auctor creditus, fuit ab Innocentio tertio iterùm excommunicatus. Inde enim cæpit ditioe spoliari, ac post annos nouem-decim transactio Parisiis sic fuit inita, vt Alfonso illius filio sola vrbs Tolosa, cum paucis adiacentibus cesserit; cætera vltra Rhodanum loca ad Regem attinuerint; quæ citrà verò possidebantur, ad Pontificem spectârint. Cùm homines autem eiusce regionis non satis lubentes id ferrent, quòd Romam passim prouocarentur, ac ideò Alfonsi partibus fauerent, Bonifacius quidem octauus prouocationes illas remisit, Clemens verò quintus, vt ampliùs demereretur animos, etiam sedere illeic voluit; & cùm, post Ioannem vigesimum secundum, Clemens Sextus Pontifex foret, facta



facta est venditio eorum iurium, quæ Comitibus Pro- 1607.  
 uinciarum erant, à partitione vsque facta inter Ray-  
 mondum Berengarium Comitem Prouinciæ, & Al-  
 phonsum Comitem Tolosæ, anno supra millesim-  
 um centesimo vigesimo quinto. Et hæc ille qui-  
 dem, pluraque disseruit, ac denuò comitatus est Va-  
 rium triduo post redeuntem. Patruus postea, vt re-  
 stitutam valetudinem tueretur, & vt tranquillius de-  
 geret quicquid æui supererat, non Aquas-Sextias,  
 sed Belgenferium, dum regrederetur, contendit. Oc-  
 currerat illi Peireskius, ac non modò deduxerat, sed  
 lateri etiam eius adhærere, neque à præstandis obse-  
 quiis recedere statuerat: verùm non tulit Patruus,  
 voluitque vt potius rediret Aquas-Sextias propter  
 Remigalia, quibus sit Curiarum instauratio. Rediit er-  
 go Peireskius, ac tantò minùs pœnituit, quantò au-  
 dire licuit Varium sua illa oris suauitate de Lite, &  
 concordia, deque amore Iustitiæ, Magistratuùmque  
 perorantem. Deinceps verò ita cœpit suo defungi  
 officio, vt desiderari nihil posset. Tametsi enim  
 Varius, cum pensa curialia distribueret, nollet initio  
 inspectorem multarum litium designare; quarum  
 tamen paucarum curam illi commissam voluit, eas  
 ipse ita solitus fuit otiosè, acutèque, & per omnes  
 numeros, ac momenta iuris perpendere, vt confe-  
 ctis instrumentorum enucleatissimis breuiariis, ex-  
 planatissimè deinde, & summa cum fide ad Curiam  
 referret. Cum verò alio expositore ferenda erat sen-  
 tentia, mirè lætabatur, si tempus ad deliberandum  
 daretur, aut controuersiarum commentarios præhabe-

1607. ret à partibus ; pudebat enim , nisi foret communiendo suffragio instructissimus , calculum conferre. Rursus autem , quoniam persæpe ob litium anfractus animo pendeat , conuenire solitus erat memoratum Thoronium , qui scrupulos eximeret , nec dubitabat etiam Vario grauiores causas proponere , qui ob eximiam grauissimi , sanissimi que iudicij perspicuitatem eas illustraret. Agebat verò id præsertim in vespertino colloquio : iam tum enim Varius singulis noctibus aduocabat illum in frugalem cœnam , vt sermones conferere , sepositis arbitris , posset. Ceterum , quia nescius erat tempus frustra contere , idcirco satis supererat , vt bonas artes excoleret , & cum doctis viris tueretur commercium. Inter cetera , procurauit exquisitam fieri anatomiam magnæ cuiusdam Testudinis ( longitudine nempe cubitali ) quam è Martigio mari eductam pisciculis nutrierat , à mensibus circiter tribus. Cùm singularia verò multa in ea dissectione obseruata fuerint , tum illa non postrema , Quòd omoplatæ anteriorem , non posteriorem habuerint situm. Quòd arteria aspera fuerit longitudinis semicubitalis , diuisaque in treis ramos , tribus à pulmone procùl digitis , ac ramulos quosdam ad renes , & vesicam vsque producens. Quòd eadem annulos habuerit omninò , siue vndequaque ( etiam versus œsophagum ) perfectos , & cartilagineos , larinxque epiglottide destituta constiterrit. Quòd non ex sola vena porta venarum distributio in interanea fuerit , sed plurimæ etiam ex reliqua caua hepatis parte prodierint ; ex eademque parte

cholidochus porus processerit geminus in dodeca- 1607.  
dactylon intestinum. Quòd nulla distinctio gracili-  
lium, crassorumque intestinorum, nulla cæci dicti  
appendicula, nullus item lien, nullus adeps circum-  
uectiens cor (tamen si id aquæ pericardio conclusæ  
innatauerit) & id genus nonnulla alia. Detexit aliunde  
non longè ab vrbe insignem quandam copiam  
non humanorum modo ossium naturæ factorum la-  
pidæ, sed variorum etiam animalculorum, itémque  
stirpium, foliorum, florum, similiúmque huiusmodi:  
quam confestim distribuit per vniuersam penè Eu-  
ropam. Adiecit autem tessellas quasdam, seu lapi-  
des Rhomboidaleis, tum rubeos, tum crySTALLINOS  
(videlicet ipsius talchi, seu specularis lapidis specie)  
ex Riantensi agro effossos, cæque in re mirabileis,  
quòd dum exfoluuntur in minutiores particulas, par-  
ticulæ quæque tuentur rhomboidalem illam figu-  
ram. Quin-etiam mittens Parisios, adiectam voluit  
congeriem diuersissimam conchyliorum, & piscium,  
qui monstrosâ formâ in mari Mediterraneo visun-  
tur: itémque pellem felis marini, & innumera alia,  
quæ destinauit præsertim, ad pictorem celebrem Da-  
nicielem Monsterium, à quo expectabat icones Va-  
rij, Thuani, Casauboni, atque Malherbij. In Ita-  
liam cum mitteret, nominatim verò ad Gual-  
dum, accepit magno suo dolore obiisse Baro-  
nium, deque lamentabili casu ad Flayoscum, &  
alios scripsit. Cum verò in Belgium, condoluit  
Villerio ob iacturam ab ipso factam Hadrianei nu-  
mismatis, in cuius auersa parte ex Villerij quidem

1607. sententia fuerat Phœnix exhibitus, ex ipsius verò Peireskij interpretatione, Ciconia. Argumentatus autem id fuit, ex proceritate crurumque, & colli, cum Phœnix soleat potius Aquilæ instar repræsentari: prætereaque ex serpente ipsi ad pedes appposito, & ex inscriptione P A T R I, qua designata fuerat Hadriani erga Traianum pietas: denique ex quibusdam aliis satis luculentis indiciis, quibus consolari adnixus est virum, monstrando rem deperditam non fuisse adeò, atque ille existimauerat, raram. Sic consolatus etiam est circa iacturam Iaspidis Argæum montem referentis; idque egens ipse tum quoque consolatione aliqua, quòd famulus quidam suffuratus fuisset numismata aurea primorum Imperatorum, & onychas, gemmâsque alias elaboratissimæ cælaturæ. Incidit intereà Claudius Patruus in morbum lethalem non longè à Regalibus sequentis anni millesimi sexcentissimi octauis. Inuiserat illum Peireskios per festa Natalitia; & quia valentem reliquerat, ideo mira consternatione renuntiatum excepit casum, qui septimo die à decubitu carissimum abstulit caput. Constituerat optimus Senex cor, & intestina Belgenferij condi, reliquum verò corpus Aquas-Sextias in maiorum suorum sepulcrum transferri. Id itaque parentatione, magnâque pompa præstitum est, inuitatâ Curiâ actione (vt tum moris erat) panegyrica per Ioannem Petrum Oliuarium Senatorem optimum, & assensu factò per Varium oratione alia eximia, quæ inter funebreis habetur, inque editione posthuma est numero decima sexta. Ad
- 1608.

eius calcem videre licet quanti Peireskium fecerit, 1608. cum tantoperè commendauit studium, quo Patruus talem delegerat, parauerátque successorem. Nescio an dici debeat, quod demirata tota vrbs est, fidissimum defuncti canem affectatione perpetua circumstitisse feretrum, non potuisse per plureis dies amoueri à tumulo, & postquàm domum reductus fuit, coram icone diù constitisse. Peireskius, sedato non nihil dolore, sese, vt priùs, ad functionem Senatoriam composuit; paríque modo non destitit bonas horas succidere in gratiam liberalium & studiorum, & studiosorum. Nam primùm quidem varias ad varios amicos literas perscripsit; sed prolixiores tamen nullas, quàm ad Lælium Paschalinum, circa Vrsini lapsus, circa Francorum Regum icones, sigilla, numismata, titulos (conuictis specialiter iis, qui Karolum Pipini filium vsurpasse Magni cognomentum arbitrarentur) circa statuas thymelicas, circa suum Aëtionem, quem cum Velserus opinaretur pictorem esse, cuius Lucianus in Herodoto meminit, perstitit ipse in sententia, propter tiaram Phrygiam, seu insigne regium, quod ad Patrem Andromaches duccret potius referendum; circa columnas Herculeas, portum Ostiensem, & cætera curiositatis inexhaustæ. Ita egit cum Fontanæo de re nummaria; & cum Strada specialiter de numismatibus antiquis: cum Claudio Frereo libellorum supplicum Magistro, & Gratianopolitani Senatus postea Principe, de historia Francica: cum San-Marthanis Fratribus de Genealogistica; cum Pignorio de Purpura; cum Nico-

1608.

lao Fabro, cùmque aliis de rebus sexcentis. Deinde innumera fuère, quæ obseruauit circa genera piscium reiectanea, quibus Martigij, alibi que condendis curam demandârat; quæ circa conchyliâ, circa plantas, circa lapides, circa cætera (quæ rursus variè distribuit) maximè que cùm per Aprilem diuersatus est Belgenferij, vnà cum Vario; vbi de prolatis com- pluribus rebus, quas ille nondum viderat, est suauissimè collocutus. Etenim sermo habitus est de Lapide cæruleo, in agro Olbienfi reperto, è quo eiusdem cognominis color extrahitur, vti etiam ex marmore lapidem lazulum imitante; de lapide item Coralloide stellato, de Coralloide punctato; de Lepadite, seu Lepadi conchæ vniualui non absimili; qui omnes fuerant eruti ex agro Castelletano. Rursus de Conchite striato, quem ex agro Antipolitano, ac Fossensi habuerat; de Gagate, & Succino flauo, eruto ad turrim Beuontiam. Huius occasione edisseruit Succinum rem fossilem esse. Quippe in Sicilia quoque effodi, & torrentium impetu detegi, deferrique ad mare vsque, & repellente maris aqua, in littoribus sæpè inueniri. Probabile proinde esse, vt quod expiscantur ad Balthicum mare, vi aquarum erutum, translatumque eò fuerit (maximè verò cùm eodem modo plerumque contineat conclusas muscas, cæteraque id genus animalcula.) Quare & fabulosum esse, quod aliqui narrant, arbores prægrandes esse in Noruegia, ex quibus id Succinum, quasi gummi quoddam decidat, concrescat, atque induretur. Enimuerò toto hoc anno nihil magis placuit, quàm quod ob-

seruauit, ac philosophatus est circa pluuiam Sanguineam, quam decidisse rumor percubuit sub Iulij mensis initium; conspicuis nempe maximis guttis, tam in ipsa vrbe, ad parietes cæmiterij maioris Ecclesiæ, quod est prope muros; quàm ad muros ipsos; ac rursus, ad parietes villarum, pagorum, oppidorumque, ad aliquot milliaria circumuicinarum. Nam primum quidem accessit ipse ad inspectandum guttas illas, quibus lapides rubescebant; nihilque non egit, vt alloqui posset quos agricolas memorabant vltra Lambiscum sic fuisse percussos ex decedente pluuiâ, vt derelictis operis in vicinas ædeis citi aufugissent. Deinde, cum fabulam esse, quod de viris huiusmodi proditum fuerat, comperisset, non placuit illi quod Physici referrent huiusmodi pluuiam ad vapores è rubra terra sublimè euectos, & post concretionem deciduos; quippe vi caloris eductum vaporem absque colore sursum ferri; vt vel constare potest ex eo, qui eductus ex rosâ rubeis in limpida aqua concreuit. Minus etiam placuit, quod vulgus, ac nonnulli Theologi opinarentur facinus esse Dæmonum, Strigumve, à quibus fuissent interfecti innocentes infantuli; scilicet hoc esse meram coniecturam, fortassisque etiam Dei bonitati, prouidentiaque iniuriam. Succurrit porrò interea casus, ex quo sibi met visus est germanam causam detexisse. Quippe ante aliquot menses conluserat pyxide inuentam quandam Chrysalin, magnitudine, formaque insignem. Eius cum amplius non meminisset, excitari bombum inaudiit intra pyxidem, eaque ad-

1608. aperta, deprehendit chrysalin, deposito spolio, factam ex eruca papilionem pulcherrimum, qui statim auolauerit, reliqueritque in fundo guttam rubeam, amplitudine Solidi vulgaris. Quoniam verò id contigit circiter idem mensis initium, ac per idem tempus obseruata est Papilionum confertim per aërem transuolantium incredibilis multitudo: idcirco opinatus est papiliones huiusmodi interquiescentis parietibus diffudisse illic, quasi excrementum, guttas simileis, magnitudine videlicet pareis. Quare iteratò accessit, comprobauitque guttas illas non supra ædificia, non in deuexis lapidum superficiebus exstare, vti debuerat contingere, si è cælo sanguine pluisset; sed in subcauis potius, ac in foraminibus, vbi animalcula potuerant quasi nidulari. Accessit, quòd parietes iis tangebantur, non qui in mediis oppidis, sed qui agrorum vicini erant, neque secundum parteis elatiores, sed ad mediocrem solùm altitudinem, quantam volitare papiliones solent. Hac ratione proinde est interpretatus, quod Gregorius Turo-nensis refert de pluuia sanguinea Childeberti tempore conspecta Parisiis, in diuersis partibus; & in domo quadam territorij Syluaneënsis. Itémque quod memoratur temporibus Regis Roberti sanguine pluisset, circiter finem Iunij; adcò vt sanguis qui cecidisset super carnem, vestem, lapidémque non posset aquâ elui, posset verò qui super lignum. Quippe idem fuit papilionum tempus, & recentes quoque has guttas elui non posse vllâ aquâ è lapidibus comprobatum est. Hæc, & similia cum apud Varium  
 magnâ



magnâ coronâ edisseruisset, placuit simul rem explorare, contigitque vt cum variè per agros incederent, guttas quoque multas deprehenderint in lapidibus, rupibusque: sed ad cauas tamen, subuexâve, non verò cælo obuertas parteis. Accepit deinde ex Italia, & transmisit statim ad Thuanum elogia doctorum quorundam virorum, vt Hieronymi Columnæ, Gabrielis Faerni, Cruceij, & similium, quorum ille voluerat in sua Historia meminisse. Rogârat aliunde ipsum Scaliger, vt instauraret commercium, quod per P. Ostagerium hospitem olim Massiliæ suum instituerat in Oriente, coëmendis Samaritanis, Ægyptiacis, Arabicis libris; dolens quòd à quindecim annis, quibus degeret in Hollandiâ, nihil prorsus inaudiisset de Pentateucho Samaritano, cuius sibi procurandi Ostagerius fuerat pollicitus studium. Peireskius ergo, cum priùs quidem aliquid ea in re tentasset, tum tamen incumbendo acriùs, eiusmodi librum inter plures alios in Ægypto coëmi, afferrique ad se mandauit. Verùm nauis, qua vehebatur, à piratis direpta est, recuperarique is liber non potuit. Ita priuarus Scaliger fuit exoptatissimo Codice, vt etiam nunquam est assequutus expectatissimum responsum, quod Peireskio ab eius morte venit fœliciter in manus. Scripserat nempe Scaliger ad Samaritanos Ægypti, itémque ad magnum eorum Sacerdotem Eleazarum in ciuitate Sichemo morantem, quæsierátque ex ipsis varia circa obseruationem Sabbathi, aliorumque festorum; circa Messiam, cuiusque apud ipsos nomen; & ad extre-

1608

mum, exemplum Legis, Pentateuchive poposcerat. Ac ipsi quidem geminis Epistolis responderant; sed quòd illæ in Genebrardi, aliorumque manus incidissent, detentæ sunt, donec, Scaligero mortuo, Peireskius & obtinuit, & per virum impensè doctum Ioannem Morinum è Congregatione Oratorij, latinas fieri nuper curauit. Curam quoque eo tempore euocandi Pacium resumpsit, & quod est ampliùs, efficiendi ne diutiùs in Religione heterodoxa perseveraret: at nimis multa interuenerunt, quæ sollicitudinem variam, variòsque conatus fecere rursùm irritos. Aberat per ea tempora Valauesius frater Parisiis, ob Riantiensia negotia: & quia ipsi aliquot mensium intercedebant induciæ; ideò rogauit illum Peireskius, vt, vel sui causâ, inuiseret Angliam, Belgiùmque, & amicos illeic suos salutaret, quæ donaria milit, offerret, rara quædam nancisceretur. Orauit etiam quam-maximè Aquis-granum contendere, vt quicquid illeic monumentorum Caroli Magni superesset; attentissimè inspectaret, inscriptiones exscriberet, icones quasque in Ecclesiasticis seu libris, seu vitris, seu vestibus, seu lapidibus, seu quibusuis aliis rebus impressas exprimi curaret; locorum, ornamentorumque ichnographiam non negligeret, diplomatum apographa, sigillorum cætya, prece, pretiòve obtineret. Adiecit se sic pœnitere, quòd in Hollandia cùm versaretur, Aquis-granum non diuertisset, vt nisi Fratri confideret, paratus esset definitè, neque alio nomine eò suscipere professionem. Fecit porrò Frater abundè, & satis, mira sollicitudi-

ne, sedulitate, fide; cùm ipse interea post initum annum est digressus Monspelim, ob illa eadem negotia: scilicet Marchio Oresonius Bressiaco litem intenderat, ob diuenditum Riantij ius plenum. Redierat medio circiter vere, dolorem dentium infandum perpeffus, cùm non longè post incidente patre in periculosissimum morbum, contraxit ipse quoque febrim, quæ diuturna admodùm fuit, cessansque sic languidum fecit, vt vix denique per autumnum penitus conualuerit. Quo loco referendum est, quod retulit ipse non semel. Cùm ciborum non appetens, fastidiosusque, tabesceret, rogasse Iacobum Fontanum clarum medicum, eiusque affinem, annon aliquid demùm esset, cuius esum appeteret. Annuente ipso aliquid esse, sed quod se non impetraturum, haberet compertissimum; institisse illum, id modò, quodcumque foret, significaret. Cùm dixisset autem, Pepones: tum excepisse medicum, maecte, bonoque animo esto; neque enim permitto modò, sed adhortor etiam, ac præcipio, addoque, vt nonnihil meri præassumas, postassumasque, & absque pane, aliave re ad initium pastus, in stomachum mittas. Obsequutum igitur fuisse, adeoque benè inde habuisse, vt deinceps, ac donec vixit innoxie semper eadem ratione pepones esitauerit. Conualescens variis officii studiosos varios adiutavit, veluti Ioannem Taxilem Arelatensem Medicum, nescio quid de ea nova stella, quæ per memoratam magnam coniunctionem apparuerat, meditantem; Gasparem Bricium in eadem ciuitate parochum; virum bonum,

1609. industrium, & cælestium obseruatorem. Ioannem Baptistam Hansenium, quem nouerat Romæ in erudita familia Cardinalis Baronij, cuique procurârat, vt toto triennio foret Gymnasiarcha Aquensis. Atque istos quidem, aliôsque demeritus est, valetudine adhuc dubia, remissiorêque solùm morbo; cui contrahendo, producendoque non contulit parùm iactura trium amicorum insignium, qui in Hollandia elati sunt. Eorum primus fuit Scaliger, qui manum iam admouerat commentationi de Hebræis numismatibus, cùm laborare hydrope cæpit, ex intemperie iocinoris, quæ quarto demùm, aut quinto mense, ipsum, die Ianuarij vigesima prima, oppressit. Alter fuit Clusius, qui non tam podagra recenti, quàm debilitate naturæ, die quarta Aprilis interiit. Post-huma huius opera, siue Posteriores curas edidit curator testamento datus Franciscus Raphelengius, mentione sæpè facta Peireskij, cuiusmodi illud, *Allata est ex Guinea in Galliam Spica non dissimilis præcedenti, nucula Indicæ fructibus constans, cuius iconem nobilissimus, & amplissimus vir Nicolaus Fabricius dominus de Peiresc, Aquis-Sextiis in Gallia Prouincia Senator ad Clusium miserat. Et postea, Sequens Tragacantha icon, quæ nobis transmissa est ex Gallia Prouincia, nempe Aquis-Sextiis, ab amplissimo, & nobilissimo viro Nicolao Fabricio, Domino de Peiresc, Consiliario Regio in supremo Senatu Aquensi, cum literis ad clarissimum Clusium. Tertius fuit Abrahamus Gorlæus, à quo non potuit cceptum opus Paralipomenon absolui. Parùm porro abfuit quin hisce amicis Varius quartus*

accesserit. Is per iustitium Septembri mense concesserat Antipolim, vt possessionem eius loci regio acquisiti patrimonio, Regis nomine adipisceretur. Cùm inuississet verò Fratrem, Petrum nempe Varium Vintientem Episcopum, incidit in febrim periculossimam, ac mense penè diuturniorem. Hanc Peireskius cùm accepisset, teneri vix potuit, quin, laborans licèt, laboranti accurreret. Cùm non posset tamen, mira sollicitudine, vel potiùs anxietate fuit, vt quocumque modo operam præstaret. Cætera inter, scripsit Massiliam, ac extinulauit Carolum Cassaneum clarum Medicum, apparatusque illi curauit & rhedam, & lembum, vt seu terra mallet, seu mari, eò expedite aduolaret. Missitauit penè in singulos dies, qui exquisita quædam seu remedia, seu edulia ferrent, & quis foret status morbi renunciarent. Cùmque primùm facta est spes melioris valetudinis, sellam misit gestatoriam, quam domi habebat commodissimam; tametsi ille non potuit, nisi vectorio lecto reduci. Dum vterque deinceps residua autumnò conualescerent, dielque totos in colloquiis familiaribus ducerent, putâs ne illorum sermones nihil habuisse eruditionis? Vnum præterire non possum, qui fuit postmodum aliquoties à Peireskio commemoratus, cuiusque occasione, etiam post eius obitum, superfuit quidpiam peragendum. Ansam fecere Conuentus varij, qui toto Regno Principis iussu habiti recens fuerant, vt de condendis perpetuis circa Monetarum valorem, vsùmque Statutis deliberaretur. Cùm enim ante septem annos statuisset publico edi-

1609. *cto*, vt aureus Solatus antea oblocatus sexaginta solidis, valeret exinde sexaginta quinque; euenerat iam, vt pro septuaginta, & pluribus commutaretur. Itaque Vario sententiam poscente, respondit Peireskii vix esse sperandum, vt proserpens malum filii vnquam posset. Caussam enim esse commercium cum vicinis nationibus, apud quas aurum carius, quam apud nos redimeretur. Nam tum quidem aurum nobis esse in proportione ad argentum non omnino duodecupla; apud Hispanos vero, exempli causa, in plusquam tredecupla esse, idque edicto recentissimo, quo Rex Hispaniae auri valorem decima parte adauxerat, intacto valore argenti. Qua in re sane non fuerat Principem nostrum imitatus, qui maiore solidorum numero aurum aestimans, maiore quoque aestimauit argentum, ne proportio illa euariata censeretur. Subiunxit, tamen non modo Rex noster, sed etiam Rex Angliae, caeterique Principes nouis edictis eam proportionem euariarent, promouerentque; euenturum tamen, vt singulis aemulatione quadam vel aurum pluri facientibus, vel ipsius pondus, aut certe internum argenti valorem, imminuentibus, res definiti nunquam posset. Scilicet nunquam defuturas, vel bellorum occasiones, quibus, exhaustis arariis, ad id remedium pro-uocaretur; vel nationes satis consultas, quae puriores auri, argenti que species penes se seruare, aliunde uellicere hoc artificio procurarent. Et exemplo quidem esse posse Romanos, apud quos As aureus, Denarius argenteus, & Solidus aureus ita paulatim

fuere imminuti, ut postremo facti extra usum fuerint; & Solidus ipse nominatim, qui cum potuisset initio duobus Solatis exæquari; commutari deinceps debuerit in speciem argenteam, quæ ipsa quoque sic degenerauerit, ut exstimari possit in Solidum nostrum vsualem abiisse. Verum ne tam procul quæret exemplum, sufficere, si spectaretur vel vnus Solati valor, qui intra centum postremos annos ita increuisset, ut decrecente simul interna bonitate solidi, duplo solidorum numero iam æstimaretur. Non esse verò probabile, ut deinceps consisteret, sed futurum hæud dubiè, ut intra paucos annos triplo, quadruploque incrementum acciperet, Solidusque interea non imminueretur modò pondere, sed euaderet etiam planè æreus, tunc pondere quoque suo decessurus. Nec verò vana fuit coniectura: quando iam Solatus à nuperis annis taxatus est solidis centum quatuor; idque Edicto publico, cuius occasione ipse, cum foret adhuc superstes, adnotauit auri ad argentum proportionem proximè quindecuplam esse. Sed ad colloquium ut redeam, cum retulisset obiter Assen initio pependisse libram integram, seu duodecim vncias; ac diminutum deinceps fuisse ad vsque duas, ad vnã, ad minus: Denarium, cum tempore Regum pependisset trientem vnciæ; sub antiqua tamen Republica pependisse solum sextantem, sub recentiore partem septimam, sub primis Cæsaribus octauam, seu drachmam (Atticæ nempe drachmæ æqualem;) Solidum denique principio fuisse partem libræ trigessimam octauam,

1609.

postea quadragesimam, quadragesimam quintam, quinquagesimam, & ita deinceps: tum requisivit Varius, qui illæ Libræ, seu Vnciæ à nostratibus dissiderent? Excepit Peireskius, sibi ea in re nondum penitus factum satis. Nam habete se quidem pondera antiqua librarum triginta, decem, trium, singularum, quæ cum libra Parisiensi senûm denûm vnciarum zygotatica comparasset; sed comperisse tamen solum vncias Romanas duodecim, decem circiter vnciis Parisiensibus exæquari. Circiter, inquam; nam nunc excessum, nunc defectum excurrere ad treis, quatuor, & quinque drachmas. Tametsi verò doctus Budæus proportionem præscripsisset proximè sesqui-alteram, quòd putaret libram Romanam semunciã superadditã libræ Marcæ, seu octo vnciis Parisiensibus æquam esse; attamen se varios Denarios antiquiores, integriorésque, quàm Budæo fuissent ad manum, ad eandem libram exegisse, deprehendissèque libram Romanam cum semuncia decem Parisiensibus vnciis, vt minimum, æquipollere. Non audere tamen adhuc rem discernere; quòd illi quoque denarij passi fuissent intertrimentum, expectarèque donec Romã impetrauisset modulum Congij, qui à Vespasiani vsque tempore in Capitolio consecratus, existeret, adseruareturque in Farnesiano Palatio, ac decem librarum vini, aut aquæ pondus continens, prodere posset quotnam libris, vnciisque Parisiensibus tale pondus exæquaretur. Probauit ille, rogauitque ecquam putaret Congij ad nostrates liquorum mensuras esse analogiam? Peireskius

verò



verò dixit id quoque determinandum ex modulo; 1609.  
 intereà verò putare se continere Congium tres circiter Potus ( sic enim in Prouincia vocantur, quæ Parisiis Pintæ, cùm hæ illis minores sint ) liceréque etiam id explorare, si constiterit quæ proportio inter Romanum Pedem antiquum, & nostrum quem dicimus Pannum, seu maui Palmum, intercedat. Romani nempe, vt Amphoram Congij octuplam definirunt magnitudine pedis cubici; ita Congij capacitatem dimidio pedis cubico definitam esse voluerunt. Heinc non vnum quidem duntaxat, sed duos quoque modulos Congij temporis progressu obtinuit: verùm nunquam satis vacauit rem pro voto expendere, & postquàm posteriorem obtinuit, citò nimis interiit, rem certo certius exploraturus. Cæterùm quia nos, quantum licuit, illius curam suppluimus, nescio an, si dixerimus, nimia sit futura digressio. Tenemur certè gratificari hominibus nostris, qui non modò pondera, mensurásque illas inter se, sed cùm nostratibus etiam à Peireskio comparatum iri sperârunt. Vt paucis ergo res dicatur, cautiones adhibuimus easdem, quas Lucas Pætus, & Villalpandus; dum vas ipsùm ad summum collum puteali aqua opleuimus, expendimus, vasis pondus subduximus. Deprehendimus autem aquam, quæ Romano pondere esse debuit decem librarum, seu vnciarum centum viginti, esse pondere Parisiensi ( quale nempe Parisiis exploratum, missùmque est ) librarum septem, minus vnciæ quadrante; seu vnciarum centum vndecim, & quadrantum vnciæ trium. Deinde

1609. ex hac proportione collegimus vnciam Romanam continere grana quingenta, & triginta sex, qualium quingenta septuaginta sex in Parisiensi continentur; vnde & illis in drachmas collectis, obuenire cuilibet drachmæ grana sexaginta septem: idque proinde censuimus pondus Denarij Cæsarei, quem dictum est fuisse drachmalem. Adhæc difficile non fuit valorem huiusce Denarij, & cæterorum consequenter, ac monetæ cuiuslibet, monetâ nostrâ exprimere, & à recentiore præsertim Edicto, anni nempe M. DC. XXXVI. Cùm ex præscripto enim argenti valore, atque pondere colligamus argenti vnciam æstimari solidis Turonicis sexaginta quatuor: idcirco Denarius Romanus valebit septem solidis, ac denariis turonicis quinque, cum triente eiusdem turonici denarij (sicque parum prorsus excedet valorem Regalis Hispanici) & tale fuisse intelligetur non modo apud Romanos, sed etiam apud Græcos, ob parem Denarij, Drachmæque valorem, militum stipendium in singulos dies. Quinarius proinde, siue Victoriatus valebit tribus solidis, cum denariis turonicis octo, ac denarij besse; Sester-tius vno solido, cum denariis decem, ac triente denarij. Et quia, verbi causâ, Siclus Hebræorum fuit, ex Iosepho, Tetradrachmalis, seu denariorum Romanorum quatuor; idcirco valuit solidis similibus viginti nouem, cum denariis turonicis nouem, ac triente. Vnde & quia triginta vocati Denarij, quibus Christus Seruator à proditore Iuda diuenditus legitur, triginta Sicli fuisse videntur; ideo Pre-

tium colligitur librarum turonicarum quadragin- 1609.  
 ta quatuor, ac solidorum tredecim, cum denariis  
 quatuor. Quod spectat ad comparationem cum  
 Prouinciali pondere, obseruauimus illam eandem  
 aquam, siue Romanas libras decem pendere libras  
 Prouinciales nouem, cum vncie triente; seu vncias  
 centum quadraginta quatuor, & trientem vncie.  
 Obseruauimus aliunde libram Parisiensem cum pro-  
 totypica Nostrate collatam continere ipsam semel,  
 cum quatuor vnciis, & vncie besse. Sed notandum  
 Zygotatam Stateras ita temperare, vt versus nume-  
 rum centenarium, singularum librarum pondus sin-  
 gulis vnciis adaugeat, propter detrimentum earum  
 mercium, quæ cumulatim emptæ, minutatim ven-  
 duntur: adeo vt quæ centum libræ Parisienses æqui-  
 ponderarent nostratibus centum viginti nouem, cum  
 triente, exæquentur solùm centum viginti duabus,  
 quatuordecimque vnciis, cum besse. Cùm liceat ve-  
 rò mensuram Romanam tam cum Parisiensi, quàm  
 cum Prouinciali ex ponderibus comparare; addo  
 duntaxat nos comperisse quatuordecim Pintas Pa-  
 risienses adæquari Potibus nostratibus vndecim; &  
 liquidorum Modium, qui Parisiis continet Pintas  
 ducentas octoginta, continere nostrates Mellereola  
 quatuor, cum potibus viginti octo: continente  
 Mellereola Potus duodequinquaginta, quorum qui-  
 libet pendit Prouinciales libras treis, cum quadran-  
 te. Ex quibus elicies Congium continere Potus no-  
 strates duos, cum sextis ferè quinque; seu Parisien-  
 sis Pintas treis, cum semisse proximè: intelligesque,

1609. exempli gratiâ, quantum biberit, qui treis vini Congios vno hauſtu ſiccaſſe coram Tiberio legitur; vnde & Tricongij cognomentum tulir. Habebis rurſus quantum menſurarum noſtrarum contineat Vrina Congij quadrupla, Amphora octupla: quantum Sextarius ſexta pars Congij, & Semi-ſextarius pars duodecima, aliàs Hemina, ſeu Cotyle dicta. Vbi notabis, ſi lubeat, videri Pariſienſis appellare quartam Pintæ partem Semi-ſextarium, quod illa ad Semi-ſextarium Romanum proximè accedat. Dixi porrò obiter liquidorum Modium: nam alioquin Modius aridorum conſtans ex centum quadraginta quatuor Buxeis, ex quibus quatuordecim deprehenſi ſunt id ſtatuerè Onus, quod nos ex quinque Heminis, Pannalibùſve decem conſtituimus; talis inquam Modius æquiualeat noſtris Oneribus decem, pannalibùſque proximè tribus. Atque hæc ſunt quidem, quæ homines noſtros ſcire præſertim attineat; niſi adhûc adiiciam diuiſiſſe nos Pedem Pariſienſem ex prototypo deſumptum in mille particulas, obſeruafſeque Palmum noſtrem, qui octaua Cannæ pars eſt, continere ſolùm ex iis partibus ſeptingentis ſexaginta treis: Pedem verò Romanum antiquum nongentas & ſex; ne memorem Anglicanum continere nongentas triginta treis; Hollandum nongentas ſexaginta ſex; Lugdunenſem, & Gratianopolitanum mille, & quinquaginta duas; Bracchium Florentinum mille octingentas, & duas; verùm de his nimis iam multa. Ad Peireskium redeo, qui ſtatim inſequentè anno milleſimo ſexcentefimo deci-

mo est rursus profectus Monspelium. Cum rebus autem prosperè gestis, ineunte iam Maio rediret, insomnium illi contigit, quod aliquoties mihi enarrans solitus fuit præmittere se, si ab alio fuisset enarratum, non crediturum. Erat in eius comitatu lacobus Raynerius Aquisiensis civis, qui in eodem cubiculo indormire solitus, indormiit speciatim intra id hospitium, quod vocitant Album, Monspelium, ac Nemausum inter. Somniauit autem Peireskius, ac nescio quid insolitum obmurmurare visus est: quare excitatus Raynerius, ipsum, ecquidnam novi esset rogitando, expergefecit. Tum ille, proh, inquit, quàm gratum, bellumque excussisti somnium! Quærente Raynerio, quid-nam rei foret, somniabam, inquit, me esse Nemausi, oblatumque mihi fuisse ab Aurifice numisma aureum Iulij Cæsaris, pretio scutorum quatuor; iamque eram illi, ad ipsum habendum, numeraturus pecuniam, cum excitante te importunè, & ex oculis Aurifex, & ex manibus Numisma evanuit. Exinde, somnium nihil moratus, discessit Nemausum, & cum prandium appararetur, per civitatem digressus est. Casu autem planè stupendo in Aurificem ecce incidit, ex quo dum requireret, si quidpiam fortè rarum haberet, habere se ille respondit Iulium Cæsarem aureum. Rogavit quanti eum venderet; responsum, pretio scutorum quatuor. Itaque id pretium statim numeravit, acceptoque Iulio, suum somnium felicitate mira complevit. Mira, inquam; nam facile quidem cogitare Nemausum potuit, quò sequente luce erat

1610. accessurus : potuit illud Iulij numisma , quod vigilans sæpiùs exoptauerat : potuit id repertum in ea ciuitate , in qua tot Romanæ antiquitatis vestigia : potuit apud Aurificem , ad quod genus hominum vulgò referunt qui talia effodiunt : potuit valorem mediocrem , quo aurifices potiùs , quàm Antiquarij ista pendunt ; potuit scutatorum quatuor , quo moderato pretio aurifex posset esse contentus : denique potuit Aurifex , & Nemausi quidem , ac eo pretio habere nummum : verùm hæc omnia concurrisse , & euentum somnio ita respondisse admirabile prorsus est. Non is autem erat Peireskius , qui propterea somnij causam præternaturalem putaret , vt fortè fecisset , si sæpiùs contigissent similia : sed cum nosset fortunæ lusus , habebat duntaxat hunc casum inter eos , qui sua raritate stuporem apud vulgus creant , cuiusmodi etiam memorantur de Eudemo Aristotelis familiari ad Pheras , de duobus Arcadibus ad Megaram , & de nonnullis similibus ; quanquam historiarum huiusmodi omnium penes auctores fides esto. Commoratus est deinde Peireskius aliquot diebus Arelate , vt præter aliàs obseruitata , exploraret curiosiùs monumenta quædam insignia ad monasterium Montis-maioris. Cùm inde autem discessisset , & iam Salonem accederet , attigit eum Cursor ab Archiepiscopo , qui renuntiaret mox inauditam Henrici Regis luctuosam mortem. Consternatus mirè , festinauit tamen , vt consolaretur Varium : dolorem quippè præsentens , quo nouerat percussus iri. Et sanè illius accessus leuamen ad-

hibuit non mediocre magno Viro, qui iam factum 1610.  
reficiuerat, hominibúsq; & literis missis dare ope-  
ram cœperat, vt vniuersa Prouincia in officio contē-  
neretur. Memorabile porrò est ab anni vsque ini-  
tio, & priusquàm Peireskius Monspelium discede-  
ret, allatum ipsi fuisse ex Hispania Prognosticon  
annuum, siue Almanach ab Hieronymo Ollerio  
Beneficiato Barcinonensi compositum, & Nouem-  
bri superiore Valentiz impressum, in quo non ob-  
scure prædictus lamentabilis casus foret. Sic ille  
nempe designârat & natiuitatis circumstantias, &  
euenta quædam præcipua, vt denotari alius Rex,  
quàm Magnus Henricus non posset. Illud Varius  
cum ostendisset, communicassétque præterea cum  
Iosepho Galterio Priore, & Domino Valletæ, viro  
totius quidem Matheseos, sed Astronomicæ præfer-  
tim peritissimo, digna omnino visa est res, quæ, li-  
cèt Astrologicis prædictionibus non esset fidendum,  
non negligeretur tamen, tanquam sacrum attingens  
Caput, pro cuius incolumitate nulla cautio posset  
censeri superflua. Itaque Varius ex eo tempore ipsum  
met exemplum transmisit ad Regem. Ac prætereo  
quidem vt magnus, verèque generosus Princeps  
laudato Varij affectu contemplerit prognosticon:  
sed quia euentus comprobauit, ipseque Ollerius  
aliud postea edens in sequentem annum, est pro-  
pterea mirè gloriatus; idcirco taceri non potest,  
quod saltem dubium faciat ex ipsiſ-ne Astris, an  
potiùs aliunde rem euenturam coniecero. Nam de  
Astrologica quidem vanitate non est quòd hic loci

1610. quidquam memorem, & maximè cum euulgata ante treis annos Themata, nisi post annos præterea quatuor, nihil ominarentur infaustum. Non is etiam sum, qui subdubitem habuisse Vatem cum prauo Genio, qui id præfagierit, reuelaueritque commercium: dico solùm potuisse ipsum aliqua ratione esse consciuum machinationis illius, qua infandum adeò parricidium commissum est. Ea certè neque in Hispania, neque in Italia celari planè potuerat; nam etiam Regij Oratores, ac nominatim Venetiis agens ille virorum optimus Ioannes Bochartus Campinius, Regem iam illius præmonuerant. Comprobatum aliunde est Massiliensis nautas, quotquot ex Hispania ante duos menseis aduentarant, retulisse rumorem fuisse in Hispania disseminatum, quòd Rex Francorum nunc occisus, nunc occidendus gladio foret. Narrauit etiam Peireskius, scripsitque ad Malherbium, quod in hunc locum inferi possit. Memorabat nempe die Sabbathi, ac triduo post mortem Regis renunciatam, transiisse Aquis-Sextiis illustriissimum Venetum ex Priulorum familia, qui fuerat Orator Parisiis, ac tum pergebat Orator Madritum. Cum inuisisset autem Varium, sibi aliunde cognitum, enarrasse ipsi inter cætera, se Mediolano iter facientem salutasse illic Comitem Fontanum; & cum Regiarum copiarum vim inter colloquendum exaggerauisset, tum excepisse Comitem, nihil sibi ex iis metuendum, quòd vnus hominis mors esset breui eas euersura. Sed temperandum ab istis est. Accepit subinde Peireskius scriptas à Pignorio tertius  
 eius



cius mensis die literas , quibus admonitus est dete- 1610.  
 xisse Galileum inuento recens Telescopio magna  
 quædam , admirandâque circa stellas spectacula , ac  
 potissimum quatuor nouos Ioui circumductos Pla-  
 netas , quos Mediceos nuncupauisset. Scilicet ab  
 ineunte vlque superiore anno sexcentesimo nono Ia-  
 cobus Metius Alcmariensis , dum varia vitra compo-  
 neret , vt effecta experiretur , inciderat casu in eam  
 conuexi , concauâque comparationem , ex qua , in-  
 teriecto potissimum tubo , viderentur intuenti res  
 parux grandescere , & sepositæ admoueri , ( vnde &  
 illi prima defertur Telescopij inuentio ; tametsi Ioan-  
 nes Baptista à Porta tale quidpiam iam euulgâret )  
 Galileus verò ex solo rumore inuentionis ad se per-  
 ducto , cœperat ipse excogitare tum causam effe-  
 ctuum Telescopij , tum conficiendi artificium ; adeò  
 vt post molimina , ac tentamenta varia , peruenisset  
 tandem ad vnus exactissimi constructionem. Ipsum  
 fuit , quo per primos duos anni decimi memorati  
 mensis obseruationes illas peregit , quas titulo Si-  
 derei Nuntij mense Martio typis vulgavit. Peires-  
 kius ergo re cognita , magno cum ardore satagit , vt  
 & librum , & Telescopium quam-primùm posset ,  
 nancisceretur. Enimuerò cum librum habuisset , ex-  
 quisitum tamen Telescopium sortitus illicò non est ,  
 quantumuis nonnulla impetrauerit tam ex Italia ,  
 quàm ex Hollandia , ac etiam Parisiis , ex quo pri-  
 mùm tempore elaborari illeic cœperunt. Heinc est ,  
 cur Iouis Satellites ante Nouembrim detegere , ob-  
 seruarêque nequiuerit ; certè vt integram Choream

1610. cenferi poffet deprehendiffe. Ex quo verò deprehendit, mirum quantâ lætitiâ id fpectaculum fuerit contemplatus. Nam ftatim quidem rem demonftrauit Vario, aliifque amicis; fed & ne tempus fruſtrâ abiret, apparauit obferuatorium, inuitauitque, ac fæpiùs per complureis dies detinuit memoratum Galterium, cùmque eo in obferuando biennium penè totum conſumpfit. Erat adhuc frater Parifius: quare illum follicitare, varièque vrgerè nunquam deſtitit, donec vitra Teleſcopica confici curauit, miſitque ad vſque quadraginta. Videlicet ſpes erat fore, vt conſequeretur tandem optima, & cuiuſmodi fuerant à Galileo vſurpata. Intereà tamen aliquot reuolutiones ſpeculatus, cepit cum Galterio conſilium de Motuum hypotheſibus, tabulifque concinnandis. Quamobrem Galterius eam Spartam aggreſſus, ſic breui perfecit, vt exquisitè, quantum licuit, determinârit tempora, quibus ſinguli Medicei circumuolutiones proximè abſoluunt, Extimus nempe diebus ſexdecim, cum ſexdecim horis: Sequens ſeptem diebus, cum horis tribus, & ſemiſſe horæ: Tertius diebus tribus, cum tredecim horis, ac ſemiſſe itidem: Intimus die vnica, cum horis octodecim, ac ſimul ſemiſſe. Minutias non recenſeo; quandoquidem licèt ad vſque ſecundas, vt Aſtronomi loquuntur, ſupputatæ fuerint; nihilominus dies docuit addendum quidpiam, demendùmque: vt etiamnum quoque reſtat aliquid, quod obſeruatio, ac diligentia temporum ſequentium valeat emendare. Hæc ſolùm attingo, vt innuam, quàm vehementer Peireſkius in id

incubuerit, vt res adhuc nascens in suo exortu perficeretur. Quippe delegit præterea virum industrium Ioannem Lombardum, qui obseruando operam conferret; ac eruditos adolescentes Petrum Robertum Medicinæ, & Ioannem Baptistam Morinum Philosophiæ candidatos, qui se Galterio addicerent, vt quia nimis molestum erat numeros omneis retinere, calculis præscriptis, ipsum subleuarent. Obtinuit etiam obseruationes, quas præter Galileum, Ioannes Kepplerus clarissimus ille Cæsaris Mathematicus, alique iam peregerant; vt ex illarum collatione perfici hypotheses possent. Curauit quoque elaborari Theoricen mechanicam, Peurbachianæ vulgaris instar; vt suppositis radicibus motuum, Medicorum loca possent colligi in annos, menses, dies, & horas. Nomina præterea imposuit, quibus discerni singuli possent. Nam cum Galileus vniuersè Mediceos indigitasset, noluit ipse nuncupationem vlla ratione immutare; sed principes tamen delegit ex Medicea familia, quorum nomina inderentur. Quia debebat verò præsertim seruato familiæ honore Reginas duas inclytas, quas illa nostræ Galliæ dedisset, sideribus adscribere; idè extimo planetarum Catharinæ nomen fecit proprium; alteri, qui præcæteris eximie resplendet, Mariæ; tum sequenti Cosmi maioris, & intimo Cosmi minoris. Cogitauit deinde tam Obseruationes euulgare, quàm Tabulas; sed quia accepit Galileum curis continentibus in id negotium incumbere; idè ne videretur palam illi debitam prærepturus, sese ab incepto con-

1610. tinuit. Denique venit illi in mentem adiutare Geographos in tradenda methodo Longitudinis inueniendæ. Quippe quia horum Planetarum sunt motus citatissimi, configurationésque per singulas nocteis variæ; ideò cogitauit, si illæ, quibus contingunt momentis, in diuersis locis ad ortum, occasumque obseruarentur, posse, pro temporum varietatibus, exquisitè designari intercapedines locorum: posséque adeò Tabulas, chartásque Geographicas sic emendari, ac perfici, vt exinde vsus rei Nauticæ consummationem nancisceretur. Heinc ea de re Amsterdamum ad Iodocum Hondium dedit literas, quibus etiam rogauit illum, vt indicaret nomen, & patriam Inuentoris primi Telescopij; scilicet ignorabat adhuc eum fuisse, quem iam diximus. Scripsit & Parisios copiosè ad Fratrem, postulans ab eo varia Telescopia, quæ obseruationibus faciendis in variis locis destinasset, ac potissimum in oriente, & in nouo Orbe, quò nonnulli amicorum erant breui discessuri. Et postmodum quidem obtinuit obseruationes aliquas, ac potissimum à mox antè nominato Ioanne Lombardo, qui profectus Alepum vsque, versus orientem, fuerat; sed neque illæ fecerunt satis; neque peruidit, omnibus etiam horum Planetarum configurationibus in Ephemeridas relatis, fore proptereà inuentionem adeò generalem, ac animo conceperat. Agnouit enim non posse Nautas ad illos attendere, neque interdiu, neque cælo nubiloso; neque Ioue Soli coniuncto, aut noctu sub terras delato; neque toto sexennio ad alterum

polum ; cùm Iupiter esset versus alterum ; & id genus similia. Quamobrem eam curam deposuit ; ratus aliunde Galileum , Kepplerúmve in eam curam incubiruros , & pro' sua solertia rem perfectiùs exequuturos. Certè non parùm gauisus est , cùm non ita pridem accepit venisse Galileo in mentem , vt methodum perficeret , & cum Hollandis communicaret , à quibus arcanum Longitudinum est tantoperè expetitur. Porro cùm Peireskius foret circa ista summopere sollicitus ; non destitit tamen interea pluribus curis distineri. Annus sæculi vndecimus erat , quo nescio an dicere debeam apparuisse primum in Prouincia , ac in eo hortulo , quem Peireskius intra ædeis Aquis-Sextiensis habuit , flores calyceos Tulipas dictos. In eo scilicet ab autumnno superiore defoderat missas Tornaco à Winghemio bulbosas illorum radices. Referebat autem , cum eo tempore nonnihil terræ in hortulo excolendo aggestum fuisset , Caniculam quandam nomine Marphisam conquisisse catulos , quos abiici præceperat , sepeliussèque sub aggere , & aliquot diebus ita incubuisse , vt neminem accedere , etiam prætextu edulij subministrandi , pateretur. Non memini porro an hæc , an dicta ipsi Sultrana fuerit , cuius obitum cùm ægrè tulisset , lætatus tamen fuit ob factum circa illam experimentum. Ea educabat treis catellos , qui vnà cum matre eodem morbo laborauerunt. Vno demortuo , proiectoque , ipsa quoque mater interiit. Nemine caussam agnoscente , Anatomicum euocauit , incidi que iussit , vt interanea dispiceret. Ec-

1610.

1611.

1617. ce autem secundum totam intestinorum prolixitatem series aliquot coherentium candidarum molecularum, cuiusmodi cucurbitæ, aut cucumeris grana sunt; vnde videtur fuisse vnus ex iis latis lumbricis, quos Cucurbitaleis nonnulli appellant. Erant verò infernè quidem maiusculæ, duriusculæque; supernè verò ita paullatim in minutulas, molliusculasque desinebant, vt in summo tandem nihil, nisi confusus albor appareret. Peireskius ergo, cum non placeret quicquid curando illi morbo proferebatur tam à Chirurgis, quàm à quibusdam Medicis; iussit, nescio quo ductus genio, afferri sibi theriacam, è qua cum materiæ illi adhibuisset, obseruauit magno suo, circumstantiùmque stupore ipsam statim liquefcere, effluereque in decliue. Quapropter iussit catellis duobus qui supererant, exhiberi theriacam, alexipharmacum esse ratus. Ac alter quidem animam iam agens inter exhibendum extinctus est; alter verò adhuc robustior remedio assumpto omninò conualuit. Contigit illo eodem anno decantatissima historia de Ludouico Gaufrido cacomagix infamato, deque Magdalena Paludana illius præstigiis correpta à Dæmone. Ea res verò vt totam Curiam, sic præsertim ipsum Peireskium admodum sollicitum habuit, qui vniuersam penè historiam literis prolixis descripsit. Ac pro tempore quidem ipso in eadem cum vulgo opinione fuit, mouebantque præsertim ipsum Stigmata illa insensilia corpori vtriusque inusta, & Cacomagix credita indicia: at dubitare postmodum cœpit, num in toto negotio impostura

quædam, aut stupor animi latuisset. Placitum tamen semper defendit, quo Curia Magum cremari iussit: quippe qui aliàs sacro-sancta Religionis mysteria libidinosus pessumdedisset. Aiebat quoque tametsi Magi non tantum habeant cum Dæmone, quantum putatur, commercium; nihilominus pœna afficiendos ob prauum affectum, quo desciscunt à Numine, & Cacodæmonem implorant. Sic, licet factis vñctionibus non transferantur reuerâ in eas Synagogas, in quibus nihil non patrent nefandum; puniendam tamen voluntatem, qua id appetunt, seseque operi accingunt. Quod permouit autem ipsum, impostura fuit, qua non multò pòst Massiliensis quidam Sacerdos accusatus Magiæ fuit, prodente quodam Dæmone, quem Gaufridus dicebatur in mulierculam intrusisse. Is quippe iudicio absolutus est, sed corpore tamen toto interpunctus, vt designata à Dæmone conquirerentur stigmata, quæ deprehendi nulla potuerunt. Tantò verò magis Peireskius rem vocauit in dubium, quantò post treis proximè annos accepit à Winghemio similem historiam contigisse in Flandria, hoc est interpunctum toto corpore Canonicum quendam, qui fuit denique habitus innoxius. Documentum sanè insigne, ne facilè adeò fides adhibeatur siue Dæmoni, quem Sacra Scriptura appellat Patrem mendacij; siue mulierculæ, quæ partim natiua imbecillitate, partim vehementia vaporum cerebrum exturbantium, partim malitia, aut odio, partim concepta, innutrita, defixa altum opinione, imponere facilè potest. Quod ad

1611. Stigmata illa spectat, hæsit Peireskius num reuerà non essent notæ Cacomagix; idque præsertim ex quo agnouit rem vocatam in controuersiam à Martino Delrio, aliisque viris impensè doctis. Fortè enim esse posse à natura, pertinereque ad singularem Elephantiaseos speciem; aut saltem posse ipsos Magos eas sibi, quasi cauteria inurere, ac perturbatæ menti defigere, inustionem illam perinde referendam ad Dæmonem, ac referre solent vnguenta, quæ ipsimet parant, & inter se communicant, confisi se ipsorum vi ad maligna illa concilia transferri. Habuit Peireskius toto eo anno valetudinem vacillantem. Fuit autem dubia potissimum circiter ætatis initium; tametsi propterea nihil fuit graue passus, neque interquieuit à solitis studiis. Quinetiam visus sibi est pro votis satis confirmatus, vt adesset Varius grauissima febre totos quadraginta dies in villa Massiliensis agri, Florida ab ipso indigitata, laboranti. Non refero quanta se illi assiduitate deuouerit: hoc vnum non est prætereundum. Conualescebat ægrè Varius, quod teneretur anorexiâ, miroque ciborum fastidio. Cùm venaretur autem Peireskius occasionem addiscendi ecquid posset gustum mouere, & datâ plerumque operâ sermones interfereret de rebus gustatu iucundis; contigit aliquando Varium obiter innuere Truttas lacus Geneuensis non iniucundi esse saporis. Ille ergo id subnotans, tantâ obtinuit diligentiam insignem ex eo Lacu Truttam, opere pistorio conditam; vt, nomine licet alieno oblatam, Varius tamen diuinauerit Peireskij facinus esse.



esse. Sic excitare gustatum voluit, cum fartum illi 1611.  
 obtulit ex linguis Phœnicopterorum; tamen id  
 per hiemem, quoniam ea sola tempestate aues illæ  
 maritimæ ad Arelatensis paludes capiuntur. Parùm  
 aberat, quin eæ linguæ exæquarentur hædinis: &  
 quia tamen esca videbatur suavior, nihil pronun-  
 ciauit Varius, neque diuinavit, quousque Peires-  
 kius illud Martialis extulit,

Dat mihi penna rubens nomen, sed lingua gulosis  
 Nostra sapit.

Rogatus subinde fuit de sapore carnis Phœnicopte-  
 ri: excepit autem mirari se, cur illam Apicius apud  
 Plinium, & Imperatores Caligula, ac Vitellius apud  
 Suetonium, Heliogabalus apud Lampridium, &  
 nonnulli alij tantis in deliciis habuissent. Esse enim  
 eam iniucundam, aut saporis certè non exquisiti,  
 aquaticarum aliarum instar, cum etiam piscem oleat;  
 vnde à Prouincialibus vt plurimùm abiicitur, exu-  
 iæque solùm sunt vsui, in fastuosis conuiujs, car-  
 nibus aliarum auium obtegendis.



DE VITA  
PEIRESKII  
LIBER TERTIVS.

**I**N SEQVENTE anno Parisios iterato profectus est. Aduocârât enim illum Valauesius, quo tempore existimabat illa de Riantio negotia extremo iudicio definitum iri. Et contigit quidem, vt cum moras aliquo- vsque traheret, iudicium interuenerit, literisque in itinere acceptis id rescierit; verum quia non tam negotiorum causâ, quàm amicorum conuiscendorum desiderio discesserat; idcirco noluit regredi; sed ardentius viâ insistens accessit Parisios, quo tempore frater erat excessurus. Is verò bono suo fato in vrbe adhuc constitit: incidit enim statim in morbum, quo fuit per integrum mensem eâ exagitatus vehementiâ, vt nisi caput carissimum aduenisset, adstitissetque, vix ab illo emergere, conualesceréque potuisset. Cum à mense autem Iunio restitutus fuisset valetudini pristinæ, discedere tamen absque Fratre noluit, qui in

mensẽm vsq̃ue Nouembriũ dilatum voluit reditũ. 1612.  
 Prætextus fuit illud nuperum iudiciũ , quod litigiorum Riantiensium non fuit penitus decretorium: nam ad cognoscendum quo iure vteretur Prouincia , audiendis Ordinũ comitiis locum interpositum fecit. Vnde quia comitia non poterant cogi absq̃ue Prorege Guisio , ipseque Prorex ante id tempus non erat aulã excessurus , ideò Peireskius hanc sibi metam , redeundique ansam præfixit. Heic nihil necesse memorare quanta cum læticia , virtutisque æstimatione exceperint illum Thuanus , Campinius , Roissius , Faber , aliisque amici , & insignes viri , quorum iam antè meminimus , quisque illum facie , vel famã iam nõrant. Nihil recensere officia , quibus literatos plerosque deuinxit , non modò qui erant in vrbe , cuiusmodi fuẽre , præter superius memoratos , Ioannes Sauaro , Carolus Labbeus , & alij ; sed etiam qui alibi gentium , vt in cæteris Gallia civitatibus , in Italia , Anglia , ac Belgio. Attexere præstat , cum nullum intermiserit studium promouendi artibus ingenuas , spectabilem præsertim fuisse quam curam continentem gessit obseruandi cœlestia , deque iis corã edisserendi cum viris Mathematicis , bonarumque rerum studiosis. Factum est quippe , vt nemo melius Phænomena noua calleret , quod nemo ardentius , & constantius in iis cognoscendis operam posuisset. Heinc habitum propè miraculo fuit , quod distractus tot aliis curis , consequi potuisset notitiam adeò exquisitam huiusmodi rerum. Quippe non de ipsis Phænomenis solũ , sed de

1612. confectiōe etiam, vsūque Telescopij multa declarauit; eaque occasione plerumque ducere secum solitus est, qui tam fabricæ Organi, quàm rationis vtendi inspectores forent. Heic referendum, cùm operam circa Mediceos Planetas nauaret, adnotasse eum aliquid, quod, quibus ista curæ sunt, non fuerit fortassis ingratum. Attendit videlicet Iouem transiisse Cordi leonis ad Boream, non multùm ante vesperam diei Iunij trigesimæ, & Venerem corniculatam transiisse adhuc magis ad Boream, inter eam vesperam, & consequentem primæ Iulij; qua etiam nonnihil coniunctionem cum Ioue prætergressa fuit: cùm & Luna tunc, omnibus borealior, ipsi eidem Cordi leonis instaret proximè coniuncta. Sic Eclipses duas obseruauit, alteram Lunæ, alteram Solis. Et de Lunari quidem, quæ contigit die Maij decimaquarta, retulit in schedas obstiterisse nubis, ne adnotaret aliud, quàm Eclipsin cœptam, & ad quadrantem propè diametri promotam, cùm vrbana horologia variè pulsarent horam nonam, ipsèque in automato haberet nonam, ac semissem; promotam verò vltra trientem, & ad semidiametrum penè, dum ex vrbanis haberetur nona, cum semisse, ex proprio verò decima. At paulò exquisitiùs circa Solarem, quæ eiusdem mensis die trigesima accidit, scripsit se obseruasse Solem fuisse iam factum, qualis est Luna ad dichotomiam proximè accedens, cùm iuxta vrbana horologia foret hora nona (matutina nempe) ac triens. Deinceps quoque horâ decimâ cum triente, semisse, ac besse, vltimam increuisse Eclipsin; at

horâ vndecimâ iam imminui cœptam, & ad centrum Solis reductam. Horâ vndecimâ cum besse, vix superfuisse digitum: denique horâ duodecimâ, minùs sexta parte, Eclipsin defuisse. Quæ commemo, vt intelligas diligentiam saltem in eo non potuisse desiderari. Et expetiisset quidem postea obseruata fuisse omnia scrupulosiùs: sed satis tamen peractum duxit, vt summa cum lætitia obseruationem compararet cum Romana quadam Lunarise Eclipsios, quam Ioannes Remus Quietanus clarus Medicus, & Mathematicus retulit; & cum Hafniensi duplici, seu vtriusque Eclipsios, quam celebris vir Christianus Seuerinus Longomontanus, Tychonis Brahei quondam adiutor, descripsit. Prodiit per hæc tempora liber Italicè scriptus, titulo Squiritinij, quo libertas Veneta ab ipsis Reipublicæ fundamentis fuit discussa. Is, quia visus est continere eximiam quandam Imperij, Gotthorùmque Regum Historiæ notitiam, idcirco statim creditus fuit (quæ etiamnum est multorum persuasio) Peireskium habere auctorem. Enimvero testari licet nihil tale ipsi venisse in mentem. Quin potiùs sic semper reueritus fuit Reipublicæ maiestatem, quòsque in illa amicos habuit, vt ad præstandum obsequium potiùs, quàm ad contumeliam fuerit comparatus. Ac non disquirò quidem an auctor huiusce libri fuerit Antonius Albizius, nobilis ille Florentinus, qui Christianorum Principum Stemmata ediderat ante duos annos, vt nonnullis persuasum est; an, vt videtur verosimiliu, insignis ille Marcus Velferus, cuius sæ-

1612.

piùs meminimus, ob consummatam eruditionem, propensionemque singularem erga domum Austriacam. Addo duntaxat, immeritò videri quosdam suspicatos tam Gualdum, quàm Pignorium, aut contulisse operas in eo opere conscribendo, aut communicasse cum Peireskio quos digereret commentarios. Ii fuère enim magis ingenui, patriæque suæ magis amantes, quàm vt ea impietatis labe commaculari voluerint. Vtcumque sit, Peireskius certè nihil simile vnquam cogitauit. Parisiis porrò discessurus, ac vale iam amicis dicens, recepit, inter cætera, se ad Mericum Vicum, hieme ingruente, transmissurum par Phœnicopterorum. Subierat quippe earum auium enutriendarum desiderium, non ob pulchritudinem modò alarum rubore flammantium, (vnde nostrates *Flammantem* vocant) óbque proceritatem crurum, & colli, cuius causâ à Iuvenale Phœnicopterus Ingens dicitur; sed præsertim ob speciem victus, quo Peireskius quasdam apud Varium educatas commemorabat. Referebat enim illas noctu potiùs, quàm interdiù capere cibum (qui ferè illis parabatur ex pane aqua madefacto:) præsentire frigus aduentans, ac tum ad ignem accedere, pedibusque etiam interdum cremari; dolente pedum altero, illius vice vti rostro, ipsoque, & altero pede alternando incedere: dormire erectas in alterum pedem, reliquo in ventrem, plumasque subducto; parci esse somni, aliâque similia. In ipso discessu summoperè doluit eripi sibi extremo morbo amantissimum sui Nicolaum Fabrum, qui non mul-

eos ante dies commendârat apud Regem egregium  
 virum Thomam Billonum operosissima illa sua, ac  
 1612. fœlicitatis miræ Anagrammata oblaturum. In itinere  
 diuexatus est magna vrinæ difficultate. Postquàm  
 rediit. nulla res æquè eum affecit, ac iniuria Vario a Se-  
 natorum vno illata, tum ante Natalitia, tum initio al-  
 1613. terius anni; cuius proinde toto decursu vix à latere  
 ipsius discessit, nisi quo octiduo graui morbo labo-  
 rauit sub finem Aprilis. Rediit interea Frater Pari-  
 sios, ipsèque per illum varia munera ad amicos de-  
 dit. Misit quoque multa in Italiam ad Paschalinum,  
 Benedictum, alios, quibuscum varia edisseruit, & ex  
 quibus aliqua pro amicis aliis vicissim expetiit. Hos  
 inter fuit Casaubonus, itémque Henricus Polanius  
 Monetalis Ex-præfectus, qui postulârat tum varios  
 libros operâ ipsius in Italia inuestigandos, tum pon-  
 dera antiqua varia, aut institutam certè ipsorum  
 cum Parisiensi comparationem. Scribens aliunde  
 Parisios, nihil æquè fategit, ac Hannibalem Fabro-  
 rum Iuris professione clarum, & meliorum litera-  
 rum studio cum primis insignem, facere tam apud  
 Thuanum, quàm apud cæteros amicos, quibus il-  
 lius eruditio iam innotuerat, commendatum. Ad  
 eruditos alios quod spectat, Edens non multò pòst  
 Sirmondus in Sidonium Apollinarem Notas, consti-  
 tutionem retulit, quam Cusanus esse Constantini  
 Magni, Scaliger Constantini Tyranni opinati fue-  
 rant; Peireskius verò docuit, ex Codice Arelatensi,  
 fuisse potius Honorij, & Theodosij Augustorum,  
 scriptam scilicet ad Agricolam Præfectum Galliarum

1613. de agendo singulis annis Arelate septem Prouinciarum conuentu. Deinde Iacobus Fontanus nuncupans illi Commentarios in Aphorismos Hippocratis, hisce verbis inscriptos voluit, *Hunc vero, quem in hoc opusculo condendo insumpsi laborem, tuo favore rectum in lucem prodire exopto, qui virtutum, & scientiarum omnium cumulo coruscans, fugabis omnia omnium obrectatorum conuitia, efficiésque et hoc opus medi in studiosis utile, sit omnibus futurum iucundum; cum ita his non tantum placeas, sed etiam reliquis omnibus, qui literarum studiis incumbunt, ut nullam sibi ipsis propriam virtutem esse putent, nisi tibi testatam, & acceptam intelligant.* Dicatum quoque, editumque eodem tempore fuit opus à memorato suprâ Taxillo, continens Iudicium de ea noua Stella, quæ colluxerat ante nouem annos. Verùm Peireskii neque consilium, neque iudicium probare potuit; quòd ille aduersus meliores auctores, etiam à se communicatos, argumentaretur Stellam sublunarem, ac suprema aëris regione non superiorem. Nimirum ferre non poterat; ut obseruationibus, demonstrationibusque refragantibus, quærentur argutiæ, quibus opiniones in scholis inueteratæ stabilirentur; tanquam docere nihil dies posset, neque experimenta forent ratiociniis umbratilibus præferenda. Quocirca eodem tempore collaudauit Tacij candorem, qui rogatus sententiam ferre de Solaribus Maculis Telescopio iam obseruatis, ad deliberandum tempus petiit, conturbatum se asserens, & ex obseruationibus nouis hypotheseis nouas constituendas sentiens. Sub idem  
tempus



tempus rumor percebit de Giganteis ossibus, quæ in Delphinatu reperta Rex imperavit ad se transmitti. Ferebant enim detectum fuisse in sabuloso quodam loco, non longè ab ipso confluyente Rhodanum inter, & Isaram, sepulcrum lateritium, triginta longum pedibus, latum duodecim, altum octo, cum superposito lapide, in quo hæc inscriptio, THEVTOBOCHVS REX. Addebant, sepulchro aperto, apparuisse intus Skeleton humanum, longum pedes viginti quinque, cum semisse; latum ad humeros, seu scapulas decem; profundum ad thoracem quinque. Cranium obseruatum fuisse quinque pedum secundum longitudinem; secundum verò ambitum, decem. Spectato prodigio per integrum diem, cætera quidem ossa abiisse in cineres; at superfuisse, quæ translata nemo non vidisset Parisiis, partem maxillæ inferioris, vertebrae duas, portiones costæ, humeri, femoris, alterum femur, tibiæ, astragalum, calcaneum; præter non transmissa aliquot fragmenta, ac nominatim femoris, itémque duos dentes. Memorabant etiam reperta argentea numismata, numero circiter quinquaginta, cum effigie Marij, & in auersa parte literis MA, nominis ipsius initialibus; unde & confirmatum volebant sepultum illic Theutobochum Theutonum Regem à Mario deuietum, virum tantæ proceritatis, vt Auctores meminerint fuisse trophæis eminentiorem, & quaternos, senóque equos transilire solitum, aliáque id genus. Porro vt Peireskius rem vertit in dubium; ita expendit quidnam potuisset fabulæ locum facere, idque præ-

1613. fertim, ex quo libellum à Nicolao Habigoto Parisiensi Chirurgo ea de re conscriptum pellegit. Ac non hæsit quidem, quin ossa in ea regione detecta fuissent: concessit posse alicuius vetustioris Gigantis esse; at cuius esse perhibebantur, in animum nunquam induxit. Nam primùm quidem, neque Theotobochus, neque illius subditi latinam linguam vsurpârunt, vt excitato tumulo inscriberetur Latina vox; neque Romani, si pro sua illa hostili pietate monumentum condidissent, illud extruxissent ex lateribus (signinum certè opus non fuisset, quale ad sepulchra tunc vsui non erat) sed potiùs, nisi ex marmore, saltem ex alio lapide, in quo & suæ victoriæ, & pietatis aduersum hosteis insculptæ notæ relinquerentur: cùm aliunde locum delecturi fuissent, nisi sublimem, aut saxeam; saltem non ita arenosum, atque lubricum, cuiusmodi is fuerat; ne facilè obrui, aut subuerti posset. Mirabatur etiam neque asseruatum, ostensumque fuisse inscriptum illum Lapidem, qui Parisios sanè fuerat transferendus; neque sepulcrum relictum fuisse vel intemeratum, vel cum insignibus vestigiis; vt Dominus illius loci propagandæ ossium Giganteorum famæ curiosus, videbatur cordi habere debuisse. Suspicionem adaugebat, quòd acceptæ Cranij dimensiones perhiberentur, cùm id nimirùm solidum, nec cinereum existeret; & tam citò tamen, aliis ossibus superstitis, exsolutum fuisset. Videbantur enim fabulæ auctores subuerti fuisse, ne ex accurata eius inspectione comparationeque cum humano cranio posset veritas scèlicius

exquiri. Ad Numismata quod spectaret, dicebat illas literas designasse non MARIUM, cuius prænomen C. non fuisset omisſum, neque integrum nomen MARIUS Romanorum more exprimi neglectum; ſed potiùs MASSILIAM, tum Rempublicam, cuius, vt ciuitatis Græcæ, ea numismatum argenteorum forma erat propria, non ipſorum Romanorum. Quoniam verò à paucis annis, neque longè ab eo loco reperta complura huiusmodi numismata fuerant, ipſeque nonnulla ab illuſtri Frerco, cuius eſt ſuperiùs facta mentio, habuerat; eam ob cauſam ſubdubitaui, num callidè, vt tempora, ita loca forent confuſa. Quòd Theutobochus verò legatur fuiſſe Trophæis procerior, arguere id quidem, fuiſſe illum altitudinis decem, duodecimve pedum noſtrorum vulgarium, cuiusmodi erant trophæa, quæ in ouationibus, ac triumphis geſtabantur (idque computata geſtantium, brachiorumque elatorum altitudine) cuiusque modi etiam Heroum exhibebatur ſtatura (ad humanam nempe communem ſeſqui altera) non verò pedum viginti quinque. Sed neque id, quod legitur de Equis quaternis, ſeniſque, ita eſſe intelligendum, quaſi diſtentiſſis cruribus ipſos vnà complecteretur: ſed potiùs, quòd moris haberet ex vno tranſire in alium; hoc eſt, mutare ſæpius equum, tamquam breui ſpatio pondere laſſatum. Argumento eſſe, quòd Florus (à quo id ſcriptum) prodidit illum quaternos, ſeniſque equos tranſilire ſolitum, vix vnum, cum fugeret aſcendiſſe; quaſi indicetur non vnà deductam equorum multitudinem, vti deduci

1613. inoris erat. Denique plura edissererat & de loco victoriæ, & de triumpho, cuius pars, seu spectaculum Theutobochus fuit, & de nonnullis aliis rebus, quibus euulgato rumori habita fides cleuaretur. Obtinuit etiam postremis annis aliquot fragmenta huiusmodi ossium: sed ex illorum inspectione confirmatus magis in sententia fuit, ratus tum demum grandia ossa, quæ effossis sæpe sepulcris miramur, esse Elephantina; quasi belluarum Domini illa cara habuerint, aut fortè etiam posteritati illudere voluerint ex ea sepeliendorum cura. Opinatus est etiam, commonstrari interdum ossa, quæ effossa fuerint ex arenis, aliisve locis, vbi casu quodam fuerint obruta; cum reperire vix liceat virum aliquem fide dignum, qui sepulcra fabrefacta oculis suis conspexerit, fidésque penes illos sit, qui diuendunt, monstrant, aut se inuenisse, eruisseque profitentur. Heinc optauit sapiùs virum aliquem tam falli, quàm fallere nescium, in Siciliam nauigare, exploraréque quæ effossa non procùl Panormo Gigantum ossa perhibentur, ac specialiter Crania. Sperauit enim fieri posse, vt is vteretur ingenua illa voce Suctonij, esse Capreis immanium belluarum, ferarùmque membra prægrandia, quæ dicuntur Gigantum ossa. Sed hæc iam nimis. Sequutus annus feralis fuit amicorum illustrium morte. Accepit enim ex literis Aprili mense à Gualdo scriptis, obiisse & Contarenum Procuratorem Venetiis; & Lælium Paschalinum Romæ, & Veronæ Nichezolan. Accepit etiam postmodum obiisse Augustæ optimum Velferum, die Iunij vige-
- 1614.

sima quarta ; quo etiam proximè tempore Casaubonus mortuus in Anglia. Quin ipse quoque literis ad Natalitium Benedictum mense Maio scriptis meminit Ducis Arschotani , tanquam antè demortui. Meminit aliàs , vt vita functi Heidelbergæ , Marquardi Freheri Iuriconsulti , & Historici , cuius amicitiam Velferus parârat. Nescio an alij fuerint ; sed numerare solebat annum ab alio ferali quintum , ereptorum neinpe sibi capitum carissimorum iacturâ , númeroque infaustissimum. Addebat sibi solatio fuisse , quòd inire intercè amicitiam licuerit cum aliis viris oppidò magnis. Vnus fuit Ioannes Franciscus Vidius à Balneo , Patracensis Archiepiscopus , & per ea tempora Auenionensis Vicelegatus. Singularis enim deinceps necessitudo intercessit , seu donec ille Auenione degit ; seu cùm est versatus perillustris Nuncius tam apud Principes Belgarum , quàm apud Regem Christianissimum ; seu postquàm factus est Cardinalis raræ , & spectatæ virtutis. Alius fuit Franciscus Sauarius Breuius , qui diu fuerat Orator Regius ad portam Ottomanicam , quique tum Roma rediens , vere nouo fuit Aquis-Sextiis ; ac secum habuit Gabrielem Sionitam ex Maronitis Libani montis , linguarum Orientalium interpretatione iam clarum , quicum etiam Peireskius amicitiam contrahere , porroque excolere suauissimum habuit. Alius rursùm fuit Guillelmus Catellus , eximium Senatus Tolosani lumen , quicum multa communicauit , seu ad specialem Comitum Tolosanorum historiam , seu vniuersè ad Occitaniæ commentarios spectantia ; quod

1614. ipse etiam testatus alicubi est, Peireskium *virum doctissimum, curiosissimumque* appellans. Infœlicitas alia, quæ illum eodem anno exercuit, morbus fuit gravissimus, qui totos duos menses sic Patrem affluxit, ut ipse, pro amore feruentissimo, vix unquam ab illius lecto, cubiculove recesserit. Allevamento interea fuit, quòd rara nonnulla accepit ex Belgio, ac speciatim iconem Iacobi Metij Telescopiorum inventoris, quam procuravit Winghemius; quòd obtinuit etiam Arelate expressam e marmore novem Musarum effigiem; & Monspelio aliam duarum Musarum cum Homero in medio, & inscriptione O M H P... & aliqua alia, quæ statim cum variis numismatibus ad Natalitium Benedictum misit. Succidit etiam aliquas horas, quas lectioni cum destinasset, insumere præsertim voluit pellegendæ, expendendæque Prouinciali Historiæ, quam tum edidit Cæsar Nostradamus. Ut verbum autem adiiciam de illius examine, non prorsus quidem probavit stylum magna parte poëticum: non etiam fidem habitam commentariis nescio quibus, aduersus quos authentica quædam monumenta extarent: non aliquos metachronismos, & annorum initia Kalendis Ianuarij constanter tributa, cum potius ad Incarnationis Dominicæ diem spectarent: non antiquam nobilitatem nouis hominibus quæsitam, antiquis verò familiis creptam, aut præteritam; non aliqua id genus alia. Verùm cum ista excusaret, quòd Author omnia peruidere non potis, fidei alienæ stetit; commendauit pium consilium, laborèmq; sanè

ingentem; & candorem plurimi fecit, quo ille ma-  
luit Comitum Prouinciæ seriem à Gilberto inci-  
pere, de quo indubia fide constat; quàm à Bosone  
illo, de quo, cuiusque ad Gibertum vsque successo-  
ribus adeò sunt variantes sententiæ. Prætereo autem  
vt Peireskius etiam ipsi caligini ex ipsa fide instru-  
mentorum, actorumve authenticorum adferre lu-  
cem studuerit. Adnotauit enim Rothboldo, qui  
ante annum millesimum fuit, successisse non modò  
Bosonem (de cuius progenie nihil, præter Rothbol-  
dum filium, comperit) sed alium etiam filium no-  
mine Willelmum, qui ipse filium cognominem, &  
vnà cum Gauzfredo fratre Comitem reliquerit. Suc-  
cessisse illi Bertramnum, qui partim cum Gauzfredo  
patruo, partim cum patruèle Willelmo regnâ-  
rit. Bertramno natum alium Willelmum, aliúmque  
Gauzfredum, qui Comes etiam fuerit. Et probabile  
quidem esse fuisse Gilbertum Willelmi filium; sed  
ad id statuendum non suppetere instrumenta, cum  
etiam Franciscus Claperius Odonem interiiciat.  
Quanquam de isto Odone hæsit, quem ille regnaf-  
se scribit ab anno supra millesimum trigesimo no-  
no, ad vsque nonagesimum: cum annis interme-  
diis, vt quadragesimo secundo, sexagesimo tertio,  
& aliis regnasse Willelmum, Gauzfredumque com-  
perisset; & anno etiam nonagesimo præter Gilber-  
tum, fuisse vnà Comitem Prouinciæ Raymundum  
Sancti Ægidij, qui fuerit fortè filius Gauzfredi. Præ-  
tereo quoque, vt deinceps plurima obseruauerit, in  
quibus tam Claperius, quàm Nostradamus sint hal-

1614. lucinati. Illi enim, exempli gratiâ, fecere Gilberti, & Tiburgidis filiam, non modo Dulciam, quæ Raymundo Barcinonis Comiti nupsit: verum etiam Phaitidem, quæ Ildefonso Comiti Tolosæ; vt hac ratione Prouincia inter Raymundum, & Ildefonsum fuerit diuisa, anno, vt supra attigimus, centesimo vigesimo quinto; cum tamen Phaitis fuerit potius filia Raymundi Sancti Ægidij, Comitissæque Aluiræ; adeo vt diuisione illa idcirco minor pars Prouinciæ Phaitidi obuenerit, quod compensatio fuerit facta cum Ruthenensi, ac Giualdensi Comitibus, quos Dulcia ex Matre Tiburgide tulerat. Fecere illi rursus ex Dulcia progenitum alium Gilbertum, & ex hoc Gilberto Stephanitidem, quæ nupsit Raymundo Baulcio; cum is tamen Gilbertus secundus nullus fuerit, & Stephanitis fuerit non ipsius filia, sed Gilberti illius primi, atque vnici, ac soror proinde, & non neptis Dulciæ, licet non ex Tiburgide, sed ex vxore alia, seu Geriberga, seu Francisca. Plura memorare importunum foret: cum hæc attigisse sufficiat, ad designandum studium, quod Peireskius interposuit tum amicorum casibus, tum paternæ infirmitati. Parum porro abest, quin ad eundem annum referendus sit sæuissimus morbus, quo confictatus ipsemet fuit. Videlicet mense Nouembri Rocca-brunam profectus est, oppidum prope Forum Iulij, vnum ex eorum numero, quæ soluendo æri alieno imparia, ipsum fundis redimebant, instituta speciali Classe Disceptatorum, & ludicum, quibus Peireskius erat conscriptus. Et quoniam



niam constituerat non prius in urbem redire, quam perfecta essent præscripta negotia; ideo postulavit licentiam perseverandi à Vario, qui literis variis amore plenissimis se illius absentiam ferre graviter testabatur. Postulavit etiam à Patre, qui inuitârat illum ad nuptias Susannæ sororis, à memorato Seguiranno in uxorem ductæ, sequente Ianuario. Ac interfuisset quidem lubens, absente præsertim Valuesio, quem Nobilis Prouinciæ ordo ad generalia Franciæ Comitata, Rege iam maiore quatuordecim annis, Parisios destinauerat: sed valetudini consulens abstinendum duxit ab itinere, illa præsertim tempestate. Ad morbum autem vt veniam, rediebatur sub vesperam Kalendarum Februarij ex peruetustis nescio quibus monumentis interuisendis, cum animaduertit atram nubem ex hiemali ortu sensim procedentem; monitusque vt maturaret, vix maturè satis peruenit ad oppidum. Exhalabat illa fœtorem propè intolerabilem; adeò vt coniecerit exortam fuisse ex Strongyle, cæterisque Vulcaniis, quarum fuissent igne commota, perturbataque interanea. Eadem paulò post, & nocte sequente eam effudit grandinis copiam, quæ die altera libertatem incedendi præcluserit, nisi quæ prius egereretur. Die tertia supercidit nix, quæ totam Prouinciam ita occupauit, vt meminerim me tum ex hac urbe pergentem Aquas-Sextias, fuisse treis dies totos ad Vallem-solam detentum; tantâ scilicet eius copiâ itinera obruta erant. Cæterum Peireskius ex eò tempore infandis fuit doloribus vniuerso propè corpore cor-

1615. reptus; sed ad dorsum potissimum, secundum seriem vertebrarum. Heinc neque lecto decumbere, neque sedere ad cathedram, neque pedibus consistere potuit. Durabat solum aliquantisper, cum duo famuli sese heinc inde supponerent, sustentantesque humeris, ad incedendum adiutarent. Non postremus vero ex vigiliis penè continentibus labor; adeò in somnum erat proclivis, adeò, quocumque statu esset, doloribus excitabatur. Translatus Aquas-Sextias, vix quidquam melius habuit reliquo anni decursu toto. Caput illi totum nudatum, eoque casu effectum est, ut pro capillis densis, rigidisque, quos eò usque habuerat (sentiebat nempe inter mirandum, hærescendumque ipsos attolli, ac pileum etiam subuchere) rariores simul, ac molliores, & suborti fuerint, & deinceps perseverarint. Et iam quidem accedente vere anni millesimi sexcentissimi decimi sexti conualescere videbatur, cum superuenire hæmorrhoides, quibus fuit acerbè vexatus. Non morbus tamen sic discruciauit, ac obstaculum propemodum factum, ne exhiberet Vario, quod destinauerat obsequium. Quippe Varius iam aliquoties à Rege vocatus, ut Nomophylaciæ, sacroque Sigillo præesset, tum demum in Aulam discessurus erat; ac iam tota Prouincia, ut abeuntem velut parentem prosequeretur lacrymis, Aquas-Sextias conuenerat, cum morbus ille visus est solum Peireskium remoraturus. Laborabat porrò decimum iam diem, cum Varius illum inuisens, & valere iussit, & clauim, curamque librorum, ac cimeliorum concredidit. Ipse autem lecto

1616.

confurgens, & aliquo vsque comitari lecticâ volens, tentauit primùm, si vel tantillùm equitationis patiens foret. Rem semel expertus, eam sibi paulatim virium accessionem sensit fieri, vt vix pauca millia cogitare initio ausus, totum denique iter conficere par fuerit. Nihil hîc opus commemorare quanto cum applausu à Rege, ac Regina Matre, & à viris Principibus, magnatibus, omnibûsque bonis exceptus fuerit Varius; quàm generosè protestatus, sacramentum præstiterit Regij Sigilli dispensandi; qua deinceps constantia, integritatèque defunctus fuerit eo munere. Consentaneum solùm dicere Peireskium fuisse ipsi semper summas inter curas magnum lenimentum; & quemadmodum cætera, sic specialiter adnotasse, descripsissèque quicquid illi memorabile accidit. Proximum proinde delegit hospitium, vt (quod solebat Aquis-Sextiis) posset cum ipso singulis diebus & leuiore illa cœna comessari, & supremis illis horis, quibus ferè solis vacabat, congregi familiariter. Consentaneum quoque referre Peireskium eam sibi legem edixisse, vt nullam vnquam Vario commendaret causam, nisi viroꝝ literatorum. Id etiam in Prouincia perquam rigidè obseruârat, veritus semper ne foret viro, sui licèt amantissimo, importunus. Exceptos autem semper voluit benè merentis de literis, ingenuisq̃ue artibus viros; tum quia sibi temperare illorum ergò non poterat; tum quia nôrat Varij genium, qui vt erat æqui seruantissimus, ita non ferebat cultores Musarum anfractibus illis forensium contestationum distineri.

1616. Heinc patens, magnúmque asylum literatis omnibus fuit; quándò ad ipsum concurrerunt quotquot in Aula, ac præsertim referenda ad Varium habuère negotia; nemóque vnquam abiit, cuius patrocinium non fuerit ab eo cum alacritate susceptum. Qui primus est statim initio sollicitudinem illius expertus, fuit memoratus Ioannes Barclaius, qui post editum de summo Pontifice opus, nec iam solitâ apud Regem, suosque pollens gratiâ; quam primùm accepit Peireskium accessisse Parisios, subduxit sese ex Angliâ, & in amici sinum prorepfit. Ipse verò non modò illum excepit perhumaniter; sed egit etiam vt Varius complecteretur, tuereturque. Discessuro Romam, literis præiuit ad amicos omneis in itinere, effecitque vt varia exhiberentur officia; ac Massiliæ præsertim, à sibi affine Balthasare Viasio, inter Latinos Poëtas huiusce æui celebri, qui illum per aliquot dies detinuit, ac fouit, & apparato nauigio rebus necessariis instructum dimisit. Prætereo fuisse Peireskio sollicitudinem non minorem circa Barclaij vxorem, filium, & Io. Ludouicum Debonarum vxoris germanum, cum quarto post anno profecti Romam ad illum sunt. Quod etiam statim in bonarum literarum gratiam peregit, fuit editio Inscriptionis, quâ Romæ effossâ ad portam Capenam, continebatur elogium Lucij Scipionis Barbati filij, ob Corsicanam expeditionem. Quippe non priùs ab Aleandro, & Pignorio exemplum habuit, quàm laborauit non leuiter, vt quantum posset, illustraretur. Existimauit enim vix vllam an-

tiquiorem ostendi posse, aut aliam formâ characterum vetustiore[m] existere; constructionem Grammaticam à vulgari quidem abhorrere, at sæcula tamen prisca sapere; denique edoceri res, ignotas alioquin mansuras; vt quò referri deberet illud ex Ouidio inexploratum,

Te quoque, Tempestas, meritam delubra fatemur,

Cùm penè est Corsis obruta classis aquis.

Inscriptio enim sic habuit, HONC. OINO. PLOVRME. COSENTIONT. R. DVONORO. OPTVMO. FVISE VIRO. LVCION. SCIPIONE. FILIOS BARBATI. CONSOL. CENSOR. AIDILIS. HIC FVET. A. HEC CEPIT. CORSICA. ALERIAQVE. VRBE. DEDET. TEMPESTATEBVS. AIDE. MERETO. Itaque cùm ipsi maxime placuisset illa Sirmondi interpretatio, qua probatum est Inscriptionem hanc esse anni ab vrbe condita CCCC. XCIII. Sicque anno solùm posteriorem inscriptione Duilliana, siue columnæ Rostratæ, habita hûc vsque pro omnium vetustissima; idque præter explanationem orthographiæ, phraseos, rerumque in ea contentarum; ita nimirum legendum censuit, H VNC VNVM PLVRIMI CONSENTIVNT ROMÆ BONORVM, OPTIMVM FVISE VIRVM, LVCIVM SCIPIONEM. FILIVS BARBATI, CONSVL, CENSOR, AEDILIS HIC FVIT. HIC CEPIT CORSICAM, ALERIAMQVE VRBEM; DEDIT TEMPESTATIBVS ADEM MERITO: idcò ipsam quoque edi procuravit, sed tacito tamen nomine Sirmondi, quod ille,

1616. præ modestia, referre eam laudem noluisse. Enimvero illius nomen Peireskius non reticuit; cum misitatis quoquoversum exemplaribus, literas ad amicos dedit. Heinc mentionem fecit ipsius Seldenus erudito illo de *DI*s Syris opere; inscriptionem secum communicatam dicens à Cottono, cum is habuisset, è *Gallia*, inquit, à *Nicolao Fabricio Peiriscio*, viro & genere, & eruditione clarissimo. Itemque mox antè nominatus Aleander, qui editione Romæ iterata, & additamento facta, respondit ad difficultates deinceps obiectas. Cum porrò, inter cætera, mirum videretur mentionem nullam eius triumpho, quem Scipio egit, fieri; subditum ab Aleandro est, *Vir sanè perspicacissimus, ac literatorum non minùs, quàm literarum amans Nicolaus Fabricius Peireschi Dominus, desiderari meritò suspicatur alteram L. Scipionis Inscriptionem huic nostræ geminam. Grandi enim mole sepulcra apud veteres exædificabantur; neque existimare absurdum est, ab uno quidem latere hoc elogium, ab alio marmoritidem fuisse aliud, in quo triumphus memoraretur, atâsq; dies obitus, &c.* Hæc, & id genus alia moliebatur Peireskius, cum à Vario, Nouembri mense, Sigillum repetitum est, perillustrisque ille vir fuit in priuatam assertus vitam. Peireskius porrò, qui in eo, non tam splendorem muneris, quàm eminentiam virtutis spectabat, noluit vnquam deferere; indignum ducens facinus, si qui perstitisset in prospera, recederet in aduersa fortuna. Quanquam testari de viro solebat, duxisse illum semper hunc casum non infœlicem, infaustumque, sed fortunatissimum; vt

quo solo posset exoptatam diù tranquillitatem adipisci. Quare & magna alacritate restituisse depositum; & redeuntem ex Regia, voluisse paulò vberius vnà cum Malherbio, ipsòque Peireskio (tanquam negotiis nihil iam interturbantibus) cœnare; & secessu facto, placidissimè, iucundissimèque cum libris, amicis, eruditis viris, cōuersatum fuisse. Fuere per id tempus Riantensia negotia Parisiis Tolosam translata; fraterque Valauesius sub anni sequentis initium eam in urbem profectus est. Tametsi verò ipse quoque illeic desiderabatur, plurimùmque suâ præsentia expectabatur profuturus: attamen adduci non potuit, vt, quantumcumque negotia periclitarentur, dimitteret virum. Nec verò putes illum propterea rei literariæ dimisisse curam. Siquidem innumeram propè librorum multitudinem ad eruditos partim vtrò, partim requisitus quoquouersum misit; vti in Italiam, ad Pignorium, Aleandrumque, & ad Scipionem Cobellutium, tum primum purpurâ donatum, renuntiatumve Cardinalem, titulo Sanctæ Susannæ; cui est quoque non multò post Vaticanæ Bibliothecæ gratularus custodiam. In Angliam verò ad Camdenum, Seldenumque, & alios, qui ipsum seriò interpellârunt, ne literatæ hominum nationi inuideret diutiùs eruditas suas in Nummos antiquos, & in Galliam Narbonensem obseruationes. In Hollandiam autem, cum ad cæteros, tum potissimùm ad Thomam Erpenium, Arabicæ linguæ Professore celebrem; adiecit verò libris, literisque Arabicos nummos, in quorum interpreta-

1616.

1617.

1617. tione minùs comperta adiutaretur. Prætereo vt vicissim multa expetita acceperit ; vt ab Aleandro, modulum Congij Farnesiani , cum literis , quibus ille scripsit reuocasse se ad examen aquam Tiberianam, fontanam, & alias; ac post multiplicem comparisonem, discrepantiam in pondere reperire nullam potuisse. A Nicolao Alemanno Vaticanæ Bibliothecæ ante annum præfecto , notitiam Poëtarum Prouincialium. Ab Andrea Bruggioto , supplementum Indicis MSS. Græcorum, qui in eadem adseruantur. A Pignorio , breuiarium vitæ, ac tempus, quo obierat Ludouicus ille Cornarus, qui sibi sua sobrietate adeò longæuam, viuidamque senectutem effecerat : scripsit enim sepultum Paduz; postridie Nonas Maias, anno supra millesimum quingentesimo sexagesimo sexto. A Iacobo Colio, librum, cum excusatione, quòd non alia illustratione ipsius nomen expressisset, quàm appellando *Nobilissimum Gallum*. A Sandero, elogia ; à Ioanne Meursio, varios eius fœtus; à Willerio, genealogica: à Winghemio, botanica, & ab aliis alia. Cæpit etiam ex hoc tempore apparare Notas in Kalendarium Constantinianum, quod post annos septemdecim Ægidius Bucherus Societatis IESV transtulit totum in commentarium Canonis Paschalis Victoriani, à pagina nempe ducentesima trigesima sexta, ad vsque ducentesimam octogesimam octauam. Et non requiro quidem modum, quo obtentæ schedæ, & cum viro exiniè bono, eruditòque communicatæ: hoc solùm moneo, illas aliunde non fuisse exscriptas,



ptas, quàm ex petraro Codice, qui Peireskij fuit, ac etiamnum in illius Bibliotheca asseruatur. Egit autem multis de eo tam cum Aleandro, quàm cum aliis plerisque eruditis viris, qui ipsius euulgationem summopere desiderârant; quoniam thesaurus visus est ingens, corrigendis fastis, emendandæque tam sacræ, quàm prophanæ Chronologiæ. Exempli enim gratiâ, obseruare in eo licet Consulatum Probi, & Paterni, non fuisse in fastis illis prætermissum; qui prætermisus ab Onuphrio, illum in errorem vnus anni induxit; neque etiam antecedentem, qui simul omisus à Baronio, errorem fecit duorum annorum circa Christianam Epochen, vti est à Scaligero, & Setho Caluisio notatum. Sed ne confectè id genus alia, obiter exinde perspicies, quid sibi eruditus vir Iacobus Godofredus voluerit, cum post annos vndecim Geographum Anonymum edens, neque Peireskium nominare ausus, ob non impetratam licentiam circa editionem Calendarij, commutatam ea de re in præfatione Periodum huiusmodi verbis conclusit. *Si quid intra vnus, aut alterius pagella angustiam concluditur, non eò minùs est maximi momenti; cuiusmodi etiam veteres Notitias, & Consularia propediem expectamus.* Hæc inter, dolor infandus fuit, quo mortem excepit amicissimi capitis, Iacobi Augusti Thuani. Vix certè vnquam sine suspiriis meminisse illius potuit, vix vnquam sine elogio; quippe continuò illum dicens, quem & auita nobilitatis decus, & singularis erga Deum, Patriam, Principem suum pietas, & doctrina eximia, summùsque erga litera-

1617.

tos, ac probos omnes viros amor, & inexhausta bonitas, morésque candidissimi, verè ~~Σεβαστ~~ reddidissent. Solatio fuit primùm nobilis Progenies, in qua iam manifesta erant virtutis paternæ, auitæque semina; & maximè quidem in Francisco Augusto natu primo, qui vix ingressus adolescentiam, præ se iam ferebat animum Senatorium; & quantum Parens calamo ex toto orbe descriperat, tantum dem ipse oculis haurire coràm destinabat. Deinde commissæ Bibliothecæ cura nobilibus illis, atque eruditis Petro, & Iacobo Puteanis Claudij Senatoris Parisini filiis proxima cognatione cum ipso coniunctis; qui, vt literatis omnibus semper affulserunt, & gratificati sunt, ita semper Peireskio coniunctissimi exstiterunt. Speravit nempe, id, quod euenit, ipsis eam animantibus, Thuani genium superfuturum; & nobilem Musarum sedem, ex ingeniorum lectissimorum confessu, & frequentia, quam ipsorum candor, & antiqua fides conciliaret, agnitam fore. Contigit ea mors sub initium Maij. Cùm Varius autem ineunte Junio restitutus fuisset, ingenti applausu, suo Muncri; perseveravit Peireskius, neque ab eo absuit, etiam in Comitibus virorum Notabilium, qui è tota Gallia conuocati, confedere Rhotomagi, sub Nouembris finem. Procurationem in iis egit communis sui Senatus causæ (ac potissimùm circa ius, vt appellant, annum, seu pensionem, qua Magistratuum munera fiunt hæreditaria) vnà cum viro bono, & collega amico Honorato Agutio, qui ad eadem concesserat. Non modò verò adnotauit quicquid in eisdem con-

sultum, decretum, peractumque est; verum etiam, 1617.  
quia ex vniuersa Gallia selecti viri conuenerant; ideo  
non commisit, vt quisquam rediret in suam Prouin-  
ciam, quin illum aliquo officio demereri adnixus  
fuisset, & repetitis colloquiis plurima ( nisi potius  
omnia) in eius regione singularia addidisset. Vnum,  
quod permolestè tulit, fuit mors Nicolai Neouillæ  
Villaregij, inclyti illius à Secretis Maiestatis prima-  
rij, à quo vnicè amabatur, quique etiam apud Va-  
rium, atque omneis bonos desiderium sui maxi-  
mum reliquit. Habuerat ille magno in pretio virum  
eximie probitatis, prudentiæque Eliam Deoda-  
tum, quem sanè ipse quoque Peireskius non po-  
tuit ex eo tempore non suspicere plurimum, non  
impensè diligere: siquidem, præter cæteras doteis,  
commune illi cum ipso fuit, nullum non virum do-  
ctrina conspicuum totâ Europâ demereri. Cùm re- 1618.  
diret postea, sequente Ianuario, transire voluit Le-  
xouiiis, vt suâ industriâ temperaret quædam Capitu-  
li iura aduersus Episcopum; idque in gratiam Varij,  
Episcopatu recens donati. Parisios reuersus, nihil  
potius habuit, quàm Regium stemma vindicare à  
technis cuiusdam Theodorici Piespordij, Archidu-  
cibus, seu Principibus Belgij à Secretis, qui, imitatus  
Iacobum Valdesium, Hispanum consiliarium, co-  
natus est Austriacam familiam mascula serie à Pha-  
ramundo Francorum Rege deducere, atque idcirco  
Franciæ Regnum Catholico, seu Hispano Regi ipso  
successionis iure vindicare. Videlicet ab anno vsque  
superiore ediderat stemma Habsburgi-Austriacorum

1618r Principum, seu Genealogiam Austriacani, per nobilissimos Habsburgi Comites ex prima Regum stirpe deductam; illiusque exemplum ante Natalitia missum à Winghamio ad Peireskium fuerat, misso prius alio, ac Regi oblato per Archiducum Oratorem; quod Peireskii non poterat, tanquam indignum facinus, non iniquo animo ferre. Ad refellendum autem imposturam, facile detexit imprimis nullam Chartam authenticam, nullumque Authorem citari centum, & viginti annis superiorem; ante id videlicet tempus, quo Trithemius, & alij Maximiliano Imperatori assentantes, prolixam illam Auorum seriem, non consentientes licet inter se, pertexere non crubuissent. Deinde, cum Sigebertus Austrasius, vnus ex filiis Clotarij Regis à Pharamundo septimi, delectus fuerit, à quo familia Austriaca deduceretur; nulla ratione ostendi potuit integra illius successio ad Habsburgicos vsque Principes; quos aliunde Piefpordius perabsurdè, ac perperam ante annum Christi septingentesimum vigesimum sic nominaret; cum Habsburgum conditum solum anno supra millesimum vigesimo septimo constet. Argumentabatur etiam Peireskii, quamobrem illi Principes, qui ex Sigeberto orti fingerentur, quique vixissent tum Pipini, tum Capeti temporibus, conquesti nullo modo fuissent iniuriam sibi fieri, tanquam ex Pharamundi stirpe superstitionibus, & successione legitima ad Francorum sceptrum vocatis? Verum quia tamen Comites Habsburgici secundum lineam masculinam ex Regum nostratum stirpe descendissent,

nouerat tamen Peireskius ex actis Murenfis in Heluetia monasterij nuperrimè editis perspicuè probari Principes Austriacos serie duntaxat fœminea ad Habsburgicam familiam spectare, masculâ verò pertinere ad Tiersteinicam, cuius Piespordium, & alios suppudere non debuisset; idcirco magna contentione, & repetitis literis curauit, vt amicus sibi, & nominatus iam antè Vicus tum legatione Regia ad eas parteis fungens, dextrè obtineret authenticâ formâ Actorum Exemplum, quod posset inferri in Chartophylacium Regium (adeò verebatur ne Autographo sinistri quidpiam contingeret) ac præsertim antiqua illa, quæ præfixa Actis erat Principum Monasterij fundatorum Genealogia. Re iam in tuto collocata, procurauit sollicitè iteratam editionem tum Actorum omnium, tum maximè eius Genealogiæ, quam, ne vnâ quidem syllabâ additâ, vel demptâ rededit in perspicuum schema. Ex eo autem statim patefcit Wernerum Comitem Habsburgi, qui obiit anno millesimo nonagesimo sexto, filiam habuisse nomine ITAM de Tierstein, siue Homberg, hoc est, more loquendi Genealogistæ, Rudolpho Tiersteinico, siue Hombergico nuptam, quæ Wernerum genuerit, Patrem Alberti, Auum Rudolphi, Proauum Alberti alterius, Abauumque alterius Rudolphi, qui fuit eius nominis, & familiæ Austriacæ Imperator primus. Et mira sanè est industria, qua tam Franciscus Guillimannus, quàm ipse Piespordius, Wernerum Itæ filium sic dissimulant, quasi ille fuerit non ipsius Itæ, sed fratris eius filius; de

1618. cuius tamen progenie nulla vsquam mentio: vt neque Adelberti alterius fratris, ex quo successio Habsburgica ad familiam Tiersteinicam, seu Hombergicam transit. Sed nempe aduersari fidei manifestæ non puduit, & ita variè comminisci, vt Guillimannus quidem fecerit Itam Ottonis sororem, nurrum, neptem; & Piespordius sororem, vxorem, nurrum, & sororis neptem ex Wernero Tiersteinico. Et sic quidem Peireskius lætabatur se præsecuisse ansam adulatoribus illis Genealogisticis; ac tantò magis, quantò Guillimannus magnam se fidem habere dixit Actis illis Murenfibus, ipsùmque Guillimannum duobus annis pòst delegit Gaspar Scioppius, quem in ea parte stemmatum Austriacæ domus sequeretur. Non memini porrò, an hæc, an alia ipsi caussa fuerit inuisendi Rhemis Capitulare Archiuum, Canonicis diplomate iussis aperta ipsi facere acta, & tabularia omnia; ac exhibere duo quædam Instrumenta præcipua, magni momenti res continentia. Id memini, habitum ipsum penitioris historię Gallicanæ scientissimum, ac editum fuisse ab eo specimen, cuius, præter ipsium, alios habui enarratores. Cùm enim mense Martio contigisset illa memorabilis Basilicæ Curie conflagratio, ad cuius spectaculum vnà cum Iacobo Gilloto Senatore optimo intempesta nocte accurrit, deduxit eò deinceps quotquot penè erant in vrbe eruditos viros, vt considerarent Regias statuas, quæ truncæ supererant, cæteris in calcem conuersis. Et cùm nemo dicere posset, cuiusnam esset Statua, quæ etiam ante incendium

præfêcto vultu fuerat visa; ipse ex superante vno lo- 1618.  
culamentorum, edisseruit eam fuisse Henrici Angli,  
quam Carolus septimus mutilare contentus fuisset,  
neque omninò deiecerat, tanquam locum destinans  
suz alium à loco, quem statua vsurpatoris occupauis-  
set. Nec modò verò specialem illam aduersus Pies-  
pordium, & alios nauatam voluit operam; sed quo  
affectu prosequeretur, & sacre Regiæ Maiestatis, &  
Francici nominis gloriam, meditatus est ex eo tem-  
pore editionem Auctorum omnium, cœtaneorùm-  
que præsertim, qui Francorum originem, Histo-  
riamque scripsit mandârunt. Tum quia nôrat pluri-  
mos adhuc in variis Ecclesiis, Monasteriis, ac Biblio-  
thecis priuatorum asseruari ineditos; conquirendi  
curam assumpsit; & ( quoniam ipsi non vacaret )  
communicandi cum Andrea Duchesnio Historio-  
graphorum diligentissimo, ipso quoque ex eo tem-  
pore ad id animato. Is apparabat editionem Hi-  
storiarum Normaniæ: Peireskii verò, vt suam illi  
sagacitatem, & diligentiam argumento quodam  
probaret, quæsiuit, ac obtinuit à Roberto Cortono  
Anglo tum Anonymum, de gestis Emmæ Reginæ  
Anglorum; tum Guillelmum Pictauinum, quos ipse  
breui pôst adiunxit, testatúsque est, Camdeni inter-  
uentu transmissos, *Ad virum, inquit, Ill. & de li-  
teris benè meritum, D. Nicolaum Fabricium de Petrisco  
Regium in Aquì-Sextiensi Prouinciæ Curia Senatorem,  
mibi summo amicitie vinculo carissimum.* Quoniam ve-  
rò Fronto Ducæus parabat eodem tempore editio-  
nem Codicis Græci; literis maiusculis scripti, ma-

1618. gnamque Bibliorum partem continentis, & ea quidem antiquitate, ut diceretur correctus manu propria Origenis, attestantis cum Tetraplis magis vetustis fuisse collatum: ideo cum Peireskius probe meminisset exstare apud eundem Cottonum MS. Græcum pretiosissimum, ab usque Theodosij temporibus, caractere etiam maiusculo exaratum, & à Rege Iacobo mille aureis coemptum; ideo, inquam, ut ea editio ex collatione fieret completior, scripsit, misitque in Angliam, & fide, sponsionisque data, Codicem obtinuit, cumque Frontone communicavit. Autumnus porrò fuit eius anni, cum nominatus est à Rege in Abbatem Sanctæ Mariæ Aquiltriensis in Aquitania. Quam operam eius occasione præstari Romæ oportuit, contulere ultrò Cardinales varij, ut Cobellutius, Ursinius, & (qui postea fuit) Marquemontius; sed nullus tamen studiosius, quàm Massæus Barberinus, qui deinceps fuit, ac etiamnum vivit summus Pontifex. Nempè ex eo iam tempore necessitudo intercessit, exultaque est literis, ultrò, citroque sæpius datis. Occasionem fecit perelegans Ode à Cardinali in Beatam Magdalenam composita, cuius initium, *Innixa pennis versicoloribus*. Cum enim Peireskius illius exemplum ab Aleandro accepisset, mirificèque ea delectatus, applausum etiam ab omnibus, quibuscum eam communicarat, eruditus viris tulisset; impetrauit, eodem Aleandro intercedente, licentiam, ut typis mandata amplius vulgaretur. Distractis exemplaribus, placuit iteratò poema edere, sed grandiore forma, ut posset & ad Sanctam



Etiam Balmam ( rupem , ac Eremum pœnitentiâ B. 1618.  
 Magdalenæ insignem ) & per Ecclesias , sacellâque  
 reliquæ Prouinciæ appendi. Quinetiam rursûs ede-  
 re visum, postquàm procurauit ab eodem in gratiam  
 S. Ludouici Franciæ Regis Oden contexi , cuius est  
 initium, *Obiectu gemini maris*; & post conditas etiam  
 alias, quas obtinere licuit Aleandro quasi suffuran-  
 te. Sub anni finem celebris in cœlo Cometes efful-  
 sit, ad quem obseruandum adhortatus est quotquot  
 nouit industrios viros. Ipse destitutus organis ido-  
 neis, & cùm se multùm credere cœlo, ob inualeru-  
 dinem, non auderet, alia ratione non attendit, quàm  
 Telescopio capitis formam, & diuersitatem à cauda  
 discernens, caudâmque ipsam comparans cum Sola-  
 ribus radiis per fenestellam traiectis. Lætatus autem  
 postmodùm est, cùm accepit potuisse nos versanteis  
 Aquis-Sextiis paullò diligentius omnia obseruare.  
 Vt pauca ex iis seligam, in illorum gratiam, qui scire  
 hæc volent, Apparuit Cometes à Nouembris fine in  
 medium Ianuarium; & quia emersio fuit matutina,  
 idcirco cauda sursum nitens aliquot diebus visa est,  
 priusquàm caput conspiceretur. Caput fuit subpalli-  
 da stella, quantæ sunt fixæ primi honoris (sed non  
 illarum instar scintillans) rotunda, quæ Solem spe-  
 ctabat; crispata, quæ erat auersa. Cauda, seu Crines,  
 radiatio fuit tenuior, & paullò candidior, longa ini-  
 tio octantem cœli, & lata ad extremum, (quæ etiam  
 nonnihil primis diebus versus austrum desleceba-  
 tur) sextantem propè prolixitatis. Apparitio Capitis  
 prima, quæ Scorpius brachia contrahit, fuit; desi-

1618. tio, quà Draco Vrfas dirimens , postremo loco explicat caudam. Scilicet præter motum diurnum, quo Cometes Siderum instar oriebatur, occidebátque, progressus est etiam motu proprio à meridie in boream; sed ita tamen, ac si cœpisset à medio Scorpione, secuissetve ibi Solis orbitam, cum inclinatione ad occasum graduum proximè sexaginta trium. Cùm initio verò is motus esset dietim duorum graduum cum besse, factus est sub nonas Decembris velocior gradu integro; deincepsque ita decreuit, vt tandem elanguerit: vt etiam cauda, quæ fuit illis initiis adeò proluxa, ita sensim contracta est, vt euauerit denique vnà cum capite confusa. Peireskiius, hac re intellecta, parùm abfuit, quin Keplero assenserit, existimanti illum motum traiectionem fuisse rectilineam, quæ facta fuerit proxima nobis, cùm velocissima apparuit; neque diurna reuolutione impediri potuerit, quasi ea foret ipsi afficta ex reuolutione Telluris: aliunde tamen, vt agnouit non esse Cometam halitum terrestrem, sic persuadere sibi non potuit vel eructatum fuisse à Sole, vel concreuisse ex aura ætheria. Concessisset lubentiùs in eam Senecæ opinionem, quæ statuit Cometas non minùs perpetuos, quàm sidera perpetuò visa; adeò vt iste, cùm est conspectus, non recens fuerit genitus, sed recens apparuerit; nec interierit exsolutus, sed ob immensam longinquitatem videri tandem desierit. Res tamen ipsi visa est dura, finitum esse mundum persuaso; facilèque solùm admittit, quòd ex obseruatis demonstratum est, traiectio-

nem Cometæ fuisse non modò superiorem Luna, 1013  
 sed vix etiam Sole ipso inferiorem. De directione  
 caudæ Cometæ in plagam Soli oppositam, non est  
 cur aliquid addamus; cùm præsertim locus non fe-  
 rat, vt edisseratur, quamobrem ab exquisita oppo-  
 sitione, & nunc quidem ad dextram, nunc verò ad  
 læuam, cum inæquabili quadam deflexione recesserit.  
 Non est etiam cur de præfagiis; cùm non pos-  
 tremum sit argumentum imbecillitatis humanæ, ad  
 ista expauescere, quibuscum res nostræ commercij  
 nihil habent. Mirum, cur saltem Deo non credatur,  
 dum à signis cæli nihil metuendum iubet; scilicet  
 ipse signa non faciens, ex quibus non expositis,  
 quid futurum sit, caueri non possit. Nisi autem  
 Deus Cometam calamitatum signum constituat;  
 vnde-nam esse in Cometa potest aut futurorum no-  
 titia, aut affectus significandi? Annon ille suam  
 pergit viam, vt naturalia cætera; parùmque eius in-  
 terest, quid humanæ gentes inter se moliantur? Ac  
 iste quidem dictus est portendisse cladeis postmo-  
 dum sequutas: sed nempe antè non fuerant bella,  
 pestes, ac Reges mortui? nullæ iam viginti post  
 annis excitantur tragædiæ? Referunt adhuc ad Co-  
 metam: verùm erit cur pari iure exorturas referant  
 turbas, quousque nouus Cometes sit, qui obliuio-  
 nem istius creet, tametsi ante centum annos appa-  
 riturus non fuerit. Attamen digredimur nimis. Ni-  
 hil non deinceps egit Peireskius, vt tam specialis,  
 quàm generalis Orbis descriptio perageretur. Nam  
 primò, vt studiosè fouit, sic non leuiter annuit

1619. Petrum Bertium, tum ex Hollandia primum aduentantem, vt Geographicas illas suas molitiones in lucem daret. Deinde, quia tum prodiit illa orbis Terræ descriptio secundum septem climata, & Nubiensis Geographia à Gabriele Sionita ( qui textum Arabicum est interpretatus Latine ) inscripta ; curauit statim Peireskius, exemplo ad Cluuerium misso, condi ab ipso Tabulam, qua locorum situs iuxta hanc Geographiam expressi intelligerentur. Ad hæc, quia perhibebatur Ioannem Mærium, nauarchum Hollandum, detecto spatioso, & tranquillo freto ad ortum Magellanicum, obseruatisque nouis rebus, regionibus, ac populis, circumnauigasse fœliciter orbem, nec velle tamen, certo consilio, obseruatorum narrationem publici iuris facere ; idcirco tantum aduigilauit, vt à Gulielmo Schuttenio, nauclero præcipuo, Nauigationis totius diarium obtinuerit, quod latinitate donatum edi illico procurauit. Quia verò Mærius propterea cum Schuttenio litem instituit ; ideò de litis æstimatione dependenda securum voluit. Neque id porrò obstitit, quò minus quidpiam simile circa profectioem aliam attentaret. Nimirum fama percrebuit rediisse Hollandorum nauim ex mari Hyperboreo, quæ septem gradus proximè accessisset ad ipsum polum ; sed nullo tamen modo potuit velificationis seriem obtinere. Commendauit autem interea Nauarchum, quòd quamuis potuisset se polo, minore cum difficultate, quam credatur, supponere ; non fecisset tamen, quoniam aliàs incertissimus plagarum Mundi effectus fuisset ; nullo

quippe iam existente Septentrione, aut meridie; nullo exortu, vel occafu; nullo magnetis ad ventos vfu; nulla methodo, qua in vnam partem, potiùs quàm in aliam difcedendum noffet. Rursùs, quia nôrat Vincentium Blancum ciuem Arclatenfem longè, latèque peregrinatum, congelfiffe quamplurimas rerum vifarum obferuationes; idcirco illas quæfitum mifit, vt (liceret modò per ipfum) dari in lucem procuraret. Obtinuit ergo: verùm attendens omnia ratiociniis infecta, ac ea præfertim opinione, quòd Terræ fuperficies non globofa, fed plana fit; capropter totum negotium crudito viro Nicolao Bergerono commiffum voluit, mandauitque feligeret, ac fuo modo diceret quæ effent merè hiftorica, narrationisq; haberent fidem. Suadere deinde conatus eft Blanco, vt id probaret confilium; præftitum idem in hiftoriis, fiue relationibus Pirardi, Moqueti, aliorum; permittendum Philofophis, vt eas quæftiones difputent, neque effe recitatoris dogmaticum agere, præfertim contra communem fidem: poffe quidem fententiam de terræ planitie attingi; fed tamen tanquam à Barbaris creditam, non ab eo defenfam; fore, vt fi infirerit, literatis ludibrio fit, narrationisq; aliunde fuæ, tametsi veræ deroget fidem; integram, & finceram laudem ex nuda peregrinationum hiftoria illi fuperfuturam; curaturum fe fe, vt opus dedicaretur Regi, aut alij, qui gratè accipiat, cæteraque huiufmodi; quæ virum tamen ab instituto dimouere nunquam potuerunt. Prætereà curauit incidi, excudisq; denuò Tabulam

1619. Chorographicam, seu delineationem Prouinciæ à Petro Ioanne Bompario ante annos triginta confectam. Cùm forma, elegantior licèt, nihilominùs non placeret, effecit, vt Iodocus Hondius eandem biennio pòst iteratò sculpsit; qui adhùc non modò in eo displicuit, quòd reticuerit Bomparij nomen: sed in eo etiam maximè, quòd editiones alias imitari maluerit, in quibus gradus latitudinis præter verum designantur. Nam Aquis-Sextiis, exempli gratiâ, adscribitur gradus quadragesimus secundus cum besse, cui debetur quadragesimus tertius cum semisse, & vno, alteròve minuto præterea. Heinc fuit illi semper in votis Tabulam nouam construere, quæ adhibitis nouis obseruatis, dimensionibusque magis exquisitis, exhiberet singula loca, tam cum cælo, quàm inter se ad amussim consonantia: verùm instituto fata obstiterunt. Postremò, quia mirè illum delectauit, quod Ioannes Baptista Morinus, cuius iam antè meminimus, quique deinceps inter professores Regis Mathematicos meritò inclaruit, de sua illa in Hungaricas fodinas peregrinatione aliquoties commemorabat; ideo auctor fuit, vt eam Relationem scriptis mandaret, ac eederet. Id autem ille præstitit; sed præmissa Mundi sublunaris Anatomia, qua euincere est conatus, vti aër in treis regiones distribuitur, ex quibus suprema semper calida, media semper frigida, infima nunc calida, nunc frigida est; ita terram in treis discerni, quarum infima semper frigida, media semper calida, suprema, aëri contigua nunc illo calefcente fri-

geat, nunc frigescente caleat. Non fuère illi hæc studia fatis; sed variis præterea officiis commendatos virtute viros demereri conatus est. Quid memorem enim, quòd Pacium ex hoc tempore pro ipsius votis Catholicum factum, ac iam exoptantem redire in Patriam, donari curavit professione Iuris primaria in Academia Patauina; vt etiam cum idem Valentiam repetere post biennium voluit, accessiri ipsum procurauit per literas à Delphinatus Prorege ac Præsidente primo, iussu Regis scriptas. Quòd cum Philippus Iacobus Maussacus magnum Senatus Tolosani ornamentum nactus fuisset iam memoratos Iulij Scaligeri in Aristotelis historiam de Animalibus Commentarios, ipsum non parùm animauit, vt eos cum Notis ederet; neque segnis fuit, vt iam editos ad omnes viros per Europam eruditos transmitteret, vt ad Aleandrum, Pignorium, & alios? Quòd Barclaij operâ vsus, exscripta habuit ex Vaticano codice Erotica varia, in gratiam Gilberti Gaulminij, insignis bonarum literarum luminis: cum accepisset ea deesse in Theodoro Prodromo, tum breui edendo ex Salmasiano Codice; vt ille quoque testatus est in præfatione ad lectorem? Quòd exemit variis varios scrupulos, vt Pompeio Paschalino de Patruï defuncti Cameis; vt Thomæ Erpenio de Saracenicâ historia, ac huiusmodi alia multa. Inardescabant tum studia inter memoratum aliquoties pereruditum Iacobum Sirmondum, & Claudium Salmasium, illud aliud humanioris literaturæ decus eximium, circa quæstionem celebrem, cui ab vno

1619. anno locum dederat Iacobus Gothofredus duabus dissertationibus de Suburbicariis regionibus, & Ecclesiis; seu de Praefectura, & Episcopi urbis Romae Diocesi, coniecturâ. Et quousque quidem ea controverfia processerit; quàm multi utrimque eruditi viri symbola sua contulerint, referre haud est huius loci. Dico solùm Peireskium omni cura allaborasse, ut, quod eruditos decebat, res leniter perageretur. Certè cùm ipse quoque Aleander se interposuisset, mississetque Româ ea de re tractatum, qui ederetur Parisiis, vix id probare Peireskii potuit: & cùm vigeretur, editionem procuravit quidem; sed temperatis priùs quæ ille de Conciliorum, Pontificumque auctoritate attigerat, quæque aduersus sententiam improbatam respererat paullò acerbius. Eadem libertate, ut aliud attingam, usus est aduersus Barclaium, qui Argenidi intexuerat nescio quem Dialogum paullò liberiores. Accepit nempe sub idem tempus magnam operis eius partem, quam mandari typis curaret. Et Barclaius quidem in illo, tam ipsi, quàm Vario certam destinavit personam; at Peireskii, laudato affectu, maioris longè duxit, gratiorumque habuit, quam se illi debere dixit, Virginij Cæsarini, bonis literis, artibusque excultissimi viri amicitiam, acceptis eius literis, elegantissimisque elegiis. Sed Barclaius nempe laudandus, qui quocumque potuit modo est gratitudinem testatus; veluti rursus, cùm exceptâ per id tempus Romae familiâ, Elegiam texuit nomine vxoris, in qua hæc, præter cætera,

*Vera*



*Vera loquor, multum, diuine Viassie, iuuat,*

*Quò fugerem lactus, tunc meminisse tui,*

*Ingeniisque viri, seruent quem Numina Gallis*

*Peiresij; nihil, hoc sospite, triste dabunt.*

*Ingenium spectes, credas de Pallade natum:*

*Virginis hæc quàm sic ponere nomen amet!*

*Quicquid erant Musæ, quicquid Prudentia quondam;*

*Hunc unum Gallis scilicet esse putes.*

*Viuat, amèque meum, rata sint ea pacta, maritum:*

*Viuat, & in laudes crescat ad vsque suas.*

Atque hæc quidem anno iam sexcentesimo, ac vi- 1619  
 gesimo; cuius ineunte, ac ruente vere, stranguiriâ,  
 aliisque morbis ita laborauit, vt non sine magno  
 animi dolore præpeditus fuerit, ne sequeretur Va-  
 rium, cum Rex ætatis initio ad sedandum Norma-  
 niæ, Prouinciarumque aliarum turbas; ac postea  
 etiam in Aquitaniam, Bearniamque discederet. Con-  
 ualescens, accepit Genuâ à Pio Mutio literas, quibus  
 certior effectus est, nonnullas adhuc Pinellianæ Bi-  
 bliothecæ reliquias extare. Scripsit enim ille reperisse  
 se quinquaginta duas orationes Themistij, quæ ser-  
 uatæ ex illa fuissent, quæque editæ non reperiren-  
 tur, etiam inter euulgatas ante duos annos à Dio-  
 nyisio Petauio, viro, quo nescio an habeat erudita  
 IESV Societas doctiorem. Id ad ipsum retulit sta-  
 tim; & cum offendisset meditantem iam opus illud  
 ingens de Doctrina temporum, quod paucis post  
 annis in lucem emisit, non parua, eius occasione,  
 in gratiam Scaligeri, amici quondam sui, differuit.  
 Circiter id tempus, spectauit curiosius Sacelli Basili-

1620. cæ, seu, vt vulgò indigitant, Sanctæ Capellæ Gazo-  
 phylacium. In rarissima autem illa, pretiosissimâque  
 supellectile, Cimelium detexit omni pretio maius,  
 Cameum videlicet, siue Achatem Orientalem, Sar-  
 donychémve Arabicam, amplitudine Parisiensi, seu  
 Regio pedi exæquatam; in qua sculptæ viferentur  
 mirò artificio viginti quinque figuræ, omnes can-  
 dore eminentes, & in nigro æquore flauedine qua-  
 dam subobscura interstinctæ. Exornata illa circum  
 fuerat Christianis figuris, & epigraphis à Græco quo-  
 dam Imperatore: adeò vt cum Balduinus eam op-  
 pignerasset D. Ludouico, ac postmodum tandem  
 venisset in manus Caroli Regis, nomine quinti, &  
 crederetur sacram quandam continere historiam; in  
 eum Theſaurum, quasi Donarium religiosum, fue-  
 rit illata. Peireskii porrò, cum rem spectasset, &  
 ad figurarum conditionem attendisset, cognouit po-  
 tiùs prophanam quandam repræsentari historiam;  
 & quantum coniecturis potuit assequi, credidit esse  
 Apotheosin defuncti Augusti. Eam nuper Ioannes  
 Tristanus Santamantius, rerum antiquarum eximie  
 peritus, æte inciso exhibitam in suos inseruit Com-  
 mentarios. Testatus est autem se primam illius no-  
 titiam hausisse ex Peireskio; præfatus *virum rare  
 adeò, exquisitæque eruditionis, vt omnem suam commen-  
 dationem inferiorem censeat ea claritate nominis, qua totâ  
 Europâ euasit illustris.* Scribit deinceps se prima vice  
 in comitatu Peireskii spectasse hoc rarum antiquita-  
 tis monumentum, ocepissèque coniecere, ecquid rei  
 repræsentaret. Quandoquidem verò temporis pro-

gressu circa nonnulla capita à Peireskij mente deflexit, contigitque, vt aliquoties differentem ea de re τὴν μακρείτην audierim; idcò rem ingratham fortassis non faciam, si præcipua quædam interpretationis discrimina heic attigero, in illorum gratiam, qui rem totam studiosius examinatori Achatem ipsum, aut cætypum, memoratumve habuerint librum. Ergo, quem Santamantius interpretatur esse Iouem, succedente Ænea; Peireskius esse censuit Augustum, Deæ Romæ ope elatum in cælum; & quem ille vult esse Augustum; ipse interpretatus est Marcellum equorum amantem, quem fata terris solùm ostendere, innuente Romæ, quod ab illo recusabatur Orbis imperium, tradere sese Tiberio proximè supposito. Et certè, si attendas ad prototypum, adolescentis potiùs, quàm senescentis vultum agnosces. Sic quem Peireskius sub Marcello existimauit esse Drusum Tiberij filium, manu versus Iouem extenta, tanquam postulando, post patrem, imperium; autumat Santamantius esse Numerium Atticum, contemplantem, attestantemque fuisse Augustum raptum in cælum: Et quam assidentem Druso Liuillam vxorem ille censuit; censet hic esse posse Iuliam Augusti filiam in exilium actam; vt credidit illum ad dextram Iouis esse Drusum Tiberij fratrem; quem potiùs Iulium Cæsarem Peireskius esse existimauit. De Germanico, Agrippina, Caligula, discrimen nullum; imo nec de Tiberio; nisi quòd Peireskius vestem Imperialem serpentibus circumdatam esse dixit Ægidem Iouis; appellauitque lanceam sine ferro,

1610. sceptrum prælongum. Sic censuit Antoniam Germanici matrem, quam Santamantius Liuiam; & contra Liuiam esse putauit, quam Santamantius Antoniam. Sed hæc obiter. Cæterùm Peireskius ita exultauit, ob præclarum adeò Cimelium repertum, vt non modò ad intuendum & Santamantium, & cæteros, quotquot erant Parisiis, curiosos viros inuitârît; sed etiam de eo literas ad amicos in Angliam, in Germaniam, in Italiam, per totam Galliam dederit. Scripsit autem de eo præsertim ad Petrum Paulum Rubenium Antuerpiensem, pictorem celeberrimum, & totius antiquitatis, sed Cameorum imprimis studiosissimum, peritissimùmque, qui dicto citiùs exfiliit, vt rem spectaret cominùs, & exprimeret coloribus viuus. Tulit autem Peireskius, Cimeliique vice nobilem habuit effigiem, præter cætypos varios sulphureos, gypseos, chartaceos, quos ex Achate ipso expressit. Adiciendum verò, quòd præterea, non sine quodam numine, cætypum sulphureum obtinuit Camei alterius, in ipso Imperatoris Cimeliarchio asseruati. Achates est similiter, sed superiore nonnihil minor, quem Philippus Pulcher Pissiaci monialibus legauerat (cùm habuisset ipse ab Hierosolymitanis Equitibus, illum in Palæstina nactis) quémque per bella ciuilia furto sublatum, Mercatores quidam detulerunt in Germaniam, ac diuendiderunt Rudolpho secundo duodecim milibus aureorum. Expressus autem fuerat, adseruatúsque cætypus, quem nescio qua sorte Peireskius fuenit assequutus. Neque verò cætypum modò, sed ger-

manam etiam picturam consequutus est, elaboratam iam pridem celebris illius Nicolai pictoris manu, cuius egregia opera in Fontis-bellaquei xysto inspiciuntur. Præterea autem eius figuras ita esse interpretatum, ut opinatus fuerit illis designari Apothecis viuentis Augusti. Quippe, ut apud Iosephum legitur factus ab Herode Cæsaris Colossus, forma, ac magnitudine Iouem Olympium referens, itémque alius Romano par, referens Iunonem Argiuam: ita videtur in his figuris repræsentari Augustus habitu Iouis Olympij, unà cum Dea Roma habitu Iunonis Argiæ: apparentque aliunde Iupiter, & Iuno abeuntes, locum cedere; itémque signum Scorpij contrahere brachia, cæteraque huiusmodi. Laborauit quoque deinceps infestissimo oculorum morbo. Sed ut prosequamur quàm multa propterea non destiterit per hæc interualla morborum moliri, curauit ecce æri incidi elegantissimas figuras, quibus illustraret librum à Rege Renato Comite Prouinciæ de Torneamentis conscriptum, ac editioni destinatum; idque postquàm obtinuit à Ioanne Iacobo Chiffletio Vesuntino, medico claro, aliud de Torneamentis volumen. Meminit huius curæ Andreas Fauinus in libro Theatri honoris, ordinumque Equestrium tertio. Resumpsit & curam memorati supra Constantiniani Kalendarij, de quo proinde scripsit ad Schilderum Cameracensem Canonicum, à quo illum habuerat, simulque ad Franciscum Carondeletium, eiusdem Ecclesiæ Decanum, qui eximia rerum bonarum curiositate tenebatur.

1620. tus fuit de variis rebus, quæ afferuabantur in Musæis Ducis Arschotani, & nominati mox Rubenij: ea verò in re fecit illi satis Ioannes Gaspar Geuarius, celebris, & si quispiam alius, germanus Musarum alumnus, quicum amicitia non leuis fuerat Parisiis iam inita. Præterea singularia quæque cum Ramberuillero Vici commorante numismata communicauit; ne vicissim commemorem ipsum Ramberuillium nihil prorsus habuisse in pretiosis loculis, quod non fecerit cum ipso communc. Anni insequentis primo statim vere amplius, quàm mense decubuit: adeò vt neque discessurum iteratò cum Rege Varium comitari potuerit; neque Hugoni Grotio, tum primùm in Galliam appulso, quàm multa, magnaque officia destinauerat, exhibere: scilicet tanti illum ducebat, vt in vicem Scaligeri asfertum Gallix diceret. Prætereo autem, cùm Grotius deinceps sese ad scribendum historiam suorum temporum compararet, communicasse cum illo Peireskium tum monumenta varia, tam priuata, quàm publica, quæ fuere sibi præ manibus; tum complura, quæ ex Italia repetita obtinuit, nominatim verò ab Antonio Querengo docto, & magni nominis viro, ad quem multa fuerant ex Gallia transmissa, conscriptorum Ducis Parmensis, seu Alexandri Farnesij gesta. Transiit sub id tempus Parisiis memoratus supra Vicelegatus à Balneo, Pontificis Nuncius destinatus in Flandriam; qui cùm vellet singularia, quæque in vrbe spectare, sed tamen quasi incognitus, commodùm profectò conualuit Peireskius, qui
- 1621.

ipsum variè deduceret ad eruditos , ad Musæa , ad opera omnia rariora ; ac insigni alacritate præstaret vnus officia , vix à pluribus simul expectanda. Atque id quidem mense Julio : sequutus est verò Augustus , quo luctuosorem non habuit. Eo nempe mortuus est Varius , cui per octiduum laboranti non potuisse suprema quæque exhibere obsequia , molestissimum sanè fuit. Obiit autem vir ille magnus Tonini Nitiobrigum , in obsidione Cleracensi , tertia dicti iam mensis die , ingenti Galliæ totius luctu. Quàm verò speciatim percussus eo casu fuerit Peireskius , nihil est necesse commemorare : quippe perspecta iam indoles , vehemensque amor , & diuturnus cultus , quo prosequutus virum fuerat , vel me tacente , satis insinuant. Meritò sanè quotquot penè de Varij morte condidère carmina , nuncupauère Peireskio : nemo enim fuit vt afflictior , ita consolatione dignior. Fuère in iis Hugo Grotius , qui sic illum affatus est ,

*Quòd tu , qui nuper Regni moderantibus omne  
Arbitrium curis dulce leuamen eras ,  
Morte super cunctos fasces exstantis amici  
Astonitus , tanquam propria damna , doles ,  
Optime Peiresi , tanto indignissime casu ,  
Inuidet hunc luctum Gallia tota tibi ;  
Atque in communi Mundi , Patriæque dolore ,  
Præcipuas partis vnus esse vetat. &c.*  
Itémque Petrus Bertius , cuius hoc inter cætera ,  
*Si , Peiresce , ræmen sic placuit Deo ,  
Quid mæsti querimur ! quin potius modum*

1621. *Lesſo ſigimus, & nos quoque, cùm vocat  
Sors noſtra, has patimur vices?*

Alios vt mittam ; dico ſolùm, cùm Peireskius in eo incubuit, vt honores Viri virtuti, dignitatſque debiti, & decernerentur, & exhiberentur; egiſſe id illum, & quòd foret vnus ex tribus ſupremorum mandatorum Curatoribus (legatis ſimul Cimeliis, quæ fuère maxima ex parte numiſmata Gotthica) & quòd non poſſet ſatis pro votis erga eius Mancis teſtari affectum. Caſum iſtum fuit conſequutus alius, quem etiam ægerrimè tulit. Obiit enim Romæ Barclaius, eodem penè tempore, quò in Caſtris Varius: adeò vt illum Peireskius tum elatum acceperit, cùm ab eo conſolatoriam, epicediùmque exſpectaret. Urgebat tum fortè Peireskius, vt editioni Argenidis extrema manus imponeretur: quare, inter cætera, doluit viſam abſolutam Auctori non fuiſſe. Conſolationi alicui fuit, quòd præhabuiſſet illius elegantiffimam iconem: ſubſcribi autem ipſi voluit carmine elogium, ex eiufdem Grotij vena diuite, quod ad ipſum quoque Debonerum miſit. Non fuère caſus iſti ſatis; ſed ſuperuenit breui mors alia, quam ægerrimè etiam tulit. Ea fuit Henrici Lotharingij, Meduanij Ducis, qui die Septembris decima ſexta Montalbani occiſus eſt. Amor illius erga Peireskium fuerat vehemens, & candoris plenus; vnde voluerat, ſuamet ſponte, Abbatiam Aquiftrienſem ſartam, teſtãmque facere; in ſelèque recipere & fundorum, & hominum, per ea bella, protectionem. Cùm renunciata hæc mors fuit, laborabat Peireskij



kius octauum iam diem dolore renum, ac strangu-  
ria; sub cuius initium non potuit id Prodigium per-  
spicere, quòd non in ipsis mòdò castris, sed Parisiis  
etiam, & per totam Galliam, alibiq̄ue visum, stu-  
porem creauit. Claritas nempe insignis fuit, quæ  
nocte sequente diem duodecimam, borealem cæli  
faciem ita occupauit, vt auroram clarissimam per  
multas horas fuerit mentita. Id sanè mirum, silen-  
te Luna; sed mirabilius visum est, vaporem ea re-  
gione fusum, & ad polum vsq̄ue euectum, sic fuisse  
distinctum in quasdam veluti columnas albescents,  
& subobscuras, alternatim sitas; vt cùm horis  
ad amissim forent, promouerentur lentissimè ab  
oriente in occidentem. Denique miraculo fuit, ex  
albescensibus attolli, breui spatio, ad verticem vsq̄ue  
pyramides quasdam, siue obeliscos valdè candidos;  
ipsisq̄ue consistentibus, traictos vapores, vt tenuis-  
simos, ita candidissimos, motione adeò celeri, vt  
fulgetra imitarentur. Hæc attingo, quia Peireskius  
lætatus est, rem fuisse nobis obseruatam; factusq̄ue  
exinde est certior, nihil aliud fuisse, quàm naturæ lu-  
sum, quem Apparatum bellicum, aut Ideam exer-  
citus multi fuerant interpretati. Addiderant sanè  
nonnulli visas sibi instructas acies, incedentibus pe-  
ditum, equitumq̄ue ordinibus; ac postremò visum  
conflictum, cum explosione globulorum è tormen-  
tariis fistulis. Mirum, quòd non simul clangorem  
tubarum, clamoremq̄ue virum auditum depredica-  
uissent; quando eadem credulitas, infirmitasq̄ue hu-  
mana est, quæ his figmentis locum facit. Credibile

1621. profectò est, nisi omnia, at benè multa, quæ in historiis similia exstant, ex eadem esse origine, neque ampliozem fidem mereri. Ad lugubreis illos euentus vt redeam, nihil est quòd memorem de morte Cardinalis Bellarmini, quæ sub idem tempus Romæ contigit. Quippe licèt eâ inauditâ Peireskius nonnihìl conturbatus fuerit, consolationem tamen cepit ex opinione præhabita, & subsequuta statim fama admirabilis sanctitatis. Attexenda est potiùs, quæ virum exiniè constantem exanimare penè potuit, nunciata Pauli Gualdi mors, quæ contigit mense Octobri. Ea nimirùm fuit æstimanda ex habita usque apud Pinellum consuetudine, & ex officiis variis, literisque suauissimis supra vicennium communicatis. Miserat ad illum Peireskius mox antè, cum varia Telescopia, tum vitra Microscopica, non ita pridem adinuenta à Cornelio Drebelio, ipso quoque Alcmariensi, & Regi Britannia à Mechanicis. Quia porrò Gualdum ipsum tandiù, tantoperèque amauerat; carissimos propterea habuit illius ex fratre nepotes, Iosephum Archipresbyterum, & Ioannem Baptistam Equitem; huncque imprimis, qui sede Romæ delecta, vt rerum bonarum fuit studiosissimus, ita illarum promptuarium cumulatissimum apparauit. An heic adiiciam non proprium quidem, sed lamentabilem tamen casum, cui interesse eum contigit? Is fuit incendium memorabile sublicij illius, ac gemini Pontis, superestructarumque ædium, quibuscum opes argentariorum, sericeorumque Mercatorum aut exustæ sunt, aut submersæ. Ille cer-

tè & promptus accurrit, & magno dolore spectavit, 1621.  
 & sollicitè descripsit quicquid infandâ illâ ignis ve-  
 hementiâ patratum est. Dicere autem solitus fuit,  
 se quouis pretio redempturum pictam tabulam, in  
 qua illæ eructationes, molésque flammaram exhi-  
 bitæ forent. Siquidem nihil æquè horrendum fuisse  
 à Nerone spectatum; quòd tota penè materies ar-  
 dens heic esset mera lignorum strues: cum succensa  
 illa spectante Nerone ædificia lapidea fuissent, ne-  
 que fluctus, aut gurgites adeò immensi suppositi. Post-  
 hæc, subiit illum quidem cogitatio redeundi do-  
 mum; sed sensim tamen procrastinauit in vnum, al-  
 terúmque annum. Commissam tulere per ea tempo-  
 ra Sigilli sacri custodiam tum non postremus ami-  
 corum dictus sæpè Mericus Vicus, tum Ludouicus  
 Faber Caumartinius, quorum vterque eius affectus,  
 quo Varius illum prosequeretur, videri hæres vo-  
 luit. Perseueravit quoque gratus, carúsque ærarij  
 Præfectis, eoque maximè nomine, quòd sibi nihil  
 postulans, intercessorem solum egit virorum benè  
 meritorum. Deinde finem nunquam fecit mittendi  
 quoquo versum libros. Quamobrem Camdenus præ  
 aliis, *Par est, inquit, tibi de tua munificentia, & opti-  
 morum librorum tanta supellectile gratias agere cumulatæ.*  
 Ad Seldenum cum mitteret, rogauit ipsùm aliquan-  
 do, vt, vel sui causâ, obseruaret situm Ecclesiarum  
 Angliæ, an nempe ingredientibus constitutæ forent  
 verlus ortum, & respectarent-ne Æquinoctium, an  
 Solstitiorum alterum. Rem videlicet dignam iudi-  
 cãrat, quæ exploraretur; ad examinandum, vt puto,

1622.

1622. num maiores nostri direxissent potiùs ad ortum hie-  
malem, quàm ad alium; quòd iuxta antiquam Ec-  
clesiæ obseruationem, traditionémque, Christus Do-  
minus, qui dicitur Oriens, natus fuerit Sole versan-  
te in hiberno Tropico. Res profectò ipsi non malè  
Parisiis iam successerat, cùm exploratione facta per  
Iacobum Allealmum celebrem Mathematicum, de-  
prehendisset omnes veteres Ecclesias ab Æquino-  
ctiali exortu versus hiemalem deflectere, exceptâ so-  
lâ San-victorina, quæ deflecteret in æstiuum; & nul-  
la habita ratione San-benedictinæ, quam Bistorna-  
tam hærebat dici, quòd fuisset seu bis, seu malè  
conuersa. Procurauit ad-hæc complura viris eruditis  
Manuscriptorum exempla; ac nominatim ex Biblio-  
thecis Escoriali, & Vaticana: ex quibus habuit, præ  
cæteris, exemplum Syncelli, cuius copiâ adiutauit vi-  
rum eruditum Ioannem Baptistam Altinum, qui tum  
operis interpretationem, editionémque molieba-  
tur. Cùmque ea occasione misisset ad Alemannum:  
ichnographiam exquisitam porticus Sanctæ Geno-  
uefæ, pluriùmque aliorum locorum, accepit rursùs  
pro eodem Altino exemplum *αἰεκοδῶται* Procopij,  
eo animo, vt ederentur. Obtinuit etiam tum ex Va-  
ticana, tum ex Ambrosiana Mediolanensi exempla  
quædam Africani, aliorùmque Tacticorum, in gra-  
tiam Ludouici Machalti viri strenui, auctorùmque  
Militarium, & Mathematicorum studiosi. Is est, cui  
Peireskii pulchro quodam diagrammate demon-  
strauit modum multiplicandi species vnus, eiusdém-  
que rei, inter duo specula à se inuicem lateralitèr

declinantia. Rursùs, cùm Nicolaus Bergerus Rhenensis scriberet gallicè historiam publicarum Romanì imperij viarum, quas βασιλικαί Græci vocant, testatus est in præfatione *indicatam sibi à Peireskio itinerariam Tabulam operi suo pernecessariam*. Ea verò est, quam M. Velferus ex Pentingerorum Bibliotheca eruit (editis priùs, & commentario illustratis schedulis duabus, fœlici quadam sorte repertis) quàmque Abrahamus Ortelius post desideria longa obtinuit, & Ioanni Moreto euulgandam primùm reliquit, Petrusque Bertius, non sine Peireskij consilio, Ptolemæo suo apposuit. Insuper varia fuere officia, quæ plerisque exhibuit. Veluti Ioanni Mocenico cui cimelia rarissima fuerant Venetiis furto sublata: Claudio Menetrio Vefuntino, rei antiquariæ studiofo, & à Chiffletio literas habenti: Kufflero cuidam Drebellij affini, & Microscopicæ fabricæ perito, pergenti in Italiam: & aliis oppidò quam-multis. Inierat iam annus alius, erátque Februarij dies duodecima, cùm Cancellarium Sillerium inuisens, coronámque virorum illustrium, eruditorúmque offendens, admonuit Niuem decidere, quæ sexangula, seu stellata foret. Re obseruata, omnibúsque quasi prodigium habentibus, edisseruit rem esse magis, quàm crederetur, familiarem. Scilicet aliquoties per singulas hiemes ningere similibus stellis: sed neminem aduertere, tum quòd plerumque ex stellulæ in flocculos quosdam inconcinnos abeunt; tum quòd decedentes solitariæ, vel humescentes citò euanescent, vel commistæ citò confunduntur. Ac mirabilem

1623. quidem esse contexturam illam ex virgulis tribus se-  
 se interfecantibus, adeò vt appareant sex radij ex  
 vno quasi centro prodeuntes: sed mirabile minùs  
 non videri, radios illos nunc esse nudos, nunc quasi  
 foliatos, arborecentesque, nunc quasi insertos in  
 modiolum, aliàque id genus, quæ ab amico accepe-  
 rat. Illum fuisse aliàs conatum causam reddere, tum  
 candoris Niuis, ex bullulis lucem reflectentibus; tum  
 formæ stellatæ, ex sex triangulis æquilateris, in quos  
 circularia sponte naturæ conformantur: sibi verò  
 nihil visum probabilius, quàm creari, formarique  
 Niuem ex seminibus propriis; vt lapidum quoque va-  
 ria genera eodem semper modo, non secus, ac plan-  
 tæ, animaliaque figurantur. Requisiuit tunc aliquis,  
 num fortassis hæc semina fertilitatis anni essent  
 causa, testantibus agricolis vberiore esse agrorum  
 prouentum, vbi nix diutiùs incubuerit. Ipse excep-  
 pit, alia Niuis, alia plantarum semina esse; nec pro-  
 uenire ista vberius, quòd nix sua pinguedine, vt  
 vulgò putant, agros fecundet; sed quòd prodeun-  
 teis ex imò terræ pingueis halitus reprimat, & in ali-  
 mentum factorum conuertat. Id intelligi, quòd eis-  
 dem existentibus calidis, nix infernè sic soluitur, vt  
 locum faciat succrescentibus plantis, incrustetur, for-  
 niceturque, & , succedente veris tepore, per latera  
 montium in ingenteis moleis disrupta excedat, pro-  
 uectamque herbam interim relinquat. Facta exin-  
 de est occasio differendi de vi aquarum in quas niues  
 resoluuntur; adeò vt iam Nili exundatio germanam  
 hanc causam agnoscat; & cum ipse dixisset non to-

tam hanc aquam in torrenteis effluere, sed quadam ex parte etiam imbibi, scaturiginibus fontium adaugendis; quippe & Fontem Vallis-clausæ non vberioremodò tunc erumpere, sed aliquantulum etiam conturbari; pergratum fuit toti coronæ audire illum paulò copiosius de origine Fontium differentem. Tum verò sententiam exponens, qua constantiorem non habuit, declaravit sibi nunquam visum originem Fontium ex mari, aut ex aëris in aquam conversione esse; sed deberi prorsus aquis pluviis (adde & quidpiam nivialibus) quæ longè, latèque decedentes ita combibantur, ut in terram penetrent, quousque incuriant in varia receptacula, quorum sit fundus ex lapide, argilla, aut alia materia aquæ continendæ idonea; quæque infernè desinant in eas meatuum angustias, ut collecta aqua sensim effluat, suppetereque adeò possit in dies, in mensibus, in annos. Argumento esse, quòd insignes quæque scaturigines sint ad radices montium; in quibus; quòd sint rupes, pleraque interiùs existant eius generis receptacula, in vnum tandem concurrentia: & quæ in locis planis visuntur, ex montium procul positorum receptaculis per subterraneos ductus deriuntur. Possè quoque eadem ratione scaturire aquas non longè à verticibus inferiorum quorundam montium, quòd nisi illis sufficiant receptacula propria, possint per simileis meatus ex receptaculis editiorum montium deduci; cum aqua tantundem reflueret sursum, quantum effluere deorsum valeat. Unde & ratiocinabatur, neque in continente,

1613. neque in insulis, quæ haud dubiè superficie maris  
 elariores sunt, scaturigines exstituras, si ex mari de-  
 ducerentur; quòd aqua non altiùs emergat, quàm  
 demersa fuerit. Nam aquas quidem in summis ipsis  
 summorum montium verticibus, quod vulgò di-  
 cunt, scaturire, id ipsum fide planè carere; nullis ni-  
 mirùm testibus existentibus oculatis. Causam pro-  
 inde quare æstate, & per siccitates præsertim diu-  
 turnas Fontes inarescant, aut valdè minuantur, non  
 aliam posse assignari, quàm quòd aquæ iam me-  
 moratis receptaculis contentæ, vel omninò effluant,  
 vel pauca supersint. Inde esse, cur redeuntibus plu-  
 uiiis Fontes rursus scaturiant; quasi oppletis denuò  
 receptaculis, non per leuicis quidem, aut raris; sed  
 per insignicis, continenteis, & complurium dierum,  
 atque mensium pluuias. Verum autem esse, quod  
 Scriptura refert Originem fluminum, atque adeò  
 fontium ad mare; sed nempè quatenùs ex mari par-  
 tim aperto, partim subingresso in specus, ductùsque  
 subterraneos, euehuntur vapores, qui in pluuias  
 versi, originem fontibus, ac fluminibus expositam  
 faciant. Sensit deinde necessitatem discedendi in-  
 cumbere; quocirca edi demùm concessit, cum fa-  
 cta sibi à Pignorio nuncupatione, Opusculum illud  
 de Magnæ Deùm Matris, Attidísque initiis. Id quia  
 continebat interpretationem Symbolorum eminentium  
 in manu quadam ærea Tornaci inuenta, & à  
 Dionysio Villerio cum Peireskio communicata; in-  
 stiterat à tribus iam annis, vt mutatam dedicatio-  
 nem ad Villerium ipsum Pignorius referret. Inpe-  
 trare



trare cùm non potuisset, differri diutius editionem noluit, agente cum ipso Pignorio his verbis. *Tibi ut inscribam, multa faciunt; sed imprimis humanitas tua singularis, quæ me totum penè quotidianis beneficiis ita deuinctum habet, ut mihi non supersit amplius, quod meum iure possim appellare. Deinde vis omnigenæ eruditionis tuæ, quæ antiquitatem omnem, & quicquid uspiam præclari est, animo, & studio es mirificè complexus.* Imprimi etiam procurauit Georgij Ragusæi Epistolarum mathematicarum, seu aduersus arteis diuinatrices libros duos, quos à Paulo Gualdo acceperat, quosque carissimo sibi Hannibali Fabroto, memorato superiùs Antecessori Aquensi, Parisiisque per id tempus agenti, reliquit. Sic sollicitè animum intendit, ut opera Varij adauctissima ederentur: quod quia non potuit ante discessum, ut optauerat, perfici, ideò absoluendæ editionis curam vniuersam Duchesnio commisit. Sic repetitam, adauctamque editionem poëmatum Cardinalis Barberini semiperfectam relinquens, totam penes Vassium, tum agentem Parisiis, operamque vltro pollicitum, sollicitudinem deposuit. Quod illum porrò ita adegit ad maturandum reditum, fuit ætas, ac morbus ingrauescens Patris. Et expectasset tamen autumnum, nisi ex quadam destinatione, ac necessitate transituro per Aquitaniam, ut Abbatiam inuiseret, præocupandum fuisset tempus. Discessit ergo mense Augusto, hoc est post mensis aliquot supra septennium Parisiis exactos. Aureliæ cùm foret, accepit Româ à Debonæro literas, renuncianteis electionem Car-

162j.

dinalis Barberini in Pontificem Maximum, nomine Vrbanum octauum. Ea re gauisus, scripsit illicò ad Pontificem epistolam gratulatoriam, quam illi fuisse incundissimam neque ipse Debonarus, neque Aleander reticuerunt. Minimè verò etiam reticuit Pontificis Nepos Franciscus, qui Cardinalis Barberini cognomentum deinceps tulit; quique incumbit continuò artibus bonis promouendis, eruditorum fautor eximius, ipseque captus omnium studiorum ingenuorum illecebris. Ille ex eo tempore usque, vt à Peireskio crebras accepit, ita & dedit literas, non eruditionis minùs, quàm humanitatis, & amoris plenas. Aureliã discedens habuit inter alios ex suo comitatu memoratum Ioannem Lombardum, cui à septem annis impetrauerat, & ne cogitanti quidem miserat diploma antigraphiæ, cognitionisque Regiorum, & publicorum per Prouinciam ædificiorum. Destinârat illum Reginaldus parens, qui sollicitaret discessum; Peireskio verò iucundum fuit socium habere itineris, quòd illius industriam vtilem fore existimârit. Heinc præstò habere semper debuit calampum, chartam, regulam, circinum, ceram, sulphur, & id genus alia, ad delineandum, conscribendum, adumbrandum, exprimendùmque ectypis, & apographis, quicquid viferetur adnotatu dignum. Et apud Andeis quidem exprimi potissimum voluit icones Principum Andegauensis stirpis, quales obtineri potuerunt ex vitris, Ecclesiisque tam S. Mauritij, quàm Franciscanorum. Turonis diutiùs moratus est, quòd præ-

ter alia quamplurima, detentus fuerit potissimum 1623.  
S. Martini Tabulariis, in quibus diplomata Regum,  
aliæque acta perantiqua. Circa Abbatiam, totus fuit  
in suadenda reformatione, destinandæque instauratione  
ruinarum insignium, quas Monasterium fuerat per bella  
ciuilia perpeffum. Nimius sanè forem, si enumerarem  
quæ innumera obseruauit itinere deinceps toto, quæque  
est consequutus honoris, ac beneuolentiæ testimonia  
Burdegalis, Tolosæ, cæteris in locis, in quibus nemo  
fuit dignitate, aut eruditione conspicuus, qui non  
illius frui conspectu, colloquiisque desiderârit.





DE VITA  
PEIRESKII  
LIBER QVARTVS.

**O**CTOBER iam erat , cūm domum accessit ; plurimis quidem exspectatus , sed Patri potissimum , per id tempus meliùs habenti . Non longè autem à reditu Diploma Curiaẽ exhibuit , quo à Rege permittebatur perseuerare in functione dignitatis pristinaẽ , seu exercere sæculare , laicūmque , vt vocant , Officiū ; tametsi factus Abbas induisset Ecclesiasticam personam . Ipsa verò Curia non modò assensit , sed vnanimi etiā Senatusconsulto decreuit , vt iam admissus in primam Classẽ , in ea perpetuò consisteret : neque , vt fieri per vices solet , ad minus Auditorium , quod appellant Turriculam , & in quo de criminibus ferè cognoscitur , rediret . Ac obtinuit quidem prætercà Rescriptum à summo Pontifice , quo capitalium facinorum interesse iudiciũ licuit ( nempe in maiore quoque Auditorio selectiora quædam diiudicari mos est ) atamen illo

nunquam est vsus; sed semper, quotiescumque ventum ad disquisitionem fuit, & duo, vel tres calculi in capitalem ierunt pœnam, solitus est pedem efferre, neque conferre symbolum. Musæum quamprimum aperuit, consternatione maxima fuit, vbi capsam non reperit, in quam coniecta reliquerat omnia ex Cimeliis rariora. Subducta nempe vnà fuerant aurea antiqua numismata pondo coronatorum mille; ex cœlatis gemmis mille, ac ducentæ, prætereaque nonnulla alia. Desiderauit autem præsertim inter nummos quidem, Talentum Ægyptium, seu Arsinoën Philadelphi, pondo coronatorum decem; & Solidum aureum Ludouici Pij, quem, vt iam antè diximus, singularem opinabatur: ex lapidibus verò cœlatis Prasinum quendam, cum capite, epigraphéque Seruij Sulpitij; & Onychem iam aliquoties memoratam, cum capite Aëtionis Regis Ciliciæ, & tiaræ Phrygiæ ornamento. Dolorem adauxit, quòd non aulus fuit in illum inquirere, quem furti reum suspicabatur. Id scilicet non poterat, quin iactura Patri innotesceret, qui bona fide vni ciuium familiari, domesticoque putandæ è fenestra vineæ crediderat Musæi clauim: verebatur autem ne Patri indicata perfidia morbum illius exacerbaret. Cavit proinde sollicitè, ne quid perueniret in eius notitiam; imò requisitus ab ipso, num se omnia probè haberent, probè se habere respondit. Non destitit tamen aliunde sagacitate singulari subolfacere distractarum rerum vestigia. Heinc, ne recenseam quo studio, quo silentio, qua cautione

1623

adhibita, missitauerit quoquouersum literas, & amicos fidos; ea demum fuit felicitate, ut rerum, quæ erant cordi maximè, recuperarit præcipuam partem. Gemmas certè obtinuit, ac in iis Aëtionem, & Seruium Sulpitium: forti autem bonæ tribuebat, quòd neutram auro, circumornasset; alioquin enim simul periissent cum aliquibus aliis, quibus aurum fuerat loco lenocinij. Sic longo post tempore habuit Talentum Ægyptium, seu Thebaicum, cuius causâ ipse ab initio concesserat frustra Massiliam. De Solido autem Ludouici Pij, quòd recuperauerit, nunquam memorauit. Tenuit diu iactura illa renuntiatam amicos anxios; ex quibus fuere, qui condolentes, congratulati aliunde fuerint, quòd reuixisse videretur. Nempe rumor de eius morte disseminatus fuerat; & primùm quidem Parisiis, per nebulonem nescio quid rei inde consequi meditantem. Ipse verò quamprimùm potuit, repertorum securos iussit; se quod attineret, optare tam benè optimo Camdeno, quàm sibi foret vita superstes. Postquam nonnihil ab hisce curis interquiescere licuit, ad suum genium reuersus est. Testis esto vel vnus Grotius,

1624.

qui, nouo statim anno incunte, *Non orior*, inquit ad illum scribens, *sed in illo de Iure Gentium opere pergo, quod si tale futurum est, ut lectores demereri possit, habebit quod tibi debeat posteritas, qui me ad hunc laborem & auxilio, & hortatu tuo excitasti.* Et statim, *Pergis autem tu obligare me, cum incommodis meis nunc quoque & tam bona fide tangi ostendis, & qui præsens præsidio solebas esse, nunc absens es solatio.* Ego verò, vel

per te vnum ita sum Gallia obstrictus, ut ad ultimas 1624.  
 humanae potentiae metas trudi malim, quam sedem hanc  
 deserere. Ac rursus, Literas dedi nihil quidem continen-  
 teis illas, quod te scire attineat; sed testis tamen eius, quod  
 tibi debeo, semperque debebo gratiae, pro tot summis in me  
 adiuuando, ornandoque beneficiis. Id porro Opus de  
 Iure Gentium, cuius Grotius heic meminit, non  
 videtur aliud à præclaro illo, quod de Iure belli, ac  
 pacis, anno post in lucem emisit. Cùm Peireskium  
 certè exemplo donaret, literas adiecit, ex quibus hæc  
 non pigebit excerpere. *Accipe iussis Carmina capta  
 tuis, ait, Poëta. Ego verò, Peiresi amplissime, non car-  
 men, sed librum tibi mitto, tuo hortatu, tuisque auspiciis  
 captum. Adderem, quòd ipsa hæc mea in Gallia habita-  
 tio non parùm tibi debet, quo conciliante in virorum ma-  
 ximorum notitiam perueni: ita ut hoc quoque titulo, si  
 quid inde fructus nascitur, id à te possit vindicari. Si di-  
 cam magno mihi dolori esse, quòd tuo conspectu, tuisque  
 colloquiis frui non licet, dicam quod verissimum est; sed  
 huic damno solatium aliquod adhibet V. N. frater tuus,  
 frater sanè, non naturâ tantùm, sed morum humanitate,  
 qui, &c.* Prætereo autem studium, quo ipsius Gro-  
 tij iconem Duvrisij manu habere expetiit; & fœlici-  
 tatem, cui vertit, habere simul Claudij Salmasij,  
 Petri Puteani, Hieronymi Bignoni, (magnum bonarum  
 literarum, & arcis legum, ac iustitiæ apud Se-  
 natum luminis) aliorumque amicorum. Miserat ipse  
 prius ad Puteanos earum exempla, quas habebat,  
 Vincentij Pinelli, & Iul. Cæs. Scaligeri; missurus  
 quoque Paschalini, Portæi, Pacij, Camdeni, Lo-

1624.

bellij, Barclajj, Marani, cæterorum plurium. Quo-  
 niam Iconum incidit mentio, addere sanè illas licet,  
 quas per idem tempus obtinuit tam Pontificis Ma-  
 ximi, quàm Cobellurij, & Barberini Cardinalium.  
 Effigiem simul Virginij Cæsarini optauerat; verùm  
 præuenit pictorem mors, ac tum quidem penè, cum  
 Peireskius ageret gratias, ob missum exemplum Sa-  
 giatoris, hoc est Libripendis Galileani, operis nem-  
 pe de Cometis, quod aduersus libram Altronomi-  
 cam Lotharij Sarlij ( seu, ob literas permutatas, Ho-  
 rarij Grassij ) Galileus condiderat, inscripseratque  
 ipsi Virginio. Adhæc, non est sanè oblitus factæ  
 pridem Pontifici, circa habendas aliquas B. Magda-  
 lenæ Reliquias, pollicitationis. Quippe quòd pau-  
 cis antè annis populus San-Maximianus seditione  
 facta obstitisset, ipse tunc & Regis imperio, & Se-  
 natus auctoritate, & Præsidis primi præsentia, &  
 Latrunculatoris, ac satellitum stipatione vsus, obti-  
 nuit tandem, quod Pontifex pro sua pietate expete-  
 bat. Heinc habitæ sunt nomine illius à Cardinali in-  
 gentes gratiæ; testante aliunde quàm gratam ha-  
 buisset commendationem ab ipso factam, cum alio-  
 rum Gallorum nobilium, tum maximè Thuani il-  
 lius, cuius suprà meminimus, quique post lustratas  
 regiones occiduas, etiam orientales inuisere me-  
 ditabatur. Plurimus adhæc etiam fuit in procuran-  
 dis negotiis Regiensis Episcopatus, quo eximius  
 Cardinalis Guido Bentiuolus pro Regis voto fuerat  
 donatus. Fecit verò pro amicitia, quam insignem  
 cum illo fouit, ex quo aduenit Nuncius in Galliam,



& Roberto Cardinali Vbaldino, qui Peireskium 1624. quoque maximoperè amârat, successit. Non tacendum verò quòd intereà Cardinalis Bentiuolus ardentissimè intercessit, vt ex prædiuite Scipionis Cardinalis Burghesij Cimeliarchio obtinerentur, & ad Peireskium transmitterentur moduli varij ponderum, mensurarum, aliarum rerum. Erat Romæ id temporis Claudius Menetrius iam nominatus: ipse autem misit, simulque adiecit pondera pleraque antiqua, cum modulis, ac ectypis; neque deinceps desinit mittere & numismata, & quæcunque alia vetustatis monumenta quouis pretio eruere, & acquirere Romæ potuit. Totus prætereà penè fuit in exhibendis officiis laboranti grauius Patri. Cùm dolores verò illius nonnihil sedati per ætatem viderentur, diuertit Belgenserium, vnde priusquam rediret, concedere Tolonum voluit ad Corallij expiscationem. Id nempe raris quidem locis in nostro mari nascitur; sed angusto præsertim spatio, quod à Cithariste promontorio non amplius, quàm duobus Prouincialibus milliaribus distat. Et quoniam accepit tempestatem esse illi eruendo opportunam; ideò nauiculam conduxit, virósque delegit idoneos, à quibus deduci sese obseruauit, quousque cerris quibusdam montium, colliumque cacuminibus in eandem lineam coire visis, subindicatus locus fuit. Tum demissa per funem cratis, seu maui, crux lignea, cum appensis retibus, quamprimum hærescere fundo deprehensa est, variè toto tractu detorta, diducta, deuoluta est, vt plantæ Corallinæ retibus

1614. implicarentur: Vbi ad actitatum satis, machina sursum educta est, animaduersumque retia dirupisse, auexisseque plantas Corallij non paucas, vnà cum plerisque fragminibus siccis, putridis, cariosis, vt putà: quæ aliàs euulsa, aut relicta fuissent, aut inter abducendum retia, decidissent. Quæ plantæ portò tunc auulsa, eductæque fuerant, neque rubescebant, neque terasæ erant, nisi detracto cortice, molles aliunde, tactuque cedentes ad ipsa cacumina, quæ rupta, pressa que, emittebant lac, siccum instar, & compressione deficiente, apparebant interpunctæ tenuibus foraminulis, seu quasi vacuis venulis, quibus lac illud fuerat emissum. Id quoniam admonitum esse admodum causticum, idcirco sollicitè cauit, ne cutis ipso attingeretur. Et quia rogando didicit id esse instar seminis, ad eò vt contingens quidpiam solidum veluti concham, lapidem, aliud, coherentem illi plantam generet, idcirco coniecit quemadmodum Pisano illi Cranio supercreatum corallium fuisset. Fuere, præter Corallij plantas, aliæ quoque multæ, & quam multa etiam animalcula implexa, ac speciatim Limax sine cochlea, siue testaceo cortice. Eam verò totam congeriem translata in Belgense rium immisit in furnum, vt exsiccaretur, asseruareturque. Deprehendit autem Limacem effusam in liquorem purpureum, & quicquid erat contiguum, tinxisse colore purpuræ perfectissimo: quamobrem ansa illi est facta subdubitandi, num ea fortè esset vera Puspura, isque liquor germanum Ostrum, quo, seu Mucico Tyrio, tinctæ olim vestes leguntur. Re-

liquo, & sequente anno qui fuit sæculi vigesimus quintus, discedere prorsus à Patre non potuit, nisi quantum necessitas ad exhibendum Legato exegit. Eo nempe anno Pontifex, propter Reipublicæ Christianæ negotia, destinavit Cardinalem Barberinum in Galliam, isque sub veris initium allapsus est Provinciæ oris. Appulsurus erat Massiliam; verùm tempestate cogente Tolonensem subiit portum, indeque pergens Auenionem Aquis-Sextiis fuit transiturus. Occurrit verò Peireskiius ad tertium, aut quartum milliare, nihilque non egit, vt decretis ipsi po dignitate honoribus civitatem ingrederetur: at ille tertio consilio prætergrediendum censuit, diuertèrque Lambesci maluit. Inde sequente die profectus Auenionem cum accessisset, consequutus illum Peireskiius non est: sed quarto demùm die adfuit, deducto Alejandro vetere amico, quem oppiparè exceptum detinuerat intereà domi. Alexander nimirum adscitus in Cardinalis familiam, è comitatu ipsius erat, vnà cum nobili Equite Cassiano à Puteo, qui profectò quantus vir fiet, eruditi, bonique omnes ipsi deuinèti, Romæ loquuntur: itèmq; cum illo aliquoties memorato Debonæro, quem cum ob propria merita, tum ob Barclaij menioriam satis complecti nunquam potuit: ac rursus cum Ioanne Baptista Donio, eruditionis profundæ viro, quem Cardinalis habere voluit à Latinis Epistolis: & cum viro omninò bono Ludouico Aubrio Menilio Parisino, cuius fuerat varia officia tam Parisius, quàm Romæ expertus. Ac fuère quidem alij plerique; sed

1625. speciales tantum Peireskij amicos heic commemo-  
 ro. Fuisse deinde Peireskius Cardinalem lubens se-  
 ctatus; statuerat enim nec Parisiis, nec totâ Galliâ  
 dimittere: sed repugnauit pietas, quæ Parentem de-  
 ferere acerbissime vexatum prohibuit. Cum esset ve-  
 rò Frater Parisiis, dedit ad illum literas, hortatusque  
 est vt obsequium, quod ipse non poterat, cumula-  
 tissimè exhiberet. Dedit & ad varios amicos, ac no-  
 minatim ad Rubenium, pergulam Luxemburgi-  
 cam Palatij noui Reginae Matris pietis Tabulis ad-  
 ornantem: quod nosset illum pro ingenij scelicitate,  
 suauitateque, & pro rerum exquisitarum vberri-  
 ma copia mirè placitum. Ipsi, vt à Patre rursùm non  
 abesset, non postrema causa fuit, quòd duo illi Me-  
 dici, quibus saluis benè semper sperare erat solitus,  
 superstites amplius non forent. Siquidem Iacobus  
 Fontanus, cum ipse esset adhuc Parisiis, extremum  
 diem obierat: Antonius verò Merindolus à supe-  
 rioribus proximè Natalitiis concesserat fati. Quo lo-  
 co obiter dicendum, vix quicquam potuisse ad dolo-  
 rem accedere, quem ex huius morte Peireskius con-  
 cepit. Quippe & rara eruditio, & lenitas morum exi-  
 mia, & diuturna consuetudo, & humanissima offi-  
 cia, iam pridem amicitiam conciliauerant non vul-  
 garem. Non addo verò quid ad illam contulisset  
 Peireskius: id enim potius intelligendum ex testa-  
 mento Merindoli, quod est in Operum ipsius nun-  
 cupatione expressum. Scilicet illic declarauit velle  
 se quidem opera sua sub Regis Christianissimi præ-  
 sidio mittere in lucem: *Veruntamen*, inquit, *sepost-*

*sum velim Tractatum de Febris, eo quidem nomine, 1625.*  
 ut nomen mihi carissimum in fronte praeferat, videlicet  
 D. Nicolai Fabricij de Peiresc, in supremo Aqueensi Se-  
 natu Consiliarij Regij, & Abbatis Guistrensis, omnibus  
 florentissima fortuna, & absolutissima doctrina virtutum  
 comitatu stipata subsidiis, atque ornamentis instructissimi.  
 Hunc enim virum, in quo veteris vestigia recti, & mo-  
 res video ductos meliore lapillo, semper inter ingenij mei  
 patronos habui; proindeque huius libelli consecratione, tan-  
 quam obligatoria Syngrapha omnibus testatum cupio quos,  
 quantisque nominibus ipsi me deuinctum esse confitear.  
 Ad Patris morbum ut redeam, sesqui-annus erat, ex  
 quo praeter vesicae, ac renum dolores, conflictaba-  
 tur cum Podagra pertinaciter haerescente. Tum ve-  
 rò ab vno, aut altero mense eò morbus euaserat, ut  
 ex pedum articulis extraherentur lapilli, ac tantà qui-  
 dem copiâ, ut asseruati per octo menseis potuissent  
 molem conficere ipsis pedibus non minorem: &  
 quoniam vix vnquam poterant auelli, quin neruo-  
 rum, ac tendinum extremæ partes discerperentur,  
 euenit, ut intra id tempus, gangraena quinquies in-  
 uaserit. Peirescius porrò continuo adfuit non reme-  
 dia modò, ac regimen victus consultans, praescri-  
 bensque cum chirurgis, ac medicis; sed simul etiam  
 omnia apparans, tractansque, & quicquid Pater ore  
 sumebat, manu propria semper ministrans. Id vide-  
 licet cauerat, Patèrque ita suave habebat, ut non le-  
 nimen doloribus efficacius experiretur. Cùm sic au-  
 tem foret assiduus, adeò ut, nisi urgentibus in Sena-  
 tu negotiis, à latere Patris non discederet, mirum

1625. non fuit, si ipse, præter frequentem stranguriam, hæmorrhoidas ita irritarit, vt ad eam partem subnatus fuerit importunissimus tumor. Eo laborabat iam grauitè sub Octobris initium scùm imminentem reditum Cardinalis Legati accepit. Dilatis ergo remedijs, præscripsit primum quo Pater foret continendus regimine, ac Legatum deinde Auenionem conuenit. Cùm Pater verò præscriptas metas aliquantulum excessisset, incidit statim in catarrhum, de quo Medici desperantes reuocandum mox Peireskium censuerunt. Nuncio accepto, is rediit, sed Patrem ita collapsum inuenit, vt continere spiritum duos duntaxat dies potuerit. Obiit ergo bonus ille, magno optimi filij luctu; sed testari luctum diu non permisit accessus Legati, quem Laribus suis excepturus fuit. Quippe efferebatur funus, cùm ecce renunciatum est propè iam Legatum adesse. Quare pompâ domum reductâ, excessit confestim, & vix ad milliaris dimidium aduenienti Legato occurrit. Is cæremoniis in Ecclesia ritè, & ex more peractis, ingressus est Peireskij domum; cuius stupendum fuit totam faciem ita momento immutatam, vt quæ aulæorum atrore, ob excessum Patris-familias, mox antè præferebat luctum; illicò aliorum rubore, propter accessum hospitis, demonstraerit effusam lætitiã. Confestim etiam, post salutè ab vniuerso Senatu, omnibúsq; alijs ciuitatis ordinibus dictam, mensæ ita fuere instructæ, vt excogitari non poterit apparatus magnificentior. Octo profectò cœnaculis tempore eodem, & absque vlla confusione est ministratum: su-

spiciendusque admodum fuit excelsus viri animus; 1625  
 cuius providentia non potuerit consternatione ex-  
 turbari. Mensis remotis, voluit Legatus etiam Mu-  
 saum inducere, & suavis horas ducere familiari col-  
 loquio, singularibusque rebus inspectandis. Huc  
 spectat illud Viasij in Panegyri ad Urbanum octa-  
 uum:

*hic vidimus illum*

*Post veditum à Francis, Peiresi ad vora receptum,  
 Illustrisque domos, quas virtus, priscæque laudum  
 Nobilitas, Masæque fœneri, & quicquid Athenæ,  
 Romæque, post veteres potuit seruare ruinas,  
 Intus adest; meritumque illic se subtrahit auro.*

Abscedentem cum deduxisset, concedendum fuit  
 Riantium, vbi pretextu paternæ mortis moliri res  
 nouas audierat. His utcumque compositis, ventoque  
 aduerso. Legatum interea ad Toloni portum deti-  
 nente, iterum illuc ipsum conuenit, obtulitque duas  
 Capellas auribus promissis, adeoque oblongis, vt  
 capite vel leniter depresso, contingerent terram. Hac  
 ce Legatione functus Cardinalis cecepit statim 1626.  
 aliam ab ineunte sequente anno. Scilicet profectus  
 in Hispaniam est; sed vt tempestatis aliquoties in  
 oris Prouinciæ retentus. Hæsit verò, commoratus-  
 que præfertim est ad Turrin Bûquiam, quæ prostat  
 in ingressu plagæ Martigia; seu Coloniæ Mariti-  
 mæ; aded vt Perreskius relate, conuenireque ipsum  
 potuerit. Et ecce grande illi solatium; quando præ-  
 ter aliquot dierum iucundissimam consuetudinem,  
 libri etiam allati sunt; quorum lectione tedium le-

1616: uaret. Cætera inter, fuere nonnullæ marini æstus  
 obseruationes, quas Peireskius non ita pridem fieri  
 procurârat per Antonium Natalem, Prouincialem  
 medicum in Aremorica versantem. Cùm ex Legato  
 mirè placuissent, pollicitus est operam, vt fierent si-  
 milis complures. Vltrò etiã promissit se, quic-  
 quid in ea Legatione singulare occurreret, cum ipso  
 communicaturum, ac nominatim effecturum, quod  
 ille maxime expetiit, vt exscriberentur Epitaphia, &  
 fierent icones Barcinonensium Comitum, præci-  
 pueque Alphonfi Casti. Rediit porrò Peireskius do-  
 mum rheumate insigni laborans; idque præter re-  
 num dolores, incommodaque alia à morbo vsque  
 Patris contracta, quæ nocteis insomneis deinceps  
 creârunt, & ne in ipso quidem lecto permiserunt con-  
 quiescere. Inter cætera leuamenta, non postremum  
 duxit ex libris, quos amici varios miserunt, & in-  
 ter quos fuere nonnulli mentionem ipsius facientes;  
 veluti Glossarium Archæologicum, continens voces  
 Latino-barbatas, auctore Henrico Spelmano Anglo,  
 qui in operis præfatione, *Si ad exteros*, inquit, *abeam,*  
*non me leuiter incitârunt nobilissimus apud Gallos Nic.*  
*Fabricius Peireskius, Regiæ Maiestatis à Consilijs in Se-*  
*natu Aquensi, Hieronymus Bignonus, &c.* Vbi notan-  
 dum est Bignonum, & quos præterea ille citat, ex-  
 citatos fuisse à Peireskio, vt Spelmanum ad operis  
 editionem sollicitarent. Itémque Notæ Pignoriij in  
 Vincentij Cartari librum de Deorum imaginibus;  
 ac rursus, eiusdem Epistolæ Symbolicæ, in quarum  
 vigesima nona Pignorius recitat Peireskio Epistola-  
 lam.



lam Marfilij Ficini de caussa amicitia inter se , & 1616.  
Bembum, eodem die natos, ex Codice, qui fuerat  
in Bibliotheca Pinelliana, *quam tu, & ego*, inquit,  
*florentem olim vidimus*. Non postremum etiam qua-  
siuit ex variis antiquitatis monumentis, quæ Aquas-  
Sextias transferri voluit. In iis præcipuum fuit Le-  
ctisternium, seu tumulus marmoreus elegantissimæ  
structuræ, cui prope Brinoniam eruto, & ad se con-  
uehendo tum specialem currum, tum viginti indu-  
strios, lectōsque viros destinavit. Hoc certè opus  
tanti fecit, vt Rubenium postea discedentem in Hi-  
spaniam, non potiore vllō ad se lenocinio, quàm il-  
lius inspectione inuitandum censuerit; & cum in eo  
figuras quasdam seu verustate, seu iniuriâ malè affe-  
ctas obseruasset, habere Roma voluerit ectypum gy-  
pseum alterius, in quo visas sibi figuras consimileis  
notauerat, vt illarum instar curaret restitui. Alleua-  
mento quoque fuit Barbleus quidam Coloniensis,  
iuuenis industrius, & Medicinæ etiam peritus, qui  
ipsi fabricatus est chartaceas sphaeras omnimodas,  
hoc est iuxta hypotheseis Ptolemæi, Copernici, Ty-  
chonis, aliorum. Non omittendum, fuisse quoque  
magnopere exhilaratum consuetudine perhumana  
Iacobi Lorini è Societate IESV, Psalmorum Com-  
mentatoris, qui cum prius Româ rediisset, Auenio-  
ne ad ipsum venit, & autographo quodam Bellar-  
mini donavit. Tandem, vt mentem diuerteret, le-  
git per id tempus quod tum è prælo primùm prod-  
ibat, Arelatense Pontificium, auctore Petro Saxio  
eius Ecclesiæ Canonico. Plurimum verò fuit indi-

1626. gnatus, quòd ille, studio nescio quò, affectasset ele-  
 uare Principum nostrorum iura, & non modò non  
 reposuisset quæ opponi poterant, sed interdum  
 etiam tentasset præter fas illa enervare. Quamob-  
 rem non interquieuit, donec placito Curix libri  
 euulgatio prohibita fuit. Paullò iam meliùs Peires-  
 kio erat, cum post literas varias & à Cardinali Le-  
 gato, & à Puteano Equite, & ab aliis Madrito acce-  
 ptas, admonitus denique est Cardinalem rediturum,  
 transiturumque Massiliâ initio Septembris. Itaque,  
 sanitate licet parùm firma, illuc accessit, Cardinalis-  
 que appulsum aliquot diebus expectauit. Frustra id  
 tamen; quoniam ille vento fruens secundo præter-  
 uectus est, substititque solùm nonnihil Toloni; vn-  
 dè rariora quædam ex iis, quæ ex Hispania adue-  
 hebat, cum excusatione Aquas-Sextias misit. Ea Pei-  
 reskio cum accepisset, gratias egit per literas, qui-  
 bus aliunde Christophorum Puteanum professione  
 Carthusiensem (quem aliunde & eruditio, & mo-  
 rum innocentia poterat satis arguere Parisiensium  
 illorum fratrem) studiosissimè commendauit. Non  
 refero autem quàm gratam huiusmodi commenda-  
 tionem Cardinalis habuerit: nam & ipse Puteanus  
 scripsit imparem se esse, qui exprimeret quam pro-  
 pterea beneuolentiam, comitatèmq; fuerat exper-  
 tus. Subiungo poriùs ipsum Puteanum haudqua-  
 quam degenerasse à necessitudine fraterna cum Pei-  
 reskio arctissima; quandò nullum officij genus præ-  
 stare vnquam potis fuit, quod non vltro præstiterit.  
 Memorari verò hec debet commendatum sub idem

tempus Iosephum Mariam Suarcium Auenionensem, pereruditum iuuenem, eumque propterea in familiam Cardinalis adscitum fuisse. Nec reticendus Lucas Holstenius Hamburgensis, eruditorum ocellus, qui est etiam non longè post in eandem adscriptus familiam, cum illius virtus Puteanis commendantibus innotuisset Peireskio, & commendante Peireskio ipsi Cardinali Parisiis Legato. Vterque fanè est deinceps testatus gratitudinem, literisque frequentibus, atque eruditis benevolentiam demeruit: Peireskius verò nullam vnquam, quin gratificaretur vtrique, occasionem prætermisit. Vexauit rursus per hiemem rheumatismus, & renum dolor; nec desit tamen propterea literas varias conscribere, sed ad Puteanos potissimum, quorum operâ prædicabat se cominùs conspiceret, quæ gererentur in mundo, vt Telescopiorum subsidio ea, quæ in cælo procùl latent. Inter alia verò causam edisseruit, cur constituti pridem Censui deminuti iam tantopere forent. Cùm enim, inquit, proauis, maiorisque nostri illos florenis exprimerent, qui tum temporis erant aurei, solatisque nummis valore præstabant; effectum est, vt quia floreni tunc elocabantur duodecim solidis argenteis, census iam vnus floreni non redimatur pluribus, quàm duodecim solidis; cùm tamen hi nostri ab antiquis illis sic degenerauerint, vt sextuplò aucti iis non æquipolleant. Dicendum nunc octuplò foret, ac breui etiam decuplò: vt edoceantur, qui volunt census temporis lapsu non immuendos constituere, ne aut libris Turonicis, aut

1626. vulgari pecunia ; sed frumento , aut alio simili pro-  
 uentu illos æstiment , persoluendósq̄ stipulentur.  
 Nam cùm semper sit eadem propè seu feracitas , seu  
 sterilitas eiusdem telluris ; debet quoque caritas fru-  
 gum constare eadem circiter : at pecuniæ vsualis va-  
 lor non pari ratione idem perseuerat ; sed decrescit  
 continuo , vt superiùs est declaratum. Intereà por-  
 rò Valauesius est reuersus Parisiis , negotiâque illa  
 Riantiensia post insuperabileis tam multorum an-  
 norum liteis Transfatione decisa sunt. Inibat tum  
 1627. sæculi annus vigesimus septimus , cùm ab eiusmodi  
 negotiorum sollicitudine respirans , constituit pro-  
 ximo iustitio perlustrare Prouinciam , ad congeren-  
 dum inscriptiones tum nondum habitas , tum manu  
 non satis vel fida , vel crudita descriptas ; idque vt  
 gratificaretur nominato iam Donio , qui para-  
 tum editioni habens ingens volumen Inscriptionum  
 apud Gruterum non exstantium , optârat collectas  
 ab ipso Prouincialeis intexere. Et non est quidem  
 nactus otium perficendi quod destinârat : non de-  
 stitit tamen proptereà sollicitare Donium , vt eam  
 congeriem emitteret , sperans intereà fasciculum Pro-  
 uincialium contextum iri ; ac præferens ipsas ad cal-  
 cem continua serie subiici ( Hispanicarum scilicet  
 instar in Gruteri volumine ) quàm confusè interiici ,  
 vt in cæteris factitatum. Cœpit porrò exinde agere  
 cum Donio non de inscriptionibus modò , sed , vt  
 ille est reuerâ multiscius , de eius Onomastico , de  
 opere Musico , de Coniualibus , de monetis He-  
 truscis , de Iustinianicis quibusdam numismatibus ,

de generibus armorum Antiquis, & id genus pluribus. Egit quoque sub idem tempus cum Nicolao Rigaltio Bibliothecario Regio, eruditioneque perrara conspicuo de solutione illorum Virgilianorum ænigmatum, circa eas Terras, in quibus inscripti nomina Regum nascuntur flores; & eas, in quibus cœli spatium non ampliùs, quàm treis vlnas patet. Cùm verò circa illud prius, retulisset præclara quædam de variegatis floribus, tum circa posterius, quod solent interpretari de Puteo, meminit inter alia effossum Riantij fuisse puteum, è quo profectò oportuerit exiguum videri cœli spatium, cùm stellæ interdiù conspicuæ ex eius fundo fuerint; oculis nimirùm ob profunditatem in tenebras quasi nocturnas immersis, pupillisque ob dilatationem (vt in obscuro fieri solet) admittentibus rerum etiam minutissimarum vberiores species. Aderat tum recens Archiepiscopus Aquensi Alphonsus Plessus Richeliius, præsul insigni eruditione, rarâque pietate assumptus ex Carthusia; cùm Peireskius sese ab illo eximiè adamari sentiens, nulla non assiduitate, testationeque officij dignum se ipsius affectu probauit. Inuisenti Massiliam comitem se illi addixit, eaque occasione illic salutauit Gabrielem Albaspinæum Aurelianensem Episcopum, qui tum eò secesserat, ac meditabatur opus, quod & post modum edidit, de Eucharistiæ mysterio. Meminit in eo aliquoties communicatorum à Peireskio Codicum, ipsum appellando delictum, amoremque literarum, & ornamentum Prouinciæ. Fuit etiam Archiepiscopo non

multò post adiutor strenuus, vt institueretur Cursor publicus, qui fasciculos literarum in singulas hebdomadas veredis deferens Lugdunum, parique ratione inde afferens, etiam cum Parisiensibus hebdomadicum faceret commercium. Et diù quidem id exoptârat, aliquotiesque tentauerat, vt rem publicè vtilem, & amicis gratam futuram: sed nemo ante eum Præsulem satis animatus ad id fuerat, neque comitia Prouinciæ, vt impensas decernerent, potuerant vnquam persuaderi. Mira porrò fuit exinde lætitia, cum eruditorum omnium, qui crebras à Peireskio expetebant literas; tum Puteanorum maximè, qui ea ratione potuerunt sæpiùs, faciliùsque communicare quicquid aut recens cufum fuit, aut rerum nouarum occurrit, vt ipse vicissim ad eos mittere quicquid ex Italia, Africa, Oriente toto impetrauit. Quippe abheinc quoque commercium vberius, quàm antè, instituit cum Consulibus, Mercatoribusque illic vbivis agentibus, vt illorum operâ vsus Græcos, Hebræos, Arabicos, cæterarum exoticarum linguarum libros nancisceretur. Heinc statim aliquos obtinuit, ac nominatim ex Cypro præclarum volumen *αὐτὸ ἀπὸ τῆς, ἔξ τῆς ἑξῆς*, Constantini Porphyrogenetæ, continens excerpta ex Polybio, Diodoro, Nicolao Damasceno, aliisque historicis, ex quibus possent variæ auctorum nobilissimorum suppleri lacunæ. Incredibile autem dictu, quàm pro nihilo duxerit ducentas Turonicas libras numeratas in pretium, vel ex eo quòd est coniectatus ipsissimum esse exemplum, quod Imperator sibi habuerat, ob cha-

raſterum formam , nitoremque , ob compactionis 1627.  
 elegantiam , ob præclara carmina in illius laudem  
 præfixa. Obtinuit quoque diù requiſitas, & ex Va-  
 ticana etiam deſcriptas aliquot Aſſiſias ( ſic appellant  
 Comitia Chriſtianorum Procerum à Palæſtina recu-  
 perata ) perſuaſus dudum, aliquod demùm in illis re-  
 gionibus earum exemplum repertum iri. Eodem cir-  
 citer tempore ſcripſit quoquouersùm ad adiutan-  
 dum Holſtenium , meditantem nobilem manum  
 Geographorum veterum nondum editorum profer-  
 re in lucem. Deſiderabatur præſertim ab illo *ἀν-  
 αλω* Thracij Boſphori, auctore Dionyſio Byzantio,  
 quo Petrus Gyllius uſus eſt ; ſed Latinè ſolùm , ac  
 per particulas, in eo Boſphoro deſcribendo. Et quia  
 congruum exiſtimauit, vt textus Græcus reperiretur  
 inter Codices Bibliothecæ Cardinalis Armeniaci , è  
 cuius familia Gyllius fuerat; idcirco Peireskius dedit  
 operam, vt Epifcopus Rutenenſis totam Bibliothec-  
 am verſaret, catalogùmque demùm mitteret, quo  
 faceret fidem huiuſmodi librum irritò conatu per-  
 quiſitum fuiſſe. Quas putas proinde literas non de-  
 dit ad Apoſtolicos Nuncios, ad Oratores Regios, ad  
 quoscumque nouit eruditos viros ( quos inter pro-  
 ſectò ſpeciatiim dicendus eximius ille Tolofatum  
 Antiftes Carolus Monchalius , è cuius penu diuite  
 tot rari Codices educti ) vt quomodocumque tan-  
 dem certus fieret, ille- ne uſpiam gentium exſtaret. Et  
 credibile ſanè eſt vix exſtare alicubi : quandò tan-  
 tam viri ſagacitatem effugit. Meritò quippe idem  
 Holſtenius , cùm ad illum ſcriberet , *Neque enim,*

1627. inquit, *quemquam mihi mortalium hæcenus videre con-*  
*gruit, qui se antiquitatis cognitione superet, vel peruesti-*  
*gandi diligentia, & felicitate æquet.* His dum vacaret,  
 accepit librum à memorato superius Ioanne Iacobo  
 Chiffletio, iam tum Isabellæ infantis cubiculario  
 Medico, de Portu Iccio Morinorum, è quo Iulius  
 Cæsar in Britanniam soluit. Et facilè quidem disces-  
 sit ab ea sententia, qua ratum habuerat eiusmodi  
 portum esse Caletum, seu Calitium; sed optauit ta-  
 men præclarum cum virum explorare vberius totam  
 illam oram, vt quamuis acutè probasset portum il-  
 lum Mardicum esse, videret tamen, ne oræ nobis  
 superstiti foret vindicandus. Quem legimus certè  
 vltiorem Portum, interpretandum videri non in-  
 teriorem, vt designetur interior plaga sub Audomaro-  
 poli stagnantibus aquis interstita, sed magis  
 occiduum, vt indicetur vicinior, vndèque traiectus  
 in Britanniam breuior. Cæterùm nihil gratius ha-  
 buit, quàm quod simul legit exstare ad lacunam il-  
 lam Audomaropolitanam Insulas Natanteis, quæ  
 veterina, & homines ferant, & quibus alni, sali-  
 cèsque lætis frondibus innascantur. Voluit proinde  
 vt biennio post, cum illac iter facerem, spectarem  
 illas curiosius, referretmque quicquid id esset. Præ-  
 stiti autem, ac interim ramulum transmisi, quem  
 decerpseram ex non humili salice, suo cum fundo  
 simul natante. Sollicitus etiam tunc fuit de obser-  
 uatione illius articuli, quo clandestina coniugia à  
 Tridentino Concilio damnata sunt, neque inter-  
 queuit, donec iudicibus quibusdam ordinis Eccle-  
 siastici



fiastici scrupulofioribus fidem fecit, illum non modo pro comitiis sanctione Regia confirmatum; sed specialibus etiam Synodorum huiusce Prouinciæ Metropolitanorum decretis. Non addo quanto simul ardore sollicitauerit Aleandrum, vt serio se accingeret describendo illi Terræ-motui, quo Apulia concussa fuerat à die Iulij penultima, & quo Septembri tandem mense Archiepiscopatus San-seuerinatium absorptus fuisse perhibebatur. Non addo alia: refero solum singularem modestiam, qua commutatam voluit nuncupati sibi libri Epistolam dedicatorem. Complectebatur liber ille spiritualia quædam Sanctorum Diadochi, Nili, & Hesyhij opuscula, quæ Alexander Fichetus ex Societate IESV vir pereruditus, cum Lugduni daret in lucem, nomini eius inscripta voluit. Vsurpârat autem Bibliopolæ nomen, neque se putârat hyperbole vt, dum commendaret Peireskium, cuius virtutem cum Aquis-Sextiis profiteretur philosophiam, publiceque concionaretur, perspectam iam habuerat. Verum Peireskius ipse non tulit, sed missurus Romam quædam exemplaria ( vt nihil nouum prætermittebat ) seponi iussit Epistolam, imprimique aliam, quæ præfigeretur. En nonnulla ex ea, quam suppressam voluit.

*Regia Solis est mens tua, domus tua, bibliotheca tua, omnium ingeniorum orbis stellifer, in quo caelestes imagines, in quo doctrinarum omnium, & doctorum hominum: stracoruscant; ita vt non aurea, non argentea, sed stellata omnia videantur; stellati plutei, librorum stellifer ordo. Tu vero in medio resiliens complectensque omnia, lumen*

1627. *omnibus fœneraris, decus addis omnibus, omnibus vitam quodammodo, & æternitatem impartiris; ut ad te meritò libri omnes, qui genium habent, quasi quidam ignes sacri bonarum mentium de toto orbe, velut ad cælum suum reuolare gestiunt, ibi victuri, ibi lucem accepturi, reddituri-que, &c.* Epistola hæc reuocat in mentem, quòd
1628. *facti, & à Iulio Schillerio confecti sequenti anno allatum fuisset, commendauit quidem Peireskius pietatem, qua illi vulgatis Planerarum nominibus substituerunt propria Adami, Mosis, aliorumque Patriarcharum; indideruntque duodecim signis Apostolorum vocabula, & Asterismis cæteris aliorum Sanctorum, rerumve religiosarum nuncupationes; præter figuras recens confectas, conditaque noua de iis carmina: sed institutum non comprobauit peruertendi, confundendique quicquid cœlestis notitiæ à memoria vsque antiquissima respersum est in omnibus libris. Quanquam serio non timuit, ne propterea Astronomi vniuersam illam astrorum nomenclaturam immutarent; quoniam illicò peruiderent nihil se inde adiutari, turbari verò quamplurimum. Addebat perætuustos illos Schematismos fiderum, tametsi prophanos, nihil officere Christianæ pietati; cum & ipse olim obseruasset Vercellis huiusmodi imagines, à mille & ducentis annis fornici Ecclesiæ impressas. Denique optare, ut quæ solers manus nouas istas cælauerat, Vercellensis illas sua antiquitate commendabiles expressisset. Longè sanè magis commendauit opus Tabularum Rudol-*

phinarum, quod tum à Kepplero euulgatum est. 1618. Quippe quòd illæ deductæ forent ex noui Atlantis Tychonis Brahei acuratissimis obseruatis, haud malè opinatus est posse ex illis exquisitiorem cœlestium rerum noticiam, quàm ex quibusvis aliis haberi. Hinc quia id opus fuerat à multis annis expectatum; idèò maturè collegerat obseruationes varias ex quibus examinaretur. Non postremos verò rogauit viros eximios Petrum Franciscum Tondutum Sanlegerium Auenionensem iuriconsultum, & Iacobum Valesum Scotum apud Delphinates generalem thesaurarium, vtrùmque omnis quidem matheseos, sed Astronomiæ cumprimis peritum. Habuit præterè ab vtroque vnde errata varia Typographica emendaret; & cum posterior significasset institutum à se fuisse Eleazarum Feronceum Ledigueriorum Viziliæ hortorum olitorem oppidò industrium, & quo non alius vnquam est magis opportuna loquutus, qui obseruaret cœlestia; idcirco satagit Peireskius speciatim ab ipso obseruationes obtinere. Mitto quòd meas quoque nonnullas habere, asseruarèque voluerit, priusquam Parisios discederem (vnde Tabulas ad ipsum transmissi) ac cæteras inter nuperæ Lunaris Eclipses, cuius Phases præcipuæ Aquis-Sextiis obseruatæ prodiderunt illius medium contigisse eo ipso anno, die Ianuarij vigesima, ac hora nona, cum tribus quintis. Ipsam verò Parisios, Romam, Florentiam, Patauium, Louanium, aliò destinauit, vt sicubi fortè peracta obseruatio similis foret, expendi posset intercedens meridianorum dif-

1628. ferentia. Nimirum cordi semper habuit instauratio-  
 nem Geographiæ, de qua tum quoque ad Bertium  
 scripsit; adhortando illum, ut simul cum editione  
 Eusebij, quam pollicitus fuerat Geographiam sacram  
 maturaret. Ne memorem, quod auctor fuit illi, ut  
 Typum orbis ederet pro varietate figurarum, qua  
 varij *πλω οἰκουμένης*, seu habitabilem Terram descri-  
 bendam olim censuerunt, ut Dionysius, Strabo, Pli-  
 nius, Ptolemæus, & alij. Circa obseruationes ut  
 quidpiam adiiciam, exoptauit omnibus votis exoriri  
 interpretem, qui explicaret figuras, characteresque  
 conspicuos in fragmento quodam Lateritio, Babylo-  
 ne non ita pridem eruto, & ad se transmissio. Ipsum  
 quippe esse rebatur ex illis coctilibus laterculis, qui-  
 bus Plinius docet, ex Epigene, inscriptas apud Baby-  
 lonios obseruationes siderum per septingentos vi-  
 ginti annos. Qua occasione mirè suspexit venisse in  
 mentem hominibus haud-dubiè bonis inscriptio-  
 nem lapidi inculpere ad portam Sacelli, supra ru-  
 pem ad Druentiam prope Mirebellum eminentis,  
 quam indicatam habuit à viro amico, & eruditionis  
 paternæ hærede Ioanne Gallaupio Castuellio, Regio  
 apud magistrōs rationaleis cognitore. Quippe ea  
 nihil continet aliud, quàm monumentum Eclipsos  
 Solis, quæ 111. Nonas Iunij, anno M. CC. XXXIX.  
 contigit; cuius notitiam iam habuerat ex Necrolo-  
 giis aliquot, ac nominatim nostræ Ecclesiæ; in quo  
 memorata quoque alia, visa anno M. CCCC. XV.  
 die Veneris septima Iunij, horâ à Solis ortu primâ,  
 tantæ obscuritatis, ut stellæ clarissimè conspiceren-

tur. Inaudierat paullò antè abiisse è viuis Iacobum 1618.  
Allealmum Mathematicum: quare magnoperè condoluit; veritus iacturam operum quorundam tum ipsiusmet, tum Francisci Vietæ laudatissimi Geometræ; veluti etiam non longè pòst audita Fontanei morte, iacturam timuit cimeliorum, Manuscriptorumque complurium; quos inter, ipsum Alciati autographum de rebus Mediolanensibus commendare solitus fuit. Expetebat verò vt rari, & bonæ notæ MSS. nisi quamprimùm ederentur, asseruarentur saltem in publicis potiùs, quàm in priuatis Bibliothecis; quòd ea ratione longè minùs malo facto forent obnoxij. Sed & simul expetebat viros non deesse, quibus curæ foret, nimis diù latentis ex illis eruere, eamque ob caussam ad Cardinalem Barberinum cum scriberet, enixè contendit, precatùsque est, vt, pro summo suo in bonas literas amore, procuraret typographiam Vaticanam restitui, quò tot præclari codices Græci meritam reciperent lucem. Atque huiusce quidem rei occasionem sumpsit, ex eo quòd Michaël Iayus ciuis Parisinus, generoso ausu, typographiam instituisset, quo iam cæpta erat editio Bibliorum, futura locupletior Plantinianâ, & Regiâ dictâ; quòdque Romæ esset Holstenius, operam lubens collaturus. An memorabo conscium fuisse meæ cuiusdam dissertationis cum Merindolo pridem habitæ, de transfusione chyli in iecur? Aperueram scilicet iter per porum dictum Cholidochum, mezenterij venis obstructis. Cum scripsissem ergo euulgatum librum, quo Gaspar Asellius,

1628. Anatomicus Ticinensis, referebat se detexisse venas in mezentorio Lacteas, probabiliterque chyli vectatrices ( scilicet præter vulgareis rubeas ) ipse mira festinatione conquistum misit libri exemplaria, quæ in medicos amicos distribuit, ac simul experiri voluit in cane, in oue, in boue, in plerisque omnibus animalium generibus, quod ab Asellio fuerat de singulari inuento scriptum. Cùm simul monuissem Gulielmum Haræum, Medicum Anglum, edidisse præclarum librum, de successione sanguinis ex venis in arterias, & ex arteriis rursus in venas, per imperceptas anastomoseis; inter cætera verò argumenta confirmasse illam ex venarum valuulis, de quibus ipse inaudierat aliquid ab Aquapendente, & quarum inuentorem primum Sarpium Seruitam meminerat; ideò statim voluit & librum habere, & eas valuulas explorare, & alia internoscere; veluti mæandros mediastini cordis, quos Haræus est inficiatus, & de quibus ipse feceram securum. Ita admonitus de lingua muscarum multicuspide microscopio conspicua; experimentum multiplex peregit in insectis adfinibus, ac in Ape potissimum, vt ex inde ansam præberet Rigaltio emendandi, illustrandisque Plinianum caput de Apibus. Ita, cùm Grotius significasset insectum quoddam multiceps ex lignis in mare demersis prognatum; non auctores modò omneis, qui simile quidpiam haberent, consuluit; sed requisiiuit etiam piscatores, curiososque omneis ad oram maritimam; effectumque tandem, vt nisi eandem planè rem, saltem piscem compererit, præditum

septem capitibus, mediisque quasi corporibus, longitudine inæqualibus, cuidam quasi umbilico, seu placentulæ fati densæ, circum-implantatis. Hæc, & similia cogitabat, dum à fati crebris hæmorrhoidum, stranguriæque laboribus conualescere permitteretur. Cum Septembri autem mense, relaxandi animi causâ, discessisset Belgenferium, maturè fati rediit, vt die mensis vltima præesset, adhorationeque egregia præiret municipalibus comitiis, quibus Aquenses Consules, iidemque Prouinciæ Procuratores, creari solent. Non longè post renunciata est, quam acerbè profectò tulit, amicissimi Malherbij mors. Cum verò luctum non modò sibi, sed Musi etiam Gallicis indicendum arbitraretur; consolationi tamen fuit, quòd successisse videretur & sui amicus, & Gallicæ linguæ, poëseosque arbiter, singularis vir Ioannes Capellanius; in quo semper eruditionem, cum sapientiæ studio; & morum lenitatem, cum animi candore coniunctam, suspexit. Accipit deinceps exemplum historiæ Genealogicæ Regij Francorum stemmatis, quam San. Marthani ediderunt, & in qua ipsius cum elogio meminere, occasione communicati MS. codicis Matthæi Giouannazij, de Regibus Siculis ex Andegauenfi stirpe. Cum eodem verò tempore vir bonus, doctusque Dominicus à Iesu. maria Carmelita, scripturus de Sanctis ex Regia stirpe progenitis, monumenta quædam ex ipso quæsiisset; nihil potius habuit, quam commemorare Carolum secundum Regem Siculum, vnâque Comitem Prouinciæ. Is enim & mor-

1618. tuus venerationi habetur, integro eius corpore in hunc vsque diem Aquis-Sextiis asseruato; & viuis ea fuit fœlicitate, vt Ludouicum filium, Tolosanorum Præsulem designatum, & cum fama sanctitatis præmortuum, viderit referri in Sanctorum catalogum; atque adeò vota illi vouerit, pecuniámque legauerit, extruendæ ipsi Ecclesiæ Massiliensium Minoritarum. Non parùm postcà laborauit, vt Incile amplum, seu canalis ex Druentia, aut ex Verduno fluuio, qui Druentiâ excipitur, Aquas-Sextias deduceretur. Opinatus est enim tum demùm Ciuitatem fore florentem, atque opulentam, cùm eius canalis beneficio facile rerum necessariorum, tam cum superiore Prouincia, quàm cum ipso mari habuerit commercium. Septuaginta iam anni erant, ex quo Adamus Craponus Salonensis canalem ex Druentia in Campos lapideos, Crautiamve totam deduxerat, Aquis-Sextiasque illum etiam adumbrârat; & quoniam opus iam erat alio seu designatore, seu direttore operarum; idcirco scripsit in Belgium, ad obtinendum vnum ex iis, qui ducendis per eam regionem canalibus fuerant præfecti, recensque communicationem Scaldis cum Mosa meditabantur. Ac futurum quidem esse videbatur, vt quod generosè proposuerat, fœliciter exsequeretur; verùm quæ in-
1629. sequente anno sexcentesimo vigesimo nono superuenit pestis, & rerum perturbatio, secessusque factus Belgenferium, consilium ipsius planè euertunt. De huiusmodi autem rebus priusquam dicamus, attingenda aliqua sunt, quæ intercà molitus est.



est. Imprimis enim occasione cœptæ Bibliorum editionis, non contentus indicasse, procurasseque, ut Româ misserentur Parisios Biblia Samaritanica, apud virum eruditum, & de bonis literis benemeritum Petrum Valleum patritium Romanum exstantia; misit ipse in Orientem virum sagacem Theophilum Minutium, ex Minimorum ordine, qui vberiora requireret, obtentâ illi prius licentiâ tam à Summo Pontifice, quàm à Generali Ordinis, prouisoque, ne vel comatus, vel necessarium voluminibus coëmendis pretium deesset. Et sua sanè spe frustratus non est; ille enim, optima sorte, comperit statim, acquisiuitque Biblia Samaritanica, cum adiunctis, in Tritaplorum formam, Hebraïcis, Arabicisque (sed eodem tamen, videlicet Samaritanico charactere) idque præter duo Testamenta Syriaca, Arabicósque Codices complureis. Non est verò reticendum Danielem Dayminium, ex iis Franciscanis, quos Recollectos nominant, seriam nauasse operam, ut tam hi libri, quàm alij, ac varia etiam numismata in Minutij inciderent manus. Mandârât etiam, ut in Cypro perquirerentur Codices, quibuscum fuerat iam memoratus Eclogarum, seu excerptorum Porphyrogeneticorum repertus: at ij sic fuère exturbati, ut nulla tandem exploratione, quantumlibet sedula, reperiri potuerint. Summo-perè verò id doluit, qui ex vno, tanquam ex vngue, magna spe concepta, tulerat iudicium. Quare, ne saltem illius fructu viri studiosi frustrarentur, mittendum censuit Parisios, ut Grotius, Salmasius, cru-

1629.

diri alij, pro suo quisque instituto, & peruolutarent, & vtilia deligerent. Adfuit porrò imprimis Grotius, qui eius hortatu se statim accinxit ad describendum, interpretandúmque illustria Nicolai Damasceni fragmenta, quæ etiam, cum nuncupatoria epistola, ad ipsum misit. Dum adesset qui similem operi residuo operam nauaret, procurare intereà voluit iteratam editionem Pharmaceutices Antonij Constantini Prouincialis Medici, qui ante annos circiter triginta in id incubuerat, vt ostenderet nihil esse opus ad plantas exoticas, peregrináque remedia confugere; cum, benignitate naturæ, idem patrium solum, quod homines gignit, ipsis nutriendis, curandisque consentanea & alimenta, & medicamenta prouideat. Quare quod habuit libri exemplum misit ad Renatum Moreum, magnum medicæ facultatis Parisiensis lumen, cui id curare pergratum fuerat. Per idem tempus accepit aureum eruditi Seldeni librum, de Arundellianis Marmoribus, siue saxi Græcè incisæ, quæ perillustri ille Comes transferri ex Asia in Angliam, hortósq; suos curauerat. Ac memorare quidem par est, Marmora illa fuisse primum operâ Peireskij detecta, erutáque, persolutis aureis quinquaginta, per Samsonem quendam ipsius negotia Smyrnæ procurantem; & conuehenda cum iam essent, nescio qua venditorum arte, Samsonem coniectum in carcerem fuisse, Marmoráque ipsa intereà distracta. Sed & illud addendum est, maximeperè lætatum Peireskium, cum accepit præclaras illas antiquitatis reliquias in tanti Herois incidisse

manus; ac tantò magis, quantò agnouit Seldenum, veterem amicum, eas scèliciter illustrasse. Scilicet cui vnicus scopus vtilitas publica fuit, nihil putauit interesse, seu sua esset gloria, seu alterius; dummodò quod esset è reipublicæ literariæ bono prodiret in lucem. Existimauit autem thesaurum incomparabilem contineri in illis præsertim rerum Græcarum Epochis, quæ non modò historicum, sed fabulosum etiam tempus summè illustrant, conciliantque; dum memorabilia omnia, ab annis vsque octingentis ante Olympiadas, ad vsque quingentos quinquaginta post earum initium describunt. Adhæc variè communicauit priorem partem Epitaphij, quod Adrianus Cæsar Borystheni Equo in his, vt par est credere, regionibus mortuo, humatòque inscripsit. Videlicet effossa est ex agro Aptensi Tabula marmorea illam Epitaphij partem continens; cùm residua nondum reperta, necdum eruta fuerit. Curauit deinceps Peireskius transferri in ædis huiusmodi marmor: intereà verò quia Inscriptio, de qua celebres auctores certarunt, potuit ex hoc archetypo nobilissimo corrigi; ideò ad omnes eruditos eiusmodi versus misit, exscriptos ex eo marmore, cui insculpti sunt elegantissimo caractere.

BORYSTHENES ALANVS  
 CÆSAREVS VEREDVS  
 PER ÆQVOR ET PALVDES  
 ET TVMVLOS ETRVSCOS  
 VOLARE QVI SOLEBAT  
 PANNONICOS IN APROS

Notum est verò, inter vetera per Petrum Pithœum edita Poëmata, Epitaphium integrum legi, speciãtímque postremòs versùs ex heic descriptis, in hunc modum, PANNONICOS NEC VLLVS \* APROS INSEQUENTEM DENTE APER ALBICANTI AVSVS FVIT NOCERE, &c. Ille scilicet alio modo restituere ipsos non potuit. Et Casaubonus quidem in illud Lampridij de Adriano scribentis, *Equos, & Canes sic amavit, ut sepulchra constituerit*, retulit quidem inscriptionem; sed supra Pithœum nihil immutavit. Salmasius verò pro sua solertia, medicam manum adhibens, sic legi posse existimavit, PANNONICOS NEC VLLVS APROS EVM INSEQUENTEM: verùm nihil iam coniecturis opus, cùm ipsissima exstet tabula. Prætereo autem, ut occasione huius inscriptionis requisitum miserit Augustam, num vsquam reperiretur nummus, cuius Adolphus Occo meminit; cum inscriptione ex vna parte, KAICAR ΣΕΜΝΟC ΑΔΡΙΑΝΟC, & ex aduersa, ΒΟΡΥΣΘΕΝΗΣ, idque cum columna, seu cippo, cui impositus est Equus: vtque proinde differens de Græcorum adulatione in affectu Imperatoris erga hunc Equum commendando, censuerit nihil esse id mirum; quandò ipsi quoque, (nec soli Ægyptij) euexerunt in cælum vsque Antonium eius amasium. Communicauit etiam inscriptos Constantini titulos in columna quadam milliari ad Forum Iulium eruta; delineationémque

marmorum aliorum recens effossorum, in quibus 1629.  
 Bacchi effigies cum variis Circes incantamentis: ne  
 ea memorem, quæ explicuit circa figuras Thymeli-  
 cas, appositosque in iis thyrsos, cum vitta, & seu  
 scolymo, seu nuce pinea in apice. Addam-ne, quod  
 sollicitè elicere voluerit quid ipse sentirem de Parhe-  
 liis, quæ die Martij vigesima conspecta Romæ fue-  
 rant, quorumque descriptionem, delineationemque  
 cum Cardinalis Barberinus accepisset à docto, atque  
 laborioso Christophoro Scheinero Societatis IESV  
 Mathematico, iusserat ad ipsum transmitti. Cum  
 voluerit sanè meam euulgari sententiam, memora-  
 bile solùm est, excepisse illum cum applausu, quod,  
 post naturalem considerationem, visus sum ridere  
 persuasionem vulgi, qua ex hisce phænomenis præ-  
 sagia ducuntur pro rebus humanis. Nisi id quoque  
 est notandum, cum Soles quinque visi tum fuerint  
 ( seu, præter verum, spurij quatuor ) vix priùs vn-  
 quam visum fuisse tam magnum Solium numerum;  
 & rem stupendam contigisse, cum idem Scheinerus  
 decimo post mense, seu die Ianuarij vigesima quarta  
 septem simul conspicuos eadem in vrbe obseruauit.  
 Addere certè heic licebit, cum iam mense Iunio  
 versarer in Belgio, quò ad me de Parheliis scripsit,  
 fuisse eum mirè sollicitum, ne ex luc, quæ in hac  
 Vrbe dirè grassari cœperat, supellex mea libraria de-  
 trimenti quid pateretur. Cæterùm nondum Aquas-  
 Sextias, cæteraque Prouinciæ inferioris loca prore-  
 sperat malum; cum versante Rege apud Arccomi-  
 cos ( seu in ea parte Occitanix, quæ est proximè

1629. ultra Rhodanum) discessere ex aula non pauci, qui Peireskium inuiserent, salutaréntque. In iis fuère Stephanus Haligræus Cancellarij filius, ex legatione Veneta redux: itémque Henricus Grandis libellorum supplicum magister, & Ludouicus Pelerarius thesaurarius; qui apud ipsum diuersantes, cum accepissent Thuanum ex oriente reducem, appulisse Massiliam, eò, cum Peireskio, statim accurrerunt. Fuère præterea Drusus Daubrayus libellorum magister, (nec multò post inspector Regius, Intendénsve iustitiæ) Philippus Fortinus Hoguetta, & alij. Sequentè Julio, profectus est, cum Oppedeo Præsidente primo, salutatum Regem. Ea occasione, vidit complureis ex amicis aulicis; & Nemausi cum foret, commendauit raram virtutem, eruditionémque Samuelis Petiti quibusdam ex Primoribus, vt Michaëli Marilliaco Procancellario, Antonio Ruzæo Dessiati Marchioni, ærarij Præfecto, & aliis. Erat Petito præ manibus fasciculus Miscellancarum obseruationum in bonos auctores: itaque ipsi auctor fuit, cum aliorum inferendorum, tum non negligendæ interpretationis in ea, quæ linguâ Punicâ apud Pœnulum Plauti efferuntur. Arelate cum rediret, reperit ibi, acquisiuitque annulum quendam Pronubum, seu Arrham genialem, de qua plura per literas cum eruditis disseruit, occasione inscriptionis, **TECLA VIVAT DEO CVM MARITO SEO.** Postquàm rediit, Ciuitas suspicione pestis breui laborauit. Ea innotuit primùm initio Augusti, ex quo vsque tempore constituit Belgenferium secedere, illucque pro-

inde familiam præmisit. Nimirum, præter mali perniciem, prouidit insignem futuram perturbationem ordinum, præfensitque sibi non fore satis virium, vt contentionem sedandis turbis, arcendisque malis imminentibus sustineret. Et experiri tamen voluit, ne videretur patriæ, communisque saluti deesse; verum coactus tandem fuit medio Septembri excedere, conclusis domo famulis, qui totam supellectilem, & quæ ex sua Bibliotheca, atque Cimeliarchio non asportaret, tuerentur. Belgenferij dies quadragenos pro more transegit, absque vilo commercio, intra ædeis proprias, hortosque contentus. Consumpsit verò totum id tempus in recuperandæ sanitatis studio (quippe non prorsus benè habuerat) inque plantis horti, viridariisque amœnissimi excolendis. Excepit deinde partim domo, partim reliquo oppido amicos cum familiis varios à ciuitate exturbatos; ac Bonifacium Borrillium imprimis, virum optimum, & cui est spectatissimum cimeliarchium. Desauit autem morbus in vrbe, non modò toto reliquo anno, sed etiam parte millesimi sexcentissimi ac trigesimi insequentis. Quo loco recitanda foret insignis tumultuatio, quæ exacto morbo concitata in vrbe est, serpsitque etiam in alia loca, ac potissimum per autumnum. Verum renouare dolorem infandum nihil attinet, ac multò minùs commemorare publicas, priuatæve causas, quæ terram cælo commiscuerunt. Referre sufficiat Peireskij domum à direptione vix abfuisse, cum attigua direpta est; ipsūque fuisse repentina consternatione perculsum,

1629.

1630.

cùm res ita fuit renunciata, vt penetratum in Bibliothecam, Cimeliarchiùmque intellexisset; reuixisse verò, cùm inaudit direptores, tamen visos impetu magno irruere, nihilominus sibi temperasse. Inuifere illum plerique per ea tempora; ac inter cæteros, commorati aliquandiù sunt Henricus Gornæus Marchæuillæ Comes iam tum discessum apparans; profecturus nempe Orator Regis nomine ad Imperatorem Turcarum. Philippus quoque Bethunius, qui Regius antea Romæ Orator, sese in Galliam recipiebat, quique deinceps literis compluribus testatus est, quanto teneretur iucundissimæ consuetudinis desiderio. Philippus item Nunnesius, Emmanuëlque Costæus, quos discessuros in Indiam, nullis non officiis, muneribusque deuinxit, datis per ipsos literis, ad Ludouicum Herriardum in Magni Mogoris aula residentem; ad Loppesium Siluanum Goæ versantem, & ad alios; vt exinde nancisceretur, tum rara alia quam-plurima, tum matrices rupes variarum gemmarum. Sic commoratus Samuel Petitus, cuius mentio facta iam est, quemque tum Parisios breui discessurum quibus demeruerit officiis, intelligi præstat ex nuncupatione Eclogarum Chronologicarum, quas non multò post ille edidit. Nam, *Gestiebat, inquit, impridem animus, vir illustri, votiua hac sabella testatum palam facere, quantum te colam, quantum tibi debeam: cùm mortalium nemo uiuat hodie, qui tibi magis sit obnoxius, quàm ego; nemo, cui ego magis sim obnoxius quàm tibi. Verùm ut appensa hæc sabella tuo nomini, vir amplissime, & tuum nomen*  
*his*



*his nostris libellis inscriptum testimonium potius dicent spei, quàm de tuo in nos affectu concepimus. Te enim Patronum aduocamus, qui adsis mihi, meisque. Tu verò, vir illustris, patrocinium ne denega; ita viuas, & valeas; nostrâ quippe interest. Nam si hi libelli in tuo nomine apparent, nemo bonus est inter eruditos, cui non probentur, tanquam tibi, viro castigatissimi iudicij, & eruditionis summa, probati, &c. Sic Henricus Dormalius Leodiensis Canonicus, omnibus quidem literis bonis, sed fœlici tamen Græcorum Poëtarum imitatione præsertim conspicuus, quem nisi negotia domum reuocassent, prolixius longè detinuisset. Sic Ioannes Iacobus Buccardus Parisinus, ipse quoque omni ingenua literatura perpolitus, qui, quò posset meliùs excolendis Musis, bonisque auctoribus quâ Græcè, quâ Latinè versandis æuum terere, constituerat solum patrium cum Romano commutare. Eò ergo pergentem detinuit Peireskius quantum potuit, non dimissurus hieme tota, nisi præoptasset eius studia quam-primùm inclarescere in magno illo orbis teatro. Heinc & paterna monita dedit, & literis variis ita commendauit, vt Cardinalis Barberinus illum non modò pro solita humanitate exceperit, sed voluerit etiam inter literatos, quos domi habebat, subinde conscribi. Sic Antonius Natalis, doctus Medicus, qui Hispali antè moratus fecerat ipsi occasionem Americani commercij, & qui tunc res naturæ perraras ex nouo illo orbe aduexit; alteròque post anno, priusquàm regrederetur Hispalim, dicauit ipsi quandam suam aduersus Medicos Apo-*

1630.

logiam. Sic Franciscus Gallæupius nobilis Aquensis, qui Hebraicè doctus, si quis alius, & peregrinationis orientalis cupidissimus, Marchæuillæum apud Peireskium rediturum, præstolabatur. Is fuit, cui simul ac Lombardo demandavit præcipuam curam obseruandi Eclipsim Solis, quæ die decima Iunij contigit. Id tamen frustra; quòd montes occidui deficientem Solem interceperint, obseruatâque solùm fuerit magna aëris obscuratio. Defecit nempe Sol ad occasum; nam & nobis Parisiis, horizontem liberum subiit obductus adhuc digitis duobus; cum deliquium maximum fuisset digitorum vndecim, ac minorum triginta duorum; cœpisset verò horâ sextâ, cum quadrante, & sesqui-minuto. In talium igitur virorum conuersatione dies ducebat; interieciatque tum crebram lectionem; tum rariorum plantarum cultum; tum studium, ac varia de rebus lapidescentibus ratiocinia. Et circa Plantas quidem, viderentur heic enumerandæ præcipuæ; sed immorandum non est in iis, quæ, tametsi habitæ raræ, in aliis tamen hortis visuntur. Aliquæ solùm attingendæ ex iis, quarum habendarum, & per Europam excolendarum prima laus Peireskio debetur. Eiusmodi censeferi potest Gelseminum Indicum, arborefcens, semper virens, flore luteo, ac suauissimè odorato. Id scilicet primùm ex Sina aduectum, & Belgenferij excultum, fuit deinceps in hortos Regios, & Barberinos propagatum. De his certè Ioannes Ferrarius, ex Societate IESV eruditus vir, in iis libris scripsit, quos tribus pòst annis edidit de Florum

cultura. Sed addendum est Cardinalem misisse vicifim Belgenferium Sinenfem Rofam, cuius pulchritudo odorem defideratum mirè compenfât. Deinde quæ dicitur Lifa, fiue cucurbita Mechana, quæ aduecta nempe eft Mechâ, dicique potefit planta ferrica, quòd filamentis turgelcat ad opus textorium non abfimile fericeo idoneis. Peireskius certè fimul accepit & grana, quæ ferenda primùm, curandaque Viaffio dedit; & Cucurbitam integram, totam intrus filamentofam; & telam, feu pannum ex eiuſmodi materia confectum. Tum Papyrus Ægyptia vera, aliâque ab ea, quam Proſper Alpinus deſcripfit. Peireskius nempe illam obtinuit ex Saitarum regione, vbi germana creditur naſci; tamenſi, quòd ſciam, non fuerit expertus, an charta confecta, fiue craſſior ex cortice, fiue tenuior ex phyliris, ſatis patiens ſcriptionis foret. Opinatus certè initio, cum vidit umbelliferam, poſſe pediculos compingi, & ad ſcribendum uſui eſſe, in ſententia non perſtitit. Prætercà quæ Nux Indica appellatur Cocos. Non quòd Nuces huiuſmodi non fuerint iam dudum in Europa viſæ; ſed quòd ipſe etiam tentârit, num ſub hoc cælo prouenirent. Ac germinanteis quidem vidit; ſed vel aëris inclementiâ, vel quòd non ſatis curatæ fuerint, non adoleuerunt pro votis. Rurſus Zinziber, quod ex India allatum virefcere deprehenſum eſt, tranſmiſſumque deinde Pariſios ad Vidum Broſſeum celebrem Medicum, & Reginorum hortorum inſtructorem primum, demonſtratorémque primarium; à quo aliunde, & ab antè nominato Veſpa-

1630.

fiano Robino subdemonstratore perrara obtinuit. Nihil autem dico de Myrto latifolia, ac flore pleno, de Styrace, de Lentisco, vnde Mastiche, & aliis prius memoratis. Multò minùs refero Gelseminum Americanum maius, flore phœniceo, Persicum violaceo, Arabicum pleno: Arantia flore rubeo, atque variegato: Mespilum, & Cerasum acidam, sine nucleis; ficum Adameam, cuius fructum Peireskii est interpretatus ex eo genere racemorum, quos exploratores ex terra Chananæorum retulerunt; vites rariores habitas Tuneto, Smyrna, Sidone, Damasco, ex noua Francia, aliisque locis. Minimè omnium denique hæreo circa sollicitudinem, qua opus topiarium curauit; qua arbores in quincuncem disposuit; qua totum solum irriguum fecit; qua cauit, ne per hiemem tenerioribus plantis noceretur: qua accersiuit ad florum copiam peritissimos odorarios; qua, vt paucis dicam, nihil prætermisit, quod existimauerit facere ad amœnitatem. Hoc potiùs insinuo, peregisse illum experimenta varia circa plantarum semina, gemmâsque, & surculos variè commiscendos. Placuit autem potissimùm inferere Myrto non Gelseminum modò, sed etiam Apianam (dicunt vulgo Muscatam) vitem; vt experiretur quale esset vinum, Myrtiten antiquitùs dictum. Expertus porrò Lapidem esse, è quo in humente loco erumperent, ac succrescerent fungi; deprehendit denique ipsum nihil aliud esse quàm Tuber insolitæ magnitudinis, instar lapidis induratum. Et cum Renatus Moreus retulisset ex Mercurio Gallo belgico manum è sugge-

sto enatam , monuit disquirendum num ea fortè  
 fuisset ex ramosis fungis , qui non ex iis lapidibus  
 solùm , sed ex lignis etiam putrescentibus exoriun-  
 tur : ac num impostura fuisset , aut credulitas , quæ  
 fabulam de digitorum obseruato motu fecisset. Sed  
 hæc de Plantis. De studio rerum lapidescentium  
 paullo vberius dicendum est : quandò & copiam , &  
 occasionem de iis differendi creberrimam habuit ; &  
 ad ipsa loca frequenter deduxit hospites similibus  
 curiosos ; vt comprobatiorem faceret sententiam.  
 Cùm ergo in colle , quem Defensum vocant , oc-  
 currissent Pectinitæ , Ostreitæ , Cornu Ammonis ,  
 aliisque lapides diuersimodè figurati ; & in campo  
 re , ac nomine longo , intraque cauernam Gueri-  
 neam reperta fuissent folia ex quercu , alno , ilice ,  
 vlmo , nuce , populo , hedera , lauro , aliisque arbori-  
 bus , ita conuersa in lapides , vt suis tamen neruulis ,  
 & denticulationibus suas indicarent species ; cœpit  
 exinde recudere , firmarèque antiquam suam de lapi-  
 dum vniuersorum generatione opinionem. Quippe  
 in ea non fuit sententia , vt existimaret omneis lapi-  
 des ab initio Mundi formatos ; sed voluit temporis  
 progressu plerosque ita fieri , vt singuli originem  
 debeant suæ materiei , propriisque seminibus ; con-  
 figurationem verò partim ad naturam , partim ad  
 casum referant acceptam. Nam cùm omnium ma-  
 teries sit aqua , seu liquor , aut succus ; existimauit va-  
 riis in locis contineri varia rerum semina , ac specia-  
 tim lapideum , quod liquori immistum , lactis instar  
 ipsum coagulet , specialèmq; imprimat formam.

1630. Heinc Crystallum, Adamantem, Amethystum, similibusque lapides fieri, cum illorum semina limpidum liquorem, cuiusmodi solum perficere possunt, nata fuerint; ceteros vero, cum semina eorum magis turbidum, & obscurum. Et quoniam liquor tunc contineri, conquisceretque in cavitae quadam, & quasi vase, seu conceptaculo debet; inde efficitur, ut pretiosi etiam illi lapides fundum habeant crassum, obscurumque, tum quia conceptaculum terreum, immundumque ut plurimum est; tum quia quicquid est in liquore crassum, subsidit, coagulationemque proinde in fundo facit hebetiorem. Ceterum ipsos, dum coagulantur, diffindi, & multiplicari, ut grana spicae, intra vaginam: subire autem Crystallum figuram oblongam, hexahedricam; Smaragdum dodecahedricam; Adamantem, & Rubinum octahedricam: & ita de aliis, propter specialia semina, iuxta quae lapides non minus constanter, regulariterque, quam stirpes, atque animalia suarum sunt configurationum. Quod spectat vero ad figuras Concharum, Cochlearum, Strombylorum, Ostreorum, & innumeras alias; id esse ex casu, quo, animalibus demortuis, contingit testas, corticeve conceptacula fieri excipiendo, continendoque lapidescenti illi humori, qui coagulatus induratusque, continentis figuram induat; quo etiam modo lapides Stellati ex spolio, atque incisuris quorundam vermium formari possunt. Quin etiam partem humoris subtiliorem, penetrare in ipsam testam, adeo ut ipsa quoque lapidescat; licet cuadat friabi-

lior (vnde in multis non cohæret) & remaneat tamen candidior interiore nucleo; qui aliunde, præter crassiorem humorem, immistam habere corrupti animalis substantiam possit. Mirum eam ob causam non esse, si non modò intra hos nucleos, sed etiam interdum intra Crystallum, & lapides alios transparenteis obseruentur palcæ, muscæ, & id genus similia; has enim res casu repertas, aut in concepraculo, aut in fluore illo, cum induruit in lapidem. Folia autem illa plantarum lapidescere, eo modo, quo dictum est testas; scilicet subeunte puriore humore, qui, si impurior fuerit, lapidem crassum circumformet; uti constitit in lapide quodam intra Musæum asseruato, qui diffusus florem contentum, petrificatúmque exhibuit. Sic etiam Osteolitha fieri, seu ossa humana, & alia lapidescere censuit. Et ad generationem quidem illorum lapidum polyhedricorum, argumentabatur ex conformatione salis, aluminisque in suas figuras. Circa alios vero, meminerat primùm, quod primis pubertatis annis obseruasse illum memorauimus, dum ad minorem Rhodani alueum, in quem Sorga fluuiolus sese exonerat, nataret. Nimirum simul adnotârat turbatiorem tum fuisse Sorgam, ex terræmotu ad illius scaturiginem excitato; &, propter intumescentem ea tempestate Rhodanum, aliquot diebus restagnasse. Vnde & ratiocinabatur, potuisse ex ea concussionem germen lapideum ex ipsis usque visceribus terræ excerni, & cum aqua sic deuehi, ut limo ex illa restagnatione subsidenti, sensimque concreto, com-

16,0.

mistum, lapides illos efformârit. Deinde, quod ad indurationem; meminerat trium calculorum, quos Ioannes Brunus Chirurgus sibi dederat, recens ex vesica infantis eductos. Si quidem cum is, qui primò emerferat, esset planè durus, qui secundò mollis, qui tertio penè fluidus; omnes tamen paucis post diebus eiusdem fuere duritiei. Quod autem morantes diutiùs in vesica calculi ex accedente noua materia pluribus crustis superueſtiantur; dicebat id esse, quod in variis cryptis obseruamus fieri, vbi aqua lapidosa supernè distillans tophos, aliòſve lapides creat. Et quòd granula sabulosa, quæ intra vesicam, compingantur sæpe à viscido illo, & calculoso humore, qui defluit ex renibus; declarabat id ipsum esse, quod in montibus ac fluminibus plerumque contingit. Siquidem plureis rupeis videmus, quæ ex pluribus minutioribus lapidibus constant, intertexente illos communi materia, quam necesse sit fuisse posterius faxeam effectam. Habuit & ipse intra Musæum eductam ex Druentia equinam soleam ferream, quæ ita est circumdata lapillis flumatilibus, vt lapidosa alia substantia illos inter se, & cum ferro adglutinet. Idem visitur & in ense, & in circulo ferreo, eductis ex Rhodano; idem in magno clauo æneo, quem eductum ex Sequana Lomenius ad ipsum transmisit. Argumentum inde ducebat, tum de germine lapidifico ex montibus vsque, & aquarum scaturiginibus deſaſo; & de lapidibus, qui in singulos dies in medijs fluuiorum alueis generantur; qui ipsi quoque suapte natura ad rotundam, vel oualem



oualem figuram accedunt; nisi quòd pro conditione conceptaculi, aut ex volutatione, detritione, contractione, degenerare ab ea possunt. Vt de sabulo autem illo calculoso obseruationem adiiciam, animaduertit ille primus, ipsum à natura ita conformari in figuram rhomboicam, vt microscopio inspectum, appareat veluti rhomborum lateritiorum congesta moles. Ex quo difficile non est causam explicare illius doloris, quem sabulum eiusmodi cum vrina egestum creat; nempe singulorum granorum acutiores anguli canalem ita vellicant, vt sui sensum acerrimum faciant. Ex his, rogatus aliquando de flexilitate illius Cotis, quam à Iacobo Hallæo Parisiensi Rationum Magistro communicatam habuit; illam ad Talchum retulit: opinatus nempe fluorem talcho gignendo comparatum sic fuisse commistum arenæ, seu iis granulis, ex quibus eos pertexitur; vt crassitudo coticularis talchi pelluciditati, lauorique obstiterit; & talchica flexilitas obstiterit cotis rigori. Sic rogatus de lapidibus Crautiæ, Herculeorumve camporum; censuit totam illam planitiem potuisse olim restagnare exundante potissimum seu Druentia, seu Rhodano, & lapidifico germine simul deucto, coagulante. Argumento fuit, quòd in salium concretionem obseruamus. Quippe, vt in vase, ex quo aqua salis commista euaporatur, tessellæ maiores in fundo, quàm ad latera relinquuntur; quòd illic falsedo vberius, diutiùsque resideat: sic in medio Crautiæ, quòd depressius est, maiores longè lapides, quàm ad oras obseruantur; & ad maritimas

1630.

quidem, paludosasque præsertim, vbi lapilli vix attingunt nuculae magnitudinem; cum in medio lapides sint capiti humano plerumque æquales. Quod difficultatem potissimum fecit, fuit multitudo incredibilis piscium, concharum, aliorumque marinorum animalium, quæ in summis etiam montibus saxificata visuntur. Attamen, quoniam obseruauit in benè longa montium serie à Belgenseriensibus vsque, quandam quasi zonam exstare, editam quidem, sed libellatam tamen, & horizonti, planoque maris parallelam, quæ eiusmodi animalibus saxeis effectis referta sit: nullus penè dubitauit, quin mare eò vsque pridem occupauerit, & saltem ad diluuij tempus ( nisi ad mundi vsque initium, priusquam aquæ diffuerent ) recurri posse existimauit. Nam mare quidem paullatim aliquas deserere oras, inuadere alias, duxit compertissimum; vti Aristoteles comprobauit de Ægyptiaca, Polybius de Euxina, ipse de Arelatenfi: quippe Nilo, Danubio, Rhodano, aliisque fluminibus ex terra continuò delata producentibus continetis; adeò vt temporis progressu, & loca humilia euadant excelsa, & littoralia mediterranea. Quam etiam ob causam scripsit aliquando se credere fore, vt Veneta vrbs continenti adiungeretur; quòd ex tempore nescio quo, promotæ foret continens passibus mille, & quingentis. Exinde præterea coniecturam duxit de formatione Rupium, quas mundi præsertim initio censuit genitas ex copiosissimo humore vniuersam terram obruente, & semine saxifico eidem terræ intersperso.

Heinc euenire certè potuisse, vt molli adhuc concretionem, quæ flumina tunc erupere, cœperetque decurrere, rupeis passim perfregerint; neque enim alueos profundissimos, quibus ad vtramque ripam rupes eminent, vniformis contexturæ, atque altitudinis, excuari ita potuisse ex detritione insensibili, si durities perpetua fuisset. Fortè etiam inde effectum, vt aqua ab ortu in occasum diffluente, & quæ Mediterraneum iam est, locum excauante, pleræque conualles ita apertæ fuerint, vt rupes, atque adeò montes eundem situm ab oriente in occidentem seruauerint; cuiusmodi sunt non præcipui modò, qui in hac Prouincia, sed & Pyrenæi, Appenninus, Rheticæ Alpes in Europa; Taurus in Asia; Atlas in Africa; ac nostratibus etiam plerumque ostentantibus faciem præruptam versum mare. Quòd autem maritimæ Alpes, & minores quædam montium, consequenterque vallium series alium situm obtineant; id esse potuisse ex speciali aquæ defluxu; ad eum modum, quo obseruamus post fluminis exundationem, recurrentem ex ripis aquam limum congestum exarare, seu creare fossulas, atque adeò protuberationes, situ versus alueum fluminis transuerso. Sed de his iam nimis. Solitus est etiam sermones eruditos conferere, de cadauere Giganteo Tuneti effosso, ac immensæ propè magnitudinis, vt Thomas Arcolius, vir profectò multiscius, illa ex ora significauit. Scripsit nempe Cranium continere posse mellereolas Prouincialeis octo, hoc est, Parisiensem liquidorum modium, cum do-

drante. Immanis sanè vastitas; & ob quam Peireskiius Arcosium admonuit, spectaret omnia propiùs, expenderétque scrupulosiùs. Possè certè molarem dentem, quem ad se transmiserat, aut prægrandis Elephantis, aut Balænx cuiuspiam esse. Summam ad hæc lætitiã cepit tum ex Minutij reditu, tum ex inuentione Tripodis cuiusdam. Siquidem ille prospero successu ex Ægypto adueniens, libros adspertauit non paucos, ac potissimum Copticos, hoc est caractere, & idioma Ægyptio antiquo conscriptos; idque præter alios, quos cum iam antè memoratis Samaritanis miserat. Aduexit & Mumias duas (caduera videlicet antiquissimæ illius, & sumptuosissimæ condituræ) quarum altera fuit præcipuè grandis, integra, insignis, & quantum licuit ex ornamentis conicere, Principis viri. Attulit & numismata, ex quibus magni æstimauit tetradragmata duo, alterum Atticum, alterum Tyrium; ac numisma Hugonis, Regis Hierosolymorum, & Cypri. Ad Tripodem quod attinet, is ad Iulij Forum fuit erutus; & quia non fuit multum pedali procerior, existimauit Peireskiius fuisse ex votiuis per templa dispositis, instar illius præcipui, cui Phæbas insistens, & ex subiecto antro spiritum ducens, bacchabatur, credebaturque oracula fundere. Eius occasione deinceps varias literas Parisios, Romam, & aliò dedit, vt prouocaret eruditos ad differendum de incompertis quibusdam Tripodum mysteriis. Bases illius triquetrae medium foramen est triangulare, ex circularibus lineis: extrema autem Empulas fulciunt sustentan-

reis scaphidium : sed ita , vt cùm omnia simplici at-  
 tactu cohæreant , motu minimo collabantur. 1630.  
 Nimirùm interpretabatur illo spiritu agitante , corrue-  
 re debuisse omneis Tripodas , facta aliqua partium  
 concussionè. Ratiocinatus præterè est Cortinam  
 fuisse non illud vas ( neque enim Pythonissam eò  
 conscendisse ) , sed hemisphærium aliud superficièi  
 quasi squaminosæ ( vt imitaretur Pythonis serpentis  
 ab Apolline interfecti exuium ) quo memoratum  
 mox foramen immediatè obtegeretur : adeò vt Sa-  
 cerdos haberet Cortinam suppositam , & imminens  
 scaphium. Laborauit autem solùm , vt exprimeret,  
 coniecturisque approbaret ecquid illo triangulo  
 curui lineo designaretur. Quare neminem virum do-  
 ctum ea de re non consuluit ; ipse interè tam circa  
 id , quàm circa parteis alias eos eruditionis fundens  
 gurgites , vt omnes omninò concesserint palmam.  
 Omnium nomine audiatur Holstenius , *Nam , quæ*  
*inquit , hæc super re ad reuerendum Patrem Puteanum*  
*bene longa συζητήσις scripsisti , ea frustra expectaueris vel*  
*à me , vel à quouis alio antiquitatis studioso : ita tu om-*  
*nem diligentiam , curàmque prauertisti , &c.* Prætereo  
 autem vt ad habendum pleniorem eius rei notitiam,  
 conquiescit Tripodas plureis , maximè verò ex Ita-  
 lia : vnde Menetrius aliquot misit , præter exquisi-  
 tam descriptionem , delineationémque aliorum , quos  
 obtinere non potuit. Sub initium sequentis anni , 1631.  
 perseuerabant adhuc turbæ , cùm Princeps Condæus  
 in Prouinciã missus , eas demùm sedauit. Verè no-  
 uo Cardinalis à Balneo vtraque sua legatione fun-

1631. Etus, & accepto Parisiis purpurato pileo Romam rediit, ac per Prouinciam iter instituens, inuisere uoluit Belgenſerij veterem amicum. Inter cætera autem ſuauiſſimum habuit & Mumiam illam antedi-ctam conſpicere, & Peireſkium tam de illo, quàm de cæteris condiendi generibus, edifferentem audire. Quæſtione interim ſuborta, num. Ægyptij quoque Naulum ori apponerent; placuit varia linteamina, faſciolæſque effringere, & *αιρωσις* rem explorare. Itaque capite vix tandem ex inuolucris euoluto, ſtudioſè quidem, ſed fruſtrà tamen Naulum in ore perquiſitum. Diſceſſurum non erubuit exorare Peireſkium, pateretur ſarcinæ ſuas nouo onere prægruari. Quippe tranſmiſſurus erat ad Holſtenium ad uſque viginti MSS. Codices Græcos, ex Platoniciſ, Ariſtoteleiſque interpretibus, quos ex Bibliotheca Pacij erutos, & ducentis aureis coëmptos pridem mittere deſtinârat. Itaque Cardinaliſ volens, ac pro ſuo in literas, literatoſque affectu, conuehendorum aſſumpſit curam. Quo loco memorandum eſt deduxiſſe tum illum ſecum Gabrielem Naudæum Pariſinum, nominis inter literatos magni, & ex libris iam editis Peireſkio cogniti, & cari. Quamobrem Peireſkium iucundiſſimum duxit tum virum complecti, aſſariſque coràm, tum gratulari Patrono, quòd talem à ſtudiis virum delegiſſet. Et quantum quidem fuerit illius conſuetudine delectatus, retulit profectò non ſemel, neſcius an magis admiraretur animi candorem, atque lenitatem; an inexhauſtam eruditionem, notitiàmque omnium librorum. Quan-

tum verò ipse Naudæus & Peireskium suspexerit, & illius beneficentiâ cumulatus discesserit, testatum deinceps fecere tum priuatæ Epistolæ, tum nuncupatio publica Iatrophilologicæ quæstionis, *An matutina studia vespertinus sint salubriora.* In hac certè *Mecænatem* literatorum omnium appellans, veritúsque præsci Mecænatis sortem, vouet Panegyricum, & cur dedicet intereà id opus, *in caussa fuerunt*, inquit, *admiratio tua virtutis, & indignatio, quam dudum in me concepi, quòd ipsa non omnibus eruditorum calamis celebretur, quibus tamen quotidie materiam suppeditat de cunctis fermè rebus doctè, subtilitèrque differendi.* Et rursum, *Quod equidem ut faciam, induxerunt me primùm propria mea rationes, qui iamdudum in tuo arte viuo, omnémque cultus, & obseruantia significationem tibi exhibere flagrantibus voris aueo, desideròque supra modum.* Deinde verò optimi, & eminentissimi mei *Mecænatis Ioannis Francisci Cardinalis à Balneo exemplum, quicòm aliàs tecum adeò lubenter, suauissimèque versaretur, ut cum nullo alio literatorum magis, nunc etiam nihil de antiqua sua bencuolentia remittit, sed te, licèt absentem, amat, suspicitque quam-maximè.* Illa autem omitto, *Qui me iam pridem incredibilibus amoris, & beneficentiæ suæ illecebris deninctum esse voluisti, compluráque alia.* Deducto Tolonum vlque Cardinali, neque priùs dimisso, quàm è portu soluisset, rediit Belgensarium. Ex aliquo tempore vsque agebatur de nuptiis, quas Claudius ex fratre nepos in comitatu Venascino, seu Auenionensi ambiebat. Tunc itaque assensum præbuit, ut ille exinde in vxorem duceret.

1631. nobilem puellam Margaretam Alresiam, donatione facta Rianriensis Baronix, & concessione dignitatis Senatorix, ea solùm lege, vt sibi functio integra per triennium reseruaretur. Imminebant Paschalia, cùm corripuit illum insignis quædam Paralysis ad dextras omneis corporis parteis. Scilicet extra limen domus, ac in aditu horti confidebar, reclinatùmque fortè habebat totum corpus in dextrum femur, cùm subito sensit eiusmodi femur non leuiter obstupefactum. Conatus loco emouere, nisi adiuuante famulo non potuit; neque deinceps incedere, ob similem cruris, pedisque stuporem. Perrepsit continuo in brachium affectio, adeò vt scriptiois fuerit incapax. Serpsit & in linguam, quæ proinde hæsit; ac licèt nonnihil balbutire, murmurarève videretur, voces tamen distinguere, dearticulàreque non potuit. Subiit quoque aurem tinnitus, qui, nisi aliis partibus simul solutis, non euauit. Est autem facta solutio post exactam hebdomadam, occasione hilaritatis, admirationisq; subnata. Cùm allatæ nimirùm fuissent à Thuano litteræ excusationem continentes, cur Belgenserio non transiisset, lætitia quadam gestiit; & cùm subinde nescio quis hymnus in Lilijs, Rosæque amores scitè caneretur, ita captus est suauitate cantus, & strophes cuiusdam lepore, vt, quemadmodum Cræsi filius, prorumpere volens in aliqua verba, ac in ea speciatim, Quàm pulchrum est hoc! prorsùs in illa proruperit, eoque momento libertas fuerit membris omnibus restituta. Destinauit porrò deinceps iteratò Minutium, vt  
venatum



venatum iret libros orientales, factò præsertim animatus præclari viri Iacobi Golij, quem Hollandiæ Ordines, propter insignem Arabismi, Matheseosque peritiam, substituere in clytis duobus Academiæ professoribus, Thomæ Erpenio, de quo antè, & Wilibrordo Snellio, quem Kepplerus meritò censuit subtilissimum Mathematicorum. Golius scilicet nomine, impensisque Ordinum bis iam in Orientem profectus, tantum corrogârat & in Academia deposuerat librorum thesaurum, vt viso eorum indice, quem ad me à Golio transmissum, & volentibus benè multis typis euulgatum ad eum miseram, subito studio inarferit, mittendi rursùs in Orientem, qui in id incumberet, vt, quantum liceret per priuatos sumptus, simileis libros Gallia haberet. Dedit autem Minutium in comitatum Marchæuillæi, qui mense tandem Julio Constantinopolim discessit. Et dare quidem præterèa voluerat Holstenium, Buccardum, aliòsque eruditos viros, qui freti patrocinio auctoritatèque Regij Oratoris Bibliothecas in monte Atho, aliis que locis explorarent; verùm illi, vtunque forent ad id peragendum propensi, non potuerunt tamen esse satis temporis, ad discedendum comparati. Vnicus comparatus fuit nominatus antè Gallapius, qui non multùm tamen temporis Constantinopoli moratus, discessit in Libanum montem, & cum Maronitis ita constitit, vt etiam num cum illis degat. Post Marchæuillæi discessum, renuntiatum est fuisse Elephantem Tolonum aduectum. Procurauit itaque ipsum adduci Belgenferium, vt posset

1631.

quædam explorare, de quibus ante annos quatuor ad Puteanos scripserat, cum animal fuisset deductum Parisios. Aducebatur tunc ex Italia, idemque fuit, qui ante annum ostensus Romæ fuerat: demiror autem quorsum possessor dixerit Peireskiò annorum esse quatuordecim, cum Romæ superiore anno fecisset solum undecennem, ut ex ipsius effigie dicata Gualdo Equiti, exque facta per Bottifangum descriptione, intelligi licet. Peireskius porro toto biduo, seu rogando, seu experiundo, ita multa addidit, ut sibi factum putaret satis. Inter cætera, cum probasset omne genus edulij, iussissetque dulcia præfertim (quod gratissima forent) ministrari, adeò ut Elephas iam ipsum & agnosceret, & blanditiis prosequeretur, fiduciam cepit (sed præeunte animalis Governatore) ingerendi brachium in os, explorandique ipsius denteis. Deprehendit autem hinc inde in utraque maxilla binos, ut planè octo existerent, & non solum quatuor, ut voluerat Plinius. Neque verò denteis attrectavit modò, sed etiam per Governatorem ceram ipsis applicuit, quò illorum simul magnitudinem, formamque faceret expressam. Exinde autem perspectum habuit, memoratum molarem dentem ex Africa missum ab Arcosio, Elephantis esse, non Gigantis dentem: neque est plius demiratus, cur ex Gigante Theutobocho tam pauci fuissent dentes ostensi. Ad hæc depingi Elephantem triplici facie voluit, ac recubantem potissimum, ut commissuræ melius paterent, quæ inter pedem, & tibiam, tibiámque & femur; ad conuin-

cendum errorem, qui auctoritate Strabonis, aliorumque inualuerat de inflexilitate crurum, fabulifque superexstructis. Adiciere autem solebat, cum hæc deinceps memoraret, minimè potuisse antiquos articulationem latere, quòd in quibusdam vulgò vocatis Medallionibus expressissent Elephantem funambululum; insigni quadam utique non mobilitate modò, sed & flexilitate crurum. Rursus non modò partium omnium dimensiones excipi iussit, sed etiam cum animal foret postea deducendum A quas Sextias, demandauit Fratri, itémque viris industriis Iohanni Lombardo, & Iosepho Sucheto, ut explorarent ipsius pondus. Itaque ipsi rem peregerunt, confecta bilance ex trabe debite suffulta, idoneisque funibus illigatis & machinæ lignæ, qua animal sustentabatur, & lignæ cuppæ, quæ pondera (tormentarios nempe globos) continebat. Hoc proinde modo exploratum est, comprobatumque Elephantem pendere libras Prouincialicis quater mille, & quingentas: hoc est Parisienseis proximè ter mille quingentas: & Romanas duodenum vnciarum quinquies mille proximè. Accepit deinde magno cum dolore obuisse duo carissima capita, videlicet Aleandrum Romæ, & Pignorium Patauij; quorum quam antiqua, & constantans, quamque variis officiis exulta fuisset amicitia, intelligitur ex hætenus dictis. Cariores porro exinde habuit, quas iam asseruabat illorum icones, ipsasque, cum rediit in urbem, sic in Musæo posuit attiguas, ut ingredienti statim paterent. Consolationi etiam fuit, quòd ita Aleandro parentatum inaudiit,

1631.

vt ipsius laudatio pronuntiata publicè fuisset per disertum virum Gasparem Simeonium in concione percelebri Academicorum Romanorum; & Pignorij memoriam ita fuisse caram laudatissimo illius, litteratorumque aliorum fautori Dominico Molino, Sancti Marci Procuratori, vt & tumulus excitatus, & epitaphium positum ab ipsomet exstitisset: quod Philippus etiam Tomasinus, ille de sua patria, conciuibusque eruditis adeò benè meritus, ad calcem eorum, quæ de Pignorij Bibliotheca, Musæoque scripsit, memorauit. Prætereo autem, neque Simeonium, neque Tomasinum silere potuisse amicitiam, quæ inter *μαθητάς* illos, ipsumque intercesserat. Hoc anno, ac mense Nouembri memorabile illud contigit, quod Planeta Mercurius fuit primùm sub Sole, seu in disco Solis conspectus. Admonüerat antè Kepplerus publico scripto Astronomos, rerumque cælestium studiosos admirandi spectaculi: quamobrem ipse quoque Peireskius suarum partium esse putauit ad illud attendere, ac tantò magis, quantò priùs persuasus visam in Sole Mercurij stellam Caroli Magni temporibus (ex Adelmo, Ademaróve in ferie Annalium Aimonij) dissuasus iam fuerat, ratumque habuerat visam solùm fuisse Maculam insignem, ex iis, quæ peruulgatæ iam sunt; quòd per octo dies apparuisset, cum Mercurius sub Solis disco aliquot solùm horas infumat. Apparuit itaque scenam, in quam Solis radij telescopia transmitterentur, vt exhibita Solis specie proderetur Mercurij vmbra. Atque aduigilauit quidem, quantum licuit, aut memi-

nit ( siquidem Kepplerus calculo diffusus attendi voluerat toto triduo ante, & post diem septimam, ab exacto cuius meridie apparitionem mediam celebrandam deduxerat ) Verùm cum apparitio antemeridiano tempore defierit, obseruandi memoriam toto illo mane ademit hospitem quorundam presentia, quibus & ad sacrum audiendum ducendis, & mensâ lautissimâ excipiendis sese addixit. Insigneis proinde fudit querimonias, cum tempus accepit celebrati spectaculi, ac mirè aliunde gratulatus est, quòd mihi primo, ac fortè soli, cum versarer Parisiis, id obseruare concessum fuisset. Obseruauit nempe Mercurium à medio ferè Solis disco in limbum usque excurrentem ( ac tanta quidem exilitate, vt trientem minuti non excefferit ) excedentem autem à limbo horâ matutinâ decimâ, ac minutis viginti octo, cum boreali latitudine minorum sex, & trientis. Heinc lætabundus obseruationem quoquouersum destinavit, neque ipsam modò; sed quos de ea etiam edidere commentarios, tum Willelmus Schickardus, optimus ille, doctissimûsque apud Tubingenſeis professor, tum Martinus Hortensius, laudatus Hollandiæ Mathematicus, & Philippo Landsbergio in condendis Tabulis Astronomicis adiutor. Hieme ingruente laborare cœpit solitis hæmorrhoidum, calculique doloribus; adcò vt cum Prorex Mareſcallus Vitrius in Prouinciam missus, adesset Toloni, illum quidem inuiferit, sed sellâ gestatoriâ vectus. Quin-etiam inter colloquendum affectus est discruciatûsque summa vrinæ difficultate. Apud amicum

1631. cùm diuertisset, nescio quis admonuit in Zembiorum insula paucis milliariis distante scaturire aquam huiusmodi doloribus sedandis mirè conductentem, ac, ceteros inter, Andream Dauoriam sic fuisse illius utilitatem expertum, ut & Genuâ usque quæsitum ex ea mitteret, & Præfectus triremibus, eò sæpe defleceret, ut ex ipso biberet fonte. Itaque Peireskius confestim in insulam misit, aquam usurpauit, ipsamque non vtilem modò ciendæ urinæ, sed immutando etiam toti corporis habitui inuenit; adeò ut relatus Belgenferium visus fuerit breui prorsus conualuisse. Verùm non diù constitit huiusmodi valetudo: siquidem statim tempore verno insequentis anni sexcentissimi, ac trigessimi secundi sic variè diuexatus fuit, ut actum de eo sæpius videretur. Quippe ad hæmorrhoidum, urinæque difficultatem accessit febris continua, quæ remitti quidem nonnihil est visa sub decimum quartum diem, cùm Marescallus ipsum inuisit; verùm inarsit magis deinceps ad diem usque quadragesimum secundum, quo quotidiana illi successit dierum quindecim, aut viginti. Nec verò cum iis solùm morbis conflictandum ipsi fuit; sed & cum insigni tumore ad regionem abdominis, superiorémque femorum partem; itémque cum inflammatione, tumoréque ingenti in altero brachio. Ac parùm fortè hæc omnia: grauissimum fuit, quòd clystere non satis cautè administrato, ea facta fuit hæmorrhoidum læsio, ut gangræna ad eas partes subnata breui fuerit. Et statim quidem Cassanci imploratum auxilium; verùm ipse
- 1632.

quoque detentus inualetudine adire non potuit. 1632.  
 Misit tamen ad ipsum Sebastianum Richardum, qui  
 medicinam Dinæ primum, ac deinde Massilia magna cum laude exercuit; quique eâ solertiâ serpenti  
 iam morbo iuit obuiam, vt illum planè restinexit,  
 Peireskiûmque non multò post reliquerit conuale-  
 scentem. Vt omninò porrò conualesceret, non con-  
 tulit parùm insignis lætitia, qua perfusus est, cum à  
 Ludouico Meynerio Lirinensi Religioso, viro eru-  
 dito, ac imitatione Antonij fratris optimi studioso  
 mathematices, duo habuit pocula argentea ex Val-  
 lauriensi agro, dum in vineam effoderetur, defossa.  
 Nempe, quòd vnum intra aliud appositè contine-  
 retur, ratus est ea esse ex iis, quæ & οὐδνο, & Sym-  
 bibæ appellarentur; &, quòd ad oram interioris co-  
 rona aurea viseretur, perspicuum fieri censuit, quid  
 esset antiquis, *Vina coronare*. Quin ex punctatis etiam  
 ad oram exterioris literis ΟΥΕΝΙΚΟΙΜΕΔΟΥ,  
 iudicauit eadem esse ex iis poculis, quæ γραμματικὰ,  
 seu Literata dicerentur (quandò præsertim capacitas  
 deprehensa est tredecim continere cyathos, iuxta nu-  
 merum earum literarum) cuiusmodi fuerunt & illa,  
 quibus olim inscribebantur voces CAIVS, IVLIVS,  
 PROCVLVS, vnde carmina

NAEVIA sex cyathis, septem IUSTINA bibatur, &c.  
 Ad hæc deduxit originem, cur geminata ebibe-  
 rentur, ex antiqua vsque barbarie; qua in craniis  
 hostium interfectorum bibebatur, & quò quis plu-  
 reis occidisset, eò in pluribus agglutinis biberet.  
 Nempe homines mansuefactos id tandem moris

1632.

exhorruisse, & substituisse tamen vasa, quæ cranij formam retinerent ( vt quodammodo ista retinent ) &, propter materiam, nihilominus parem horrorem non crearent. Denique occasione nata tum ex hisce poculis; tum ex hemina, seu semifextario æneo antiquo, quem Nemausi repertum, visumque ( nescio an apud Paludanum, an apud Tornerium, ante annos treis ) Petitus deinde ad illum detulerat: tum ex alabastro per æstatem accepto ex reliquiis naufragij, quod perpeffa est triremis Pontificis Nuncium Ceuam in Galliam vehens, postquam effractum instaurauit, vsusque est iucundissima per aliquot hebdomadas consuetudine Menetrii; tum ex modulo Congij per Aleandrum habito, ac deprehensio continere ex Aqua Gapelli libras Prouinciales nouem, & duas vncias, per cętypica pondera; tum ex pluribus aliis vasis, quæ aut illeic habuit, aut quæsitum misit; occasione, inquam, ex iis nata, cępit varia cum Salmasio, aliisque viris eruditis circa mensuras, pondera, vasaque ipsa differere. Scilicet opinatus est, fuisse antiquos adeo solerteis, vt nullum vas conficerent, quod non & præscriptam mensuram, & certum pondus contineret. Confirmatus autem per id tempus est, cum pilam ponderum antiquam ab Aleandro ad se allatam, cum veniret in Galliam, explorauit, & comperit vascula eius singula videlicet libræ, semissis, trientis, quadrantis, sextantis, vnciæ; continere ordine eodem acetabulum, cyathum, mystrum, concham, chemen, & cochlear: idque præter incithegam, seu situlam vasa conti-



continentem, quæ & pondere est dupondium, & mensurâ quartarius; sed ausulis nempe ad oram depressis. Prætereo verò, ut eius rei factus deinceps fuerit certior, cum postquam in urbem, ac musæum rediit, quoddam reperit vasculum, in quo circulis variis, & vnciæ, & cochlearis partes minutiores interstinguntur; ac rursus omnimoda vasa domi relicta obseruauit. Sed ut insistamus in iis, quæ Belgenserij peregit, miram quoque cepit lætitiâ, ex communicata secum egregia quadam demonstratione, qua antè memoratus Iosephus Galterius perfecit Ptolemaicam, circa obtinendam distantiam, magnitudinèque Globorum cœlestium. Ac ille rem quidem pro sua solertia meditatus fuerat ante pluris annos; sed eam retexendi occasionem sumpsit ex edita nuper Landsbergij Vranometria, in qua cum senex optimus quid Ptolemæus, Albategnius, Copernicus, Tycho, & alij summi artifices peccassent, adnixus fuisset ostendere; ipse deinde visus est paulò segniùs sese habuisse. Quippe lineas ductas ex centris tam Solis, quàm Terræ, in contingentem ab angulo vsque terrenæ umbræ directam, distinctas non habuit à veris, apparentibùsque semidiametri, ut in exquisito negotio oportuit; veluti etiam oportuerat apparentem Solis semidiametrum, non ex centro terræ attendere, sed ex superficie, vnde ea spectatur. Cum itaque Galterius & rationem omnium habuisset, & diagrammate exornato demonstrationem construxisset, misissetque omnia ad Peireskium; ipse summo operè lætatus, congratulatusque

est, ac procuratis quam pluribus demonstrationis exemplis, ipsam cum viris, quos harum rerum Parisiis, Romæ, & alibi, studiosos nouit, communem fecit. Sic cum obtinuisset exemplum eorum Galilæi Dialogorum, in quibus ex motu Telluris in eadem parte superficiæ bis quoque die retardato, acceleratoque, ob compositionem motus diurni, & annui, declaratam peruidit causam geminatæ in singulos dies reciprocationis, seu ætus marini, eatenus incognitam; dici non potest quantâ lætitiâ sese perfusum senserit: & cum non sine approbatione opus editum obseruasset, quanta cum exultatione exclamauerit, fœlix esse hoc sæculum, quo viri sagaces ex positione motus Telluris exposuerunt causas tum proprietatum Magnetis, tum ætus Oceani, habitas præcipuè admirabileis, atque incomptas; alteram quidem G. Gilbertus in opere illo suo de Magnete, alteram verò Galilæus, in libro hoc Systematum. Reuerentur etiam illum edita in lucem à Chiffletio Insignia gentilitia Equitum aurei velleris, Feccialium verbis enunciata; acceptis simul literis, quibus Petrus Hoserius (quo nemo fuit vnquam nobilium Galliæ familiarum notitiâ instructior) significauit se quoque insignia Ordinis sancti Spiritus, tanquam iam affecta, breui editurum. Sic edita quoque Historia Romanorum Pontificum, qui è Gallia oriundi in ea federunt, opera Francisci Bosqueti Narbonensis Iuriconsulti, viri commendatissimi, & totam Historiam Ecclesiæ Gallicanæ tum meditantis. Sic missa à Naudæo germana Ariminensis Pontis inscriptio,

qua certior est factus contineri Consulatum Augu- 16, 2.  
sti XIII, & Tribunitiam potestatem XXXVII, cum  
subdubitasset non benè apud Gruterum legi XIII,  
& XXXVIII Misit verò etiam Naudæus relationem  
suam de Vesuuiano incendio, quod à Decembri vs-  
que superiore cœptum, nondum prorsus desic-  
cat; eamque, præter complureis alias, quas ex va-  
riis corrogauit. Tandem, cum in urbem redire se-  
quente autumno statuisset, apparatus prius voluit  
Samaritanos Codices, vt libertate viarum facta, miteret  
Parisijs vnâ operâ, permolestè ferens, quòd  
illeit fuissent tandiù desiderati. Videlicet, vt com-  
pleretur magnorum Bibliorum editio, perdoctus ille  
Ioannes Morinus, ex Congregatione Oratoria, cu-  
rabat Pentateuchum Samaritanum, & ab anno vs-  
que superiore Exercitationes in ipsum præmittens,  
publicam mentionem ita fecerat eiusmodi Codi-  
cum, vt Peireskius deinceps mirâ fuerit eos transmit-  
tendi impatientiâ. Ille siquidem præloquutus de Sa-  
maritanico exemplo, quod procurante Peireskio  
Petrus à Valle communicârat, verba ista subiecerat,  
*Præter Codicem istum, duos alios Hebræo-Samaritanos  
quotidie exspectamus, vt eorum cum isto comparatione edi-  
tio nostra omnibus suis numeris absoluta prodeat. Hos pau-  
cos ante mensis è Palaestina accersiri curauit vir amplissi-  
mus, literarum decus, deque literis benè semper merens D.  
Peresius, in suprema Prouincia Curia Senator integerrimus.  
Codicum istorum alter tricolonnatus est, & trilinguis,  
vnaquaque dialecto per columnas exposita, &c.* Per-  
sensit ergo Peireskius vellicatam sibi ea ratione au-

1632. rem : quare ad tutam, opportunamque occasionem solùm attendens, non alij voluit commissos, quàm Dionysio Guillemino, viro eximia comitatis, domesticoque ab ineunte vsque ætate habito; vnde & pridem Romollarum, & nunc etiam Belgenferij Prioratum, vt vocant, obtinuit. Et dimittebat quidem illum ad Abbatiam in Aquitaniam: sed præfixit tamen, vt via compendiosiore relicta, Parisiis iter faceret, Codicésque secum transferret. Non memoro autem quàm ingenteis gratias pro iis Morinus habuerit, quas in laudes proruperit; adnoto solùm ipsum tunc transtulisse, remisissèque Samaritanas Epistolas, quas dictum superiùs est fuisse ad Scaligerum iam pridem conscriptas.





DE VITA  
PEIRESKII  
LIBER QUINTVS.



**T**RIENNIO Belgenſerij exacto, rediit in urbem menſe Septembri. Aduenerat iam Helias Lainaſ Marguerius, quem Rex poſt Oppedæi mortem Principem Senatus creârat: & quia illius integritatem cum eximia iuris notitia coniunctam Peireskius probè nouerat; idcirco partim dignitatis, partim virtutis reuerentiâ, domus ſuæ limen reuiſere noluit, quin virum priùs ſalutaſſet. Inclinate poſteà Octobri cogitare cœpit de Nepote in Senatum admittendo; illum quippe ſibi, vt iam dictum eſt, deſtinauerat ſucceſſorem. Itaque, dum Nepos Senatores omnes, vt moris eſt, præſalutaret, deducere ipſe ad limina omnium, commendareque voluit, alacritatem ſummam teſtatus. Euenit tamen ex eo labore, vt dolorem renum concitauerit, excito inde calculo, quem poſt quartum, quintumve diem ſatis ſœliciter emiſit. *Quam-pri-*

1632. mùm conualuit, non destitit munia Senatoria repetere, reseruata quippe, quod & diximus, libera per triennium functione. Id voluerat autem, non sanè vanitatis, aut lucri gratiâ; sed vt non deesset occasio exercendæ beneficentiæ, ac potissimùm erga literatos, religiosos, aliôsque viros benè merentes; solitus eorum iura tueri, patrociniùmque suscipere. Recreauere porrò illum, qui libri fuère à Minutio ex Oriente missi, cum numismatibus variis, ac Basilidianis præsertim; itémque cum bulbosis plantis, aliisq; huiusmodi rebus. Inter cæteros, vt minimum mole, ita pretio maximum habuit quoddam volumen, (quod ita dici à voluendo reuerâ potuit) repertum intra capsulam ad Mumix cuiusdam pedes. Id vniuersè conscriptum erat hieroglyphicis literis, constans ex germana papyro, ac faciliè sua vetustate superans bis millia annorum. Alia postea vice accepit magnam Græcorum codicum copiam (quantam scilicet capere poterant duæ capsæ peramplæ) at scælicitas par non fuit, seu quod ad integritatem, seu quod ad subiectam materiam attinuit. Nam præter Biblia Arabica, Arabicè, Persicè, Chaldaicè, cum Rabbi Salomonis commentariis scripta, & alia item Arabica cum initiis capitulorum Samaritanis; cæteri omnes valdè vulgares, aut mutilati admodùm fuère.
1633. Verùm id quidem sequente anno, quo aliunde plurimus fuit in mensurandis, comparandisque vasis antiquis compluribus, quæ, vt iam dictum, habebat domi. Scilicet præter notitiam omnium omnis generis mensurarum, quam ducebat suauissimam, spe-

rabat quoque se posse tandem ex collatis quamplurimis conciliare pugnancia multa auctorum de mensuris loca ; vt dum Columella facit cœchlear quartam partem cyathi, & Fannius vigesimam quartam: eum idem Fannius, & Plinius volunt cyathum decem drachmas pendere: Marcellus & alij, duodecim; atque id genus alia, quæ in animo habuit non nudis solum coniecturis, sed ipsismet quoque mensuris, & ponderibus explanare. Heinc operam dedit, vt etiam quæcunque vbiuis gentium exstare nouit, antiqua vasa mensurarentur. Habendam autem censuit pretiosorum rationem magnam, quod veteres in iis præsertim soliti fuissent affectare certa genera mensurarum, tum vt ea ratione commendatiora facerent, tum vt destinata sacrificiis, vel asseruata in templis ( erant scilicet plerumque donaria ) diuturniores moduli mensurarum efficerentur. Voluit proinde, vt Guilleminus per complureis mensis moraretur Parisiis, ad emetiendum pretiosa vasa, quæ ad S. Dionysium, & in cimeliarchiis præcipuis Ciuitatis asseruarentur. Expertus verò est præcipuè humanitatem Roissij, dum non modò capacitatem, ectyposque vasorum obtinuit; sed ipsissimum etiam vnum vas acceptum ferre coactus est; vnde à Peireskio literæ conscriptæ, plenissimæ simul gratitudinis, & inexhaustæ eruditionis, qua elegantissimæ cælaturæ, adhibitique ornatus rationem fusè edisseruit. Sic quia Iacobus Gaffarellus vir & Hebræis literis, & aliis dotibus clarus, versabatur Venetiis, mensurari per eum curauit quæ pretiosa vasa aduecta ex Cypro,

1633.

& Constantinopoli, in S. Marci Thefauro habentur; idque cum illustris dynastes Eques Valletanus intercessisset, qui decretum à Senatu, exorante Peireskio, ut id liceret, impetrauit. Sic per Naudæum quoque egit de Rauennatibus impetrandis; perque Suaresium, de magno illo, qui apud Genuenses, catino Smaragdino, Scela ipsis nominato; & per Menetrium, de pluribus, quæ nôrat Romæ asseruari. Quo loco taceri non debet accepisse illum dono Trybium minus, siue cochlearium ex crystallo, à generosa, & supra sexum erudita fœmina Fœlice Zaccchia Rondenina, adiectis ad alias mariti Alexandri Rondenini literis, quibus laudatissima heroina per-eleganter testata est quanti faceret Peireskij virtutem. Est autem mirabile visum, quòd sub idem tempus Carolus Tabaretius Cadafalcus Dinienis profenes-callus miserit ad ipsum, cochlearium, siue Trybium maius, vna cum trecentis numismatibus Gallieni sæculo cufis, quibuscum id fuerat repertum. Alia ut attingam, ver erat, cum Petro Seguerio per-illustri Præside in Sigilli Regij custodiam assumpto, Peireskio tum est gratulatus, tum literas ab eo accepit, quibus vir magnus testatus est nullas posse sibi gratiores, quàm à Peireskio obtingere, tum ut affine, tum ut viro, cuius summa virtus, rerumque peritia commendatissima foret. Eodem tempore Frater Valauesius delectus à Rege Massiliensium Viguerius, in eam ciuitatem concessit: quotannis nempe is magistratus in init munus kalendis Maii, perseveratque toto anno Municipalis curiæ princeps. Aderam ipsi  
interea



intercà, dum accersitum quoque voluit Athanasium Kircherum Germanum, virum è Societate I E S V eruditionis oppidò magnæ, Auenione tum commorantem. Is perhibebatur eximiè callere Hieroglyphicorum mysteria: quamobrem ipsi adiutando tum varios libros transmiserat, tum Iliacæ mensæ superius descriptæ exemplum. Et quoniam eidem præmanibus erat insignis codex MS. hoc est auctor Arabicus, Rabbi Barachias Nephi, à quo dicebatur tradi ratio Hieroglyphicorum interpretandorum: idcirco illum exoravit, vt ad se accedens tum codicem ipsum, tum specimen quoddam interpretationis, notarúmque suarum adferret. Cùm fecisset, dici non potest, quàm ardentem illum animauerit, vt cœptum opus perficeret, editionémque maturaret. Fuit deinceps vir Romam euocatus, vt succederet in locum insignis Mathematici Christophori Scheineri, quem Imperator penes se habere exoptauerat: satigit autem Peireskius non modò apud Mutium Vitellescum Societatis I E S V Generalem, sed etiam apud Cardinalem Barberinum, vt & stimulos adderent, & satis otij facerent, quò id opus breui prodiret. Accersiuit quoque eodem tempore Salomonem Azubium Carpentoraçtensem Rabbinum, nihilo sanè doctrinæ specie antiquis illis inférieurem. Is, quas habebat, detulit Astronomicas Tabulas, à quodam Iudæo ante annos trecentos Tarascone conditas, & ad longitudinem, latitudinémque eius loci accommodatas. Quia verò nôrat quos labores nominatus antè Schickardus in restituenda Astro-

1633. nomia, Geographiâque exantlabat; ideò procura-  
uit, vt Azubius exemplum earum Tabularum Hebrai-  
cè describeret, quod ad Schickardum mitteretur. Mi-  
sit autem postea, simulque adiunxit interpretatio-  
nem Azubij, nonnullâque Arabica, quibus ipsum iri-  
delectatum, ex peregrina opera circa Historiam Ta-  
richi de Persidis Regibus nauata, perspectum habe-  
bat. Quin etiam, quia eius responsum ad Epistolas  
de Mercurio, prodebat illum neque vidisse opus per-  
antiquum Aristarchi Samij, de Solis, ac Lunæ ma-  
gnitudine, neque certum esse, an liber vsquam gen-  
tium reperiretur: ideò, cum ipse meminisset librum  
Græcè adhuc exstare in Bibliotheca Regia, interpre-  
tationemque eiusdem Latinam, vnâ cum commen-  
tariis per Federicum Commandinum in Italia editam  
fuisse: ideò, inquam, & procurauit habere exemplum  
è codice Græco, & nullum non lapidem mouit, do-  
nec per Naudæum exemplum Latinum detexit, ac  
obtinuit; & vtrumque, vnâ cum variis circa cœlestia  
obseruatis congeffit in fasciculum; quem tandem  
nihil tale expectans, & ne cogitans quidem, Schic-  
kardus accepit. Pari ratione sese gessit circa memo-  
ratum Hortensium, à quo cum nosset expeti exem-  
plum Dialogorum Galileanorum, vt ea quæ ille de  
stellarum exilitate conscriperat, conferre posset cum  
iis, quæ ipse de simili argumento propter obseruatam  
Mercurij exilitatem disseruerat: illicò exemplum  
conquisitum misit, vtróque ad virum nihil tale su-  
spicantem destinauit. Pari erga nescio quem alium,  
à quo cum accepisset Alcorani exemplum totis votis

desiderari; impetrauit statim Gratianopoli, intercedente Dauide Lagneo, viro bono, ac erudito, & studiosorum planè studioso, quod ad virum, à quo nihil fuerat tale rogatus, mitteret. Pari etiam erga Claudium Gasparem Bachetum Meziriacum, qui post Diophantum editum, aliáque opera eximia, Gallicam operum Plutarchi interpretationem instaurare, castigationémque notis illustrare magno animo moliebatur. Cùm is enim significasset vitam Homeri per Plutarchum nunquam sibi Græcè conspectam, idque ad Peireskij aures peruenisset, dedit illicò operam, vt ea vita exscriberetur è codice Græco, quem se vidisse meminerat in Bibliotheca Regia, & cum re penè iam peracta illam editam accepisset ab Henrico Stephano, ac præmissam volumini Poëtarum Heroïcorum, coëemptú statim misit volumen, cuius ac simul desiderati Scaligerani Eusebij, & recuperatæ nuper ex oriente Homericæ Iliados, cum notis quibusdám Porphyrij, aliarúmque rerum non expectatarum Bacchetum participem fecit. Sed possent adferri sexcenta similia. Addo quòd exscribi curauit ex Bibliotheca Augustana, opera quædam B. Cyrilli, doctó viro Ioanni Auberto, ad completendum editionem sacri auctoris, necessaria: ob quam etiam causam, euolui curauit Bibliothecas varias tam Hispanas, quàm Siculas; ac præ omnibus Vaticana, è qua nonnulla adeptus est, quæ vt Holstenius percenseret, corrigeretque lubentius, procurauit vt Aubertus Parisiis vicissim censeret, & corrigeret aliquot Græcos Astronomos, quos experitos Hol-

1633. stenio ipse Peireskius ex Bibliotheca optimi Archiepiscopi Tolosani curârat exscribi. Addo quoque, cum iam Duchesnius admoueret seriò manum edendis Auctoribus, qui de Francorum Historia, & rebus Francicis scripserunt, obtinuisse illi Peireskium, præter non paucos sanè alios, tum Petrum, dictum Bibliothecarium, quem Naudæi sagacitate, diligentia, fœlicitate est adsequutus; tum Chronologica fragmenta Abbatix Sublacensis, quæ vt adipisceretur, Cardinalis Barberini auctoritatem, & Buccardi manum implorauit. Addo compluribus etiam alios, eiusdem implorantis gratiâ, imperasse multos codices exscribi. In iis fuit Henricus Memmius, ille adedò illustri Præses, qui animi nobilitate genus superans, gentilitiam de literis, literatisque benè merendi sollicitudinem mirè fouet. Fuit etiam Comes Marchauiilla, à quo accepit Librum de variis Muhammedanorum Sectis, & ad quem præscripsit cuius notæ esse deberent calaturæ, cameli, numismata, & id genus cætera, ex oriente expetita. Fuit memorata Fœlix Zacchia, à qua monumenta aliquot Genuensium familiarum obtinuit. Fuit, ea occasione, Iulius Pallauicinus, ipse Genuensis, à quo volumen integrum de eisdem familiis habuit; præter quæ sita alia ex Petro Maria Boëro, quicum illi fuit perpetuum commercium; fuère alij, ex quibus quæsit antiquitates Hadriæ, Pisæ, aliarum insigniorum Urbium; sed memorare omnes molestum. Non est verò heic prætereundum, quòd cum iam antè agita-  
set curam inducendæ, propagandæque per Europam

Copticæ linguæ, ac iam Salmasius, Petitusque ex 1633.  
paucis libris communicatis in ea plurimum profecif-  
ferent; adiecit volumina plura, ac mirè fategit, vt Pe-  
trus Valleus commodaret Vocabularium, quod ex  
orientè aduexerat, vt illius interpretationem, editio-  
nèmq; per Salmasium ad id paratum procuraret.  
Cum non obtinuisset, adhortatus est, vt saltem Kir-  
chero illius copiam faceret, qui & Romæ præfens,  
& linguæ iam gnarus, incumbere in eam rem posset.  
Cæterum magnam concepit spem tum Copticorum,  
tum aliorum præclarorum voluminum ex oriente  
obtinendorum, cum accepit exemplum prodeuntis  
tum primùm in lucem Epistolæ B. Clementis ad Co-  
rinthios scriptæ, & nuper ex Ægypto, Constanti-  
nopolisque in Angliam allatæ; cumque sub ipsum  
met tempus vir omninò bonus Ægidius Lochiensis,  
è Capucinorum familia, ex Ægypto rediit, vbi toto  
septennio linguis Orientalibus operam nauârat. Is  
nempe magna exultatione exceptus à Peireskio, à  
quo non parùm subsidij in ea regione acceperat, in-  
dicauit codices raros in Cœnobiis variis exstanteis.  
Memorable autem est, visam ipsi Bibliothecam  
oëties mille voluminum, quorum pars non exigua  
præ se ferret æui Antoniani notas. Quandoquidem  
verò inter cætera animaduertisse se dixit Mazhapha  
Einok, seu prophetiam Enoch, declarantem ea, quæ  
ad finem vsque sæculi euentura sunt, Librum Euro-  
pæ pridem inuisum, illeic autem caractere, ac idio-  
mate Æthiopico, seu Abyssinorum, apud quos is  
fuerat seruat, conscriptum: ideo Peireskius sic fuit

1633.

accensus eius, quoquo pretio, comparandi studio, ut nullis parcens sumptibus, ipsum denique sui fecerit iuris. Cum porrò idem optimus vir mentionem obiter fecisset insignis incendij, quod in Semo Æthiopum monte eodem tempore contigit, quo Vesuvianum in Italia; idcirco varia edisseruit de canalibus subterraneis, quibus communicare possint non modò aquæ, sed etiam ignes, atque adeò Vesueus cum Æthna, hic cum Syria, hæc cum Arabia fœlice, ista cum regione Erythræo vicina, in qua Semus mons: idque seu series quædam rupium incuruatarum canales faciant, seu ipsi ignes in rimas subeuntes vias sibi aperiant, & canales creent, bituminosâque suffumigatione incrustationem obtendant, quæ aquam marinam superpositam arceat. Igneis autem subterraneos aperire sibi vias, indicio esse montem Puteolanum tempore Pauli tertij, aliòsque aliis temporibus eruptione ignium creatos. Incrustationem verò illam interdum abrumpi, ita ut aqua subeat, indicio esse, quòd tempore Vesuviani incendij littus Neapolitanum aliquantisper resiccatum fuit, reuolvente interim monte absorptas hiatus aquas, verùm admista materia combustibili, ignescenteis. Sic postmodùm etiam est interpretatus Torrentem illum igneum, qui ex monte Æthna defluxit anno integro, decurrens summo cum ardore ultra duo, triâve milliaria, latitudine passuum quingentorum, misto fluore ex sulphure, sale, plumbo, ferro, terra. Desinente anno suauissimum habuit detinere domi per aliquot dies celebrem Poë-

tam Santamantium, cum Duce Crequio Roma redeuntem. Cùm fuerit verò mirificè illius lepore, ac venustissimorum poëmatum recitatione delectatus; lætitiã tamen præcipuè duxit ex recitatis præclaris rebus, quas partim ipse, partim frater in suis in Indiam, aliàsque regiones peregrinationibus obseruassent. Retulit, inter cætera, fuisse sibi visa in Iaua maiora animalia quædam, quæ forent naturæ, homines inter, & Simias mediæ. Id cùm plerisque non videretur, protulit Peireskius quæ ex Africa potissimum acceperat. Significârat nempe Natalis, medicus antè memoratus, esse in Guinea Simias, barbâ procerâ, canâque, & pexâ propemodùm venerabilis; incedere ipsos lentè, ac videri sibi præ cæteris sapere: qui maximi sunt, & Barris dicuntur, polle- re maximè iudicio; semel duntaxat quidpiam docendos; veste indutos, illicò bipedes incedere; scitè ludere fistulâ, citharâ, aliisque id genus (nam quòd euerrant domum, conuertant veru, pinsant in mortario, aliâque ratione famulatum præstent, haud reputari admodùm) scæminas denique in iis pati menstrua, & mares mulierum esse appetentissimos. Arcosius verò (qui hisce annis nuncupauit ipsi libros varios, vt Memoriale principum, Commentarios politicos, Relationem de Africa) literis quibusdam exposuerat quidnam Ferrariensi cuiquam contigisset, cùm in regione Marmaricæ, Angela dicta, versaretur. Incidit nempe quadam die in Nigritam canibus venantem homines, vt visum, siluestreis. Capto, cæsoque illorum vno, inhumanitatem Nigritæ incre-

1633. puit, qui in suum genus ita sæuiret. Ille verò, falleris, inquit, nam hic non est homo, sed bellua homini persimilis. Quippe solâ pascitur herbâ, intestinalique ouina habet, quod vt credas meliùs, rem ecce; simulque abdomen aperuit. Sequenti die rursùs venatum, captique mas, & fœmina. Huic mammæ ad pedis longitudinem: cæterà mulieri simillima fuit; nisi quòd intestina quoque herbis oppleta, & cuiusmodi ouis, habuit. Totum vtrique pilosum corpus; sed pilo breui, ac satis leni. Ista de Africa insinuuant, vt attexam commercium, quod ineunte
1634. proximo anno Peireskii instituit huiuscemodi occasione. Vermellius quidem Mospeliensis, initio gemmarius, sese militiæ dederat, opibusque dilapidatis, ad priorem artem reuersus erat; cum monilibus variis corrogatis, discessit naui Massiliensi in Ægyptum, & occasione proxima in interiorem vsque Æthiopiam. Cum gemmas, totamque pretiosam supellectilem cò transtulisset, etiam Regiæ Abyssinorum, cui ornamenta Europa placuerunt, innotuit; & iam in aula celebris, ipsi quoque Regi ignotus non fuit. Contigit intereà, vt Rex arma moueret aduersus quendam Imperij hostem, apparantem exercitum militum quinquaginta millium. Vermellius autem, inita quadam cum Rege familiaritate, poposcit ab eo licentiam erudiendi solùm breui tempore militum octo millia, pollicitusque est se parua ea manu illas inimici copias euersurum. Rex, animosum, industriùmque ratus, illi annuit; ipse verò & delegit, & ita exercuit milites concessos, methodo



methodo Hollandica iis regionibus incomperta, ut tandem vireis illas ingentis felicissimè fregerit. Reuersus victor, Præfectus fuit totius Regni militiæ, ac tum ad amicos Massiliotas scripsit, ut curarent ad se transmitti libros aliquot, ac militareis præsertim, quasdamque etiam imagines, tabulasque pictas, & alia id genus. Id igitur ubi resciuit Peireskius, certusque fuit amicos illos nihil simile curaturos, apparuit ultro, misitque ad virum, tum liquores odoratos, & exquisitissima elaboratione eductos ex gelsemino, rosæ, arantiis, gariophilatis, munera Regi-  
 næ pergrata futura: tum imagines, tabulasque, & icones varias Regum, Reginarum, viro-  
 rumque, & foeminarum illustrium; ac magnam librorum con-  
 gregationem, sed Mathematicorum præsertim ex archite-  
 ctonica militari, ex vulgari architectura, ex perspe-  
 ctiva, & cæteris. Nempe indignum esse duxit talem  
 fortunam deserere, ac virum tam procul conspicuum  
 pro viribus non adiutare. Cùm confidisset autem  
 illum gratissimè id accepturum, licere opinatus est  
 petere ab eo libros aliquot Æthiopicos, inscriptio-  
 nis obuias, descriptionem Amaræ montis, itémque  
 rituum Religionis, vasorum, & similium, quæ Eu-  
 ropæis sciret ignota. Atque hoc quidem moliebatur,  
 cùm interim distraheretur mira sollicitudine,  
 quòd aliud quidem Senatui, aliud Marefcallo Vitrio  
 Prorégi placeret. Inter hæc etiam excipiendus fuit,  
 assiduitatèque, & officiis demerendus Franciscus Co-  
 mes Noallius, qui Regius Orator cùm pergeret Ro-  
 mam, aliquot diebus tum Massiliæ, tum Aquis-Sex-

tiis substitit. Vt taceam, quòd illo secum deducen-  
 te Iuuenem supra ætatem medicæ doctrinæ, pra-  
 xeoſque peritum, Petrum Michonum Burdelotium,  
 voluerit Peireskius plusquàm obiter eius consuetu-  
 dine frui, tum ob doteis proprias, tum ob interce-  
 dentem cum erudito illius auunculo Ioanne Burde-  
 lotio amicitiam. Excepit quoque non multò pòſt  
 Pontificis Nuntium Georgium Bolognetum, cùm  
 in Galliam adueniens Aquis-Sextiis faceret iter. Me-  
 morabile autem est, quòd, cùm is fortè Peireskium  
 occupatum reperisset circa nescio cuius oculi anatomi-  
 am, interesse ipse voluerit, curiosèque cognosce-  
 re singulareis speculationes. Scilicet ille tenebatur  
 infatiata auiditate noscendi visus organum, germa-  
 nùmque locum, in quo visio ex impressione, refle-  
 xionèque imaginis peragitur: vnde ex auium, pi-  
 scium, quadrupedùmque generibus vix obtineri vl-  
 lum potuit, cuius oculi dissecti non fuerint, vt in  
 quo vel congruerent, vel dissiderent, adnotaretur.  
 Non tacendum verò, quòd, vt mihi, quem ea in re  
 adiutorem voluerat, vberius gratificaretur, omnia  
 copiosè perscripserit ad Franciscum Luillierium Re-  
 giarum rationum Parisus Magistrum, quem amicum  
 mihi singularem nôrat, cuiusque eruditionem, can-  
 dorem, affectùmque in bonas arteis, & in æquita-  
 tem, omnémque virtutem, si hoc loco attingerem,  
 non alio sanè facerem sine, quàm ad insinuandum  
 eius amicitiam Peireskio quoque carissimam non  
 immeritò existisse. Quia res porrò valdè perere-  
 buit, neque de ea tamen planè constitit; ideo vide-

tur operæpretium quid id fuerit commemorare. Inter antiquiorem sententiam, quæ statuebat visionem fieri in humore crystallino, & recentiorem, quæ in tunica retina, Peireskius mediam elegerat, in humore vitreo fieri opinatus. Quippe cum dignum existimaret facultatem visus suo munere fungi circiter medium oculi, ac in eo loco, vnde rei imaginem in suo situ spectare posset; idcirco hunc locum designauerat intra humorem vitreum, qua parte radij ipsarum rerum traiectione per crystallinum, & reflexi ex retina, in vnum quasi centrum coirent. Ratus enim crystallinum sua conuexitate inuertere imaginem, suspicatus fuerat retinam sua concavitate eandem restituere: quare & debere facultatem in eius concavitate centro residere, vnde imaginem è retina reflexam, restitutamque, atque adeo rem in suo situ naturali contempleretur. Id animo cum infixisset, superesse solum censebat, vt veritatem eiusmodi restitutionis exploraret. Cum primum ergo concessum est per ferias Paschaleis nonnihil interquiescere, exercere cœpit anatomicos in generibus animalium variis. Vniuersè autem apparuit, posticam illam, interiorèmq; circumductionem oculi speculum esse concavum, propter inuersam tam candelæ, quàm aliorum quorumlibet obiectorum reflexionem. Id scilicet, ita exemptis anterioribus tunicis, omnibusque humoribus, vt tota illa capacitas in suo situ perseveraret. Tunicæ enim choroidi diuersimodè coloratæ politura inest veluti metallica, quæ splendescat facillimè, adiutante humore atro, quo

1634.

à tergo imbuitur, & conferente nigritie, qua interior circumductus, antrorsum quasi illinitur, ut lux, aut imago impaeta in id speculum, fortius, distinctiusque in illo pingatur. Cum choroidem verò dico, non excludo Retinam, quæ difficillimè quidem, & in paucis oculis sic illi adiuncta conseruari potest, ut cum humore vitreo exeunte non loco excedat, colligaturque, & appareat, quod reuerâ est, nerui optici dilatata productio: at vbi tamen choroïdi adiuncta tenetur, adeo tenuis, terfa, pellucida est, ac potissimum quidem humectata, ut vna, eademque videatur esse superficies, vnum, idemque speculum, in quo imagines rerum imprimantur. Tametsi verò opticus, seu retinæ medium, non respondet è diametro apertæ exterius pupillæ (paullo enim inferius est) respondet tamen medium postici illius colorati, & metallici splendoris, qui circulo quodam tanquam horizonte dirimitur ab anteriore obscuritate. Cæterum Peireskiius mirè exsultauit, cum post humores omnes eductos, appensoque deinde crystallino, & in locum penè suum restituto, imago candelæ obseruata est pingi interius in retina, non inuerso, sed recto situ; ac rursus, cum fundo ita illustrato, ut crystallinus ex eo solo posset lucem accipere, inuersa per retinam imago, deprehensa est in crystallino ipsam excipiente erecta. Planum quippe duxit coniecturam suam vndequaue successisse; vnde ut illam magis firmaret, conquisiuit vitra, & specula varia tam conuexa, quàm concaua, tam reflectentia, quàm transmittentia; etiâque varias

phialas, in quibus variè comparatis, mirum dictu 1634.  
 est, quàm multa, quàmque repetita perfecit experi-  
 menta. Non facilè porrò dimoueri potuit à me-  
 morata sententia; meminíque solùm, cùm obiice-  
 retur facultatem visus intra oculum confidentem  
 non respecturam foràs versus ipsas res, sed intrò  
 versus speculum, atque adeò dici non posse verè  
 conspicerere res ipsas, præter nonnulla alia, quæ vi-  
 sionem in retina probabiliorem facerent; memini,  
 inquam, eò adductum, vt existimaret posse faculta-  
 tem, suam functionem exserere non in retina, non  
 in crystallino, non in vitreo solo: sed in tota illa  
 humorum, tunicarúmque capacitate. Sic immutauit  
 etiam nonnihil opinionem de myopum, senúmque  
 perspicillis præconceptam. Cùm obseruasset enim  
 imaginem specillo concauo traiectam ampliari, con-  
 uexo verò contrahi; existimârat myopes ideo spe-  
 cillis concauis vtí, quòd ampliacione indigeant; se-  
 nes conuexis, quòd contractione. Postquàm verò  
 monitus fuit oculum in loco papyri collocatum,  
 contractum videre obiectum ex concauis, amplifi-  
 catum ex conuexis (nempe quòd ea speciem ita dis-  
 trahant, vt pauca partium obiecti partes incurrant  
 in oculum, vnde id contractum appareat; ista verò  
 sic contrahant, vt eiusdem partis plures partes incant,  
 vnde dilatatum videatur) tum opinionem sic tempe-  
 rauit, vt opus esse censuerit ampliacione contractio-  
 ni mista. Ne memorem quòd myopibus humore  
 vitreo abundantibus vitra concaua ideo profint, vt  
 radiorum decussatio vltra crystallinum facienda pro-

1634. moucatur versus retinam : senibus eodem humore nonnihil consumpto , conuexa ideò conferant , vt eadem decussatio ab eadem retina non-nihil abducatur , quasi visio fit elicienda in moderata ab ipso puncto decussationis distantia , eadem ratione qua in Telescopio debet oculus ab illo non-nihil abesse ; quod à Scheinero ostensum est. Sed quæcunque tandem fuerit veritas , aut incertitudo sententiæ , præstat heic referre nonnulla , quæ nescio an prorsus , an satis obseruata priùs fuerint. Constitit nempe crystallinum non in omnibus animalium generibus agglutinari , cohæreréque cum ciliari circuitu : sed in variis piscibus vitreo veluti innatare ; ac in Thygnis specialiter sustentari solùm duabus anfulis , quarum altera ab optico vsque neruo producat. Constitit rursus crystallinum figuræ esse in variis animalibus variæ. Nam tametsi in pluribus quasi lenticularis sit , in piscibus tamen magis accedit ad globosam figuram , in volucris vero minùs. Quin etiam in Thygno planè sphericus est posteriore parte ; antrosum autem planus esset , nisi , relicto circum margine , attolleretur in medio portio quædam globi longè amplioris , quàm posterior ; diametris nimirum existentibus in sesquialtera proportione. Cùm idem verò margo visatur in oculis quarundam auium , ac potissimum Aquilæ ; in quadrupedibus tamen , ac in homine nullus est ; sed cùm pars posterior sit portio minoris globi , quàm anterior , segmenta cohærent eodem ambitu , diametris globorum excedentibus , proportionis , in oue quidem , quasi sesqui-

1634<sup>i</sup>  
 sextæ, in boue quasi sesqui quartæ, & in aliis alterius. An verò illæ portiones non globorum sint, sed parabolæ, figurarumve aliarum, difficile sanè iudicatu est; ac præsertim quia mortuo animali humor flaccescit, collabiturque, & seu digitis tractetur, seu suspensus teneatur, seu supra papyrum resideat, vix potest non deflectere à nativâ sua figura. Constitit præterea in genere piscium humorem aqueum vel nullum esse, vel certè perexiguum (in Thyanno certè, ac Pelamide, Mustella, & quibusdam aliis nullus unquam inuentus est) vitreum verò copiosum esse. In genere autem tam avium, quàm quadrupedum, nocturna illa animalia veluti Bubones, ac Feleis plurimum aqueo abundare, paucissimum vitreo. Constitit quoque non pro ratione magnitudinis animalis, magnitudinem esse oculi. Nam cum aves pro corporum, capitumque mole maximum possideant, uti Aquila, quantum penè ovis; in piscibus tamen Delphin, qui mille libras pependit, longè minorem oculum habuit, quàm Thynnus, qui trecentas solùm; & species Phocæ, quæ visa est esse prima Rondeletij, cum pependisset librarum circiter octo millia, non habuit tamen oculum memorato Thyanno maiorem. Ut missum faciam, quòd cum Peireskius nullo non studio procurasset obtinere oculum Balæne, ex iis, quæ immanes capiuntur in mari Aquitanico, retulit interea religiosus vir Iosephus Antonius Dominicanus Massiliensis, qui non ita pridem unius capturæ interfuerat, oculos ipsius vix fuisse humanis maiores. Cum id verò de-

1634. miraremur, mirabilius aliud subiunxit, scilicet, illud animal, cum os habeat adeò vastum, vt exempta lingua (ex qua sunt libræ olei mille, & sexcentæ expressæ) potuisset eques, haud palatum vertice feriens, ingredi, (nimirum quasi nauis illa in os Balænæ Lucianicæ) gutturis tamen fuisse adeò angusti, vt vix potuisset capere simul duos ex illis pisciculis digito auriculari non maioribus, quos Mellitas vocant, quorumque magna copia deprehensa in ore est. Nimirum fortasse heic hæreo; sed cum nonnulla sint relata ex iis, quæ Peireskius in alienis obseruauit oculis, æquum est sanè subiici quæ in propriis obseruauit. Animaduertit siquidem oculos suos sic excipere imagines rerum, vt asseruarent illas diutiùs, & maximè quidem cum à somno humescerent. Sic expertus est millies, cum respexisset in fenestram clathris ligneis, quadratulisque papyraceis interstitam, circumferre sese deinceps illius formam in oculis; sed cum eo discrimine, vt si clausos quidem contineret, tum clathros obscuros, & quadratula candida, cuiusmodi conspecta fuerant, videre adhuc videretur: si autem apertos in parietem non valde clarum conuerteret, tum obscura quadratula; clathros verò eius candoris, cuius paries, contueretur. Idem apparebat discrimen, si in vesteis nigras, sed aliqua tamen luce illustratas, direxisset oculos; videlicet quadratula nigrore vestium erant nigriora. Idem, si in apertum librum; characteres enim clarè discernebat, quæ obseruabatur clathrorum, non quæ atearum quadratarum species. Ex quo argumentatus



tus est mirum non esse, si splendor lucis, & candor  
 niuis hebetent visum, excæcaréque etiam valeant, 1534.  
 vt historiis proditum est; cùm illa non admodùm  
 viuax papyri albedo organum ita vitiet, vt facultati  
 quasi velam non statim arcendum obducat. Existi-  
 mârât autem, vt lux Solis vnà cum ardore, Bononien-  
 si lapidi imprimitur, ita lucem, candorémve humori  
 vitreo imprimi, & propter corpulentiam umbram  
 sui quandam creare: sed opinatus est postea appa-  
 rentem exteriùs umbram non à crassitudine lucis,  
 candorisve productam, sed affectam ex vitio, quod  
 contrahi possit, non in vitreo solùm, sed etiam in  
 aqueo, & in crystallino præsertim. Ad hæc, rei ob-  
 iectæ species in oculis eius sic geminabantur, vt præ-  
 ter primariam, clarâmque, aliam secundariam, at-  
 que obscuriorem insinuantem se ad latus prioris vi-  
 deret. Sic libro aperto, aut in pagina; dum aliquid  
 scriberet, ita disertè intuebatur, & marginem album,  
 & linearum initia, vt digito tamen citrà, seu in mar-  
 gine, obscuriora alia initia contueri sibi videretur.  
 Quin aliquando etiam in montem Soli occiduo  
 obuersum spectans, tergemina eius speciem vidit,  
 vt & multiplicem in filo; quod primam ipsi ansam  
 fecit attendendi ad cætera. Cùm nosset porrò me  
 pridem esse in ea sententia, vt oculorum amborum  
 axes nunquam coëant, sicque angulum in re visa  
 (vti recepta apud omnes fert opinio) non faciant,  
 sed perpetuò parallelismo incedant, vnusque solùm  
 oculus, altero otiante, dirigatur in rem visam (is  
 scilicet natura duce, qui à natura obrigerit melior,

1634.

cùm vt manuum , sic oculorum alter semper valentior sit) adeò proinde , vt visione , quam distinctam vocant , solus videat , licet alius possit eâ videre , quam confusam : cùm id , inquam , nosset , mirè exsultauit , quasi factò aduersus illum parallelismum experimento. Quippè oculos aliunde immotos alternatim claudens , & aperiens , animaduertit speciem dextram in sinistrum , & sinistram in dextrum ferri , sicque decussationem fieri parallelismo repugnantem. Et monuì quidem ipse , vt attenderet dextram , seu distinctam speciem pertinere ad sinistrum , qui fuit illi potior ; sinistram , seu confusam ad dextrum , qui imbecillior ; dirigi verò vnicum axem , nempe ex oculo sinistro ; speciem autem in dextrum non directè , sed obliquè incidere , sicque decussationem creare : quo modo res omnes geminæ videntur , cùm detorquemus oculos , existente nempe visione vtriusque oculi confusa , propter obliquum solùm allapsum : verùm non planè conqueuit , imò etiam est opinatus posse inter obseruandum cœlestia discrimen contingere , si vnus pinnacidia dextro oculo dirigat , & alius sinistro : nec sibi factum putauit satis , donec Schickardus ea de re litteris suis securum fecit. Mittamus verò tandem ista , & attingamus alia , quæ per idem tempus multa obseruauit. Eiusmodi fuère imprimis venæ in menterio Lactææ , quarum iam antè meminimus , quasque rursùs , in quotquot licuit animalibus , requisit. Quoniam autem illas discerni nisi in animali viuo , aut palpitante adhuc non posse , tum ex

Afello inuentore, tum ex factis compluribus diffec-  
tionibus nouerat, resque propterea in homine,  
quem viuum dissecare nefas, inobseruabilis videba-  
tur; non ideò tamen desperauit, quin, si paucis ho-  
ris à suffocatione, interanea disquirerentur, vestigia  
huiuscemodi venarum sese proderent. Quamobrem  
damnatum suspendio procurauit primùm, antequàm  
iudicium capitale pronunciaretur, securè, & egregiè  
pasci ( vt nempe esset vnde chylus lactesceret, quo  
tempore requireretur ) ac inde, non nisi horà cum  
semisse post suspendium expectatâ, cadauer deuehi  
curauit in anatomicum theatrum. Præstitum est ve-  
rò eâ diligentia, vt aperto abdomine venæ albescen-  
tes apparuerint, vtque ex nonnullis resectis colligi  
potuerit liquor lacteus; quod profectò visum est  
mirum. Hæc præter, sollicitus fuit, vt obseruaren-  
tur variz scaturigines ventorum. Nam primùm qui-  
dem opinatus fuit ventos ex Aristotele terrenos esse  
halitus, qui ex offensu aëris frigidioris repercussi,  
transuersùm prorumpant, & pro conditione vallis,  
aut alterius loci, vnde prodeunt, aut quem offendunt,  
in boream, aut meridiem, ortum, vel occasum  
ferantur: verùm tam multas expertus est in ea sen-  
tentia difficultates, vt ad materiam halituum recur-  
rendum censuerit, examinandùmque, num, exempli  
gratiâ, vitriolum, halinitrum, bitumen, sulphur, &  
similia, dum exhalantur, conditiones, varietatèsque  
ventorum subeant. Quamobrem obseruari voluit  
tam mirabileis quosdam ventos in suis originibus,  
quàm proprietates ipsas locorum, attendendo ad

1634. mineralia, fossiliâque omnia, & plantas congenas. Heinc destinavit Peirescum versus eruditum medicum nomine Malianum, qui in Coyero monte obseruaret antrum, è quo frigidus prodit ventus, tantò minùs sensibilis, quantò ad originem acceditur propiùs: cuiusmodi etiam obseruatus est in hiatu boreo Montis-ventosi. Vt obseruaret quoque exstantem non procul lacum Legnium, è quo dum exoritur fumus, nubes haud-dubiè creanda est, quæ sit breui in tempestatem sæuissimam exoneranda; quod memorant etiam de lacu Pilati in Delphinatu, & de alio in Pyrenæis. Vt denique ea occasione obseruaret fontem, qui ad Collem-martium statis interuallis effluit, ac subsistit; nimirum octies circiter intra spatium vnius horæ. Sic per Bulæum virum doctum, obseruari curauit ventum Ponthiam, siue Ponticum dictum, ad occasum Alpium Cottiarum, oppidumque dictum Nihontium. Is flat à borea secundum fluuium, & neque leucæ quadrantem secundum latitudinem excedit, neque secundum longitudinem, cursumve, dimidiam, aut integram leucam: nisi quòd nonnumquam factus vehementior plureis superat, Rhodanumque etiam attingit. Quotidianus est; & dum flat, non intermittitur, aut fluctuat; sed vniufmodi est tenoris. Oritur hieme sub mediam noctem, & in nonam vsque decimamve matutinam constat; æstate, ab aurora in octauam; vere, & autumno, à quarta in meridiem. Est autem per hiemem præsertim violentus, maximèque resstante austro; interdumque frigidus adeò, vt, ipso

vigente, aqua in aëre congelat. Ventus alioquin 1634.  
 saluberrimus; vt sunt etiam eiusdem loci fruges, fructus, nonnulli fontes. Sic per Autelmum Foroii-  
 liensem, virum Sacerdotem, omninóque bonum,  
 obseruari ventum, qui ad Malignonum montem  
 nascitur, nec decliuitatem illius excedit; itémque  
 conflictum Vulturum, & Cori, qui ad promonto-  
 rium Rufum occurrentes, sese ibi mutuò conficiunt.  
 Mirabile id sanè; sed non minùs illud, quod Vul-  
 turnus illeic salubris, & fruges perficiens, insalubris  
 est, frugésque adurit Aquis-Sextiis; & Corus ex op-  
 posito: ac rursus, quòd Cannis obseruatum est à me-  
 morato antè Meynerio, nullos planè ventos ex car-  
 dinalibus flare, sed lateraleis solummodò; cùm aliis  
 locis secus contingat. Sed magnum nimis foret tæ-  
 dium, si talia plura congererentur: nisi taceri fortè  
 non debet, quòd qui vtrimque subeunt foramen  
 Lanfonium, Paulilyppæo similem, ventum exeuntem  
 vtrimque sentiunt; argumento quod extrorsum efflet,  
 non introrsum insiliat. Rursus, non minùs curiosus  
 fuit, vt attenderetur ad motum maris Mediterranei,  
 quem cùm ad nostras Europæ oras versus occasum  
 esse constet, exploratum voluit, num ad oras oppo-  
 sitæ nobis Africæ versus ortum foret: idque obser-  
 uando præsertim regionem, qua in fluminum ostiis  
 arena aggeritur; cùm soleat in eam egeri, in quam  
 maris aqua fluuiatilem trudit. Exemplo ipsi erant  
 arenæ, quas vberes Rhodanus vehit. Mare quippè  
 illas propellit in oram Occitanæ, quæ propterea  
 facta importuosa est; nam vel à solo tempore D. Lu-

1634.

douici, mare recessit ab oppido Aquis mortuis, integrâ leucâ. Et quamuis arenæ Argentei fluuij in orientis oram propulsæ videantur, ac Foroiulensem portum compleuisse; sentiebat tamen ideò factum, quòd sinus Grimaldicus, seu San-torpetianus consequenter situs, copiosiore aqua alliciat, & interpositum promontorium gyrationem efficiat; quæ Argentei aquam, linûmque in auersam seu orientalem plagam, compellat. Eadem occasione adnotatum voluit marinum æstum, quisquis is esset, & in mari Hadriatico, & in quibusdam Africæ oris. Cùm ex disquisitis autem variis Mediterranei motibus, circuitibusque, constitisset aquam perpetuò ex Ponto Euxino per Bosphorum Thracium, Propontidem, ac Hellepontum in Ægeum ita influere, vt non modò Smyrnæ, sed etiam in Creta, imò penè ad Africam illius motus posset agnosci: cùm item constitisset Oceanum Atlanticum per fretum Gaditanum continuò influere: quippe sextante solum spatij intercepti ad ipsa littora, reciprocatio fluctuum est: toto verò besse intermedio perpetuus est Oceani in mediterraneum influxus: cùm de his inquam constitisset, recurrendum esse necessariò censuit ad canales subterraneos, quibus mare Mediterraneum cum Oceano communicet, & ad libellam reducatur. Nempe eadem ratione volunt Hyrcanum, siue Caspium mare vndique conclusum, nec tamen exundans tot exceptis fluminibus, communicare cum Euxino per meatum subterraneum, quo aquæ scaturiant ea parte, qua medius Euxinus dulcescit, cui-

que ex Aristotele, nomen est *Baſia*, seu profunda 1634.  
Ponti. Contigit ad hæc per illam ætatem diuer-  
ſimodè fulminare. Cùm mea autem foret opinio  
ignem fulmineum, quo terrena feriuntur, non emit-  
ti procùl ex alto, ſed proximè ex nubis gloſo eius  
materiam continente, transferentèque, erumpere;  
voluit ipſe eam flammulam, tametſi rem fluxam, tã-  
tâ extrudi vehementiâ, vt ex regione aëris media,  
inextincta perueniat ad terram, vbi vim miram ex-  
ferat. Adiecit, cùm ante triginta ſex annos altare  
maius Capuccinorum Aquenſium ictu fulminis fuit  
diſruptum, verſatum ſe in vrbe fuiſſe, & pertranſeun-  
tem, caſu quodam, plateam dictam Prædicatorum  
habuiſſe oculos in cælum, ac in eam regionem con-  
uerſos. Quod mirabile verò fuit, obſeruafſe ſe in  
aëre medio, manipulum quendam radiatorum igneo-  
rum, vtrimque partim directorum, partim vndulan-  
tium; eo planè modo, quo antiqui pinxerunt ful-  
men in manu Iouis. Ac nihil attinet quidem me-  
morare quid repositum fuerit; referendum potiùs,  
quòd cùm fulmen deieciſſet crucem è ſaſtigio turris  
campanilis D. Ioannis, ferrum infernè lapidi im-  
preſſum deprehenſum fuit habere circum rubigi-  
nem, ſeu cruſtam ferrugineam vi magnetica maxi-  
ma pollentem. Ac mirati quidem non ſumus de fer-  
ro, quod per aliquot ſæcula expurgatum, contra-  
xiſſe vim poterat: at recrementum ipſum ferri tan-  
tundem potuiſſe, fuit ſtupore dignum. Habuit in-  
terea ex Africa ſemina, plantâſque, & animalia non-  
nulla. Ex his nullum maius, pulchriùſque Alzarone

1634. nuncupato, quod summo ore, caudaque taurum, cæterà ceruum referebat. Cornua illi nigra, erectaque, & futura miræ, vt perhibebatur, altitudinis. Animal velocissimum, & quod non potuisset, nisi ab ipso vberè, capi. Illud verò diù non detinuit; sed postquam satis obseruauit, próque votis depictum habuit, ad Barberinum Cardinalem misit. Accipit autem non multò post similis animalis spoliū à Comite Marchæuillæo Constantinopoli redeunte, eaque occasione experiri voluit (& nescio tamen quid inturbârit) num pelli eius animalis idem contingeret, quod ceruinæ. Constabat enim pellem cerui, si fuerit à coriariis in fundo cuppæ constituta, suppositaque tam bubularum, quàm aliarum ingenti aceruo, non conuiescere, ex quo primùm infusa aqua fuerit, donec sese subduxerit, omnibusque euolutatis, se cumulo toto superiorem statuerit. Cum id miraremur, retulimus causam in ampliorempilorum cerui, quàm cæterorum cavitatem (singulos enim pilos esse canaleis, siue tubos quosdam declarant microscopia) adeò vt, illi aère oppleti, & intra aquam constituti nixum faciant, instar scilicet vesicæ inflatæ. Credibile quoque id non parùm ad animalis celeritatem conferre, dum propter calorem ex motu, ea capacitas spiritu diffatur, vt probabile quoque est conferre in volucris eam pennæ partem, quæ caua, spiritu impletur, iuuatque, vt aues faciliùs sustententur in aère. Sed atigisse id sufficiat. An subiciam verò quòd Peireskius voluit supra domus suæ fastigium locum idoneum construì, è quo abundè



abundè eminente quicquid foret cœlitus obseruabile notaretur? Quàm multa certè obseruata ex eo fuerint, non est heic referendi locus: verùm reticere non potest insignis lætitia, quam cepit, cùm inde attendit ad Martem occultantem stellam, quæ extrema est in Virginis ala. Permouerat scilicet illum quod narraueram obseruatum mihi superiore Decembri Iouem occultantem Geminorum Propoda; adeò vt diebus aliquot manè, vespereque telescopio inspectus, deprehensus fuisset transiisse illi ad austrum, non amplius quàm minutis quatuor, die eius mensis decimanona, ac hora vndecima matutina. Et cùm die octaua Iunij sub vesperam admonuissem illum, fore vt Eclipsin non absimilem per Martem conspicerè posset, tum maxima alacritate aduigilare constituit, neque discessit, nisi post elapsam mediam noctem, cum horæ besse; quo tempore Mars fuit stellæ coniunctus, præteritque ad austrum non amplius, quam sesquiminuto. Sed & dici debet lætitia, qua apud se habuit Thomam Campanellam, philosophum celebrem, quo obseruanda tempore fuit, (nempe sub Nouembris initium) Mercurij cum Sole coniunctio. Quippe is esse testis potuit inconspetum fuisse sub Sole planetam in coniunctione propè centrali; argumento, quòd tum directus supra Solem exstiterit, quemadmodum retrogradus visus fuerat prius sub Sole; quòdque proinde motu suo ipsi Soli circumducatur, non verò feratur in Epicyclo nos inter, & Solem detento. Simili sanè obseruatione id euiceramus Parisiis, ante duos annos,

1634.

cum semisse, ut pote sub finem Aprilis. Cæterùm qua humanitate Campanella exceptus fuerit, haud explicari facilè potest. Recipiens enim sese in Galliam, non priùs appulit Massiliam, curauitque aduentum suum renunciari Peireskio, quàm missâ lecticâ accersitus est in ipsius ædeis, & curatus egrègiè per aliquot dies, dimissûsque Parisios partim lecticâ, partim curru, non modò ab illo habuit literas, quibus pecuniam Lugduni acciperet; sed accepit etiam discedens quinquaginta aureos, adeò ut tanta beneficentia obrutus, & quasi suffusus, testatus fuerit se priùs quidem habuisse satis constantiæ, ut per tormenta sæuissima continere lacrymas posset; at non habuisse, quando est virum adeò muniticum expertus. Spectare hûc putes, quod postea inferuit in Tomum secundum suorum operum, ac sub Oeconomicorum finem. Nam, *haud negem*, inquit, *amicos splendidâ excipiendos esse mensâ, sed frugaliter, & cum opus habent: eumque amicum potiùs reputabis, qui tibi pecuniam suam, quàm qui vitam suam offert: veluti mirificus Fabricius, Dominus de Peresc, Gallorum decus, & Philosophorum, & clarorum virorum Mecenas, & perennis hospitalarius, exemplar est mundo.* Quibus nempe diebus ille est apud Peireskium commoratus, tum alios diuersanteis vidit, tum generalem apud Augustodunensem Proprætorem Montagutium, qui loca Prouinciæ sacra inuisens, inuisurus quoque cum fuit. Is porrò detulit ad ipsum cochlearia duo argentea antiqua, & nonnulla alia, quæ Augustoduni è ruinis vetustatis cruta videre Peireskiius op tãrat. Emn-

fus cochlearia , ac illud præsertim , quod fuit magis integrum , dici non potest quàm exfulârît , cum duas argenti vncias animaduertit pendere , vt pendit sextans pilæ antiquæ ; & continere præcisè drachmas olei duas , seu sextam partem cyathi , vt continet etiam memoratus sextans. Hinc ad Puteanos literas dedit & fuliffimas , & pleniffimas inexhaustæ eruditionis , occasione præsertim sumpta ex Mercurij effigie in altero cochleari expressa , cum didrachmalis illa mensura , appellata fuerit cheme , nomine desumpto ex conchylio , cuius cochlear retinet formam , quòdque Mercurio sacrum est ; adeò vt vafritici , seu duplicitatis Mercurio tributæ symbolum fieret tum drachmalis , vncialisque duplicitas ; tum genus conchylij bialuij , & alia id genus sexcenta. Acceperat non ita pridem à Montagutij affine Veneto Abacum antiquum , Augustòduni quoque effossum , studiosèque etiam de eo scripserat ; propter discrimen aliquod notarum numeralium , cum iis , quæ ascriptæ sunt in modulo abaci ex musæo Ciaconiano habiti , & in exemplo apud Gruterum delineato iuxta illum , quem Velferus ex Occone euulgârat , ac descripserat. Quo loco adnotari potest non probasse illum quod Velferus existimauit ( vt apud Gruterum licet legere ) duos illos clauiculos sub semuncia , & sicilico , duas esse duellas ; voluit enim potiùs esse sextulas , quæ iunctæ duellam efficiant , quarum vnâ additâ semunciæ efficiantur duellæ duæ , vti ambabus additis efficiuntur sextulæ quinque ( nimirum semuncia æquiualeat tribus )

1634. adeò proinde, vt hac ratione supputari possint omnes vnciæ partes tam duellares, quàm sextulares; quod fieri non posset, si clauiculi duellas solùm designarent. Addo, si eisdem clauiculos pro sextulis habueris, etiam duodenas vnciæ parteis, præter vnitatem, supputari posse. Nam sextula vna valet parteis duas; sicilicus treis; sextula vtraque simul iuncta quatuor; sicilicus cum vna sextula quinque; semuncia sex; sicilicus cum duabus sextulis septem; semuncia cum vna sextula octo; semuncia cum sicilico nouem; semuncia cum duabus sextulis decem; semuncia cum sicilico, & sextula vna vndecim. Non heic subiicio, vt interim egerit cum Ludouico Sauoto de vsu æris in numismatis, deque armis antiquis, quæ & fuerunt anea, & in sepulcris solita condi; & cum Ludouico Auberio Menillio de cælaturis supposititiis, quas Chaducus à se confictas non erubescerat pro vetustis euulgare. Non rursus, vt curauerit exscribi MSS. omneis, & Græcos quidem potissimum, qui de Ponderibus & mensuris, ex Bibliotheca Vaticana, ex Regia, ex Augustana, & cæteris; præter collectanea Angeli Colotij, tribus voluminibus; & Onuphrij Panuinij volumina duo; præterque insigne volumen circa theoriam Musices, quod misit primum ad Donium, ac deinceps, addito volumine Arabico, cum elegantissimis figuris, ad Marinum Mersennum, ex Minimorum ordine, virum eximiè bonum, doctum, curiosum, & in illustranda naturæ Religionisque veritate indefessum. Non denique complura alia: sed subiicio potius

modestiam, qua excepit nuncupationem Excerptorum Polybij, Nicolai Damasceni, & aliorum historicorum, factam à verè erudito, nobilissque notæ Henrico Valesio, qui ipsa Græcè edidit, Latine vertit, notis illustrauit. Is enim, inter alia, affatus ipsum his verbis est. *Quid-ni te parentem appellem, & auctorem huius libri, qui primùm à te repertus, aduectusque sumptibus tuis ex insula Cypro, & in hanc urbem est missus? Et statim, Nunc verò tandem operâ nostrâ prodit in lucem, non magis Constantini Augusti purpurâ, quàm nominis tui titulo conspicuus. Ac de Constantino quidem alij viderint: Tu quidem & antea sæpè de literis bene meritus es, & posthâc etiam benè mereberis: feres tamen æquo animo id inter tua de studiis, ac studiosis omnibus merita proprium à me numerari. Et rursus, Quam quidem operam, qualiscumque est, tibi, Nicolae Fabrici, dono, ac nuncupo; ut iam hic liber præfixis titulis tuis ex asse censeatur tuus. Postcâ verò præfatus, ex tribus, atque quinquaginta Excerptorum titulis, vnicum superesse, de Legationibus inscriptum, inque libros diuisum duos, partim à Fulvio Ursino, partim à Dauide Hæschelio editum; meminit etiam huius, qui, inquit, nunc primùm in lucem prodit, beneficio viri clarissimi, doctissimique, & ad iuuandas literas vnicè nati, Nicolai Fabricij Peirescij, titulo *Adi scriptis, & ceteris*. Peireskios autem planè suffusus, nolisset prorsus nomen suum cum Imperatoria illa committeri purpura: rescribensque ad Valesium, satis futurum fuisse dixit, si, facta alij nuncupatione, memoratum fuisset duntaxat, visum sibi obiter librum, ac*

1634. præ manibus habitum, in angulo quodam obscuro, cùm ex Oriente aducheretur. Consimili moderatione sequente anno vsus est, cùm Philippus Rubens Romæ edidit, ipsique dicauit inscriptionem illam antiquissimam Columnæ Rostratæ, C. DVILIOS. M. F. M. N. COS. ADVORSO. CARTACINIENSIS. IN. SICILIA. D. REM. CERENS, &c. cuius suprâ meminimus; idque cum appositis supplementis, & illustrationibus per Gaugen Gozzeum. Et tamen id videtur factum, non sine quodam numine; cùm eodem tempore agigaret curam obtinendi eius Inscriptionis non modò apographum, summa fide, & exquisita imitatione confectum; sed etiam gypseum cœtypum, vt consideraret ipse omnia, exploraretque iudicia, atque supplementa Ciaconij, Lipsij, & aliorum, qui in eam incubuerant curam. Prætereo autem, vt voluerit simul habere cœtypum alterius illius memoratæ inscriptionis Scipionis Barbati, vnde agnosceret formam antiquissimam Romanorum characterum; quia eiusmodi inscriptio intemerata perseueravit, secùs ac Duilliana, cuius characteres instauratos fuisse, ex Plinio, intelligimus. Sic, vt formam agnosceret antiquissimam Atticorum characterum, cœtypum quoque habere voluit inscriptionis illius, quæ legitur apud Gruterum, ΟΔΕΝΙ ΘΕΜΙΤΟΝ, &c. cuiusque Scaliger scribens in Eusebium, opinatus fuerat Ionicos esse characteres. Tamen si id egit ex parte, vt Salmasio faceret satis, qui huiusmodi inscriptionem perinde illustrare in animo habuit, ac illustrauerat quasdam alias de con-

secratione Templi, & dedicatione Statuæ. Denique petiit ex Donio accuratum apographum Tabulæ Eugubinæ dictæ, æreæ scilicet illius, Eugubij ante annos centum repertæ, & à Grutero quoque relatæ: idque ob voces quasdam Thuscas, in quarum interpretatione non desperabat se nonnihil adiutare, ne dicam emendare posse Bernardini Baldi coniecturas. Sub anni porrò initium accepit, non sine dolore, obiisse Valentiaë Iulium Pacium, quem ab ipsis usque iuris studiis amabat, ac venerabatur. Diuertit interea ad illum Theodorus Cardinalis Triultius, qui tum Italiam repetens, recepit sese curaturum, vt ex Ambrosiana Bibliotheca exscriberentur Orbicius, & alij Tactici auctores, quos Salmasio necessarios, Peireskius habere summè laborabat. Diuertit etiam non multò post Cardinalis Lugdunensis, qui Romam pergens, commorari aliquot diebus voluit in Archiepiscopatu primæuo. Cum verò illeic magnâ pompâ, ob benevolentiam, venerationemque pridem quæsitam exciperetur; vbi ipsum quoque Peireskium aliquousque obuiam euntem & vidit, & complexus fuit, tacere omninò non potuit, se pluris paucos illius passus, quàm numerosâ milliaria anteuertentium æstimare. Diuertit & Petrus Aloysius Caraffa, dum Colonia Agrippinâ, ac Leodio Pontificis summi Legatus rediret. Cum verò Peireskius super ea regione multa rogaret tam ipsum, quàm eruditum comitatum, è quo Silvester Petrasancta; accepit, inter cætera, versari Leodij religiosum, ac industrium, è Societate I E S V, virum, nomine Linum,

1635. qui phialam compleuisset aqua, cuiusmodi temperationis, vt internataret medius globulus, cum descriptis circum horis viginti quatuor, quæ ad pisciculum, seu indicem fixum allabentes ex ordine, horas dici connotarent, tanquam globulo cæli motum exactissimè imitante. Confirmatum id ipsi est, tum ex Rubenij literis, tum ex relatione Dormalij, qui ruente vere in Italiam rediens, & aliquot diebus detentus Aquis-Sextiis, rem sibi ipsi visam descripsit. Laudauit proinde Peireskii inuentum admirabile; cœpitque variè requirere, quænam vis naturæ præstare id posset; cum haberet ipse aliundè à multis iam annis Drebelianam machinam, in cuius vitreo, arcuatòque tubulo inclusa aqua bis in dies singulos iret, redirètque, ac parùm abesset, quin maris insequi æstum videretur. Reuocauit autem præcipuè in mentem, quod ante duos annos Kircherus enarrauerat, se fragmento subereo inseruisse grana cuiusdam Heliotropij, quæ (floris instar) in Solem conuersa, innatans suber conuerterent, indiculòque appposito notatas in vase horas designarent. Qua occasione venit in mentem circumcidere Lapidem naturalem, quem à Merfennio acceperat, vt in globi formam tornatus, esse posset suberis loco, faciendis heliotropicis, magneticisque experimentis. Sperârat sub veris eiusdem initium diuertentem excipere Pomponium Belleureum, cum nomine Regis pergeret legatus ad Principes Italos; sed itinere aliàs instituto spe videndi frustratus est, complectendique vnà pergentem Franciscum Vayerum à Motha, cuius



cuius eruditionem, candorémque tum literis, operibusque, tum amicorum communium sermonibus cognouerat. Dum exspectaret porrò ex Italia memoratos Tacticos libros, misit interea ad Salmasium delineationes varias ensium, gladiatorum, securium, cæterorumque armorum, quæ apud antiquos fuere ænea, ac nominatim cassidum duarum, quarum altera ex Samnitum finibus, seu ex Aprutio missa fuerat; altera ad ipsummet lacum Thrasymenum fuerat reperta; cum dependentibus vtrimque superstitionibus bucculis. Nec verò ista modò misit, vt suppetias ferret scribenti de Romanorum militia; verùm expressa quoque varia fibularum genera, ad complendum opus, quod ille de re vestiaria aggressus fuerat, occasione dissertationis institutæ de Acia molli, quam non nimis tortam vsurpandam esse ad futuras, & fibulas glutinandis vulneribus comparatas, Cornelius Celsus scriptum reliquit. Neinpe Alphonsus Nunnescius, & Iacobus Chiffletius medici celebres contendunt Acie nomine intelligi debere acum, vel quidpiam aliud metallicum: eruditus verò Franciscus Rioya, & Franciscus Figueroa, ipse quoque medicus clarus, debere potiùs intelligi vel lincum, vel sericum filum. Exspectatur autem quid de controuersia tum Salmasius definiat, tum alius quoque Peireskij amicus ex Dania, Ioannes Rhodius medicus, qui sede Patauij delecta, non minùs literis ingenuis, quàm artis præstantia clarescit. Quin etiam misit insigne quoddam de animalibus opus, ab Ebembitare Arabicè scriptum, nupérque ex Ægy-

1635.

pto aduectum, postquàm exemplum aliud magno labore, atque sumptu conquisitum naufragio periit. Misit & codicem alium Arabicum, in quo Canones Conciliorum Niceni, Constantinopolitani, Ephesini, Laodicensis, Cæsariensis, Gangrensis; Canones Apostolorum, & Sancti Clementis; Constitutiones Constantini, Valentiniani, Theodosij, & nescio quæ alia. Misit Ritualia cophitarum, vt Epistolas, Euangelia, Psalmos, ac præ cæteris codicem continentem treis Liturgias, Basilij, Gregorij, Cyrilli, cum Arabica interpretatione. Misit plura; sed pluris nihil fecit, quàm Volumen quatuor Euangelistarum Eucuphticè, seu Cophiticè scriptum, Arabicèque declaratum; & maximè propter appositos annos, quibus singuli Euangelistæ scripserunt. Quippe tametsi initio defuit præfatio in Matthæum, qua annus contineri debuit; & præfatio in Ioannem visa est mendosè habere scriptam historiam anno sexto Imperij TARSOS, & Dominicæ Ascensionis trigesimo: quod tamen spectat ad duas alias, altera in Lucam, planum fecit scriptam ab illo historiam Antiochiæ, anno Claudij duodecimo, & Ascensionis vigesimo; altera verò, quæ in Marcum, scriptum ab ipso Euangelium anno quarto eiusdem Claudij, & duodecimo Ascensionis. Existimauit autem posse quoddam subsidium exinde peti, ad diiudicandum controuersiam de anno Passionis Christi Domini, & fortè etiam de Natali, quem initio vulgaris ætæ vetustiores faciunt duobus annis Iosephus Scaliger, & Sethus Caluissius; pluribus Laurentius Suslyga, Ioannes Kep-

plerus, & alij. Scripsit proinde non modò Romam, si fortè suppleri, atque emendari priores præfationes possent; sed rursùs etiam in Ægyptum, ad obtinendum, si fieri posset, simile volumen completius. Misit aliunde in Ægyptum ad Capuccinos illeic degenteis, maximè verò ad Agathangelum Vindocinensem, cùm libros alios plurimos, tum postulatos duos quosdam tomos Baronianorum Annalium, præter donatam priùs totam seriem; itémque ad Cælestinum à S. Liduina Carmelitam discalceatum, Goliisque fratrem, libros varios; sed præsertim magnum Thesaurum Arabicum Mediolani editum, voluminibus quatuor, qui ter, aut quater iam antè missus, seu ad ipsum eundem, seu ad alios, deperditus fuerat, intercipientibus piratis. Prolixa foret cæterorum consimilium enumeratio; cùm præmittendum non sit, quid interea curârit domi. Desiderium nôrat, quo pridem flagrâram habendi phœseis Lunæ varias, varietatésque in singulis per Telescopium apparenteis, viuis suis coloribus, proportionibùsque, & situ seruato, depictas. Hoc sanè sine exoptâram, ac tandem obtinueram ab eximio Galileo vnum quoddam prolixitate, perfectionéque præcellens; expetebámque solùm industrium, & patientem satis Pictorem. Ille itaque mei causâ, vt magna parte superioris anni, sic maxima huius detinuit redeuntem Româ egregium Pictorem Claudium Saluarum Aluernatem, qui, me operam dirigente, id muneris exsequeretur. Detinuit verò etiam sequente per complureis mensis Claudium Mella-

1635.

num Abbauillæum, artificem inter pictores, cælato-  
 résque eximium, ipsum quoque Roma redeuntem;  
 tum vt nouas phæsis exquisito suo artificio depin-  
 geret, tum vt easdem, aut quasdam certè, ingenio-  
 sa manu incideret æri. Peruidit nempe vir optimus,  
 posse exinde quandam speciem Selenographiæ in-  
 stitui, insignémque fore eius vsum tum in Physica,  
 tum in Astronomia. In Physica quidem, ad ratioci-  
 nandum circa phænomena perpulcra; & maximè,  
 quandò ex serie adseruatarum phæseon, probabile  
 fieri videtur globum illum Lunæ tale quidpiam esse,  
 qualis est globus iste Telluris. Siquidem, cum illæ  
 maculæ maiores nullo æuo non cognitæ analogiam  
 habeant cum maribus nostris, vt proinde possint in  
 iis discerni Eoum, occiduum, Caspium, alia, cum  
 deflexibus, sinubúsque innumeris; videntur cætera  
 nihil esse aliud, quàm continentes, chersonesi, in-  
 sulæ, cum suis campis, montibus, vallibus, lacubus,  
 aliisque id genus. Et maculas quidem illas esse quasi  
 æquora quædam, conuinci videtur ex superficiæ  
 æquabilitate; quippe in qua nihil emineat, quod  
 Sole aduerso obscuritatem pariat, & per quam um-  
 bræ sectio traducta planissima sit: cum cæteræ par-  
 tes elatæ, depressæ, anfractuosæ sint; & transiens  
 per illas umbræ sectio sit variè discerpta, atque in-  
 terrupta. Quin- etiam partes littorales, cum stant ex  
 aduerso Soli accedenti, illustantur citiùs, cum re-  
 cedenti, tardiùs, quàm subiecta maria; proiicientes  
 alioquin umbram in parteis Soli oppositas, tanquàm  
 præcellæ quædam rupes; adeò vt etiam longæ series

umbrarum plerumque nigrescant. Sunt tamen in iis  
 maribus quasi vada, aut breuia quædam, seu maui  
 series scopulorum, in quibus, seu aqua spumante,  
 obseruatur quædam candicantia. De continentibus  
 id mirum, quòd cum generatim albescant, sunt ta-  
 men prorsus heterogenei, vt si varietates terrarum,  
 siluarum, stagnorum, & similia diuersum crearent  
 alborem. Nam aliunde, conuallium, montium, &  
 planiticrum vicissitudines vbique occurrunt, sùn-  
 que solùm ad medium discum areæ quædam ex or-  
 dine humilioribus collibus obseptæ. Secus sanè est  
 de cæteris locis, quæ per plenilunium candidiora  
 sunt; profundiores enim sunt valles, quæ dum Sol  
 proximè accedit, absceditve, apparent obscurissimæ,  
 Sole nempe non illustrante nisi circumposita iuga;  
 adeò vt fiat gemmarum species; deinde verò sum-  
 mè candescunt, quòd lucem plenè combibant, &  
 radiis ex lateribus reuerberatione coactis complean-  
 tur. Quanquam sunt etiam partes quædam, quæ,  
 præter lucis coitionem, mirè candicent ( vt cuspis  
 insignis versus orientem, qua illustrata, nihil statim  
 candidius ) quasi illeic forent montes quidam gy-  
 psei, aut Riphæorum instar niuibus obducti. Veluti,  
 ex opposito, partes quædam sunt suapte natura ita  
 liuescentes, vt nulla lucis plenitudine alborem con-  
 cipiant; quasi illi essent aut lacus, aut tractus terræ  
 nigricantioris, qualis est ad boream, nec longè à  
 maris magni littore phæcolus, seu ellipsis quædam,  
 & qualis penè est anfractus circundans illum umbi-  
 licum, qui est ad austrum adeò præclarus. Præclarus,

1635. inquam, ob radios longè, latèque circumfusos, quasi ij essent partim conuallium, partim niueorum scopolorum series: quod idem dicendum de radiis alterius, qui est centro vicinior, & quo, dum primùm, vltimùmve illustratur, nulla est species vnionis pulcrior. Enimverò has varietates percurrere immensum foret. Quare illud de ora Lunæ adnotare sufficiat; cùm æquabilissima videatur, id esse tamen ex eo solùm, quòd oculus noster loca ad eas partes depressa, ob deuexitatem, non videat; iuga verò antecedentia, consequentiâque, & mista componat. Cæterùm enim parem vbique inæqualitatem illud arguit, quòd dum Luna falcata est, apparent vltra cuspidem, ac potissimùm inferiorem, lucidi quidam globuli obscuritate intercepti, quasi ij sint editi montes in ipsissimo margine. Argumento sanè, quòd ea pars Lunæ, quæ nunquam nobis obuertitur, eiusdem sit diuersitatis. Posset id verò confirmari, vel ex eo quòd, cùm non semper eadem partes visibilem occupent limbum (videlicet Luna libratione quadam, propter varios situs in Zodiaco, & supra horizontem, ita contorqueri apparet, vt nunc partes quasdam reuelet ad ortum, occultet ad occasum, nunc contrà; parique modò ad austrum, ac boream; adeò vt etiam partes intermediæ sint centro, siue medio disci nunc propiore, nunc remotiores) quòd, inquam, re sic se habente, eadem semper varietas in partibus circum reuertis visatur. Nam verbi causâ, macula illa solitaria, quæ quasi mare quoddam Caspium ad occasum conspicitur, dum

ipsi oræ proxima est, nihil, præter tenuem alborem, 1635.  
 inter se, orámque relinquit; dùm verò remotior,  
 tum in interstitio duæ longiusculæ maculæ apparent.  
 Ex quibus, aliísque id genus videtur quidem con-  
 sentaneum, vt in globo Lunæ perinde, ac in globo  
 terræ plurima in singulos dies orientur, & intereant;  
 sed nullo tamen modo probabile esse illa esse istis  
 similia. Nam, si non omnis fert omnia tellus, de-  
 prehensumque est in America animalia, plantas, cæ-  
 tera, nasci à nostris planè diuersa; cùm America ta-  
 men, & Europa eiusdem globi partes sint: quantò  
 æquius est reputare, omnia quæ gignuntur in Luna,  
 orbe planè alio, à terrenis hisce differre? Quod di-  
 co, ne quis arbitretur posse illic homines esse, aut  
 quidpiam aliud simile, cuius formam, aut faciem vel  
 coniciendo assequi liceat: vt nunquam coniecisse-  
 mus formas fructuum, animalium, aliarum rerum,  
 quas in nouo orbe nuper vidimus. Quòd illa enim  
 possint vnquam vllò Telescopio discerni, præter spem  
 omnem, fidémque est: quantumcumque iam audia-  
 mus fabrefactum Neapoli, quod speciem Lunæ am-  
 plificet, demonstrétque omnia, quàm antè, distin-  
 ctius; & quantumcumque Rubenius ante annos ali-  
 quot ad Peireskium scripserit, versati apud se egre-  
 gium, probúmque pictorem, nomine Heymum,  
 narrantem sibi conspectum fuisse penes Drebelium  
 Opticum tubum, diametri palmaris, quo liceret in  
 disco Lunæ discernere campos, siluas, ædificia, &  
 munimenta locorum nostratibus non absimilia. At-  
 que hæc circa Physicam satis; nisi fortè addendum

1635.

est, si illæ quidem plagæ obscuriores in Luna sunt veluti maria, nihil fortassis mirum fore, si exinde quidpiam humoris in terram trahatur, quod agnoscere liceat ex animalium medullis, ex conchyliis, ex plantis, vniuersæque ex humidis rebus. Dicit enim posset Solis radios in humenteis illas regiones impactos, & in terram reflexos imbibere, deucheréque aliquid illius humoris, vt dum ex vitro colorato deradunt, deferuntque aliquid intincti coloris: hancque esse causam, cur in plenilunio ossa, ostrea, & alia fecundiore humore polleant, propter copiosiore radiorum affluxum. Qua sanè ratione posset quoque Lunæ fieri compensatio circa nouilunium, ob repercussionem scilicet radiorum è maribus nostris, tantò vberiore, quantò lux è terra, corpore maiore, reuibratur in Lunam amplior, vt arguit illa secundaria, & debilior lux, quam Luna, præter facem argenteam, intra quadraturam ostentat, donec nimirum vicina Soli reflexionis est particeps. Iam, quod spectat ad Astronomiam, videtur sanè Selenographia non mediocris fore vsus. Imprimis enim ex vero situ, ac delineatione partium præcipuarum, cum inditis nominibus, obseruari potest, atque designari, quando Luna est bisecta in nodis, quæ terminentur cuspides, quæ exstet medium inter ipsas: ad eò vt ad oram connotare liceat cardinalia puncta, boreum, austrinum, eoum, occiduum; è quibus, aliorum circulatorum instar, diuisio in gradus possit inchoari. Et quoniam situs cuspidum non modò pro recessu à nodis, sed etiam pro Lunæ ætate est varius, quatenus



quatenus sese Soli ad boream, austrumve supponit, aut subducit; ideò heinc penè pronuciare de eius in orbita loco, deque distantia à Sole licet. Deinde, existente Luna in Nodis opposita, seu statim ante, seu post Eclipsin, adnotari potest, atque exprimi, quo situ sint quælibet partes tum inter se, tum cum ipso centro, ac limbo vicino; vt, euariato aliàs disco ob memoratam quasi librationem, ille pro germano habeatur. Exinde autem, si stella quæpiam condatur à Luna, designari potest qua parte inear, qua discedat, & an describat diametrum, an boream, austrinamve chordam, quæ ex gradibus circumscriptis, viæ translunaris quantitatem prodat. Quo etiam modo notari potest, si Luna transeat proximè stellam, quando sit cum illa in eadem longitudine, & quanta à limbo distantia; quatenus illa comparatur cum intercapedine duorum intra discum punctorum, seu locorum mensurabilium. Adhæc, inter nosci, exprimi que potest quadratura quælibet (quam veteres quidem in arduo diametrorum negotio vsurpare attentauerunt, neque nisi procùl assequuti sunt, ob visus fallaciam citra telescopium) itémque phasēs cæteræ, quæ tempore phænomeni alicuius sint describendæ, ita sanè variantes, vt nisi post multos annos eadem non redeant. Quippe cum in horas mutantur, tum memorata libratio, tum recessus à nodis, tum diuersitas temporis efficit, vt quo tempore consimilis phasis speranda videtur, aliqua semper dissimilitudo sese ingerat, quæ nouam picturam deposcat. Denique quod spectat ad Eclipsis Lunæ,

1635.

Iconismi illi mirificè profunt, ad dignoscendum, declarandùmque quà defectus primùm incipiat, quà vltimùm desinat, quà fiat totalis immersio, quà prima lucis recuperatio; adeò vt propter memoratam circumscriptionem graduum, agnoscatur quantum hæc puncta à cardinalibus, inter se, atque adeò à nodo distent. Profunt quoque ad designandum ipsos defectus digitos; scilicet subnotatis punctis, partibùsve conspicuis, quæ aut attinguntur, aut deseruntur ab arcu vmbre. Ex quo proinde maximè profunt ad describendum vmbre arcum ex tribus insignibus locis per quæ eodem tempore transeat: quo tandem modo diameter vmbre cum diametro Lunæ potest eximiè comparari. Ea verò re nihil esse potest in toto hoc negotio vtilius; cum præsertim constet idcirco peccari in describendo tempore, quantitátèque Eclipseon, quòd ea proportio ignoreretur, & diameter Lunæ ferè supponatur quinta sui parte maior, quàm oporteat. Quòd si quis requirat rem pernecessariam, germanas nempe, obseruatâsque Diametros tam Lunæ, quàm Solis, nouerit eas quoque intra ædis Peireskij, & ipso spectante sæpius habitas ex duobus pinnacidiis, vmbraque vnus decurtata in alio, ad extrema Trabeculæ quatuor propemodùm orgyias, seu Parisiensis Toisâs longæ. Et loci quidem obscuritatem, cautionésque alias heic non explico: refero solùm in eorum gratiam, quibus res grata futura est, Solem esse diametro, Apogæium quidem, minorum primorum triginta, secundorum duodecim; Perigeium verò, primorum

triginta vnus, secundorum sex: & Lunam Apogeam 1635.  
 primorum viginti sex, secundorum triginta sex; Pe-  
 rigiam primorum triginta vnus, secundorum sex,  
 quemadmodum Solem. Decurtatio profectò magna,  
 præter communem sententiam: sed velim solùm at-  
 tendatur quanta sit visus hallucinatio, dum pro va-  
 riis lucis, tenebrarúmque gradibus, quibus pupilla  
 afficitur, eadem res spectatur, atque mensuratur. Ea-  
 dem certè diameter Lunæ per nocturnam obscurita-  
 tem obseruata mihi est amplior, quàm mediâ auro-  
 râ, & tunc maior quàm oriente Sole, & tunc adhuc  
 maior quàm die splendescente. Quod monco, vt  
 tutiorem innuam istam obseruandi methodum per  
 vmbra; quasi nempe vmbra non sit tot fallacibus  
 affectionibus, oculi instar, obnoxia. Fuit porrò Pei-  
 reskij mira exsultatio, cùm eiusmodi rerum vsum ex-  
 periundo agnouit circa eam Eclipsin, quæ die tertia  
 Martij obseruata fuit, cuiusque medium contigit  
 hora octaua, cum minutis quadraginta tribus. Cœ-  
 pit consequenter seriò cogitare, quod pridem desti-  
 nauerat, de adiutandis Geographis circa obtinen-  
 dam differentiam longitudinis variorum locorum.  
 Quippè & voluit methodum quandam obseruan-  
 darum Eclipseon scribi; & fategit mirificè, vt defe-  
 ctus Lunæ proximo Augusto futurus obseruaretur,  
 tam per Europam, quàm in variis Asiæ, & Africæ  
 locis. Nam præter nostrates, magis que occiduos,  
 procurauit, vt instigante Cardinali à Balneo, viri  
 docti, ac celebres Andreas Argolus Patauij, & Scipio

1635. Claronontius Cæsennę obseruationem peragerent ; & Barberino intercedente , tum peractam Romę duplicem obtinuit , tum duplicem Neapoli , vbi exquisita præ cæteris fuit , cui Ioannes Camillus Gloriosus , vir fanę eximius , iuręque laudatus , incubuit . Ita ex vrbe Ægypti Cahiro eam habuit , quam illeic perfecit memoratus suprà Agathangelus Capuccinus , adiutus à Ioanne Molino Dragomano Veneto ; & Alepo Syrię , quam optimus alius Capuccinus Michaël Angelus , vnà cum antè nominato Cælestino à Sancta Liduina . Et omnium quidem obseruata commemorari heic non possunt ; sed taceri tamen non debet , quod pro votis Peireskij fuit , constituisse exinde Tabulas , Chartasque Geographicas omneis nimis à nobis abducere illa Ægypti , ac Syrię loca . Quippe cum tribus propè horis , hoc est gradibus quadraginta quinque , Alepum Massiliã orientiorem constituent ; prodiderunt obseruationes integram penè horam detrahendam esse , quòd inter hæc loca non plures , quàm triginta gradus fuerint numerati . Heinc cum non malè res successisset , sollicitè egit , ac per Cardinalem Barberinum , pèrque Generaleis ordinem tam Dominicani , quàm Iesuitici obtinuit , vt præscriberent Religiosis in vtraque India , ac vbiuis degentibus obseruandarum Eclipteon , consimiliúmque rerum curam . Nullus quoque deinceps , siue Capuccinus , siue alius studiosus vir , in Orientem , aut aliò peregrinaturus , moraturúve discedens , per Prouinciam transit , quem non demeruerit variis

humanitatis officiis, cuique simul non demandârit 1635.  
 obseruationum earundem studium, donando libros,  
 telescopia, & id genus cætera, quorum etiam vsum,  
 si qui ignorarent, curauit vt ante discessum & addis-  
 cerent, & experiundo comprobarent. Cùm nosset  
 autem Galileum elaborasse methodum, cuius supra  
 meminimus, definiendæ nempe locorum longitu-  
 dinis ex Sideribus Medicæis; idè ab ipso Galileo po-  
 stulauit in vsum proprium, Telescopium quam opti-  
 mum. vt explorare ipse, & cum aliis conferre ob-  
 seruata posset. Id egit verò perscriptis priùs com-  
 pluribus literis, quibus licere sibi putauit consolari  
 talem amicum, condoleréque ob grauem casum.  
 Quinetiam magna illum tenuit per hoc tempus sol-  
 licitudo, qua procurare adnixus est per Cardinalem  
 optimum, vt temperatâ sententiâ, libertas ipsi  
 restitueretur. Id enim sponte cùm ageret, putauit  
 officium à se exigi iure amicitia, ac merito viri, cu-  
 ius memoria foret posteris iucundissima exstitura.  
 Sub Octobris finem grauissimè tulit, non expectas-  
 se Curiam, vt sponte sese abdicaret functione Sena-  
 toria, quam in Nepotis cooptatione ante triennium  
 seruauit. Quare, agente Parisiis fratre, obtinuit  
 diplomate Regio restitutionem in integrum, & pro-  
 rogationem etiam in quinquennium. Verùm id de-  
 mùm sequente anno, quo rursùs toto non destitit 1636.  
 fouere literarum curam. Nam primùm quidem su-  
 spiciens variam, insignémque eruditionem, qua Leo  
 Allatius vir per-eruditus Romæ degens, tot Græcos  
 auctores hæctenus inuisos, aut inemendatos profert,

1636. castigat, interpretatur, fœlicitate mirabili; fauere illius conatibus voluit, studiosèque egit cum Typographis Parisiensibus, vt lucubrationum ipsius editionem aggredierentur. Id egit etiam de quibusdam præclaris operibus Fortunij Liceti, qui Philosophus pridem clarus in Patauina Academia, nunc in Bononiensi Professor primarius, est merito magno celeberrimus. Sic audita morte optimi Schickardi, quem pestis à Nouembri vsque superiore abstulerat, omnem diligentiam adhibuit, vt inedita eius opera seruarentur, lucemque acciperent: id agens præsertim Matthiæ Berneggeri Argentinensis, viri celeberrimi interuentu. Prætereo autem vt ad ipsum, intercedente, cuius suprâ meminimus, Aelio Deodato miserit vâria Epicedia, quæ dum euulgarentur, Thomas Lansius Iurisconsultorum decus, & τὸ μαρτυρῆς Achates, edi simul procurauit orationem funebrem, in qua Zaccharias Schæfferus insignis eloquentiæ, & historiarum apud Tubingenses Professor, tacere non potuit Schickardum fuisse à Peireskio prolixè, splendidéque inuitatum, vt tumultus patriæ declinans, ad ipsum diuerteret, quietem studiis assequuturus. Sic Elichmannum doctum Hollandum sollicitauit ad editionem quarundam vitarum Pythagoræ, Empedoclis, aliorumque Philosophorum, quas ille habebat Arabicè scriptas; itémque Tabulæ Cebetis, in qua legi obseruasset inauditum quendam Herculem Socraticum, aliarumque rerum similiarum. Sic cum Samuel Petitus appareret tum nouam interpretationem, tum eruditas in Iosephum notas,

obtinet ipsi per Holstenium variorum locorum 1636. collationem cum tribus Codicibus Vaticanis MSS. Sic cum Byccardus moliretur interpretationem, editionemque Georgij Syncelli, ac Theophanis, exscribi curauit exemplum, quod & Romam misit, & rursus accepit, ut cum M. S. Bibliothecæ Regiæ conferretur; neque interquieuit, quousque collatio, & quorundam etiam locorum castigatio perfecta fuit per Salmasium, qui tum in Galliam aduenerat. Sic occasionem præbuit Isinaëli Bullialdo Mathefeo eximie perito, ut prolixam primùm de natura Lucis conscriberet epistolam, ac deinde etiam volumen iuste magnitudinis ederet; postquam accepit illum de luce beneficio speculi in centrum coëunte, interpretatum id problema, quod à Baptista Poissonio Regio apud Andeis cognitore fuerat his verbis propositum, Vtrum sit aliqua demonstratio perfectè logica, perfectè mathematica, perfectè sensibilis, qua probetur dari magnitudinem latitudinis non expertem, quæ aliquando, & alicubi sit in puncto verè mathematico, & cuius puncti nullæ sint partes, & tamen in eodem ipsa habeat partes extra partes. Ad hæc, varia cum variis pereruditè edisseruit. Quippe ad Anastasium Nannetensem Capuccinum plurima perscripsit de lingua Aremorica, in qua consensit plurimas antiquarum vocum Latinarum esse radices. Nam antea quidem improbârat Adrianum Scribeckium idè fecisse Teutonicam, Belgicamve linguam primam omnium, quod vna eademque cum Hebræa foret, ac proinde matrix re-

1636. liquarum omnium : itémque Goropium Beccanum prætulisse Hebrææ tanquam imperfectæ, cæterisque Cimbricam, quasi continentem radices tam Hebrææ, quàm Græcæ, quàm Latinæ, quàm cæterarum : sed aiebat se non improbatum, si illi radices, aut voces nonnullas magis conspicuæ affinitatis venditare contenti fuissent, non detorquendo facere vniuersas eiusdem iuris. Quòd nonnullæ verò originem eandem primitiùs habuerint, haberéve potuerint, declarabat exemplo nuncupationis fluminum, quam ferè ita deducebat, Varus, Guarus, Garumna, Guardonus, Guauardonus, Verdonus, Rhodanus, Eridanus, Duranus, Druna, Druentia, Durius, vel Ducus, Iberus, Hebrus, Tiberis, Tigris, Ligeris, &c. Idque præter vulgareis appellationes, quæ diuersissimè licet à Latinis, aut aliis antiquioribus, agnoscuntur tamen semper ab eisdem, vel ex vnica littera retenta, esse deriuatæ. Neque id magis mirum esse, quàm ex vocibus Petri Iacobi, Ioannis vernaculas fieri Pir, Diego, Iems, aliásque exorbitantiores. Multa quoque disseruit de Vocabulario quodam, & Grammatica linguæ Prouincialis, prout se Petrarchæ tempestate habuerat ( videlicet postquam vtrumque obtinuit ex Bibliotheca Florentina, quæ S. Laurentij dicitur ) itémque de Poëtis Prouincialibus, qui Trobadores ( quali dixeris Inuentores ) appellati sunt, eo videlicet tempore, quo Principes etiam, ac Reges linguam Poësinque Prouincialem exolebant. Quo in argumento fuit non parùm adiutus indicibus, librisque missis ab erudito Comite Friderico Vbaldino



Vbaldino apud Cardinalem Barberinum commo-  
rante. Conciliârat hunc illi amicum Buccardus , ac  
1636. simul Vincentium Nogueram Lusitanum nobilem :  
ne quidpiam dicam de Constantino Caietano , ob  
peruerstos codices claro ; neque de Augustino Mas-  
cardo , quicum egit Peireskius de methodo histori-  
ca , occasione accepti ab illo exempli , quod propter  
singularem viri eruditionem , atque elegantiam gra-  
tissimum habuit. Egit verò tempore eodem cum il-  
lustri Marchione Vincentio Iustinianæo de præclaris  
statuis , quibus ille exornârat celeberrimam pergu-  
lam , quarumque partem æri incisam , & in nobilem  
codicem compactam , à Cardinali Barberino dona-  
tam accepit ; idque cum ad ipsum mitteret vicissim  
duo prima volumina scriptorum Franciæ historiæ à  
Duchefnio iam concinnata. Ad hæc , non pauca dis-  
seruit de Characteribus Planetarum , quos ex chara-  
cteribus Græcarum vocalium maiusculis deductos  
probabile censuit , exigua cum immutatione. Non  
pauca etiam de Ptolemæi Astronomi patria , & qui-  
busdam corporis , animi , vitæque ipsius circumstan-  
tiis ; occasione codicis Almagesti MS. non multum  
inferioris ea ipsa ætate , qua generosus , eruditusque  
Imperator Fridericus secundus Latinam interpreta-  
tionem ex Arabica fieri procuravit. In eo quippe  
Ptolemæus legitur Pheludienfis , pro Pelusienfi ; di-  
citurque illum non fuisse ex Regibus ; vixisse annos  
septuaginta octo ; staturæ fuisse mediocris ; subri-  
lium pedum ; barbæ spissæ ; & similia , quæ nescio  
vnde sciri potuerint. Subiiciuntur quoque dicta gra-

uia, seu morales eius sententiæ; & quod videtur notabile præsertim esse, additur, *Liber hic præcepto MAYMONIS Regis Arabum, qui regnavit in BALDACH, ab ALHAZEN, filio Iosephi, matre Arismetici, & SERGIO, filio Elbe Christiano in anno XII. & CC. sectæ Sarracenorum, translatus est.* Ad eò proinde, ut Almagestum ex Græco idiomate in Arabicum fuerit versum, anno Æræ Christi vulgaris septingentesimo quadragesimo quarto. Præter hæc, copiosè differuit de hominum longævitate, occasione illius Senis, qui superiore Nouembri occubuerat in Anglia, post exactos annos centum & quinquaginta duos; & postquam aliunde accepit Alepo, ex literis Petri, & Ioannis Constantinorum, hominem esse in Perside, Capuccinis, aliisque viris fide dignis cognitum, annos iam natum quadringentos: idque ipsis omninò esse exploratum, atque indubium. Itémque de Tritonibus; occasione hominis marini, quem cum accepisset visum pridem fuisse ad Bellam, sic vocant, Aremoricæ Insulam, rem disquiri, ac scribi ad se procuravit ab Henrico Gondio Duce Rade-fiano, & Insularum Governatore. Prætereo autem constituisse, quicquid ex illo apparuit, humanâ extitisse formâ, nisi quod pro crassitudine corporis brachia breviora, & manus grandiores, candidioresque ad palmam habuit. Capillos densos, candicantesque; promissos supra humeros; barbâque ad stomachum vsque. Oculos prægrandis, ac truces; cutim, quantum visu licuit assequi, asperam; & neque candidam, neque pullam. Ferebatur primùm delectatus fuisse,

accedente nauicula , aspectu virorum , sc̄eminarum-  
 que , & coloribus clarioribus vestium ; adeo vt etiam  
 se retibus concludi passus fuerit : at simul atque vis  
 fuit facta , vt educeretur , & priusquam constare po-  
 tuisset , quanam forma infra vmbilicum foret , tum  
 nullo negotio retia perrupisse , tum leui conatu sub-  
 uertisse nauiculam. Addebatur , illum deinceps pro-  
 cūl duntaxat apparuisse ; apricatum ad inaccesas ru-  
 peis , & parte sui inferiore intra aquam semper de-  
 merſa ; plausu interdum manibus facto , emissioque si-  
 bilo , quem risum interpretabantur. Atque id quidem ,  
 donec quispiā tormentario globo impetiit , à quo vsq̄ ;  
 ( seu terrefactus seu interfectus fuerit ) nusquam dein-  
 ceptus visus fuit : tamenſi visa fuisse dicatur , quæ credita  
 est sc̄emina ( scilicet ob barbæ defectum ) desinens in-  
 fernè in geminam caudam , cuiusmodi Salmonca est.  
 Rursus de animalium insitione , plantarum instar ;  
 occasione Prunuli in regione thoracis medij , siue ad  
 sternum frutescentis , ex quo Pastor Tarraconensis  
 in prunulum incidit , spinâque ad eam partem im-  
 plantata , sic per biennium radices egit , vt post re-  
 lectos furculos varios , aliqui tandem prodierint , in  
 quibus flores , & fructus visi. Non destitit porro in-  
 stare , donec Cardinalis Barberinus curauit fidem fieri  
 per illius loci Archiepiscopum ; & Eques Puteanus  
 non literas modò attestanteis , sed furculos etiam  
 accepit , & cum ipso communicauit. Hæsit verò de-  
 inceps minùs , cum accepit simile quidpiam conti-  
 gisse in Thulcia , circa Gallinæ cuiusdam collum ; &  
 Frontiniaci in Occitania , circa digitum Piscatoris ,

1636. in quem cum implantata fuisset spinula Scorpionis marini, res eò euasit, ut Chirurgus exinde eduxerit tres pisciculos generis Scorpionum. Quanquam hæc omnia qui viderit, fidem habere tutiorem potest. Attendens deinde Gallorum calcaria in cristarum locum insita ritè vegetari, & succrescere; nullus dubitauit, quin hædorum cornua cornibus agnorum possent inferi, & alia id genus similia non sine successu tentari; quorum proinde mandauit curam viris quibusdam industriis. Præterea etiam de Crocodilo, in quo singularia quædam obseruauit, non modò circa motum maxillæ superioris, sed etiam circa numerum dentium, quos Achilles Tatius dixerat esse plures tricentis, Ælianus non plures sexaginta: ipse verò in Crocodilo duodecim pedibus Parisiensibus longiore, quem ex Ægypto ad Thuanum transmiffum aliquantisper domi habuit, esse deprehendit, in superiore quidem maxilla triginta septem, ut puta sexdecim vtrimque, & quinque anteriùs; in inferiore verò quindecim ad vtrumque latus, antrorsum aures quatuor; si tamen probè memini. Hoc memini, dentes magnitudine valde inæquales, superioresque exsertos, neque inferioribus occurrenteis, carniuorum terrestrium instar; & alioquin pellucidos. Sed prolixum nimis omnia recensere: nisi quòd vnum præterea tacendum non est, cuius ipse quoque aliqua pars fuit. Exoprærat doctus, sagaxque Godefridus Vendelinus rum Condatensis Canonicus, & dum iuuentutem in Prouincia exigeret, Peireskio charus, maximam, siue Solstitialem Solis al-

itudinem obseruari Massiliæ. vt suam de Solis obliquitate Diatribam iteratò editurus, posset ipsam expendere ex nostra obseruatione, comparata cum ea, quam sub Alexandri magni tempora Pytheas Massiliensis peregit. Quandoquidem vero id factum superiore anno voluerat, & literæ tamen ipsius allatæ à Dormalio serò nimis fuerant acceptæ: idcirco Peireskius hoc anno maturè prouidit, vt fieret satis illius votis. Imprimis quippe veritus, ne ipso tempore Solstitij aut nubes occuparent Solem, aut quidpiam nobis contingeret (vt se habent res hominum) vnde obseruatio præpediri posset; voluit Massiliam per ipsas ferias Pentecostes contendere, vt obseruaretur tam Solis, quàm aliquarum stellarum meridiana altitudo, ac proinde Poli eleuatio, vnde saltem ex consequenti res expetita deduceretur. Deinde verò, cum sub Solstitium viderentur negotia quædam ipsum haud-dubiè detentura, perripit tamen, denudòque concessit, vt interesset, ac si quid foret obstaculi, amoliretur. Et sanè, cum requireretur ædificium altissimum, quòdque intus liberum foret, neque, exploratis tota vrbe templis, vllum commodum visum fuisset: ac solùm quæ ædes Collegij ad ortum Ecclesiæ recens exstruebantur, viderentur percommodæ, ob tectum quinquaginta duos regios pedes altum, & tabulatum vnicum media regione tum interreptum; factum est illius præsentia, vt perforato tecto, & contignatione tabulati præfracta, locus optimè cesserit. Et quorsum quidem, aut quomodo vsurpatus gnomon altitudinis ædium, quique.

1636.

potuerit in partium nonaginta millia discerni, non est heic enarrandi locus. Dicere sufficiat, reductione facta ad numeros eisdem, quos usurpauit Pytheas (qui in parteis plusquam sexcentas diuisum gnomonem non habuit) fuisse, ex nostra obseruatione, Gnomonem ad umbram, ea proportione, quam habent centum viginti ad quadraginta duo cum tribus quintis; qui fuit iuxta illum ea proportione, quam habent centum viginti ad quadraginta vnum, cum quatuor quintis. Voluit autem Peireskii, vt non modò obseruationem perscriberem, sed quæ etiam arguimenta permouerent me, vt probabile ducerem non fuisse proptereà Solis obliquitatem priscais illis temporibus, quàm tempestate nostra maiorem. Et quia obiter mentio facta fuerat illius Scaphidij, quo Eratosthenes, aliique, & verisimiliter etiam Pytheas, vsi; idcirco præproperè scripsit ad obtinendum vel scaphidium, vel modulum saltem illius, quod apud Cardinalem Barberinum accepit extare. Voluit rursùs, vt quoniam Strabo multa congescit aduersus Pytheam; ipse in gratiam Comprovincialis apologiam conscriberem, purgaremque virum, qui primus Thylen insulam demonstrauit, & quo non habet Occidens totus quem antiquiorem in doctis habeat. Denique voluit exponerem solutionem problematis, quod eò vsque frustra & Nautas, & Mathematicos torserat. Illud scilicet huiusmodi erat. Quis fiat, vt Nautæ, postquam superârunt Sardiniam, & Africæ oram, aut saltem vicinas salutârunt insulas, ac potissimum ex quo

præterierunt Meliten, debeant, vt in Cretam appellent, non rectæ viæ insistere, sed deflectere ad læuam, siue versus boream, vnâ quartâ, vt vocant, venti, siue trigessimâ secundâ totius circuitus, prout pyxide nautica, seu magnetica indicatur; ac duabus etiam quartis, seu dimidio venti, vt ex Creta vsque superata perueniant in Cyprum, & ex Cypro tandem Syriæ Alexandriam attingant? Quæ etiam fiat, vt redeundo, non possint in Cyprum, & Cretam deduci, nisi venti dimidio, neque in Meliten, nisi quartâ venti à recta via deflectentes: atque id quidem semper ad læuam, seu iam versus austrum, cum oporteret tamen ad dextram, seu versus boream deflectere? Cum peruidit porrò Peireskius, quæ responderentur omnia, coniectationes ineras esse; mira fuit exultatio, qua agnouit totam eam praxin ortum habuisse ex eo errore, quo Tabulæ omnes hydrographicæ conficiuntur, dum artifices supponunt eas Orientis parteis distare à nobis longè amplius, quàm reuera distent, vt ex superiore Eclipsi subnotauius: adeò proinde, vt intercapedine inter Meliten, & Cretam credita maiore, quàm sit; & maiore adhuc existente errore inter Cretam, & Cyprum, hanc, & Alexandriam; dubia illa omnia facile soluantur. Supponamus enim Meliten, sub quo meridiano, iacet; & fingamus Cretam quinque gradibus orientaliorem, quàm sit, sed sub eodem tamen parallelo; constat ventum, seu rectum iter ex Melite in locum confictum, relicturum Cretam ad læuam, seu boream: quare & Nautas, ne aberrant,

1636.

sequi debere ventum borealiorem ; qui germanus est quidem , sed creditur tamen alius ab eo , qui falsus cum sit , verus esse existimatur. Ex opposito supponamus Cretam , in quo meridiano est , & Meliten occidentaliorem quinque itidem gradibus , quam sit , seruato semper parallelo ; perspicuum est ventum , seu tramitem rectum ex Creta in confictum locum , relicturum Meliten ad læuam rursùs , seu ad austrum : quare & ne nauigando aberretur , sequendum ventum alium , qui verus quidem sit , sed pro quarta tamen à vero habeatur. Quod idem dicendum de distantia inter Cretam , & Cyprum , & porrò vsque Alexandriam ; sed ita tamen , vt geminato distantiae errore , dimidium iam venti vsurpandum sit. Re ergo constante , Peireskii conuocauit Nautas , confictoque diagrammate , ita problema exposuit , vt illi obstupuerint , & interrogati singulareis distantias , non inuiti concesserint ex bis mille , & septingentis milliaribus , quæ vulgò inter Massiliam , & Alexandriam numerantur , saltem quingenta detrahi posse. Vt ista porrò iam mittamus , prætermittendum tamen non est vnum , alterumve testimonium , quod insigni eius affectui erga eruditos , bonasque artes redditum fuit. Ac imprimis quidem Kircherus Romæ edens Prodrorum Coptum , scripsit inter eos , qui editionem sollicitârunt , Peireskium *non immeritò tenere locum principem ; vt qui armata deprecatione operis huiusmodi aggressionem extorsisset*. Deinde Mercianus ipsi nuncupans libros Harmonicorum quatuor , in hunc modum adfatus est , *Non debuit hoc*



opus μουσικῶν τῶν προδιδε in lucem, absque tui nominis honore. Licet enim Harmonia Gallica te propediem ampliore conuentura sit apparatu, si publicis negotiis tancisper sepecessis, illi benignam aurem accommodes; existimaui Synopsis hanc esse præmittendam, cunctosque mortales admonendos, nullum esse literatorum, qui tuam singularem beneuolentiam expertus, tuas, quibus continuo stiparis, virtutes non suspiciat, atque veneretur; neque hos solummodò libros, sed alios quoscumque tibi meritò nuncupandos existimet. Hæc igitur Musarum instrumenta, Herorum laudibus concinendis adaptata, sequentibusque libris comprehensa, manibus illis amplectere, quibus admiranda liberalitate nulli dees, &c. Ad Gallicam porrò Harmoniam quod spectat, dicauit eidem Tractatus de Consonantiis, & Dissonantiis; de Modorum generibus; de Musica compositione. Professus est verò ipsi debitos, quòd illos benefica manu è tenebris eruerit, solitus tantâ munificentia, totam cumulare Europam, ut eruditi probique omnes fateantur nullum esse mortalium cui literæ bonæ, carumque cultores amplius debeant. Enumerauit deinde varia, quæ pro cuiusque genio, siue ex musæo proferre, siue ex regionibus etiam remotissimis querere nunquam destitit; tanta præterea humanitate, ac beneficentia uniuersos excipiens, ut res ipsius tam rideantur literatorum omnium, quàm sunt aër, & aqua respirantium omnium, communes. Non hæsit proinde, quin omnes ad nuncupationem suam plausum facerent, tanquam testatione facta posteris, existisse auo hoc virum, quem in exemplum sibi proponant, quosquos diuina bonitatis, quæ incessanter benefacit, imitatione tenebuntur.

- 16; 6. Mentionem prætereo, qua Petrus Lafena Neapolitanus prosequutus est in Cleombroto, seu dissertatione Philosophica de iis, qui in aquis pereunt; cum prætereundus tamen non sit dolor, quo Peireskius affectus est, cum accepit præclarum virum, editione nondum perfecta, interisse per autumnum. Hieme iam ineunte, Arelatem profectus est, ut ad usque Prouinciæ sineis occurreret viro perillustri Iosepho Bernetio, qui in Senatu Burdigalensi Præfès, delectus fuerat Aquensis Princeps; post factam eius Magistratus à Lainæo abdicacionem. Nôrat illum videlicet, ex quo tempore in Magno Consilio personam Regij Cognitoris summa cum laude gesserat, adèd ut ipsius virtutem singulari veneratione, affectuque prosequeretur. Ea occasione vidit Salone eximium illud Præfulum decus Ioannem Iaubertum Barraltium, Arelatensium Archiepiscopum, cuius eruditionem, candorem, pietatem, prudentiam, satis commendare nunquam potuit; & quia per id tempus habuit literas à verè bono, erudito, celebri, Antonio Godello, quibus significabat se breui ad Grasseensem Episcopatum, cui destinatus fuerat, venturum, felicem dixit fore Prouinciam, quæ tot iam præclaris Ecclesiæ luminibus illustraretur. Successerat feralis annus, qui trigessimus septimus supra millesimum sexcentissimum fuit; cum iucundissimum habuit excipere, foueréque egregium virum Iacobum Ferrerium Aginnensem medicum, qui ex Lugdunensis Cardinalis comitatu, Romaque, & Lugduno rediens, expetita attulit multa. Cætera inter fait:

modulus Farnesiani Congij, cuius supra meminimus. 1637.  
 Fuit & copia fossilis ligni, quod ad Aquam-Spartam est nuper detectum. Non quòd Peireskius ex ipso ligno non habuisset iam frustula; sed quòd alloqui exoptaret ocularum illius loci, vade eruitur, inspectorem. Et didicit sanè, quod voluerat nosse, exstare duntaxat quædam veluti caudicum segmenta; nulla verò vestigia ramorum, nodorum, radicum, quasi id foret argumentum, ligna eius formæ nata concretæque; non verò ex vulgaribus obruta, & saxificata. Fuit denique Apographum Græcæ inscriptionis de laboribus Hercules, quam videre, obtineréque eò vsque non potuerat; marmore intra easdem ædeis Farnesianas delitescente. Pergratum quoque tum habuit concessum sibi ab Arnaldo Forcalqueriensi Proprætore marmor, quod Reis Apollinatibus (Regium nunc appellant) fuerat erutum; & in quo exstat inscriptio continens votum persolutum Deo Æsculapio; Signum scilicet somni æreum, Torquem aureum, cum Dracunculis duobus, pondo scrupuli vnus; Enchiridium argenteum, pondo vnciarum quinque, & semis (sic enim notas restituit, quæ non benè apud Gruterum) denique Anaboliolum. Cùm id porro fuisset illatum in ædeis, tacere non potuit se illi habendo quadraginta inhiasse annis. Nempe inscriptionis illius apographum habuerat, etiam antequam in Italiam proficisceretur. Et sanè Pignorius, vbi in symbolicis Epistolis loquutus fuit de Dracunculis semet respicientibus, caudisque connexis, subiunxit. *Et banc speciem*

1637. exprimit antiquum marmor, cuius mihi olim copiam fecit vir nobilissimus, idemque in literatos omnes propensissimus Nicolaus Fabricius Peireskii, Regius in Aquisgranensi Curia Senator. Quoniam verò meminerat vidisse se olim inter Lælij Paschalini cimelia, Torquem aureum ex duobus Dracunculis, qualis heic describitur; eamobrem scripsit illicò ad Franciscum Cardinalem Boncompagnum, in cuius nobileis, & curiosas manus cimeliarchium illud peruenit, ut Torquis eiuscemodi cætypum fieri pateretur. Id autem expetiit, in gratiam memorati antè Tomasini, qui de Donariis antiquis scribens, poterat suum opus illius mentione, descriptioneque illustrare. Medio Februario, extremus Chamæleonum octo, quos ab ætate vsque enutrierat, foueratque, interiit. Siquidem cum annis superioribus singulareis, binòsve solùm obtinisset ex Africa, iique primis frigoribus obtorpuissent, occidissentque; idcirco magnam demùm copiam impetrare voluerat, ut summo aliunde adhibito studio experiretur, num aliqui superare hiemem possent. Quia enim deprehenderat fœminas abundare ouis: idèò auebat formationem, eruptionemque ex illis; explorando cognoscere, ratus eam fieri tempore verno. Heinc caueam, qua postremi illi concludebantur, pannis operuit, in tepidario collocavit, ad Solem interdum exposuit: verùm, seu quia frigore primo, leuiore licèt, læsi fuerant; seu quia deinceps locus fuit obstructus, & calidus nimis; seu quia à mense vsque Nouembri, nihil cibi ab illis degustatum est; attingere ver nullus potuit. Curâ-

rat illos variè depingi , ac suspensos potissimum pedibus , & extrema cauda , quales ferè manent , ac dormiunt , & vermiculos , muscáve venantur. Scilicet falsum comprobavit viuere illos ex aère , vt vulgaris fabula est ; multaque expertus , deprehendit tandem nulla re æquè delectari , ac vermiculis , qui ex farinaceis matrís colliguntur. Solent autem lingua , vt promuscide vti , quam , pedalis propè longitudinis , iaculi instar euibrant , & tanta quidem celeritate , vt penè visus aciem effugiat. Id præstatur verò beneficio officuli , quod bifurcatione quadam implantatur vtriusque ad extremas fauceis , & cæterà teres secundum oris longitudinem , deseruit implicandæ , explicandæque linguæ ; cauæ scilicet , intestini instar ; nisi quòd in summo caruncula est , non nihil viscida , vt prædam corripiat. Falsum quoque expertus est , chamæleones induere rerum obiectarum colores : seu virides enim , seu cinerei sint ; atrorem solùm quemdam subeunt , qua parte ad Solem , aut ad ignem obuertuntur ; præterea verò nihil immutantur. Id rarum , ac mirabile ; non moueri oculos chamæleonis coniugatos ; sed vno aliquorsùm spectante , reliquum vel stare immotum , vel in aliam partem deflecti. Deflectuntur autem quoquoersùm , propter quatuor trochleolas , nulla ostentata distinctione iridis ; sed solâ pupillulâ , ad quam cornea vndique ( cum sit , vt corpus reliquum , radiata , variegatâ , granulata ) terminatur. Sunt porrò etiam chamæleoni dentes eleganter dispositi ; non vt aërem sanè deterant , sed vt correptum cibum

mandant. Vnicum exinde intestinum est, non circumvolutionibus, sed curvaturis solum productum. Excrementum intus satis liquidum, nisi qua parte ad anum accedit. Hepar bifidum, & ex gibba quidem parte sanguinem in cor auriculatum infundens; at non superflite ascendente, descendenteve caudice venæ: quippe aliunde non porta modo nuncupata, in intestinum; sed venæ quoque aliæ, ad cæteras partes directè procedunt. Pulmo inflatus abiit in membranam tenuissimam, toti animali ambitu æqualem. In imò ventre nullum peritonæum, sed membrana solum partis dextras à sinistris dirimens. Non item lien, non vesica, non renes, sed carunculæ solum obseruatæ sunt, quæ genitalia fortè fuerunt. In fœmina vna, fuere ova intra membranulam supra centum, quorum nonnulla existere magnitudine nuclei oliuæ, in quibus visum luteum solum, nihil verò albuminis: cum tamen parua viderentur quandam lactis speciem referre. Quid heic referam continentem illam sollicitudinem, qua procurauit, vt Valefius Orationes Libanij cum accessione editurus, recuperaret ineditas? Exscribi iam antè curâret quæ in Bibliotheca Augustana exstant: hoc tempore verò cum haberet Romæ paratum Dormaliuum, qui ad exscriptionem exstantium in Vaticana se accingeret; dedit operam, vt auctoritate Cardinalis Barberini id exsequeretur. Hortatus verò simul est Buccardum, vt aggredederetur interpretationem Epigrammatum Anthologiæ, quorum hæctenus nulla exstat: Scripsisse enim se ad Salmasium, vt quod habebat illo-

rum exemplum ad ipsum transmitteret. Ad Salmafium ipsum cum missurus esset M. S. Vegetij quadringentorum annorum, conferti prius voluit cum alio paris ferè antiquitatis, idque manu erudita laudati prius Fabroti, qui discrimina benè multa tam inter vtrumque, quàm cum factis hæcenus editionibus margini apposuit. Quid dicam rursus, quàm ardentè sollicitauerit Kircherum, vt discessurus in Siciliam, ac exinde in Meliten cum Darmstadiensis Land-grauiò, adniteretur obtinere Polareis altitudines; obseruaret curiosiùs quæ circa Æthnam sunt euulgata: ac reportaret indices præcipuarum Bibliothecarum, & præ cæteris codicum Abbatis Cætani MSS. Quid demùm, quàm sollicitè expectauerit ex Oriente libros hexaplos, octaplòsque? Fuit in illis Psalterium, sex columnarum ordinibus, totidémque linguis, idiomatibùsve distinctum, quod piraticam expertum iniuriam, nullo non pretio fuit redempturus; etsi non emptum pluris, quàm libris Turonicis viginti quatuor. Heinc nullum lapidem non mouit, donec piratas appulisse Tripolin Africæ accipiens, ad Bassam, seu Gubernatorem illius ciuitatis scripsit, amicis interpositis, illéque spem fecit transmittendi librum. Contigit porrò, vt nonnulli, perspecto eius desiderio, speratàque magna mercede, aduexerint librum optimè curatum, quem prædicabant fuisse sibi in ea vrbe concreditum. Quæ prima fronte fuerit eius lætitia, dici non potest: at cum inuolucris sepositis, agnouit esse nihil aliud, quàm Arabicum Thomæ Erpenij dictionarium; dici

1637.

quoque non potest, quanta fuerit consternatione percussus; nescius an infortunium, an imposturam magis culparet. Attenda heic forent quæ ex Africa aliunde obtinuit; vt numismata, inscriptiones, & narrationes varias rerum Australium, Borealium, Orientalium, partim recenteis, partim antiquas, ac huiusmodi cætera: sed satiùs videtur coronidis vice, memorare solùm Commentarium pereruditum, quod Iacobus Gothofredus antè memoratus de Imperio maris, ac iure colligendi naufragij, ex lure Romano conscripsit, inscripsitque ipsi Peireskio. Siquidem inter cætera, dum illum affatur, *Te*, inquit, *huiusce facti mei conscium, & superstitem appellare nunc visum; cui secretiores quæque, meliorésque literæ curæ, cordique aded sunt, vt nullis inter hæc impendiis parcere soleas, siue in iis, quæ eò faciunt, per vtrumque orbem conquirendis, siue in protrudendis, qui suam iis instaurandis operam, vel industriam locare valent, quorum multi iam per te, & famam habent, & merentur. Quo facto, quid aut illustrius afferri possit, quandò gloriam Principibus fermè dicatam in nomen tuum tam feliciter deriuas; vel ad æternitatem maius, cui tam multos ipse commendas, quæ rediuiuis veterum monumentis, quæ excitatis melioribus huius aui ingeniis? Fatear ipse oportet, nunquam ad hæc studia animum meum magis incallescere, quam cum eò me prouocare soles: aded non suadent, sed trahunt me ἄλλωτινὰ illa literarum tuarum, quibus publicis immersum negotiis excitatum venis. Et paullò post, Ob singularem insuper illum, & eximium candorem tuum, quem pro exemplari candoris ipsius habeo, quémque omnes,*

*qui*



qui ad scribendum animum appellunt, tueri, atque adeò 1637.  
 ab omni acerbitate procùl esse iubet. Et rursùs, vt non  
 possit non hic libellus tibi congruere, qui & dignitati,  
 & studiorum proposito, moribus denique tuis tam apprimè  
 conuenit. Placiturum sane ea quoque re puto, quod in ar-  
 gumento versatur Βιωφελς, auctoremque habet, qui te  
 amico optimo, & fidelissimo non tantùm vitur, sed &  
 passim gloriatur. Inibat iam ver, cùm excepit Cardi-  
 nalem Bichium, vnáque Suaresium veterem amicum  
 Episcopatu Vasionensi iam antè donatum, qui cum  
 Cardinali Romam discedebat. Recreatus eodem tem-  
 pore est accessu Francisci Bocharti Campinij libel-  
 lorum supplicum in Regia Magistri, ac Intendentis  
 iustitiæ titulo in Prouinciam missi. Singulari quippe  
 affectu illum amauit, & coluit, tum ob indolem mi-  
 ræ bonitatis, virtutémque eximiam; tum ob me-  
 moriam optimi Patris, quem & Præfectum ærario,  
 & Consistorianorum primum, & Principem summi  
 Senatus in se propensum habuerat. Vnde & Cam-  
 pinius ipsum tanti fecit, ac vicissim coluit, vt alte-  
 ro mense nato sibi filio sponsorem iustitiam, no-  
 minisq;e proprii nuncupatorem delegerit. Sequuta  
 est celebris illa Leronsensium insularum vindicatio,  
 de qua fuit mirè sollicitus, cuiusque historiam ac-  
 curatè descripsit. Nullis non intereà officiis prosc-  
 quutus est tam Præsidentem primum, quàm eius vxor-  
 em, qui graui morbo per Aprilim, ac Maium men-  
 seis laborarunt. Ac vidit quidem conualescenteis,  
 vidit insulas expugnatas; sed sua illum interim, eaque

330 DE VITA PEIRESKII LIB. QUINTVS.  
1637. duriora fata manserunt. Quippe sequente statim Iu-  
nio in lethalem incidit morbum ; de quo, & mor-  
te consequuta priusquam aliquid dicamus, operæ-  
pretium esse videtur paullo specialius describere, &  
corporis habitum, & animi mores, & ingenij stu-  
dia. Tametsi enim ex vitæ serie, cui immorati ha-  
ctenus sumus, res videatur intelligi ; innumera ta-  
men supersunt, quæ luculentioram vitam faciant,  
quæque eruditis plerisque expetita cum fuerint, non  
ingrata sint existitura.





DE VITA  
PEIRESKII  
LIBER SEXTVS.



**T**AQVE, vt inde incipiam, statura illi iusta fuit, seu inter proceram, & humilem congrua. Habitus gracilis, venæque proinde in temporibus, manibúsque conspicuæ. Constitutio vt morbis obnoxia, ita non admodùm robusta; vnde postremis ætatis annis innitendum baculo fuit. Factum ex eadem caussa est, vt faciliè ipsi membra luxarentur; humerus præsertim sinister, quem ter loco emotum habuit. Ampla frons, & quæ faciliè inter admirandum, contendendúmque animum, rugis quasi exararetur; nec transversùm modò, sed fursùm quoque, ea regione, quæ inter supercilia est. Oculi cæsi, ac faciliè suffusione laborantes, disruptâ nempe venulâ, quoties cum conatu narcis expurgaret. Desigebat verò illos seu in terram, dum attentè quidpiam narraret, seu in auditores, cùm perciperet, quæ recitarentur, placere. Nasus leui adun-

citate à rectitudine defleſcens: genæ rubore temperata: capillitium flauum; itémque barba, quam ſolitus eſt prolixam geſtare. Tota facie eximiam quandam præ ſe comitatem, & affabilitatem tulit: quam nullus pictor ita fœlix fuit, vt talem exhibuerit, qualis re-verà exſtitit. Ad corporis cultum quod ſpectat, munditiem quidem rerum omnium, quas contingeret, vel comederétve, expetiit; ſed nihil vel ſuperfluum, vel pretioſum requiſiuit. Certè tamenſi id cauerit, vt quas publicè præferebat veſteis nihil dignitati haberent incongruum; ſericas tamen nunquam geſtauit. Eodem modo reliquam donum pro conditione exornatam, apprimèque inſtructam voluit: at de proprio cubiculo ſollicitus vix quicquam fuit. Tapetum loco fuère icones præcipuorum amicorum, virorumque illuſtrium; ac innumeri præterea commentariorum, apographorum, excerptorum, epiſtolarum, cæterarumque id genus chartarum fasciculi. Lectus ſimpliciſſimus, & tabula chartis, libellis, literis, aliſſque rebus ſemper onuſta, occupatàque; vt & omnia circum ſedilia, & maxima parte etiam tabulatum. Ita ad menſam quod attinet, operam dare ſolitus erat, vt ſplendida reliquis foret; at ſibi ipſi pertenuem, vt perſalubrem, ſemper præſcripſit. Cœnitabat autem ſolus intra proprium cubiculum ( niſi quòd plerumque me comitem tulit ) ne vniuerſam familiam expectatione conficeret; & quia nonnunquam cum amicis prandens, aliquid genio menſæ communis, & conſuetudini indulgebat; idèò deinceps, vt ſtomacho laboranti

consuleret, à cœna prorsùs abstinebat. Vsuì erat commune vinum, cùm probaret tamen potissimùm album, idque cùm foret acidulum; sic meliùs sedari fitim opinatus. Diluebat autem plurimâ aquâ, nisi quòd tempore peponum, quibus ad initium pastus vtebatur, id seruabat moris, quod à medico præscriptum fuisse iam diximus. Hoc porrò edulij genus deperibat tantopere, vt sibi nullo negotio quibusuis aliis interdicens, se tamen, quod ipsum spectaret, profiteretur incontinentem. Suauissimum nempe effecerat vsus, ac memoria recuperatæ per ipsum valetudinis, crebrâque experientia, qua se peponum temporibus, nec laborare nephritide, nec arenulas gignere, emitteréve obseruârat. Ob eandem causam solebat vinum temperare aqua thermali, quam aliunde duxit saluberrimam, ex quo pridem, ædiculam prope Balneola ingressus, longæuos in ea obseruauit tam viros, quàm fœminas; & causâ quæsitâ, accepit vt illos thermali puteo, non ad potum modò, sed etiam ad pulstem, iusculúmque omne, ad subigendum farinam, pinsendúmve panem, & alia. Cùm foret porrò admodum sobrius, neque in ciborum delectu morosus; eâ quoque fuit continentîâ, quam, prædulce malum, luxuries tota vita nunquam fefellit. Et in promptu quidem causa esse potuit, quòd desidiosus non fuerit: attamen nisi sobrietas mali fomenta subduxerit, ipsamet sese excitant, &, vel minima animi relaxatione, inardescunt. Quod insinuauì obiter illum tardè cœnare solitum, id de prouectiore duntaxat ætate est intelligendum. Prio-

ribus siquidem annis maturius, & pro occasione conuiualium ita cœnabat, vt non multò post sese aut lectioni, aut scriptioni dederet, & in seram noctem, ac persæpè etiam in auroram vsque protraheret studia; ex quo somnus illi præparcus, ac matutinus solùm erat. Cùm procedente verò tempore, nocere id sibi animaduertisset; cœpit nullum cœnæ, ac somno interuicere studium; at visus subinde est sibi ad matutina studia obtusior; & cùm aliunde negotia totos penè dies continenter absorberent, sensit nihil sibi temporis, quod impenderetur studiis, superesse. Itaque id cepit consilium, vt à quarta, quinta, aut saltem sexta post meridiem hora, qua vulgus de cœna solet cogitare, conclusus cubiculo, à nemine inuiseretur; neque nisi quid maximè interesset, obturbaretur; sicque ad horam vsque nonam, quam cœnæ destinauerat, sibi, Musis que totus vacaret. Quin etiam, statis illis diebus, quibus cursores Parisios, aut Romam discessuri erant, cœnam differre solitus erat in decimam, vndecimam, ac persæpè etiam vltra mediam noctem; vt posset literas & plureis, & vberiores conscribere; qua occasione sæpiùs cursores aut domi continuit, aut iam digressos, vt literas expectarent, consistere, prece, ac pretio procurauit. Penè verò statim à cœna ita ad somnum se comparabat, vt apparatus faceret excitabulum tempestiuum. Non sanè quòd pigeret illum quietis necessariæ; sed quòd vltra horas quaternas dormienti, tanta in vesicam vrinæ copia conflueret, vt occluso præ nimia tensione orificio; emit-

tere illam deinceps non posset. Illa proinde occasione interrumpendus somnus erat; & crebrius quidem, si flaret corus, minimave aura frigidiuscula; tum quippe grauius, frequentiùsque vrina detenta ipsum diuexabat. Erat & alia occasio expurgiscendi sapius, sudor; quippe seu integumentorum, seu tempestatis calore ad natiuam imbecillitatem superaddito, semel, iterùmve, aut etiam aliquando tertium, in singulas nocteis commutandum indusium erat. Manè exsurgens, id obseruabat, vt caput seu galero, seu alia re superadicta oneraret, donec illi sudor, calorve ex somno, quietéque conceptus, temperationem admitteret; alioquin enim aër frigidior laxatos poros subiens, obstruensque, solitus erat rheumatismos, doloresque dentium creare. Eandem ob causam legens, scribensque, à fenestris procùl sedebat; aliàs siquidem nescio quid frigidulum penetrans, caputque, & faciem, aut genam obuersam, ita paulatim afficiebat, vt excitatis fluxionibus dentes quoque malè haberent. Effectum hinc etiam, vt quantum interdiù per officia licuit, à vento, ac Sole abstineret; & cum propterea excusationem aliquando prætexeret, causatus est, quòd cæterorum robustiora corpora similia essent laminis minimè obnoxiiis aëris iniuriis; suum verò corpusculum per simile esset folio papyraceo, cui penetrando vel minima aquæ guttula foret satis. Nunquam proinde deambulatum (quæ ipsi vna corporis exercitatio erat) pergebat, nisi tranquillo aëre, & cælo obducto, aut saltem Sole debili, & in occasum iam propendente.

Aderat etiam famulus, qui ponè gestaret umbellam, ut feruorem Solis, si quis superesset, vel auram quoque auerteret. Quia verò id poterat ipsi, atque comitatui esse importunum; idè deligere solebat conualleis, locaque umbrosa, per quæ liber incederet, oculos aliunde, atque aureis pascens. Nempe ad confabulationem, qua gratius nihil habuit, adhibere solitus erat viros eruditos, ac lenes; ut memoratum aliquoties Galterium, Antonium Arbaudum Bargemonium Aquensis Ecclesiæ Præpositum, & simileis alios; ac sese interea humanissimè recreari sentiebat plantarum virore, & florum pulchritudine; aquarum item murmure, & cantibus auicularum. Hinc videri mirum non debet, si hortum illum Belgenferianum tanta plantarum varietate exornatum voluerit; si præter insignem canalem, insignem etiam aquæ iactum singulari exsultatione erumpere curauerit; si auiculis hieme ad arbores citreas in xystos formatas conuolantibus, disseminari grana curârit, & ne quispiam interea aucuparetur, vetuerit. Præhæbebat portò vocibus humanis, instrumentisq; harmonicis musicam illam auium; non quòd aliâ quoque non delectaretur: sed quòd ex musica humana, relinqueretur in animo continens quædam, attentionemque, & somnum conturbans agitatio, dum ascensus, excensus, tenores, ac mutationes illæ sonorum, & consonantiarum euntque, redeuntque per phantasiam; cum nihil tale relinqui possit ex inodulationibus auium, quæ, quòd non sint perinde à nobis imitabiles, non possunt



sunt perinde internam facultatem commouere. Voluit eamobrem continuò educari luscinijs, simileis-que auiculas, quas etiam in proprio cubiculo habuit, quarumque ita curam gessit, vt si quid egerent, aut vellent, ex varijs signis agnosceret, & vt fieret satis, statim prouideret: illæ verò, quasi agnitione quadam, benefactori accinrent, & cum eo absente plerumque silerent, vbi tamen aduentus signum vel voce, vel baculo daret, in cantum statim prorumperent. Quoniam autem incidit mentio affectus erga animalia, nihil oberit adnotare adolescentem, ac iuuenem deperiisse canum genus. Quorundam antè meminimus: amauit verò potissimum quos singulari aliquo instinctu præditos agnouit. In iis fuit vnus, de quo sæpiùs id memorabile narrauit, quòd cum fuisset à nescio quo vehemente ictu percussus, ipsum non modò iam in ædeis ingressum subodoraretur; sed ad quinquaginta etiam passus venientem persentisceret; allatransque ex improviso, mox aduenturum subindicaret. Cæterum occasione murium, qui libros, chartasque in cubiculo arrodabant, adamauit deinceps feles, quos exosos habuerat; effectumque paullatim est, vt paucis primùm educatis necessitatis gratiâ; etiam ob solam delectationem numerosos habuerit. Ex Oriente quippe obtinuit cinereos, rufos, variegatosque, elegantia spectabili; quos propagatos etiam Parisios, & aliò ad amicos misit. Cum nihil autem non obseruaret, adnotauit felis vtero gestare hebdomadas præcisè nouem; vltra annum decimum quartum parere; obstetricatione interdum

vri; etiam cùm non conceperint lactare; & id ge-  
 nus similia. Sed ad sui curam vt redeam, fuit ea quo-  
 que temporibus morborum simplicissima; ipseque  
 ferè experiundo didicit sui medicum esse. Nam pri-  
 mùm quod spectat ad febrim, curare illam solitus  
 fuit inediâ sibi præstitutâ; ratiocinatus febris mate-  
 riam aut non substituto fomite, citò absumi; aut  
 non factò impedimento, citò subsidere. Deinde, cùm  
 rheuma, tussisve vrgeret, nihil aliud, quàm vsurpa-  
 bat buccellam crustæ ex pane sicco; cuius semper  
 frustula quædam, cum tragemate odorato, theculâ  
 argenteâ conclusa gestabat. Sic enim ex ea detrita,  
 saliuâque simul sensim instillata, opinabatur arte-  
 riam incrustatione quadam obduci; adeò vt humor  
 superfluens illam non exulceraret, neque prouoca-  
 ret ad tussim. Hæmorrhoidibus leniendis alia nulla  
 re utebatur, quàm oui luteo, cui interdum aliquid  
 butyri, aut laridi fuisset commistum. Agnouit etiam  
 balnearem aquam in potum assumptam iis mirè  
 prodesse; & vel calorem suppositum, vel minimum  
 somnum eas remittere. Circa vrinæ retentionem, di-  
 ctum est de vsu aquarum; solebat verò, vt eam cieret,  
 linteum, eiúsve angulum dentibus premendo, quasi  
 mandere; idque in ipso conatu, quo proinde sæpè  
 vrinam emisit. Nisi id verò sufficeret, vt in maxima  
 vesicæ tensione, tum inter parietem, posticâmq; lecti  
 partem interuallo arctissimo sese comprimendum si-  
 stebat; nam post multos saltem conatus, id experie-  
 batur non inutile. Et non ad omnem quidem reten-  
 tionem consequebatur arenularum, calculorúmve

deiectio : frequentiùs tamen prorumpabant , cùm dolores renum , vterúmque præcesserant. Vrinam autem excipere cucurbitulá , quam ventosam vocant , solebat ; vt in eius fundo statim appareret , si parturiisset aliquid : videlicet labores illos , eruptionesque calculorum , parturitiones suas dicebat. Denique nisi podagrâ , parentum instar , laborauit , caussam ipse censuit victus regimen , quod etiam quoties pater seruauit , toties consultum optimè fuit. Non est verò heic prætereundum , imbecillam complexionem nihil obstiisse , quò minùs se in morbis illis , vehementibusque doloribus patientissimè gesserit. Nam frequentia quidem , & diurnitas quendam quasi callum induxisse videbatur ; sed patiendi tamen consuetudinem eo perfecerat ratiocinio , quòd quicquid pati necessum foret , ferendum esset leniter. Communis certè eius vox erat , se non tam angì propter mala , quibus erat obnoxius ; quàm lætari , quòd ea grauiora , vt esse poterant , non forent. Non dissimilis porrò animus erga fortunam aduersam fuit. Nam iacturâ aliquâ factâ , ac rei caræ potissimùm , non potuit quidem non commoueri : verùm molestiam temperare ea ratione solitus fuit , quòd non tam spectaret rem deperditam , quàm cum voluptate possessam. Sic solamen etiam quærebat ex rebus superstitis : censebat enim non tam dolendum , ob id , quod iniquus casus abstulisset ; quàm exultandum propter id , quod bona fortuna seruasset. Heinc non infrequentè dicebat , cuius incerta bona paranti constitutum esse debere , se illa non sibi

magis parare, quàm furibus. Contingebat etiam interdum, vt quæ proposuerat, pro votis non succederent, conatusque, & sumptus omnes efficerentur irriti; at solatio erat, quòd nihil tentasset non laudabile, neque officio, impensave iterandæ impar foret. Eam ob causam non desisteat idem tentare sapiusculè; tanquam non desperans, quin prosperum quidpiam tandem affulgeret; ac aliunde existimans plureis labores irritos vno successu redimi; neque debere piscatorem idcirco retia abrumpere, quòd iactum interdum sine fructu faciat. Et sic quidem ille patientiam, constantiamque tuebatur; cum foret nihilominus suapte natura subiracundus. Dicebat verò nihil sibi vnquam animi regendi persuasionem æquè fecisse, ac spectaculum casu quodam exhibitum in microscopio. Quippe cum in eo concludisset pediculum, ac pulicem, obseruauit pediculum lucatâ institutâ sic commotum fuisse, vt sanguis à capite in caudam, ita, redituque continenti distraheretur. Heinc nempe est argumentatus, quanta fieri per iram debeat humorum, spirituum, facultatum omnium perturbatio; quantam declinet perniciem, qui illi non fecerit locum. Duo autem quædam capita erant, ob quæ præsertim commoueretur. Vnum, ac præcipuum, iniuria ex ingratitude profecta. Iniuriam dico; nam ex obliuione sola beneficij, ne indignationem quidem vllam testabatur; qui ipse potius videbatur, id oblitus fuisse, quod contulerat. Verum, cum quis sibi eam notam animi ingrati inureret; vt præterea nocumento, vel impedimento.

sibi, suisve, circa negotia, aut destinationes foret; tunc incalescebat, excandescebatque, & probra etiam effundebat; meminique, dum statim sese ad sedationem componeret, conquestum, quod ea occasione philosophiâ defectus fuisset. Alterum, negligentia, prauaque mandatorum exsequutio per famulos. Facile enim irascebatur, nisi quilibet primùm audiens, exaudiret, accurreretque; ac nisi iussa faceret tempore, modoque præscriptis. Quippe cum de industria alicuius diffideret, aut de inuersione, interpolationeue, ex præsumpto ingenio, propemodùm securus esset; tum disertè, articulatim, & ex ordine præcipiebat quemadmodum vellet quidpiam peragi; ac nisi deinceps, vt res fuerat inculcata, perfecta fuisset, vix se poterat continere, quin in querimonias, & conuiticia prorumperet. Vnde sæpius ad me conuersus, solitus fuit dicere, oportebat ergo te esse infirmitatis meæ testem? Continebat nimirùm sese, neque, nisi coram familiaribus, hæc animo habenas laxabat. Ac ista quidem ferè fuit vna animi eius impotentia: quanquam in sese statim rediens, tranquillitatem repetebat; &, quod spectat ad famulos, sæpè querulus solùm fuit, vt excitaret socordiam, ac imposterùm redderet cautiore. Quin etiam ita affectus fuit in eos, quos ducebat ingratos, & iniurios, vt nunquam maluerit vlcisci, quàm obliuisci iniuriam; nemóque agnouerit culpam, quem non complexus fuerit, beneficiisque nouis cumulârit. Nunc, cum in locum de beneficiis inciderimus, equis ignorat quantum fuerit ad benefaciendum pro-

pensus? Nemo certè vnquam alacriùs, liberaliùs, frequentiùs donauit; & cùm proposuisset sibi Deum, ac naturam, omnia dono, nihil mutuò dantem, imitari; dici omninò de illo potest, quòd vota præcurrerit, quòd spem superauerit, quòd præstare illi fuerit, quàm aliis optare velocius. Millies enim non modò opem, opésque vltro obtulit; sed non cogitantibus etiam contulit reipsa. Et vide simul industriam. Cùm ad Holstenium mitteret, quos diximus suprà, Aristoteleos, Platonicósque Interpretes, ducentis aureis nummis coëmptos; scripsit quidem epistolam, qua videretur nihil aliud, quàm volumina commodasse; verùm post-scripto epistolio significauit se donasse, donatósque omninò velle; priorem autem epistolam eo duntaxat sine perscriptam, vt obtendere illam posset, si qui fortè molesti essent in deposcendis codicibus, quasi illos mutuò solùm possideret. Quàm putas verò sæpè egit, quod de Arcesila memorant, supponens putà cervicali dormientis, aut aliàs non aduertentis amici, pecuniam, qua egere eum comperisset, & recusaturum tamen? Sanè cùm sæpè id non posset, & pudorem alienum non ferret; familiaris manu est vsus, vt eum, qui erat accepturus, confidentiorem faceret. Testari id profectò licet: nam etiam per supremos dies, dari per me voluit viro cuiuspiam ingenuo, cuius & indigentiam nôrat, & pudorem manifestandi. Neque putes id eum egisse, vt largitionis testem haberet; nam aliunde eum nôrat minùs in accipiendo difficileis; longè aberat, vt quæreret tertium, cuius pudore afficerentur.

Ipsemet enim exhibebat, neque semouebat modò omneis arbitros; sed ne familiarissimis quidem perspectum deinceps faciebat. Heinc si mihi innotuit (vt exempli gratiâ hoc dicam) largitio illa pecuniaria, qua in Campanellam est vsus; ex Campanella ipso noui, qui & priuatim recitauit, & declarauit publicè; non verò ex ipso Peireskio, tametsi tum ambo apud ipsum diuersaremur. Quamobrem si in alium quoque contulit centum aureos, ducentos in alium, in alium trecentos; id sanè rescire aliunde, quàm ex ipsomet concessum fuit. Scilicet non fuit ex odioso illo genere hominum, officia exprobrantium, quæ cum meminisse debeat is, in quem collata sunt, non commemorare, qui contulit; nemo esse potuit huius regulæ, quàm ille fuit, obseruantior. Siquidem tantum abfuit, vt deprædicaret quæ præstiterat; quin potiùs semper factam ab aliis mentionem auersatus est, nec sine quodam rubore passus; solitus aliunde ita extenuare quod concesserat, vt penè negaret quicquam concessisse. Non ita verò sese habebat, quidpiam nactus ab aliquo. Quippe celebrare nunquam destitit, ac tametsi parui momenti res foret, aut magno etiam pretio redempta, professus est semper se esse omninò deuinctum; solitus præterea officiis, obsequiisque omnibus gratitudinem facere apertam. Nam si quis numisma, sigillum, membranam, marmor, vasculum, aut quidpiam aliud seu antiquum, seu peregrinum, seu alioquin rarum dedisset; tum præter animum effulum, dispiciebat statim qua ille re delectaretur, & qua ve-

rosimiliter careret; seu nempe libris, seu picturis, seu plantis, seu aliis rebus, quibus (cùm non auderet pecuniâ) rem cum sænore compensaret. Constat id speciatim de pluribus libris, etiam carissimè coëmptis; sed in exemplum hoc satis esto, quòd cùm bonam hominum partem delectari nosset Gallico Mercurio, Historia Romana Coëffetei, Octauio Strada de vitis Imperatorum cum iconibus, aliisque id genus; illorum semper copiam habere comparatam voluerit, vt ingerente se occasione, ad manum esset, quod donaret. Ex quo effectum est, vt pluris eiusmodi libros octies, decies, & pluries non magno interuallo habuerit, & donauerit, ac sæpè etiam cùm spes non foret iteratò recuperandi; cuiusmodi fuère Eusebius Scaligeranus, Ephemerides Origani, & alij sexcenti. Tenere nempe se nunquam potuit, quin testatum faceret se conferendis potiùs, quàm accipiendis beneficiis natum; & cùm maiorem voluptatem, quàm ex dono probè collocato non perciperet, perditum diem illum habere, in quo se quavis occasione munificum non exhibuisset. Heinc viri cordati, & Cræsi diuitias, & Arabum gazas illi exoptabant; vt suum illum liberalem, ingentè inque animum testatiorem facere posset. Siquidem stupore dignum iudicabant, vnde nam illi ad tot sumptus, satis abundè suppeteret; qui aliunde & spreteas opes, & intacta lucro pectora perspecta habebant. Et fuère quidem qui improbârint, quòd videretur non satis æquam familiaris rei habere rationem. Visus est enim sumptus superare censum; &

iudicium



iudicium vel ex eo factum, quod mitteret Romam quotannis tria millia librarum Turonicarum expendenda. Verum ipse ante salutem ponendos rumores non censuit; magnamque semper questum duxit, opes honestè profundere, quæsito nempe bonis seu viris, seu artibus emolumento. Dicit quoque potest, quod Poëta ait, Quæsiuit nomen, quærat avarus opes; nam profectò seu suæ familiæ reditus imminuerit, seu non amplificauerit; at quæsiuit tamen tantam gloriam, quantam immensis opibus, cæteræ tam multæ nunquam consequentur. Hoc est verò, quod viri illi cogitare debuerant; non quæri nempe solum diuitias, ut fames, ut sitis, ut frigus arceatur; quippe ad hos, aliosque vsus naturales pauca sufficiunt; sed maximè, ut cum splendore æuum transigatur, relinquaturque monumenta propagandæ famæ post interitum. Is est enim tacitus finis, ad quem, dissimulanter licet, mortales omnes collineant; & quem tamen non assequuntur, qui alioquin ditissimam efficere familiam student. Taceo eam fuisse Peireskio mentem, ut pro familia duceret Mundum; ac parentum, fratrum, aut filiorum loco, quibuscum omnia essent communia, omnis & sapientis, & bonos haberet. Hosce appello; quia tametsi nihil non est vnquam benè merentibus largitus; delectum tamen semper cum habuit, ut in obuios quosque non esset profusus. Cum enim minus quis mereretur, liberalitatem temperare nôrat; meminique poscenti cuiquam, ut decem nummos mutuò daret, responsum ab eo, non se decem, quos

mutuò crederet, habere; sed duos habere, quos gratis donaret. Cùm ille verò accepisset, & ex ipso requireretur, quamobrem ita faceret; satis est, inquit, si præsentì necessitati succurratur; & siam potius parcus donator, quàm molestus creditor; expertus aliunde complureis idcirco auersari me, quòd se meo ære obstrictos putent. Porro cùm nihil æquè amicos, ac beneficentia, & obsequium pariat; nihil mirum, si toto orbe, tot, tam bonos, tamque illustreis, atque constanteis habuerit. Mirum est potius, quòd tam multis demerendis suffecerit; cùm omnes ita colerit, vt singularem non potuisset magis. Quippe in id semper incubuit, vt prouideret qua tandem re cuiuslibet gratificaretur; & imploratus ita accurrit, vt infœlicem se duceret, nisi amici necessitatem non præsensisset, præuenissetque. Nôrat proinde quodnam esset amatorium poculum verum; sic præsertim amans, vt nunquam ad suam vtilitatem respiceret, occasionem verò consulendi amicis præteriret nullam. Sic nihil sibi vnquam à Magnatibus, Principibusque viris petiit; at in amicorum, ac potissimum literatorum gratiam, quicquid conducere visum est, postulare nunquam erubuit. Seu verò illi precibus suis, seu aliunde quidpiam concessum tulissent, agebat semper gratias; & recipiebat in se tam suo, quam Musarum, & publicæ rei nomine, gratitudinis testationem. Nec suos verò amicos modò, sed quos præterea illi amârunt, ac speciatim parentes, filios, consanguineos, affines ardentèr prosequutus est; illisque consilio, auxilio, perflugio, patrocinio fuit. Ac

parum fortè est dicere sumptibus nullis cum peper-  
cisse, vt amicorum res promoueret; maius est, quòd  
nullam habuerit neque inualetudinis, neque iniu-  
riarum aëris rationem, quoties quidpiam periculi  
interuenire deprehendit. Tanto præterea candore  
fuit; vt nunquam rationem creditarum rerum ab  
amicis exegerit. Quin-etiam ægerrimè tulit, quòd,  
deposità continuò comparandis libris, vsibusque  
aliis apud optimos Puteanos pecunià, ipsi, contex-  
tis indicibus, pretium, summàmque subducerent;  
voluitque planè sibi, cum ipsis non agi adeò scru-  
pulosè. Vt paucis dicam, fuit illi pectus adeò ni-  
ueum, ac innocens, vt merito iure amicos habuerit,  
quibus non potuerunt esse amiciores. Ad-hæc au-  
tem quantæ putemus consolationi illum fuisse, cum  
amicos vel ægrotanteis, vel orbitate, aliòve casu  
fortunæ percussos inuifit? Nemini quippe aut me-  
liora, aut amabilia verba; & quia morbis, dolo-  
ribusque tolerandis assuetus erat, ideò nemini leni-  
menta ægritudinum omnium perspectiora; nemini  
potius habita fides, quòd ipse expertus omnia cre-  
deretur. Nouimus certè aliquos, quibus de salute  
propè desperantibus, animos restituerit; adeò fuit  
solers detegendis, facundusque edisserendis insoli-  
torum ipsis morborum symptomatibus, prognosti-  
cis, causis, & nisi planè curantibus, saltem lenien-  
tibus remediis. Ex his licet intelligi, quàm iucunda  
esse deberet illius cum sanis conuersatio; quandò  
tam bene nouerat ecquæ res forent, cuiusque genio,  
moribusque accommodata. Nimirum cum tam mul-

ta nosset, impromptu erat deligere, quæ gratissima cuique enarraret; &, cùm esset semper ad discendum comparatus, percontabatur solùm ea, quæ nouerat collocutorem cum voluptate recitaturum. Ita cùm frequens à peregrinis, curiosisque inuiseretur, subodorabatur imprimis, cuius rei studio tenerentur potissimùm; ac tum ea solùm ostendebat ex libris, cimeliis, cæterisque rebus, quæ videre foret iucundum; neque aliquid obtendebat, quod ipsi nosse non affectarent. Rogitabat deinde ea, quæ ipsi vel in patria, vel iter faciendo rara obseruassent; habebatque semper quidpiam simile, quod vel monstraret, vel aliàs sibi visum, auditumve referret. Inde effectum est, vt nemo non inuitus discesserit, horàsque, & dies non optauerit prolixiores. Quin longè etiam abfuit, vt crebrò conuersantibus tædium, aut fastidium crearet: exundabat enim semper nouo aliquo eruditionis gurgite; ac vocibus uiuis omnia exprimens, ita rapiebat animos; vt metum semper iniiceret, ne citò nimis faceret finem. Et appositè quidem, sed perrarò tamen, iocos interferuit: seriò quippe solitus loqui, cæ oris facundiâ sermones fundebat, qui iis salibus parum indigerent. Porrò, cùm eius consuetudo foret cuique gratissima; ipsi tamen oneri erant, quotquot res duntaxat vulgareis loqui, audiréve iuuabat. Conqueri proinde solebat, quòd tam bonas horas cogereetur perdere, audiendo solùm, assentiendoque, frigus, calorémve vigere; tempestatem esse claram, vel obscuram; auram sanam, vel insalubrem, cæte-

ráque similia. Eandem ob caussam auersabatur mulierum consuetudinem; quòd vix liceret quidpiam frugi ex ea consequi, & de tricis solùm, ac nugis verba serenda cum ipsis forent. Impatienter etiam ferebat clamorosos, rixosos, loquaces; tametsi istos leuiùs ferret, quòd plerisque verbis inutilibus frugi aliquid interseri posset; id enim dicebat se eruere, vt ex paleæ aceruo granum. Oportebat tamen eos esse veraceis, quòd garrulis istis parùm conuenit; nihil enim æquè exosum, ac virum, quem posset mendacij coarguere, habuit. Quare & solebat hoc hominum genus ita exercere, varias percontando circumstantias, vt memores sanè esse oporteret, si quid mentirentur, nec sibi contradicerent. Par iudicium esto de thraconibus, quos pari modo non ferebat; nisi quatenus inter iactationes, ingeniosum quid coruscabat, quod afficeret animum. Cæterùm enim gloriosos istos mirum in modum oderat; præditus ipse tanta modestia, vt cum præclara agere, non verò iactare placeret, nihil vnquam superbè de se nec senserit, nec dixerit. Heinc potuit sanè vel suo exemplo facere illos admonitos, qui & sui laudes inuitus audiuit, & titulos omneis ambiciosos delatos reiecit, & virtutes suas, alioquin eximias, ita eleuauit, vt semper vel infirmitatem, vel ignorantiam prætenderit; planùmque fecerit nihil esse posse illa animi moderatione expetibilius. Nihil proinde adicio de summa mansuetudine, ac singulari humanitate, qua quosuis adeunteis, opísque quidpiam postulanteis excipere solitus fuit. In confesso siquidem

est, quàm non puduerit illum habere maiorem debito honorem quibusuis, inferioris etiam conditionis hominibus, quos vel genus, vel eruditio, vel dignitas quædam commendaret; quàmque se erga obscuriores, rusticiores, pauperiores, affabilem præbuerit; animos addens sese adeundi, assidendi, alloquendi, interrogandi, respondendi; donec quisque sibi ab eo factum satis existimaret. Atque id quidem erga omnes; sed erga illos specialius, qui suas in iudiciis commendatas causas optabant. Suauissimum enim habebat parteis ipsasmet priuatim audire; & percontando, instandòq; pleraque purius accipere, quàm à caussidicis inter perorandum, scribendumve suggererentur. Nempe cùm ipsi elegantes, atque cruditæ actiones placerent: iniquo tamen animo tulit, si quando veritati fucum, æquitati insidias, legibus fraudem, innocentia laqueum fieri, tendique obseruauit. Quanquam quo affectu sese comparârit, vt ius suum cuique tribueret, indicatum superius est. Addo illum ea industria, ac fœlicitate fuisse, vt aliquorum nobilium liteis, aliàs interminabileis, arbitrato suo composuerit, pacemque inter familias inexpectatam procurârit. Addo & cùm id moris foret, vt quæ partes coram Senatu liteis agitabant, Senatores ipsos in palatium, in templum, domum, aut ad alia loca procedenteis, agmine denso affectarentur; ipsum id nunquam passum fuisse, famulo contentum, aut præterea vno, alteròve ex familiaribus amicis, quibuscum posset colloqui, amandatâ sequentium turbâ. Cùm illa porrò comi-

rate, humanitatéque erga omneis foret, tum speciali quadam obseruantia prosequutus est, quos nouit gradu, genere, virtute quadam eminenteis. Quippe vt omneis est veneratus, ita singulis, si quid potuit, præter debitos honores exhibuit. Promotis quoque ad dignitates, reducibus in patriam, seruatis ex morbis, adeptis coniugium, donatis progenie, atque id genus alia fortunæ bona assequutis, congratulari solitus est, seu coràm, seu per literas, voto, reuerentia, & affectu plenas. Nullum non prætereà officium, atque obsequium præstitit; munera insuper adiiciens, vel certè communicans quicquid exquisitum variis ex locis obtinuit, prout vnunquemque his, vel illis rebus capi agnouit, aut subolfecit. Et questus quidem persæpè est, exhibendis, excipiendisque honoribus deteri tempus; at cum ipse delatos sibi, quantum poterat, constantissimè recusaret, nullum tamen, quem crederet aliis debitum, prætermisum voluit. Id aliquando ipsi obiectum; & maximè cum videretur ob imbecillas corporis vireis excusatione dignissimus; At, debeo-ne, inquit, vt ineptus esse primus desinam, pro ineptissimo haberi? Heic non adiciam, quanta pietate erga Parentes fuerit; nam id suis locis satis insinuat. Vnum solùm addam, quod Nouercæ mores planè acerbos deliniit. Non longè erat à doctoratu, cum illa die quadam confidens ad mensam, bilem effudit aduersus ipsum, quam in Patrem conceperat. Congestis plurimis conuitiis, ac exprobrationibus, quibus contradicendum sperans, detumescere ampliùs contendebat; ipse ni-

hil planè inficiatus, hanc vnicam vocem emisit, Vera sunt quæ dicis, ô mater, imò & longè plura sunt, ob quæ iure conqueri possis. Tum quia verebatur, ne illa aut assensum huiusmodi sinistrè interpretata simulationem causaretur, ampliùsque excandesceret; aut pudore quasi suffusa, aliam rixandi quæreret ansam; sese continenter è mensa subduxit. Illa tale nihil expectans, & ad improuisum casum obstupescens, ita repentè animos fregit, vt sese continuerit, effutieritque deinceps nihil. Priuatim postea ex eo quæsuit, cur falsa cùm sciret, quæ obiecta fuerant, nihilominus admisisset; ille autem, Et admisi, Mater, & admittam in posterum; auctorque sum, vt quoties pectus efferuiscere senseris, iram potius aduersum me, quàm aduersus alium profundas. Nam ego quidem patienter feram; at alij exasperabuntur, vnde tu magis excandescens finem fortasse vix facies, quin grauis exinde contraxeris morbos. Neque porrò id inutile fuit; illa enim sese deinceps longè mitiorem præbuit, ipsùmque adeò amare cœpit, vt de hærede instituendo sapiùs cogitauerit; ac perfecisset, nisi cùm obiit, is in Belgio procul abfuisset. Ad fratrem quod spectat, tanta propensione erga ipsum fuit, tantam vicissim expertus est, vt res in exemplum transire mereatur. Quippe ab æuo vsque ineunte ea fuit, cum mutua, & maxima beneuolentia, consensio; vt in eadem studia semper conspirauerint, & ne minimo quidem vllò intercedente dissidio, de heriscunda familia ne cogitauerint quidem. De consanguineis, affinibusque illud sanè

testari



testari licet, quòd omneis habuerit coniunctissimos, excipique voluerit domo, ceu communi hospitio, cum in urbem aduentarent, non patruelis modò, sed etiam qui ex atavis, tritauisque ducerent ramos. *Quin-*etiam, cum omnium patrocinium alacri studio susciperet, solitus erat, si fortè quidpiam inter ipsos interuenisset, componendi auctor, & arbiter fieri. De Præceptoribus dictum suis locis; addo memoratum ab ipso non semel, nihil accidisse sibi iucundius, quàm cum à Vario nescio quid in Fonuiuij gratiam obtinuit. Quid est quod hoc loco atroxam de caritate in Patriam, cum ex dictis perspicuum sit illum totum fuisse in ea exornanda? Vt mittam enim nullam vnquam occasionem prætermisam, quin maiestatem Principis, Gallici nominis honorem, & iura regia facta teçta, aduersus Scriptores peregrinos voluerit; attingo solùm circa Prouinciam, curasse illum maximè, vt ea imprimis illustraretur. Eò nempe eius curæ spectârunt, cum nihil non egit, vt quasi ex cineribus Comitum nostrorum erueret historiam; ac nobilissimas familias suæ luci restitueret, vsus quippe non nuda traditione, non argumentis leuibus, non auctoribus parùm certis; sed scripturis authenticis, vt testamentis, matrimoniis, transactionibus, clientelis, priuilegiis; itémque statuis, tumulis, epigraphis, tabulis pictis, insignibus, numismatibus, sigillis, aliisque id genus rebus, quas vt detegeret, haberetque, nulli pepercit sumptui, nulli labori, nulli industriæ; euoluens ipse, aut procurans, vt euoluerentur acta omnia, quæ in omnibus archi-

uis, tabulariisque, Principis, Præfulum, Abbatum, Capitulorum, Cænobiorum, Gynæceorum, nobilium, priuatorum quorumlibet; inque Ecclesiarum Statutis, Necrologiis, Kalendaris; ac depingi mandans quicquid peruetusti adumbratum, effigiatum, incisum, expressum per libros, vesteis, vitra, ædificia tam sacra, quàm prophana foret. Quominùs mirum, si nemini ex tota Prouincia maiores sui nobiles perspectiores, quàm ipsi fuerint; quandò & omnium genealogias retexuit, & ex actis expendit, & insignibus, cum ipsorum, propter varias stirpeis, variatione exposuit. Sic speciatim labore magno seriem texuit Vicecomitum Massiliensium, deducens illos ab vsque Guillelmo S. Honorati Massiliensis Episcopi fratre, hoc est, ab anno nongentesimo sexagesimo secundo. Quo etiam modo condidit synopsis Episcoporum, Abbatum, omniùmque virorum illustrium; ac plurimus præsertim fuit circa Trobadores, Poëtàsve suprà memoratos. Eòdem spectauit studium emendandi, & excudendi chorographicam Tabulam, disquirendique varia, per varias ætates confinia, cum specialibus populis, regionibùsque, & Principibus, qui in illa fuisse leguntur; ne quidpiam dicam de legibus, magistratibus, iudiciorum formis. Fuit autem curæ potissimùm scrupulosa peruestigatio, & ichnographia viæ Aureliæ, quatenus traducta per Prouinciã fuit; Amphitheatri item tam Foroiiensis, quàm Arelatensis; Arcuum triumphalium tam Arausionis, quàm S. Remigij; trium Tutriana superstitum adhuc in Sextiensi Palatio; &, vt paucis

dicam, rerum omnium, quæ saperent antiquitatem. Nam quòd præterea Inscriptiones, marmora, imagines, & alia id genus non neglexerit, manifestum est ex hæcenus dictis; vt etiam quod attigimus de Animalibus, fossilibus, plantis, aliisque, vel Prouinciæ propriis, vel ex peregrino orbe translatis. Eòdem denique, quòd constanter excitauit ingenia, quæ aut nouit, aut prouidit, condecorandæ patriæ nata; admonens semper, animansque, & libros, cæteraque omnia, si opus foret, suppeditans. Cùm commendaret verò illos, qui scriptis, inuentisque suis, ac descriptione præsertim regionis, rerumque gestarum illam celebrassent; tum suspexit maximè studium, quo affectum nouit Polycarpum Riuerium, Carthufiani ordinis decus, cuius immensæ eruditioni accessit notitia eximia rerum omnium Prouinciæ, explicandarum speciali tomo operis Herculei ab illo suscepti. Tum maximi fecit potuisse se demùm hortatu suo inducere Iacobum Morguesium, emeritum, ac sanè magnum Aquensis fori ornamentum, vt se ad Statuta Prouincialia illustranda componeret; quòd foret exinde lux magna omnibus Prouinciæ tribunalibus affulsura. Quàm sæpè verò exoptauit Petrum Decormium generalem aduocatam, profundæ adèò doctrinæ virum, functione demùm ab erudito, dignoque filio subleuari, vt totus fieret concinnandis, communiendisque Senatusconsultis, & quæ præsertim ipse suasisset! Quàm sæpè Scipionem Pererium, cuius nunquam satis mirari ingenium, iudicium, eloquentiam potuit, suas illas forensis

actiones, ad eò eruditas, atque eleganteis, mittere in lucem! Et pauca hæc quidem ex multis de affectu in Patriam; nam quantum aliunde condoluerit, cum temporibus difficillimis nihil, nisi vota superfuerunt, commemorare parum est. Superesset iam aliquid circa Religionem in diuinum Numen: sed in confesso primum est, illum semper maiorum fidem, hoc est Catholico-Romanam professionem sic defendisse, vt etiam ad illam quotquot potuit ex heterodoxis, ac potissimum eruditis, inflectere curauerit. Deinde religiosi cultus fidem vberimam fecerunt publicæ omnes cæremoniæ, quas rigidè semper, quantum licuit per valetudinem, obseruauit. Quippe & solemnibus sacris, concionibus, processionibusque, vt vocant, interfuit; & nullum fuit celebre festum, in quo non seipsum Sacerdoti probauerit, mensæque Eucharisticæ factus particeps fuerit. Constans ad hæc sincera fide, amoréque in Deum fuit, sublimè de tanta Maiestate sentiens, ac summè de eius bonitate sperans. Nihil addo de cultu, quo fuit prosequutus Pontificem summum, Cardinales, Legatos, Nuncios: siquidem nullam prætermisit occasionem testandi ipsis reuerentiam, affectum, obsequium; vt minus sit mirum, si illis nihil vnquam negotij in Prouincia contigerit, cuius ipsi committere procuracionem non affectârint. Quo titulo etiam demeruit cæteros Prælatos, Generales, Prouinciales Ordinum, quos recensere prolixum foret; agnitus aliunde patronus Cœnobitarum omnium, maximè verò reformatorum, qui si quid egerent in

curia Romana, in Regia, in Prouincia, ac Senatu ipso; illius continuò implorabant opem. Nunc, vt specialius Studia dicantur, præmittendum imprimis est, fuisse Peireskium Ingenio prompto, aut si quid certè defuit, arte, ac labore illud compensasse. Quippe in rebus etiam conceptu difficillimis, inculcatione vix indiguit; & sedula disquisitione, exercitatio- néque mentis, ipsam ad quiduis facilè intelligendum comparauit. Habuit enim præterea illud ita natum ad omnia, vt nullum fuerit doctrinæ genus, cuius desiderio non inarserit, & de quo non lubens conferuerit cum peritis viris sermones. Moderatus certè quod ad alia spectat, videtur fuisse vnica sciendi cupiditate immodicus; nemóque fuit, qui vehementius affectârit perficere celebre illud liberalium disciplinarum coronamentum. Quin ne hoc solùm; sed etiam mechanicarum studiosus fuit; eaque de causa nullus vnquam artifex præcellens, ac celebris fuit, quem remoratus, aliò tendentem, apud se non detinuerit, ex quo non multa seu opificia, seu artis arcana arripuerit; ipsum domi, victu, stipendiis, variisque muneribus in menseis, ac in annos fouens. Sagacitate quoque mira fuit, adiutante constantia, qua inuestigando nunquam fuit defessus. Euenit proinde non rarò, vt coniecturæ successerint, quòd ex oblatiis circumstantiis, cætera adnexa subodoraretur, ac foeliciter diuinaret. Nihil certè ipsi traditum in manus, cuius, quicquid notitiæ poterat haberi; non eruerit; adeò vt non immeritò habitus fuerit toto orbe quasi Arbitræ rerum abstrusiorum:

Nempe, si quid vspiam inuentum, cuius nesciretur origo, natura, destinatio, statim ad illum prouocatur; quasi germana rei notitia citra eius opem haberi non posset. Quid, quòd rerum etiam, quæ non forent, sed esse tamen perhiberentur, rimatus conditionem est; disquisiuitque, num saltem possent in rerum natura existare? De Solertia iam sæpius dictum, ob quam nihil penè, quod humanitùs fieri, haberi-ve posset, se consequuturum nunquam desperauit; modò iuuaret, interessetve animum eò intendere, explicareque conatum, ac neruos. Et sanè plurima peregit, ac obtinuit, visa viribus, conditioneque superiora; quoniam facilè prospiciebat quicquid promouendo, obstandòve esse poterat; impiger aliunde, vt illud vrgeret, hoc amoliretur, & omnia misceret, quousque votorum compos fieret. Quin etiam amicos vbique parabat, & officiiis variis vltro obstringebat, vt seu aliquid destinasset, seu deinceps occasio destinationem factura esset, ad obsecrandum forent comparati. Quamobrem, re proposita, quam peragendam arbitraretur, prouidebat primùm pretio-ne, an prece, amore, an metu, iussu, an sponte; & quis, quid, vbi, quomodo, quando, ad præstitutum finem conferret; ac tum, nihil cunctando, manum operi dexterè admouebat. Sic in excogitandis causis operum tam artis, quàm naturæ admirabilem, peracutus, ac celer fuit: facillimè enim coniciebat; & cum tantillum decoxerat, coniecturas suas ratiociniis omnifariis suffulciebat. Memoriam ad hæc habuit felicem, ac plurimum firmam. Ta-

metſi enim conquerebatur habere ſe fluxam, atque imbecillam; explicari tamen non poteſt, quanta fuerit varietas rerum, quarum ex incunte æuo meminit, idque non vniuerſè modò, ſed cum ſingularibus etiam locorum, actionum, verborum, perſonarùmque circumſtantiis. Ex quo efficiebatur, vt inter loquendum, adſtanteis ſemper mirè recrearet; quòd, quæcunq; ſuborta foret colloquendi occaſio, proferre è ſuo penu poſſet, quod appoſitè, lectis verbis, ſumma cum gratia recitaret. Nempe non fuit rapida quidem volubilitate verborum: at non fuit tamen hæſitans lingua, nec abſonus voce, nec ſenſu confuſus. Seu enim partus ingenij, ſeu theſaurus memoriæ, ſeu animi motus efferendus foret; adeò non inuita verba occurrebant, vt diſtinctè, grauitè, copioſè, ornatè omnia diceret; neque, ſi res fuiſſent coràm poſitæ, conſpici præclariùs potuiſſent. Iudicio maturo, ac ſolido fuit; adiutus præſertim tanta experientia, lectione, & meditatione rerum. Et quamuis nonnullis videatur præcipitanter egiſſe, quòd nihil cunctatus vnquam fuerit, quoties promouendarum artium, adiutandorùmve virorum eruditorum occaſio incurrit: nihilominùs ipſamet res fuit, de qua cùm à primis annis, ac toto decurſu ætatis cogitauerit, nihil eſſe potuit deliberatius. Quin dicebat etiam nihil deliberandum, vbi ageretur de iis adiunandis, qui eſſent generi humano ſua doctrina, ſuiſve inuentis quomodocunq; auxiliaturi. Viſus eſt aliunde non nihil credulitati indulgiſſe; at cùm nerui, & artus ſapientiæ ſint, nihil temerè cre-

dere; non postulat aliunde ratio, ut nihil nisi visum, auditum, palpatumve admittatur. Nam delectus quidem habendus, neque cuius fidendum est: sunt tamen boni, doctique viri, tam falli, quam fallere nescij, quibus fidem non adhibere ferum, & immane videatur. Atque id præsertim, cum sit angustii nimis ingenij, persuasum habere nihil esse in naturæ recessibus, præter hæc familiaria, vulgòque obuersantia; & ea, quæ in vna regione, aut ætate visuntur, mensuram fieri, ac typum omnium, quæ esse in cæteris possunt. Id cum Peireskio perspectum foret, facilè omneis audiit, de quorum seu eruditione, seu probitate non dubitavit; ac cum non pronuntiaret statim, quæ narrarentur esse ex iis, quæ fieri, esseve non possent: solitus est tamen expendere omnia, & nisi posset aliud, saltem sic rogare omneis circumstantias, ut si quid demùm crederet, id probabile esse oporteret. Quòd si interdum propriis ratiociniis non diffidit, visusque est paullò tenacior conceptæ semel sententiæ; causa illi fuit, quòd existimat et non esse semper vacillandum, neque decedendum de ea opinione, quam aliqua ratio, aut coniectura fecisset firmam; nisi potior occurreret, quæ oppositam firmiùs stabiliret. Et sanè nihil tutius quidem, quam comparatam habere mentem ad exuendum omne præiudicium, ut rationi, ac veritati sine pertinacia locum præbeat: verùm, quia vix vnumquam occurrunt momenta rerum paria, efficitur semper, ut mens in vnam partem propendeat; adeò ut quisque tanto sit excusatione dignior, quanto vel  
nolens



nolens id sequitur, quod verisimilius videtur. Dicendum rursus fuisse illum sedulitatis eximia, diligentique inexpugnata. Ea certè fuit maior, quàm pro virium, valetudinisque ratione; quandò vix vnquam ita remisit vehementem illam contentionem animi, vt vllam horam, necdum vllum diem absque linea transegerit; ad eò nullo vnquam momento deliciarum suarum obliuisci potuit. Quorsum verò innuam indefessum studium, seu obseruandum aliquid, seu committendum chartis fuit? Nam quantum quidem præstitit in obseruando; seu res cælestes, seu terrestres, seu naturales, seu arte factæ, seu antiquæ, seu recentes, seu quæcumque tandem visæ sunt cura & attentione dignæ, passim iam insinuauimus: in scribendo verò sic impiger fuit, vt quicquid rerum occurreret, statim faceret adnotatum. Literas prætereo, quas, si quisquam alius, & numerosissimas, & eruditissimas, & plerumque etiam fusissimas scripsit. Refero potiùs, nihil vnquam memorabile accidisse, quod non ipse statim sua manu in commentarios retulerit; cuiusmodi fuere pompæ panegyricæ, publicæ clades, prospera, aduersæque magnorum virorum euenta, contentiones celebres, habita cum Principibus, & eruditis viris colloquia, atque id genus plurima alia. Ad mouebat autem incunctanter manum, ne descriptionem differendo interuenirent negotia, quæ exturbarent; ac interim memoria elanguesceret, & rerum multarum singularium minùs tenax efficeretur. Similis erat diligentia, qua, seu quidpiam notatu dignum sibi in men-

tem incidere, seu audiret ab alio, seu ex libris expiscaretur, arripiebat calamum; nec poterat pati, ut quidpiam periret, quod vel sibi, vel aliis arbitraretur vlti futurum. Conscribebat verò, quia existimabat rem tum demùm esse in tuto, nec posse perinde ex charta, ac ex memoria effluere; idque cum ipsi, ut Socrates, aut Pythagoras fidere non posset; experireturque id, quod scriberet, ipsa scribendi contentione animo profundius infigi. Cæterùm quicquid adnotaret, deligebat semper nouas schedas, seu distincta chartarum folia, ut si quid addendum postea videretur, efficeretur consulum nihil. Præscribebat autem in fronte, aut in summo margine adnotandæ rei argumentum, siue titulum caractere maiusculo (quo etiam ferè interscribebat nomina propria, vocèsq; alias, quæ poterant ex minutiore, aut non rectè legi, aut non tam citò occurrere) adiiciebatque annum, & diem, & cum ab alio acciperet, præmittebat etiam auctorem. Nec modò verò marginem interdum ex vna, sæpiùs ex vtraque parte relinquebat, ut si festinando quidpiam omisisset, posset illud adiicere, potiusquàm interiicere: sed & ipsam frontem faciebat peramplam, ut discerni meliùs posset titulus, & maximè, si fortè ipsum præmittere, præ festinatione, non satis vacaret. Quanquam id rarò; neque enim imperfectum quicquam volens relinquebat; quòd sæpè nimis expertus fuisset res inchoatas, aut concisas futuræ ampliationis spe, nouam manum, aliis curis interuentibus, haud sensisse. Quapropter sic omnia scri-

bebat, vt si manus extrema foret; indignabaturque, si quando iussus aliquis, seu dictatum, seu excerptum, seu proprium quid conscribere, non satis capacem relinqueret locum præficiendo titulo; aut marginem non satis congruum, congruamve satis distantiam inter voces, ac lineas, exscriptionis elegantioris, ampliorisque expectatione. Censebat enim, id, quod res erat, cam dilationem esse fallacem; &, nisi aliud, nonnullam certè inducere temporis iacturam. Pari ratione ægrè ferebat, si quis procùl absens expectaret vel reditum, vel occasionem aliam, vt quidpiam vberius narraret, vel transmitteret; volebat enim copiosè scribi, & quamprimùm mitti quodcumq; nosse, vel habere intererat; quia non raro ex simili procrastinatione fuerat rebus pulcherri-  
mis, vtilissimisque frustratus. Non poterat autem qui illum amasset, copiosas nimis literas dare, quòd rerum scriptarum nullas circumstantias non explicitas peroptaret. Quin-etiam sæpiùs querebatur, quòd qui scriberent, non satis cogitarent ea, quæ sibi ipsis essent in luce, ac proinde vt nimis nota, vel non magni facerent, vel scribere negligerent, esse absentibus planè incomperta; atque idcirco nihil ex illis non nouum iri habitum, còque nomine placiturum. Heinc sicut ipse quid explorans, aut aliquem interrogans, nihil, quod ad rem attineret, omittebat perquirere; ita cum aliquid ab aliis inuestigari, obseruarique seu procùl, seu propè iubebat; mandabat semper, vt quibuscumque id posset modis perspiceretur, adeò vt nulla, si fieri posset, laterent circum-

stantiæ, quas proinde ipse ferè præscribemat; mirè aliunde oblectatus, si quis suoapte Marte, propriâque solertiâ, vel ad omnes, vel ad plures, vel ad aliquas certè attendisset. Ad hæc impenso fuit studio ad librorum copiam, varietatèque comparandam. Nam de MSS. ut nihil dicam, quos nisi habere antiquos potuit, exscribi certè procuravit (exscripsitque interdum ipse) præhabitis indicibus Bibliothecarum celebrium, ac toto orbe præcipuarum; ut si quid sibi, studiosisve necessarium occurreret, unde exui posset, in promptu haberet. Ut istos, inquam, præteream, prælo subiectos conquestiuit Roma, Venetiis, Parisiis, Antuerpia, Amsterodamo, Londino, Lugduno, aliunde; idque non modò ab exactis Francofurtensibus nundinis; sed toto etiam anni decursu, amicis admonentibus, transmittentibusque qui pro votis essent; & subministratâ seu per nummularios, seu per amicos ipsos pecuniâ. Si vspiam quoque Bibliothecæ distraherentur, subhastarenturque; coëmi rariores curavit, eosque nominatim, qui forent elegantioris cuiusdam, neque habitæ sibi editionis. Et incredibile quidem dictu, quantam copiam congesterit; incredibile etiam, quorsùm non propterea completissimam Bibliothecam reliquerit: sed neutrum videbitur mirum, si quis consideraverit quæsiisse eum libros non sibi solum, sed etiam quibusvis opus illis foret. Innumeros verò commodatò dedit, qui restituti nunquam sunt; innumeros quoque donavit, ut superius attigimus, quorum exemplaria vix, ac ne vix quidem

speraret posse refarciri. Id nempe cùm ex vsu esset eruditorum virorum : nam ex iis , quorum Bibliopolæ possent exempla sufficere , mira profusione est vsus. Eam ob causam quoties accepit aliquem recens editum , plura illius exempla voluit , quæ partim sibi asseruaret , partim in amicos statim distribueret , prout argumentum placiturum norât. Seu donaret porrò , seu sibi haberet , compingi atque contegi pereleganter appetiit ; vnde & aluit continuo domi artificem industrium , qui compactionem exquisitè elaboraret , decorarétque. Quin aluit etiam interdum plureis ; neque enim vnus satis vnquam fuit , tot confluentibus vndique voluminibus perficiendis. Contigit etiam sæpenumerò , vt commodatos sibi libros , à suis possessoribus negligenter habitos , compactori suo reficiendos , exornandósque tradiderit ; cùm ij nimirum vel argumento , vel raritate id mererentur ; adeò vt ex malè curatis comptos faceret , redderétque. Sic curauit etiam quoscunque est nactus peruetustos codices , seu impressos , seu MSS. Neque ipsos integros modò ; sed illorum etiam fragmenta , semelsaque folia. Et cùm ex eo quæreretur , cur tam sumptuosus ea in re foret , causam dixit , quòd persæpè libri optimi fata pessima paterentur , cùm in manus ineruditas parùm culti incidere ; ac se ideò operam dare , vt , vel ex decòre pretium obtinentes , nec scombros metuerent , nec thus. Quos sibi verò compactos habuit , proprio caractere insignitos voluit. Constitit ille ex tribus Græcis maiusculis literis N , K , Φ , eâ elegantia in-

ter se commissis, vt geminata tam dextrorsùm, quàm  
 sinistrorsùm legi possent; ipsisque initialibus exhi-  
 berentur tres illæ voces Νικηφόρος Καύσιος Φαβειος.  
 Quantum ad Bibliothecæ locum, is fuit sanè nimis  
 angustus, quantumais præter parietes supellectile pre-  
 tiosa ornatos, tabulatum quoque medium forulis  
 onerauerit, ex eadèmq; instruxerit. Heinc libros  
 quoque habuit tam in promusæo, seu quasi Biblio-  
 thecæ atrio, quàm per diuersa conclauia, columnati-  
 tim cumulos. Et sæpè quidem cogitauit de proli-  
 xa quadam pergula exædificanda; sed tam multa  
 mouenda fuerunt, potissimùm verò paterna, atque  
 auita Bibliotheca, in quam aliunde maximam par-  
 tem cimeliorum coniecerat; tam etiam parùm otij  
 sibi semper fecit, ac habuit; vt rem exsequi non va-  
 luerit, ipsisque ædeis, vt ab initio se habuerant, re-  
 liquerit. Mitto, quòd idem promusæum, itémque  
 domus atrium, hortulúsque, & alia loca onusta fue-  
 rint marmoribus, tum effigiatis, tum insculptis;  
 quòdque cùm in vetustiore illa Bibliotheca conclu-  
 sam haberet congeriem immensam antiquorum nu-  
 mismatum, ponderúmque, saltè leuiorum; in alia  
 verò tam pondera, quàm vasa, quàm arma, quàm  
 statuas, quàm innumera alia; necessum fuerit omnia  
 iacere veluti confusa, ipsique vni, qui omnia probè  
 nouerat, manere discreta. Longè sanè abfuit ab iis,  
 qui apud Senecam, Corinthia paucorum furore pre-  
 tiosa, aurea subtilitate concinnant; nam etiam pre-  
 tiosa, quæ ab initio comparârat numismatibus locu-  
 lamenta, neglexit; ex quo præsertim furta expertus,

periculo suo cautior factus est, thecásque ex ebano, aliáve simili materia comparauit duntaxat rebus furto minus obnoxiiis, vt tripodi illi, symbibísque vasis, cæterísque eiusmodi. Nec tamen abs re insinuauí quæ videri aliis poterant confusa, non fuisse ipsi indiscreta. Tametsi enim excusationem non infrequenter texeret, quòd apud se omnia forent nihil aliud, quàm moles rudis, ac indigesta; attamen nihil vnquam diù requisíuit in tanta illa congerie; modò ipse solus cimelia, libros, chartas, alia contrectasset; nec iussus quispiam alius conquirere interuertisset. Nam, vt de libris nihil dicam, quos suis titulis insignitos, in suas quantum potuerat classeis sedesque distribuerat, quòsque Simeoni Corberano, ingenioso glutinatori, vel leuissimâ circumstantiâ, etiam quâ indigesti erant, significare poterat; cætera sic solitus fuit in fasciculos, papyraceo, alióve inuolucro contactos digerere, colligaréque, vt ipse sua manu, maiusculo caractere, præscriberet titulos, quibus quicquid in vnoquoque foret conclusum, admoneretur. Cùm soleret verò speciatim literas acceptas in fasciculos colligare, prout variorum erant virorum, locorumve, aut temporum; superscribebat antè quis, vnde, quo anno, mense, ac die perscripsisset; subiiciebátque indiculum breuem rerum præcipuarum, quas inter legendum subnotârat lineolâ: exinde nempe adiutabatur tum ad rescribendum distinctiùs, atque expeditiùs; tum ad inueniendum, si quid aliquando ex literis requireretur. Si quid autem rerum nouarum contineretur in lite-

ris, quod alij sibi notum vellent, tum non promiscuè eas ostentabat; sed exscribi ita curabat, vt lineolis includeret quicquid exscripto exclusum vellet; vovulas rescindens hominum, rerum, negotiorum, quæ ignorari interesset; ac, ne quid posset offendere, phrasin commutans, aut leniens. Vt solebat porrò curare perscriptas ad se literas; ita quas ipse conscribebat, amanuensisibus exscribendas dabat, asseruatæque earum exempla, pro varietate, conditioneve seu regionum, seu hominum, in quaterniones coniciebat. Cùm rogatus verò aliquando esset, cur id ageret; respondit, non sanè quòd sua asseruatu digna putaret; sed quòd sæpnumerò interesset, quid pridem, nupèrve aut scriptum, aut non scriptum foret, oculis subiicere; ne vel idem, aut eodem modo inculcaret cum tædio; vel omittere pergeret, de quo dubitaret, num antè scripsisset; vel repetere memoria non posset, quæ aliquando conquississet, digessissetque impensò studio: vel non haberet vnde posset inficiantibus rei cuiuspiam se monitos, convincere; vel denique, si literæ sinistro quodam casu periissent, in recudendis laboraret. Quod ad librorum lectionem spectat, parùm profectò otij, quod posset illi impendere, postremis vitæ annis superfuit. Siquidem totus penè fuit in conscribendis Epistolis; & cùm libros peruolutaret, fecit maximè, vt aliquid excerperet, quod transferre in illas posset. Quando-cumque autem se lectioni dedit, progredi cursim aut tranfuolare loca difficilia solitus non est; sed lento gradu semper incessit, substititque, quoties occurrit



currit, quod remoram iniiceret. Hinc præstò semper calamum habuit, vt subiectâ lineolâ designaret loca obscura, & quicquid notatu videretur dignum. Dicebat se enim inde admoneri, vt libro resumpto, difficilem locum iteratò expenderet; obseruabilem menti inculcaret; vsurpabilem statim inueniret. Quare neque fuit ex illis, qui lautos libros obtinentes commaculare illos verentur similibus lineis, notisve marginalibus: pretiosissimos enim potiùs habuit, in quos plureis notas inferere potuit; vnde omnem ferè ante compactionem aluminosâ aquâ imbui, & non satis fore margines præsentens, folia chartæ puræ inferi mandauit. Solitus fuit etiam, si quid ab amicis obseruatum acciperet, aut interserere sua manu, aut per ipsosmet, vel alios, in codices suos interscribenda procurare. Eadem ratione, si quos habuit, vel dono datos, vel coëmptos, qui doctorum virorum fuissent, tantò semper cariores duxit, quantò plura illorum manu inter-exarata cognouit. Ex quo aliunde agnoscitur, studiosissimum illum fuisse habendorum autographorum, ac ineditorum præferentim, si qui obtineri ab auctoribus, eorumve hæredibus possent, quos in lucem edi, aut saltem, si per auctores non liceret, exscribi sibi procuraret. Ea certè de causâ semper habuit librariorum, seu exscriptores paratos (quos inter sanè tacendus non est amanuensium fidissimus, patientissimûsque Franciscus Parrotus) vt seu linguis vernaculis, seu Latina, Græca, Arabica, Turcica, aut alia quacumque quidpiam vellet, facerent satis. Scilicet passus numquam est, vt mini-

mum cuiuspiam inuentum, obseruatúmve deperderetur; adeò semper fuit ea spe, vt ex ipso proficeret, prodesse alicui posset. Æquum est autem commemorare, cùm circa alia omnia argumenta sollicitus foret, oblitum sanè non fuisse ea, quæ suissent muneris. Etenim cùm existimaret vnique homini ad certum genus publicæ vitæ, seu pro nascendi conditione, seu ex electione propria destinato, in id præcipuè incumbendum, quod institutum postulat; ac tum licere ad alia studia, pro lubitu, diuertere: idcirco ipse cætera quidem confectatus est studia; at non propterea intermisit se in ea arte exercere, quam nôrat, ac profitebatur. Iurisprudentiam nempe excoluit Cuiaciana illa, ac liberali methodo, quæ ex ipsis fontibus iuris, potiusquàm ex doctorum riuulis, legum nitorem conspicuum facit. Heinc verò præcipuè amauit antiquitatis studium; quòd eò maximè faceret; & præter Pandectas MSS. quos habuit, requisivit etiam alios Codices, quòd quædam editorum loca expeterent ab ipsis lucem. Hac certè occasione memini, cùm aliquando dubitaret (& ne Pandectæ quidem Florentini prorsus satisfacerent) de germana interpretatione Legis Neratius, circa retentam, amissamve solo animo possessionem, scripsisse cum Romam, vt ex vetere MS. Cardinalis Barberini, ac Buccardi manu, textus Legis, cum scholiis marginalibus summa fide excriberetur. Nimirum quoties fore præsensit, vt circa causam celebrem ferret in Senatu suffragium, nullum non mouit lapidem, ne illud ferret imparatus.

Sic pridem circa eam quæstionem, cui debeat accedere lucrum, creditori-ne, an debitori, vbi datus mutuò monetæ speciebus, æstimatio accreuerit, ex interueniente Principis edicto: Pacium adhuc superstitem interpellauit per literas, vt quicquid vsquam ea de re obseruasset, communicaret. Sic nuper egit cum Salmasio, de pœnis olim apud Romanos, aliasque nationes præscriptis in eos, qui stationes deferunt, & animo potiùs pusillo, quàm malo, commissis sibi arcibus cedunt. Sic cum Bignono, eximio illo, quem huius æui Scæuolam, ac Varronem dicere liceat, de auctoritate legum Romanarum per Galliam, propter edicta Alarici, Caroli Magni, aliorumque Principum, qui visi sunt leges Theodosiani Codicis, cæterasque ratas habere. Prescribent ipse interea, quicquid ferè dici, aut excogitari hisce de rebus poterat; adeò semper erat locuplete penu, adeoque illi rescribent debere eum solum se consulere; verùm cum ipsis ita agebat, vt circa ea, quæ iam nosset, congerenda non laborarent, ac in eo essent potiùs, vt nouum quidpiam ostenderent. Quod dixi porrò obiter circa antiquitatis studium, complectitur id maximè vniuersam Historiam, quam sic animo informauerat, tenebátque, vt videri posset omnibus & locis, & temporibus interfuisse. Defixum quippe hoc semper habuit, conferre maximè historiam non illustrando modò iuris studio, sed componendæ etiam vitæ, animoque eximia quadam atque liberali delectatione afficiendo. Censebat enim quodanmodo efficaciorẽ Philosophiã, quòd hæc

quidem verbis homines crudiat, sed illa exemplis accendat; ac aliunde faciat, vt nos vitæ breuis pigere non debeat, quam reddit participem rerum, temporumque præteritorum. Conquisiuit proinde semper nationum omnium Historicos, & cum per antiquos haberet per-caros, tum eos duxit carissimos, qui vel nostræ gentis essent, vel quomodocunque ad eam attinerent. Vt enim vix patienter tulit hominem ingenuum, qui in orbe suo peregrinuseffet, videre; ita callere ipse voluit quicquid monumentis esset proditum, non de rebus modò ad Prouinciam, Galliàmve speciatiim pertinentibus; sed etiam de iis, quæ ad Italos, Hispanos, Germanos, Anglos, Hungaros spectarent, vniuersèque ad illos omnes, quibuscum hominibus nostris commercium, aut dissidium fuit. Et quàm-ardenter, putas, expetiit interpretationem, atque editionem Arabicorum codicum, quos optimus Golius ex Oriente nuper aduexit, continenteis historiam expeditionum, bellorumque à Regibus nostris gestorum in Syria? Putauit enim posse fieri, vt eius nationis Scriptores secus, quàm nostrates multa recitârint, quæ nosse foret operæpretium; vt vel ex mutua collatione, elici, contextique posset narratio quædam verisimilior. Putauit etiam posse exinde plurima à nostris ommissa suppleri, cum ipse quoque innumera supplenda haberet ex variis illarum regionum, atque temporum comitiis, diplomatibus, literis, sigillis, insignibus, inscriptionibus, numismatibus, aliisque id genus. Erat verò rerum huiuscemodi præ aliis impensè curiosus,

quòd testis esse diceret antiquitatis incorruptos, quòdque ex iis addiscerentur, quæ frustrà requireret quis ex historiographis omnibus. Et memini quidem interdum, cum vitris variæ conuexitatis dispiceret chartas, & numismata minutissimorum, ac semeforum characterum, obiectum id fuisse, quod Seneca habet, *Illum tu otiosum vocas, qui maiorem dierum partem in æruginosis lamellis consumit*; itémque illud, *Insanit veteres statuas Damascippus emendo*: ac eiusmodi alia. Verùm ipse, Non nescio, inquit, effusè à multis rideri hæc studia, quasi, nec nobis ornamento, nec cæteris vsui sint: ij tamen soli iure carpuntur, qui ad vanam, aut etiam nullam eruditionem hæc referunt; cum plerique comparent solùm in ornamentum armariorum, ac parietum, nec alio sine habeant, quàm vt habere perhibeantur. Porrò laude digni videntur, nec tempus frustrà terere, qui talia conquirunt, expendunt, illustrant, vt bonis authoribus legendis facem præferant; vt historiarum circumstantiæ perfectiùs clarescant; personæque, res, & actiões animo meliùs infigantur. Scilicet ex statuis, numismatibùsque cognoscere licet, qualis fuerit vultus, habitùsque clarorum virorum, fœminarùmque illustrium, quarum nos actiões auditæ delectant; qua forma fuerint Dij, Deæque, & Heroës prisca, cum suis illis insignibus; cuiusmodi fuerint siue ornamenta, siue instrumenta religionum, bellorum, magistratuum, coronæ, currus, triumphii, scudilia, innumeràque id genus alia. Quæ, & plura cum recenseret, tum prolatis compluribus monumentis

facto monstravit; adeò vt innotuerint demùm ple-  
 raque Auctorum obscura, nec alia ratione intellecta  
 loca. Sæpenumerò etiam in admirationem rapuit, vbi  
 ostendit, sine rebus huiuscemodi inspectis, atque ex-  
 ploratis, non posse intelligi quid auctores velint,  
 cùm tam sæpè mentionem faciunt Numismatum, ac  
 Ponderum, vt Talentorum, Siclorum, Drachma-  
 rum, Denariorum, Victoriatorum, Sestertiorum,  
 itémque Assis, & partium eius; ac cæterorum bene  
 multorum; de quibus. cùm differeret, immensam-  
 que copiam, & varietatem proferret, non paucos  
 noui obstupefactos. Ac speciatim quidem aliquan-  
 do, cùm multitudine Vnciarum pondere, & forma  
 diuersarum exhibita, rogatus fuit, quid sibi vellent  
 symbola illarum tam varia. Nam singularem qui-  
 dem globulum appositum dixit, non vt designaretur  
 modò vnitas; sed etiam vt illius tumore, qui  
 Græcè ὄγκος dicitur, ad vnciæ vocem fieret allusio.  
 Eadem ratione in plerisque adiungi vncum, seu vn-  
 cinum; vt pondus vnciale statim notaretur. In qui-  
 busdam verò, ac præsertim Hetruscis, hastam, quæ  
 Græcè dicitur λαγνή; vt ex λ dissimulato, ὄγκος vox  
 superstes idem parefaceret. Sic plerumque adiectam  
 ☾ vnitatem significare, non tantùm quòd vnum  
 hoc sidus eximia luce noctem collustraret; sed etiam  
 quòd ex voce Luna, L detractò, vna supersit. Sic  
 exhibitam in nonnullis Astragali faciem, quæ in ia-  
 ctu vocata vnio, vnitatem significaret; etiam in qui-  
 busdam solùm intellecta, cùm in auersa parte so-  
 lùm appareret opposita facies, senio appellata. Si-

milia quoque declarauit, in cæteris Libræ, siue Assis partibus; vt cum in Semissè declarauit, spicam idcirco appositam, quod antiqui alluderent ad feminis, & semissis voces; sed hæc attigisse sufficiat, vt pateat illum suo studio, solertique, & sagaci examine ea potuisse interpretari, quæ in libris nusquam extarent; ac tantò faciliùs audientis stupore quodam percellerent. Nam alioquin minùs fuit mirum (etsi plerisque delectauit, neque id sanè immerito) quòd de Mensuris, deque vasis non minùs disertè verba habuit, quàm ipsis mensuris, vasisque antiquis coràm positis, demonstrationem apertam fecit. Et sanè, quoties illi aut vas, aut numisma, aut statua, aut quicquid demùm aliud non vulgare oblatum est; ita semper solitus fuit, quàm primùm licuit, expendere, vt non in oculos referret, aut creditum restitueret, quin perspexisset, quicquid de illo fieri posset, aut conici. Quippe & libros consulebat, & cum similibus conferebat, & memoria repebat quicquid obseruasset eò pertinens; & vel capacitatem, vel pondus, vel formam nulla non arte explorabat; & eruditorum vbiuis degentium requirebat sententiam; & coniecturas proprias, quas quomodocunque fulcire posset, congererat; & vt paucis dicam, rem non dimittebat, quousque nemo mortalium posset vberius cognoscere. Eò cum peruenisset, tum demum quicquid nouerat, aut inferebat in librum eiusdem, affinisve materiæ; aut schedæ commentariis interponendæ consignabat; aut certè ansam arripiebat conscribendi vnam, pluresve Epi-

stolas, in quibus laboris fructum explicaret. Quare nihil mirum, si cum totâ vitâ sedulitate hac fuerit, nihil tandem posset obiici, quod quasi alter Oedipus non statim interpretaretur. Eodem porrò modo sese comparauit circa res Naturæ admirabileis; de quibus, quia passim varia diximus, non est cur speciale quidpiam attexamus. Memorare id sufficit, neminem plura aut obseruasse, aut obseruari procurasse, ut aliquæ tandem saniores, puriorésque vulgaribus notiones rerum elicerentur: qua de causa suspexit genium, comprobauitque institutum Cancellarij Anglorum magni, Francisci Verulamij, quem sapius doluit non conuenisse, superstitem adhuc, cum tuit, venitque postremùm Parisiis. Displicebat profectò illi quæ Physica vulgò docetur in Scholis, tanquam nimis umbratica, & ingeniorum potius technis, quàm experimentis naturæ innixa. Heinc corrugare solebat frontem, totùmque vultum contrahere, cum incidisset in Physicos, qui subtilitate potius, quàm soliditate certarent; & acumen licèt commendans, dolebat tamen ipsum verbis, distinctiunculisque potius deteri, quàm penetrandis ipsis rebus, ne sua quidem fronte perspectis, impendi. Ac si illi quidem forent opiniosissimi, & siue Aristoteleæ, siue alij sectæ deditissimi homines, ipse illos sibi sapere sinebat, neque quidquam contestabatur: sin autem ij essent, qui veritatis amore præiudicium deponerent, & leniter audire mallent, quàm contumaciter obloqui; tum eos sermones ipse fundebat, qui ab illis cum voluptate, & applausu exciperentur. Nam quantum-



tumcumque aliquas eius opiniones non prorsùs prò-  
barent, mirè tamen afficiebantur; dum sua ratioci-  
nia confirmaret semper, aut obseruatione rerum,  
quæ, licèt vulgares, non satis tamen aduerterentur;  
aut relatione tam propriorum, quàm alienorum ex-  
perimentorum, quæ proferre semper multa potuit  
(adeò fuit semper adnotandorum, congerendorum-  
que curiosus) aut exhibitione ipsarummet rerum, de  
quibus quæstio incidisset; inexhaustâ enim abunda-  
uit copiâ rariorum mineralium, lapidum, plantarum,  
animalium, quæ quocunque pretio, aut quacunque  
arte, haberi, ac seruari possunt. Ex his ferè elicitur  
non placuisse ipsi Dialecticas illas, Metaphysicâsve  
argutias, quæ nihil bonæ frugis haberent, & fouen-  
dis solùm clamorissimis contentionibus essent com-  
paratæ. Tametsi enim delectabatur, dum quid argu-  
tè concluderetur; simul tamen ægrè ferebat, quòd  
foret de re nihili. Sic sæpè etiam afficiebatur, cùm  
audiret verba facientis de rebus illis sublimibus, ac  
non cadentibus in sensum. Nam posse quidem hu-  
manam mentem advsque Ideas, & separatas Substan-  
tias intelligendas prouehi, id mirabatur, commen-  
dabátque: at somniare tamen de illis tam multa, &  
analogiis, ratiociniis que adeò leuibus communi-  
re, id non comprobabat, sed miserabatur. Dolebat ni-  
mirùm, præclara ingenia prætergredi incognita, in-  
tactâque ea, quæ oculis patent, subiiciunturque ma-  
nibus; excurrere verò ad ea, quæ ne coniectura qui-  
dem verisimili attingere licet. Quin dicebat etiam  
subuereri se, ne Doctores sibi nimium arrogent,

cùm præter ea, quæ fides docet, adeo confidenter de Deo, rebûsque diuinis disputant tam multa. Nam inconcussa quidem habenda decreta omnia fidei; at quæ præterea edisserunt, non esse posse non incomperta: & cùm nihil ab vno, nisi pluribus reclamantibus defendatur, videri posse sacratissimi argumenti maiestatem minui. Hacce de causa ferebat quidem publicas illas de Logicis, Physicis, Medicis, aliisque huiusmodi rebus parùm iuuanteis altercationes: at circa res Theologicas, impatienter ferebat frontem, qua conspiciebat homines assumentes se probaturos DEVM non esse, esse iniustum, impotentem, improvidum, miserum, alia: quoniam tametsi id fieri veritatis illustrandæ causâ diceretur, parùm tamen decorè fieret; neque vllus Princeps, cordatûsve vir similia de se, cùm præsertim nihil opus foret, controuerti non agrè ferret. Æquiùs tolerabat disceptari mores, dum tamen etiam Religionis, Patriæque statuta illæsa manerent. Censebat enim quammaximam habendam esse legum rationem, quæ desiderandæ quidem essent optimæ, at qualescunque tamen essent, venerationem mererentur. In earum quippe obseruatione salutem ciuium consistere; adeò vt etiam minùs iustæ iustioribus visis salubriores fierent, si religiosè obseruarentur. Porrò qui sic affecti essent, minùs improbabat, si aliunde ritus institutæque variarum gentium speculando cognoscerent, & cum nostratibus etiam compararent. Heinc enim putabat hominem ingenuum exuere posse præoccupationem, qua vulgus legem naturæ putat,

quicquid sibi in vsu est, nihilque ritè fieri, quod moribus suis videatur alienum. Nempe, cum omnibus discussis, viderit cæteras nationes suos quoque mores suis tueri rationibus, & vnamquamque reliquarum consuetudines improbare; tum posse illum animum suum supra vulgarem conditionem euehere, & defensurum quidem sua, sed æquum tamen se præbiturum aduersus omneis homines, futurumque, Socratis instar, non vnus tantum regionis, sed Vniuersi totius ciuem; nihil admiraturum in rebus humanis, & vt paucis dicam, ea existurum temperatione animi, vt maximam tranquillitatem, maximumque adeò bonum consequatur. Eam certè ob causam, non ex libris, narrationibusque euulgatis modò, varietatem morum cruebat, & vel solus, vel cum amicis subiiciebat examini: sed diligentissimè etiam quotquot aduenirent ex diffitis locis, rogabat ecquid illeic gentium circa instituta speciale notassent; ac si quoquouersum qui discederent, vt notarent, adhorrabatur. Hac verò ratione sic erat imbutus nationum omnium tam antiquis, quàm recentibus moribus, vt nihil penè noui renunciari posset; vtque apud omnes siue natus, siue conuersatus fuisse videretur; atque adeò ad bonitatem, qua sponte naturæ aduersus omneis effundebatur, id humanitatis genus adderet, quo cuiusuis demum conditionis homines, tanquam fratres complectebatur; paratus omnibus prodesse, nocere autem nemini. Nam exosa quidem habebat vitia illa teterrima, impietatem, crudelitatem, malitiam, perfidiam, & vno

verbo cætera : sed humanam tamen naturam à pra-  
 uitate seponens , & considerans , commiserabatur ,  
 quòd illa præ imbecillitate , excæcationeque non te-  
 neret virtutis viam . Scilicet homines non satis ani-  
 mum aduertere ad cupiditatum naturam , & ad ger-  
 manos bonorum fineis . Si enim perspectum habe-  
 rent , quàm pauca naturæ sufficiant , exularent dolus ,  
 & fraus , quibus superuacua quærentur ; & , si agno-  
 scerent opum usum , non exularent humanitas , ho-  
 nestas , moderatio , sine quibus societas , priuatáque  
 vita continuò turbatur . Ad-hæc , Mathematicas ar-  
 teis , quantum poterat , excolebat ; quòd altercatio-  
 nibus illis , de quibus antè dicebamus , minimè fo-  
 rent obnoxia ; & mentem aliunde sic imbuerent ,  
 vt partæ per demonstrationem veritati assuefacta ,  
 ipsa veri specie non faciliè deciperetur ; ac demùm  
 sui euidencia , certitudinèque eam voluptatem crea-  
 rent , quâ maior , & honestior , constantiòrque esse  
 non possit . Et non vacauit quidem scrupulosè sin-  
 gulis illarum partibus incumbere ; sed nosse tamen  
 voluit quæcunque præcipua , atque faciliora in om-  
 nibus fuerunt . Adamauit autem præsertim Astrono-  
 miam , quòd homo natus ad contemplandum , ni-  
 hil possit maius , sublimius , excellentius , illustribus  
 illis plagis inspectare . Deinde Geographiam , quòd  
 illa , vnà cum Chronologia , Historiam maximè col-  
 lustrent , præstentque ne viri ingenui , ac aliundè li-  
 terati , gerant sese pro pueris ; quin potius in totius  
 orbis , atque temporis quasi possessionem mittantur .  
 Postea Opticem , quòd per illam explicentur causæ

tam multarum rerum, quæ apparent oculis, quæque vel mirabilia habentur, vel nisi habeantur, sola familiaritas, & inconsiderantia facit. Heinc illum pictura mirè delectauit, eaque occasione & Pictores aluit, & tabulas varias, imaginésque obtinuit, quarum præstantiam diiudicare, si quis alius, maximè nôrat. Frequenter verò testatus est, pœnitere se maximè, quòd à teneris vsque annis pingendi artem non didicisset; optarêque, si fieri posset, digitis duobus sinistrae manus redemptam peritiam, qua dextra careret. Quippe tametsi tam in Patria, quam extra illam implorasset Pictorum variorum industriam, effigiandis rebus, quæ occurrerent; nihilominus neque semper adfuisse sibi peritorum copiam, neque potuisse alienas manus adeò frequenter vsurpari, ac sibi è re fuerat. Pari ratione Cælaturam, Sculpturam, Plasticen amauit, ac artifices habuit, qui antiqua opera vel restaurarent, vel imitarentur. Pari quoque Architecturam, vniuersêque Mechanicas, seu quæ machinis, organisque artificiosis circa aquam, & cætera, res mirabileis exsequuntur. Pari etiam Agriculturam, & vt breue faciam, omnem artem, atque industriam: adeò semper illius mens non ad vnâ quasi Cynosuram, aut Helicem; sed ad omnium artium, ac disciplinarum vniuersum cælum, obrutum intendit. Superest aliquid adiiciam de opinione vulgò effusa, quòd componendis variis Libris, & tractatibus admouerit manum. Et sanè haud negandum quidem, quin dudum spem multam fecisset edendi in lucem Antiquitates Prouin-

cia, euulgandisque obseruationes in numismata, selectaque alia prisca rerum monumenta : quin flagrasset pridem desiderio emittendi commentarios de Medicis sideribus, & Kalendario Constantiano ; quin uoluisset perfectum opus de ponderibus, & mensuris publici iuris facere ; quin multa quoque alia argumenta non affectasset : quoniam, ut nullum fuit genus laudabilis eruditionis, quod animi sui amplitudine, curiositateque non fuerit complexus ; ita nihil propemodum fuit, de quo aliquid scribere pererudite non destinaret. Veruntamen nihil demum fuit, cuius scriptionem fuerit aggressus ; si ea excipias, quæ, ut iam innui, in Epistolas transfumpta inseruit ; nam de libello quidem illo indigitato Squitino quid sentiendum foret dictum est suo loco. Is nempe optimus vir fuit, qui factum satis nunquam putaret, quantumcunque monumentorum aliqua de re obtinuisset : adeo ut toto quidem æuo congesserit varia de argumento quolibet ; sed, quia quo plura nanciscebatur, eò sibi plura deesse censebat, nihil tandem digesserit, imò ne inchoaret quidem. Memini verò, cum fatigaret à provincialibus circa Historiam Prouinciæ ( an scilicet breui foret proditura ) quæsisse ex eo, quoniam usque uellet respondere me nihil aliud, quam laboris quidpiam adhuc superesse ; ac tum subridendo excepisse illum, ideò interesse, ut opinio peruulgaretur de extrema manu breui imponenda Historiæ, quòd ea ratione plurimi desiderantes sui, suorum uer mentionem in illa haberi, maturarent ultro confer-

re vetusta quæpiam monumenta; quæ sæcùs, ne rogati quidem, communicaturi non forent. Addo sperasse quidem illum, vt liceret demùm Belgenferium secedere, immensámque illam congeriem eò delatam euoluere, ac omnibus ritè digestis aliquid eruere, eaque ratione pertexere, vt mereri posse lucem videretur: attamen diffidisse quoque tam de sua valetudine, quàm (negotiis semper incurrentibus) de illa otij felicitàte; memor præsertim, quod contigisset circa secessum nuperum, quò ne recluserat quidem scrinium circa memoratam historiam; tamen si Valauesius, qui auctor comportandi fuerat, sollicitaret, & se adiutorem, scribámque offerret. Quare cùm idem subuereretur; & omnia tamen perire nollet, id cepit consilium, quod iam diximus; vt ex occasione interdum subnatis, interdum quæsitis, Epistolas conscriberet, in quas præcipua quæque referret. Heinc dicere licet plerasque exstare, quæ eruditionis refertissimæ pro totidem libris haberi, ac in lucem edi omninò mereantur. Huiusmodi complures sunt, in quibus de rebus antiquis, ac rebus naturæ mirabilibus ita differit, vt nemo non inde erudiri possit. Minimè autem grauabatur, quæ rara habebat eius generis cum viris & bonis, & amicis communicare; quoniam eruditos semper diligebat, qui exinde proficerent, & in elaborandis variis operibus adiutarentur. Perinde enim esse censebat, seu ipse, seu alij publica illa facerent; si modò ea iudicarentur, quæ legi vtiliter possent. Quin etiam sperabat, ac profitebatur, vbi illa inserta forent cæ-

terorum operibus, tantò vtiliora futura, quantò per manus eruditas illustriora euaderent. Se nimirum non alio fine quærere, & suggerere, quàm vt essent irritamenta præclaris ingeniis, ad comminiscendum meliora. Esse enim se imparem, qui fœtum maturum, elegantemque produceret, aut articulatim lambendo formaret; fœlicem satis, si quomodocunque parturientibus obstetricaretur. Solebat proinde, etiam non rogatus, cuius scribenti ita adesse, vt nihil non subministraret, seu ex propriis obseruatis, seu ex cimeliis (non suis modò, sed aliorum etiam ob eam causam impetratis) seu ex MSS. quos nisi haberet, ex Bibliothecis quibuslibet obtinere satagebat. Ne memorem, quòd neminem ad scribendum quidpiam de re quacunque idoneum, non sollicitauerit, impedimenta, si quæ forent, amolitus non fuerit, pecuniam, libros, & alia, si quæ opus essent, non fuerit largitus. Sed de Epistolis dicere vt pergam, sunt etiam dignissimæ typis Morales complures, quibus consolatur, hortatur, dissuadet, aliâque miro cum lepore, ac energia exsequitur: sed nusquam, vt puto, facundior, quàm dum literatos viros admonet, vt à simultatibus caueant, à conuitiis, diæteris que mordacibus abstineant, antiquitati honorem habeant, nec sine specie aliqua reuerentiæ ab ea discedant: iudicium de rebus obscuris, atque controuersis non præcipitent; ambigua pro certis neque complectantur, neque diuendant; proferre sua potiùs, quàm euertere aliena affectent; non eos imitentur, qui iter facturi immorantur in egerendis quotquot occurrunt



currunt lapidibus, aut fasciculum rofarum lecturi, spinas prius omneis ex roseto demetunt; parcant, excusent, eleuent, si quid peccatum ab aliis; cogitentque, ecquisnam tandem dignus laude censendus sit, si impeccabilis duntaxat laudandus; gratè potiùs excipiant, quòd illi glaciem secuerint, callidè que asperrimos complanare saltem tentârint: agnoscant nihil esse initio perfectum, neminè que suos conatus collaturum in publicum, nisi aliquam potiùs gratiam, quàm reprehensionem sperârint: meminerint se homines esse, & lapsibus quoque obnoxios, ac eo nomine merituros, vt sibi quoque ignoscatur, si ipsi in alios æqui fuerint; atque id genus alia, quæ referre prolixum foret. Sunt quoque Epistolæ aliæ, quibus commendat, petit, excusat, gratulatur, exoptulat, cæteraque similia agit, tanta venustate, & gratia, vt desiderari nihil possit; adeò natus fuit seruando decoro, excogitandis rationibus, affectionibus commouendis. Prætereo autem illum perarò Latinè scripsisse; ac vsum præsertim Gallico sermone, aut Italico, cuius suauitatem, venerè que omneis suis non modò Epistolis, sed colloquiis etiam cum viris Italis expressit. Ac talis quidem ille Vir fuit. REDEO iam ad tempus, quo prædiximus ipsum incidisse in lethalem morbum. Taceri verò primùm non debet, percrebuisse Romæ ante paucos menses rumorem de illius morte, indeque Parisios etiam peruenisse: vnde Valauesius illeic tum degens, literas dedit congratulatorias, & meliorum votorum plenas. Non silendum etiam, quòd ipse

1637.

1637.

Peireskii, quatruiduo priusquam decumberet, huiusmodi somnium nobis enarrauit. Videbar, inquit, audire Sacrum in Sacello Palatii, cum prolapso fastigio, contignationeque effracta, ipse, alique Senatores, ac Sacerdos obruti sumus. Cum vero ad strepitum primum vellet Sacerdos expauesfactus sacrificium deserere, Ecquid, inquam, times, ô bone, qui DEVM habes præ manibus? Quanquam hæc attingo, non vt videar portenta quedam congerere ( vt solent multæ fabulæ pari occasione narrari ) sed ne ad finem properanti prætermittatur aliquid, quod singulare videri possit. Cæterum enim fabulas dixi, quæ referuntur vulgò similia; quòd nisi planè falsa sint, occasione saltem leui detorqueantur, & mero casu potius contingant, quàm ex instituto naturæ, cui maiori curæ non est sapiens, quàm morio, clarus, quàm obscurus. Quod ad memorata certè attinet, non hac sola vice rumor similis de Peireskij morte fuerat euulgatus, vt suis locis attigimus; potuit autem tantò facilius occasionem accipere, quanto sæpius auditum est ipsum cum morbis colluctari. Aliunde dies non multi erant, ex quo tectum Palatii magna ex parte conciderat: quare nihil mirum, si is casus animo Peireskij infixus sui speciem, vt vulgò fit, inter dormiendum excitauit; sed mistis aliis circumstantiis, ob factam aliarum specierum intercedentium confusionem. Vtcumque sit, inualecebant tota vrbe malignæ febres, eamque ob causam, cum nullum sibi prætermissum officium vellet, non itabat modò ad Præsidentem primum, cuiusque

vxorem iam conualefcenceis, vt retulimus ; fed aliis 16;7.  
 quoque frequens aderat , de quorum salute follicitus erat. In iis fuère & Francifcus à Sancto Marco laudatus Senator , cuius amorem ingenuum , constantémque summè colebat ; & Gregorius Francus familiaris medicus , in quo artis peritiã , lenitatémque morum amabat ; & Natalis Galliardus raræ indolis adolefcens , quem vt fperabat aliquando in iudiciis regnaturum , ita ob infignem affectum , quo erga bonas literas accenfum nôrat , deperibat. Cùm effent & complures alij , ac morbi effent populares , & feruores augefcerent , neque tamen ipfe præterea aut abftineret à Senatu , aut à curandis amicorum , domesticifque negotiis , aut ab adiutandis ftudiofis , aut ab Epiftolis feribendis , aut à difquirendis , atque obferuandis rebus variis ; difficile fanè non fuit id , quod euênit , augurari. Accessit , quòd cùm inuiffet Maffilienfem quendam amicum in diuerforio decumbentem , transferri illum in ædeis fuas , vt nitidiùs , ftudiofiùsque curaretur , voluerit , ac fæpiùs ipfi adfuerit , & per ipfum quoque delirium , aliãque morbi fymptomata arteriam attrectauerit , idonea verba dederit , de victu , deque omnibus necessariis ipfi rebus continenter prouiderit. Ac ille quidem tandem conualuit ; verùm dum conualefceret , cæpit Peireskius malè habere. Dies erat Iunij decimus , cùm fub auroram expergefactus , vbi agnouit fele indufium , obfudoris frequentiam , tota nocte non commutaffe ( vt bis , aut ter debuerat ) & perfenfuit interea cum leui fudore frigus horridiufculum , oculos aperuit ; &

1637. cubiculi non ritè oclusam fenestram conspiciens, morbum sibi ipse prælagiit. Heinc cœpit capite dolere; sed surrexit tamen, & curiæ interfuit, amicis-que, & ægros quosdam pro more inuisit, atque salutauit. Domum regressus, cùm dolor ille nihilo fieret remissior, prandere prorsùs recusauit, sperans (quod antè diximus illi non rarò successisse) fore, ut si integrum diem abstineret planè à cibo, & potu, ingruens malum auerteretur. Totum pomeridianum tempus aut sedit, aut decubuit; donec sub solis occasum inuisenti illum optimo Campinio occurrere voluit, tunicâ assumptâ, & post consertos multos sermones, ad limen domus deducere. Exeunte illo, aduenère, salutaueréque Raymondus Maranus Guillelmi filius, & in eadem Tolosana Academia iuris professor, cum ingenuo adolescente Fratris consiliarij filio, quibuscum aliquandiù agendum in atrio, ac denudato capite fuit: cùm simul intereà de ipsis domo excipiendis curam agitaret, forétque multùm anxius, propter occupatam, quæ illis magis congruisset, ædium partem. Ægrè posteà conscendit gradus; & cùm se demùm recepisset in cubiculum, dolor-que cum febre ingrauesceret, parum iusculi solùm hausit. Obseruârat, quoties à cibo, potúque prorsùs temperaret, nulla se laborare siti; quare tum, iusculo assumpto, sitire sese comperiens, haud boni esse ominis duxit. Die insequenti, quo festum fuit Dominici Corporis, rogatum misit, cuius suprà aliquoties meminimus, celebrem iuris antecessorem Hannibalem Fabrotum, qui cum hospitibus versa-

retur. Ipse totum diem decubuit, ac præter febrim, 1637.  
 dolorem renum, hæmorrhoidùmque persensit. Die  
 alio secta ipsi vena, & perseverante febre, balneari  
 aqua interdictum. Sub vesperam decimi tertij do-  
 lor capitis, cum febre increuit. Sequentè paullò me-  
 liùs habuit, voluitque redeunte Parisios cursore, qui  
 à Valauesio literas detulerat, manu sua rescribere: at-  
 tamen postquàm ter tentauit, tètque calamum, cu-  
 ius vitium esse opinabatur, commutauit, tertio tan-  
 dem versu ita manus hæsit, vt illa postrema ipsi  
 fuerit scriptio. Cùm interim Ioanni Saluatori, quo  
 medico tum utebatur, de apparanda potionè ægrè  
 consensisset, hausit illam proximo mane: & se ab  
 ea non malè habens, in curas varias incubuit. Die  
 decimo sexto literas ad Fratrem dictauit, quibus  
 morbum extenuaret; & sub noctem tamen appa-  
 ruere illi ad dorsum frequentissima exanthemata sa-  
 tis magna, ac rubicunda. Subsequentum est febris in-  
 crementum, & nox insomnis penitus. Heinc die  
 alio sub vesperam eductus est sanguis ex interiore  
 dextri pedis suffragine, vt auerteretur delirium, quod  
 in morbis huiusmodi & frequens, & vehemens erat.  
 Ac die quidem consequente, qua iam difficilior fa-  
 cta respiratio, tentatus delirio non fuit; sed fuit ta-  
 men decimo-nono, agnoscente me, ac vestigia eru-  
 ditionis obseruante. Die vigesimo, quo non tanta  
 fuit, quanta superioribus, stranguria, aliquantò se  
 meliùs habuit; nisi quòd à meridie delirium appa-  
 ruit paullò sensibilis; tametsi id fuit semper eru-  
 ditum, mihi que duntaxat perspectum. Nimirum &

1637.

me ferè vnum alloqui volebat, & parùm prorsùs loquebatur, & submissè, difficilè, ac lentè expromebat verba. Die sequente delirium fuit adhuc vehementius: sed vehementiore nempe facta febris, per quam denuò apparuerunt plurima exanthemata; & qua nonnihil visà remitti, cucurbitulæ applicitæ fuerunt. Cùm videretur proinde tam Saluatori, quàm Prifio Insulano medico pericolosè laborare, prouidendum nobis fuit, ne absque salutifero viatico exiret è viujs. Re illi proposita, annuit, Sacrumque præterè intra cubiculum audire die vigesimo secundo optauit. Quare memoratus Minutius, ex Minorum ordine, licentiã ab Archiepiscopo impetratã, & Sacrum fecit, & Sacramentum Eucharisticum illi ministravit. Exceptit priùs confessionem optimus Rector Congregationis Oratoriæ Iacobus Resius, qui pridem, dum ille incolumis foret, excipere consueuerat. Peraçta hæc sub horam nonam, cùm ille continenter fellæ infedisset, cui imponi se iusserat, vt facere posset urinæ dimanationem faciliorem. Defessum nimis arbitrabamur, cùm loco emoueri renuit, semouerique arbitros iussit, vt capita quædam Testamenti dictaret. Præcipua fuère, Velle se condi in Maiorum sepulcro; intra Sacellum videlicet Ecclesiæ Dominicanorum, quod ad cornu læuum maioris altaris. Legare ipsjs Dominicanis libras turonicas trecentas, Oratorij Patribus mille. Mihi mathematicos libros omneis, cum instrumentis omnibus, & ex libris cæteris, arbitrato meo volumina centum, cum Vendelini effigie. Scipioni Peretto, in

pignus affectus, Florentinorum Pandectarum exem- 1637.  
 plum; Hannibali Fabroto volumina de iure sex, pro  
 arbitratu deligenda; Balthazari Viasio sex numisma-  
 ta, pro eius delectu; Arthuro Oliuario ex antiquis  
 annulis vnum; Bonifacio Borrillio iconem Rubenij.  
 Nepoti, lustricis filiolis, viris officiosis, famulis ( quos  
 inter meminisse voluit Antonij Agarrati, operam  
 mihi inter obseruandum res cælestis conferentis )  
 summas pecuniæ varias. Illi, quem ad aurem Fratri  
 nominârat ( euentus autem Cardinalem Barberi-  
 num fuisse probauit ) Pentateuchum Samaritanum.  
 Hæredem instituere Fratrem, & testamenti curatores  
 Honoratum Agutium Senatorem, & mox nomina-  
 tum Balthazarem Viasium. Id cum in acta fuisset re-  
 latum, publicatûmque sub vesperam, subscribere  
 ipse, præ debilitate, non potuit. Vrina interim re-  
 tenta, tumorque magnus, ac intensus ad ipsam ve-  
 ficæ regionem subortus. Die vigesimo tertio manè,  
 satis quietè se habuit, agrèque tulit fomenta qua-  
 dam tumori illi applicari. Circiter meridiem hortat-  
 us est me, ne Solis altitudinem inobseruatam præ-  
 terirem; meminîtque interrogare, solstitium-ne  
 exactum foret. Non multò post verba delirij; sed  
 curiosi semper, atque eruditi. Sub horam quartam,  
 educenda chirurgi ope vrina fuit. Is, cum cereâ can-  
 delâ vsus nihil proficeret, catheterem, seu organum  
 Algaliæ dictum vsurpauit. Et satis quidem tum  
 deriuatum; sed immenso viri labore, qui, cum stare  
 ipse non posset, continendus erectus fuit. Cum  
 non-nihil interquieuisset, epistolium ad fratrem di-

1637. Etavit : ac post horam nonam chirurgus iterum vrinam eduxit : verum parum abfuit , quin deficeret , tanto dolore , tanta simul lassitudine fuit affectus. Die tandem vigesimo quarto , ac sub ipsum exortum Solis , rogavit illum Minutius , num sibi extremani Vnctionem administrari pateretur. Annuit se id etiam optare ; & cum paullo post Parochum adesse renunciauimus , Valdè sum ipsi obstrictus , inquit. Tum innuens vt aurem sibi admouerem , mandauit curarem libras duodecim Parocho exeunti donari. Sic semper sollicitus fuerat de persoluendis tam medico , quàm chirurgo in quaternos dies honorariis. Cæterum , cum absolutiones à Parocho pronunciantur , ipse sponte , ac manu sua sese crucis signo communiit. Testatus est etiam oblectari se , cum inunctio perageretur. Adstiri deinde , ac iussi bono esse animo : nam si DEVS quidem hanc vitæ , laborumque metam præscripsisset , fortiter ferendum , sequendumque Ducem , quo solitus erat animo infractos. Hæc autem ad verba annuit leniter. Pronunciavit postea Minutius generalem absolutionem ; & , cum proposuisset dimittendum aliis , vt vellet sibi à Deo dimissum , quicquid in ipsum peccauerant ; respondit statim , ita esto. Interim regio abdominis , quam prætumidam , intensamque iam diximus , emolliri non-nihil visa , ita deinceps tensa est , vt questus fuerit se suffocari. Abnuerat à die superiore cataplasmata ; tum autem superueniens Resius , vnà cum Minutio , rogavit , vt DEI amore applicationem pateretur. Ille autem , quia ergo vobis ita videtur , ita fiat.



fiat. Non longum tamen pertulit tempus; sed amoueri breui pòst iussit, suffocari se interim conquestus. In remedium ergo ciendæ urinæ quæsitus chirurgus; sed is in villam nescio quam, aut quid acturus discesserat. Requisiti alij, vel manum adhibere ausi non sunt, vel destituti organo fuerunt. Iussit intercà se sellæ imponi, verùm, demissis pedibus, sustentare se iam ampliùs nihil potuit; imò supra sellam ita est collapsus, vt deiecto collo, distortisque oculis visus fuerit nobis animam efflare. Restitutus lecto sic vireis resumpsit, vt potuerit adhuc de suffocatione queri. Aduenere tum primus Præses, ipsiusque coniunx, qui cursorem nouum ad chirurgum euocandum instigârunt. Accersito interim alio, in excensu lecti constitutus fuit; sed chirurgus frustrâ adnitente, ob corrugatum præputium, catheterem inducere, est iterùm planè collapsus. Resumpserat aliquid virium, cum chirurgus alius sub meridiem redire organum vix tandem intrusit, urinamque frustrâ excire tentauit: ac ipse defecit iam tertium, lectoque licèt repositus, parùm virium recuperauit. Verbum certè nullum deinceps emisit; tametsi creberrima illa, difficillimâque respiratio visa est interdum vocalis. Heinc à Resio admonitus, vt Seruatoris IESV nomen saluiferum pronunciaret, obsecundare non potuit; & rogante illo, vt signum pietatis, quale posset, ostenderet, ostendit aliquoties, oculis sublimè clatis. Denique tot laboribus, doloribusque confictatus, animum DEO reddidit, paullo ante horam à meridie tertiam: cum vixisset annos LVI, mensis VI, dies

1637. XII horas XX. Ab excessu, curauit Nepos perhonorificum apparari funus. Et quia tum domi versabatur plastes, sculptorque egregius Petrus Pauillonus, quem *ὁ μακαρίτης* ante duos menses Roma redeuntem detinuerat, ut & truncam Dianæ statuam, & Tripodem lacerum, & opera alia marmorea restitueret; ideo vsutpata illius industria, ut gypseum plasma deformaretur ex totius oris dimensionibus, quò deinceps statua quam-simillima ex marmore conficeretur. Medicis quoque visum est parteis corporis internas spectare, ut mortis causam, licet non foret prorsus obscura, perspicerent. Itaque nocte consequente in id incubuerunt, exsectoque cadauere, deprehenderunt cor, iecur, pulmones, cætera non malè affecta: vesicam verò parte anteriore id contraxisse vitium, ut madefactæ papyri instar, vel leui tactu discerperetur. Heinc creditum illam ab vno, alterove die disruptam, urinamque proinde effusam in regionem abdominis, memoratum illum tumorem creasse. Postica pars sana, & integra magis: in fundo autem copiosum phlegma, cum arenulis non admodum multis. Ad sphincterem caruncula, callosæve substantia fuit, quæ infernè lunulata, & triente propè digiti densa meatus orificium obstruebat. In sinistro rene nihil insolitum: at in dextro fuere arenulæ multæ, cum plerisque calculis, ex quibus tres maiores visi, vnus quasi amygdalum: cæteri duo quasi lupini. Ex hac ergo causa nephritis ad dextrum latus fuerat; ut stranguria ex obturato per carunculam orificio. Insequenti die,

qui fuit vii. Kal. Quintileis, elatum funus magnâ pompâ, magno omnium bonorum luctu; conditumque fuit, dum sacra solemniter peragerentur, in illo maiorum conditorio, ad ædem Diui Domini-  
ci, vndecimâ horâ ante-meridianâ. Aberat magno suo dolore Valaefius frater Parisiis, cum triste factum nuntiatum est. Præter enim acerbitatem, desideriumque erepti carissimi capitis, mœstitiâ auxit, quòd assidere laboranti non contigisset, quòd non fouere deficientem, non satiari vultu, & complexibus, non mandata excipere, non extremas voces, quas penitus menti figeret, audire. Qui illi casum aperuere, literasque nostras simul reddidere, fuere Fratres illi Puteani, quibus amicis optimis Fratrum vterque semper est usus. Ex iis natu maior Petro Seguierio Cancellario carus, rem illi nunciandam suscepit. Cum ipsum verò offendisset magnâ frequentia circumseptum, & rogatus num quidpiam vellet, quid esset rei significasset; tum ille, secedamus inquit, grauiorem enim casum narras, & vir ille maior, affinisque carior nobis existit, quàm vt obiter dolendum videatur. Valaefius autem, consternatus licet, generosè tamen animos resumpsit, & Cardinalem Lugdunensem conuenit, qui ipse quoque pro amore, quo erga Fratrem fuerat, testatus est insignem luctum. Accessit etiam ad maximum, & toto orbe, totòque æuo celebrandum Ioannem Armandum Plesseum Cardinalem Richelium, qui & copiosè significauit quàm caram haberet *re maximè* memoriam, & Abbatiam Aquiltriensem vltro

1637. collatam voluit eius ex sorore nepoti, ac Præsidis rationum primi Henrici Seguirani filio. Adueniens deinde post vnum, alterúmve mensem in Prouinciam, nihil potiùs habuit, quàm iusta persoluere, adessèque etiam exsequiis, quas, constituto Cenotaphio Riantiensis celebres fecerunt. Scripsit quoque illicò Genuam, vt marmor inde auheretur, erigendo monumento, quod & Fraterno nomini, & amori mutuo esset consentaneum. Cæterùm statim percrebuit rumor, interiisse Peireskium, quò orbis patet literatorum; qui vniuersè perculsi sunt, quasi Parente, ac Principe rei literariæ defuncto. Nempe cùm omnium spes foueret, animos omnium erigeret, omnibus præsidio, & auxilio esset; non potuere omnes non frangi, conciderèque animis, quasi subducto spiritu, quo vniuersi animabantur. Statim autem dico: nam ecce Lugduno etiam Batauorum, III. Eidus Iulias datæ à Salmasio ad Puteanos literæ sunt, quibus se ineptum ad omnia ex renuntiata morte perscripsit. Et ne præteream quæ subdidit, *Impar sum, inquit, animo firmando, qui animo planè despondeo, studiaque nullo habeo loco, ex quo ille non superest, qui ipsorum fautor, promotórque erat. Ac temperaretur quidem desiderium, si licuisset superstiti testatum facere affectum, quem ob collata beneficia merito iure conceperam: nunc autem est mihi moriendum ingrato, quando ille est grati animi significationi præmortuus. Quod possum, illud superest, vt ipsius memoriam veneratione prosequar, & scriptis meis ea transmittam testimonia in posteros, quæ incomparabilis viri, meritaque nunquam*

*satis aestimanda deponunt ab homine, qui illum, dum vixit, suscepit, pluraque ab ipso beneficia, quam abs quocumque mortalium tulit. Sed dicere plura non possum, quin effluam totus in lachrymas, & necesse est stylum heic aberrumpam. Ecce aliunde literæ Româ postridie eas Eidus conscriptæ à Naudæo sunt, quibus hæc inter cætera, Heu rerum vices! heu fata infanda! heu mors acerba, & infensa bonis omnibus, quæ gestienti latitiæ intercessit; viro illo incomparabili, tunc cum nihil minùs, quam de eius obitu timebatur, è viuis sublato! Vbi enim crinitum sidus effulsit? ubi de cælo intonuit? ubi terræ-motus, & fragores insoliti, spectraque, & portenta apparuerunt, in eius viri; omnium maximi, omnium optimi, sapientissimique interitu? sanè ludunt nos, &c. Alias prætereo literas, in quibus illa passim leguntur, Nulla ferent talem sæcla futura virum. Et, Quando ullum inuenient parem? Et, Occidit igitur spes nostra? occidit Sol noster? occidere Charites? occidere generis humani delicia? occidit ille, Solus, qui tristes hac tempestate Camænas Respexit? Alias etiam prætereo, quibus amici, eruditique, in quorum pectoribus candor, & gratitudo inhabitat, vt dolorem testati sunt, sic consolationem mutuam adhibuerunt. Peruenere ad me complures; sed principem locum ex tenent, quibus lo. Ludouicus Gayus Balzacus, celebris ille scilicet, cui nemo non Gallicè modò, sed Latine etiam scribentium elegantia palmam non facile cedat, singulariter parentauit. Prætereo rursus Epicedia, Epitaphia, Threnos, Encomia, Elogia; quæ tam prosa, quam carmine, variisque linguis sunt euulgata; sed Latine potissi-*

1637. mùm, à Grotio, Rigaltio, Dumayo, Gothofredo, Gaffarello, Billono, & aliis; ex quibus nemo succent-  
 feat, si honoris causâ Viasium seponam, qui vt Pei-  
 reskium summè coluit, ac summo illi in pretio fuit;  
 ita se impigrum exhibuit in condendo poëmate, quo  
 laudes viri egregias prosequutus est decentissimè,  
 copiosissimèque. Quanquam operæpretium erit, si  
 præterea selegero, attexeróque Epitaphium, quod  
 à Rigaltio contextum est, quódque Valauesius de-  
 legit, vt monumento incidatur. Id igitur ita se  
 habet.

HIC. SITVS. NICOLAVS. FABRY. PEIRESCIVS.  
 AMPLISSIMI. ORDINIS. IN AQVAVR. SEXT.  
 CVRIA. SENATOR.

CHRISTIANAM. RESVRRECTIONEM. EXPECTAT.  
 RECONDITISSIMOS. ANTIQVARIÆ. SVPEL-  
 LECTILIS. THESAVROS.  
 SAGACITATE. CONSILIO. LIBERALITATE  
 CVNCTIS. ORBE. TOTO.

DISCIPLINARVM. STVDIOSIS. APERVIT.  
 DOCTISSIMIS. VNDE. PROFICERENT. SÆPE.  
 MONSTRAVIT.

MIRA. BEATITATE. FELIX.  
 SECVLO. SATIS. RIXOSO. NOTISSIMVS. SINE.  
 QVERELA. VIXIT.

VIII. CAL. IVL. ANNO. CHR. CIO. DC. XXXVII.  
 ETATIS. SVÆ. LVII.

OPTIMO. VIRO. BONOS. OMNES. BENE-  
 ADPREGARI. DECET.

Enimverò præterire non decet funebreis honores

Romæ habitos ; cùm vel reticere non debeat callida virtutis æstimatio , qua viri sapientissimi etiam hominem Transalpinum condecorandum esse censuerunt. Cùm enim & Pontifex Summus, & Cardinalis Barberinus, & cæteri magni, ac eruditi homines non sine ingenti dolore lugubrem casum accepissent; placuit honores decernere, quibus virum de nomine, orbéque Romano, atque literario benè meritum, exornarent. Cooptatus fuerat, dum in viuis esset, ac tamen absens, in eam, quam vocant Humoristarum Academiam: celebrem nempe societate eruditorum hominum, quorum concio bis quoque mense ita cogitur, vt, magnâ aliunde frequentia, Academicorum vnus orationem pro suggestu habeat, recitent alij poemata, elucubrationesque alias eruditæ auribus dignas. Itaque visum in eo conuentu publicos honores Peireskio deferre, institutis licet reclamantibus, quibus id honoris conceditur solùm Academia Principibus; adeò vt totis quadraginta annis, consequuti ipsum non plures, quàm sex, usque Principes memorentur. Sed euicit nimirum fama, splendorque eximie virtutis; euicit summi Cardinalis singularis propensio: euicit Camilli Columnæ Academia Principis generosa humanitas; euicit Academicorum, quorum suffragia inita sunt, admiratio, & obseruantia. Indictus proinde est dies ad xii. Kal. Ianuarias, quo parata subsellia, tapetibusque pullis instrata, vna cum suggestu, & imagine τῆ μακαρίτου, conspicuo loco. Conuenere autem præter Barberinum, fratremque Antonium, Cardinales Bentiuo-

1637. lus, Cucva, Biscia, Pamphilius, Pallotta, Brancatius, Aldobrandinus, Burghefius: ac cæterorum perillustrium, doctorumque hominum multitudo tanta, ut illi capiendæ aula non suffecerit. Et carmina quidem in defuncti laudem Italicè, Latinè, Græcè recitârunt lectissima totius vrbs ingenia: funebrem verò orationem copiosam sanè, & elegantem pronunciauit Ioannes Iacobus Buccardus delectus ad id muneris, tum ob raras ingenij doteis, tum ob amorem patrium, specialemque erga Maneis dilectissimos affectum. Præcipua eius orationis commemorarem capita; sed ea aliquoties edita iam est, vnâ cum nuncupatione Cardinali maximo facta, cumque subiuncta Epistola ad Luillerium iam memoratum. Accessere verò editioni Romanæ non recitata modò illa ab Academicis carmina; sed literæ etiam Naudæi, quarum mentio facta iam est; & fasciculus præterea insignis Elogiorum funebrium, quæ, quòd totius propè orbis idiomatibus sint expressa (quadraginta enim, proximè sunt) ideò titulus ipsis ΠΑΓΓΛΩΣΣΙΑ, siue generis humani LESVS in funere delicij sui. Cùmque ea editio probari deberet Magistro sacri Palatij, præiuit ecce, declarauitque censurâ suâ Lucas Holstenius, illam Buccardi laudationem diseritè, & eleganter, atque ea prorsus puritate, ac candore scriptam, quo summus ille, & incomparabilis vir semper vixerat; & Epicedia à clarissimis, ac præstantissimis viris conscripta, hoc est ipsas Musarum lacrymas limpidò, & eruditò Romanæ Academiæ humore in Peireskij funere manantis ad tanti viri memoriam posteritati consecrandam



*secundam typis excudenda ; cùm hominis ad bonas literas, artibusque iuuandas nati exemplum sanè illustre obiculos ponant.* Atque hæc quidem Romæ peracta paullo fusiùs commemoro : quoniam ea fuit quasi Apothecosis, quam totius Orbis applausus excepit. Nam licèt nemo eruditorum non totis votis optauerit, vt Peireskius fuisset diuturnior recreator hominum ( quod olim dictum de Principe ) quàm maturior Diuorum comes : attamen placuit omnibus exhibitos illi post mortem honores in eo teatro, cuius fuerat dignissimus creditus, dum esset in viuis. Ac fortassis quidem, si esse contigisset superstiti, fuissent tandem amplissimi, non expetenti licèt, delati ; verùm ij nihil poterant gloriæ illius addere, qui suffragiis communibus fuit semper quam-maximis dignus. Quin etiam, vt fuit semper ditior iis, quas contempnit opibus : ita gloriosior honoribus, quos ambire est dedignatus. Quare & licèt medio in spatio integræ ætatis ereptus, quantum tamen ad gloriam spectat, æuum peregit longissimum ; qui virtute sua obtinuit famam nominis sempiternam. Quippe donec supererunt, qui bonas literas amabunt, memoriam illius carissimam ducent, cuius amorem in literas, & munificentiam erga literatos, per omnibus resperfam libros contuebuntur. Multorum passim meminimus ; sed reticimus longè plures, etiam ex inscriptis eius nomini ; quoniam obrutis rerum copiâ, visum satis est ea seligere, ex quibus, quæ essent in oculis omnium, monstrata intelligerentur. Vnum reticere non licet, quod huius loci est proprium ;

nempe Auctores plurimos consecranda illi destinasse sua opera, quo tempore est fatis functus. Fuere inter illos Campanella, Licetus, Hortensius, Buccardus, Arcosius, & quis tandem non? Quid putas verò præstitum fuisset, si contigisset illi ætatem maturiorem attingere? Plurima sanè, & maxima censei possunt ea, quæ peregit: at sublatus tamen tunc est, cum inciperet iam seipsum præclarissimis facinoribus superare. Iam enim plureis sibi vias aperuerat in omneis Europæ Prouincijs: in Asiam, ac totum Orientem; in vniuersam Africam, & ad extremam vsque Æthiopiam; in vtramque Americam, & incognitum etiam Orbem; adeo vt iam posset vberius quacumque patet genus humanum, commiscere mortaleis omneis literarum commercio; & literatis omnibus expetita omnia librorum, aliarumque quarumuis rerum subsidia facere in promptu. Sed de iis quidem, quæ fuerant illo superstite futura, DEVS optimus viderit. Luctum certè maximum fecit; cum Gubernatorem eripuit, qui tenebat clauum Nauis literariæ, vel potius ipsam Cynosuram, in quam eruditi omnes respectabant; non substitutâ interim aliâ, ad quam ora obuertant sua. Nam sunt quidem, qui opibus, auctoritate, gratia, certum genus eruditionis, eruditorumque adiuuent, ac foueant: verum nemo est, qui, illius instar, quoslibet, vbiuis sint gentium, studio prosequatur ardentissimo; curas in id omneis conuertat, nihilque non posthabeat; peculium in eam rem exhauriat, liberalissimèque profundat; fide sit apud omneis magna, & occasiones

benefaciendi voluntate, industria, fœlicitate maxima capret. Vix certè credibile est exoriturum vnamquam virum, perinde natum, comparatùmque. Nam & quamuis superior ætas, fœlicitate sæculi oppidò perrara, produxerit triumuiros illos, Pincllum, Velferum, Molinum, fingulari studio in omne literatorum nomen propensos: Peireskius tamen superuênit, qui fingulorum virtutes ita est complexus, vt omnium laudes, quasi infra se positas, prægrauasse videatur. Quin-etiam, cùm ante claros illos viros, vix pauci memorentur Reges, Imperatoresque, qui pari affectu ducti fuerint; videtur Peireskius alia nulla re, quàm opum amplitudine, ostentationeque inferior. Censuere id certè viri eruditi, cùm verè regium, magnificùmque eius animum commendantes, & exemplar beneficentiæ nunquam intermoriturum agnoscentes, prædicauere eum occupasse destinatam Regibus gloriam; ac ipso quoque Meccenate tantò fuisse laudabiliorem, quantò Augustum non habuit, cuius fauore, largitioneque benefaciendo vteretur. Atque is demùm verus est fructus, quem ille consequutus est, vt gratam sui recordationem in illorum pectoribus consecratam reliquerit, qui ipsum cœlo exæquant, in omnem transident posteritatem. Splendorem quærunt alij amplificandis Imperiis, ducendis exercitibus, exhibendis spectaculis, Mausolæis, Pyramidibus, aliisque id genus exstruendis; sed illos tamen velut inglorios, & ignobileis obliuio tandem obruit; aut, si quæ memoria eorum superest, vel despectui est, vel

affectu caret. Ii soli, qui benefaciendo nomen, decusque comparant, immortalitatem sic adipiscuntur, ut nemo vnquam sine ardore, tacitoque sensu gratitudinis meminisse illorum possit.

HAC ière via omnes Proceres; ad quorum amorem post tot sæcula nos historia lecta pellunt; hac tu vadis cœlesti passu, Ludouice Valesi, Principum optime; cuius immensa bonitas sentiri à nobis, non exprimi potest. Haud abs re sanè sum ominatus, tam caram tui memoriam, quàm Timoleontis perennaturam: tulisti me enim, satù memini, de exacta illius vita apud Syracusios, quibus præerat, differentem. Quippe, neglectis rebus tuis, in eam curam totus incumbis, ut laborantem Prouinciam sustentens, foueas, subleues, & (si liceat per tempora) in pristinum etiam splendorem restituas. Perge modò tam tui amanteis, tam in te propensos demereri populos; ij nempe sunt, qui etiam-num Renati illius, ex tua profapia, Regis optimi, ac beneficentissimi, renascentem gloriam propagant, & colunt. Sed ut concludam, HÆC tandem sunt, qua te iubente, ac aliis variè effragitantibus, de Peireskio dicenda habui. Non deprecor veniam, quòd extremam manum seriùs, quàm optâris, imponam: nosti enim diuturnum morbum, diuturnioresque reliquias, quibuscum est anni dimidium exactum.


*Vix iam certè sum ab iis liber, ut credere possis opusculum hoc valetudine dubia lucubratum fuisse, atque idcirco nihil esse mirum, si animi cum corpore languentis præ se ferat notas. Qualecumque id fuerit, animi saltem erga te obsequentissimi testimonium feret. Ipse interea me comparo, ut ad te (quandò pro tua illa rarissima humanitate ita videtur) quam-primum redeam. Tu benè vale, Principum decus. Absoluebam Diania, XII. Kal. Mart. anno salutiferi partus CIO. DIC. XXXIX.*

FINIS.



## Errata quædam Typographica.

<i>Paginâ,</i>	<i>Linâ,</i>	<i>Legi</i>
14.	12.	Teadz
47.	21.	tempore tamen
80.	<i>vis.</i>	quovsq̄ue
141.	<i>vlt.</i>	rosimilius,
157.	18.	sicque
203.	11.	pro
207.	15.	mortis subditos
245.	8.	sq̄uammosz
250.	16.	ampliùs
257.	13.	semidiametris.
272.	13.	quidam
302.	16.	propiores.
392.	10.	fractio.



# RERVM ALIQVOT PRÆCIPVARVM INDEX.

QVÆ AD SERIEM VITÆ PEIRESKII  
POTISSIMVM SPECTANT.



- M**AIORES, pag. 11. & sequentibus. *De Patre*, 14. & alibi. *Moritur*, 206. *De Matre*, 15. *Moritur*, 18. *De Patruo*, 14. & alibi. *Moritur*, 108. *De Fratre*, 18. & alibi passim. *Supereff*, 395
- Natales, locus, tempus, initiatio, nomina*, 14. & sequentibus.
- Indoles, ac Mores*, 19. & passim toto opere. Ex professo autem, copiosè que à pagina 331
- Ingenium, ac Studia*, 20. & sequentibus, ac passim toto opere. Specialiter verò, ac fusè à pagina 357
- Gubernaculum literarum arripitum*, 50. & sequentibus.
- Doctus adeptio*, 69
- Senatoria dignitas*, 71. 100. Vide etiam de ea, 196. 248. 362. 309
- Abbatia*, 168. 9. 395
- Profectio in Italiam*, 2. & sequentibus. *Commoratio Patavii*, 28. & sequentibus. *Excursus Venetias*, 31. *Romam*, 33. *Neapolim*, 41. *Reditus Patavium*, 45. & seq. *Reditus ex Italia*, 59. *Commoratio Monspelii*, 61. & seq. *Reditus*, 69
- Profectio I. Parisios*, 82. *Excursus in Angliam*, 88. *In Hollandiam*, 91. *Reditus per Flandriam*, 95. *Reditus in Prouinciam*, 98
- Profectio II. Parisios*, 138. *Reditus*, 143
- Profectio III. Parisios*, 155. *Reditus post septennium*, 193
- Secessus Belgenferium*, 231. *Reditus in urbem*, 261
- Amici*, quorum foret nimis operosa enumeratio, passim vbique.
- Elogia à claris viris*, toto passim opere.
- Morbi*, 21. & passim. *Graviores*, 77. 153. 208. 248. 254. *Extremus*, à pag. 185
- Mors*, 393. *Funebres honores Roma habitii*, 399. 400

# INDEX.

## Quæ ad rem Antiquariam, ac Historicam.

### A

- A** *Bacus antiquus*, pag. 291  
**ΑΒΡΑΞΑC** *Basiliiano-  
 rum Hereticorum vox*, 35  
*Acia mollis apud Celsum quid*,  
 297  
*Æs graue*, 61  
*Ætion, insignis gemma*, 90. 109  
*Amethystus insignis*, 85  
*Antiquaria rei studium quale  
 esse debeat*, 373  
*Aquense Collegium, Uniuersitaſſe-  
 que*, 68. 69. 72. 76. *Aquen-  
 ses Consules iudem Prouincie  
 Procuratores*, 223. *Aquensis  
 Palatii incendium*, 14. *Palatini  
 auditorij contabulatio*, 102. *Po-  
 li atritudo*, 174  
*Ara Augusto dicata Narbone; &  
 locus Taciti ex ea corrigen-  
 dus*, 64  
*Arabici Codices*, 225. 262. 297.  
 298. 310  
*Arcus triumphalis Araufione*, 64  
*Areæ, Olbia antiquorum*, 11  
*Arelatense Pontificium*, 209  
*Arenorica lingua*, 311  
*Argæus Cappadocie mons adora-  
 tus*, 48  
*Arrha genialis, seu annulus pro-  
 nobus*, 230  
*Aſſis partes*, 64. 256. 374  
*Aſſiſa Principum Chriſtiano-  
 rum*, 215  
*Auenio, & Venaſcinus Comita-  
 tuſu quando, & quomodo in di-*

*tionem Pontificiam venerit*, 104  
*Aurelianaſis Eccleſia, & qua-  
 rundam imaginum antiquitas*,  
 88. *Aurelianaſis puella æta*,  
 84  
*Auſtriacam familiam ex Phara-  
 mundo maſcula ſerie non dedu-  
 ci oſtenditur*, 163. & ſeq.

### B

- B** *Arberini Cardinalis Legatio  
 in Galliam*, 102. *Reditus*,  
 206. *Legatio in Hispa-  
 niam*, 107. *Reditus*, 210  
*Barcinonenſes Comites*, 151. 208  
*Belgicam, Teutonicamue linguam  
 eſſe primam omnium quis con-  
 tendat*, 311  
*Biblia inſignis antiquitatis*, 167.  
 168.  
*Boryſthenis Equi Adriani Tumu-  
 lus, Epitaphium, Numus*, 227.  
 228  
*Britannica lingua antiquitas,  
 eiſque apud Gallos uſus*, 89  
*Britannia vox in numo*, 97

### C

- C** *Amæus, ſeu Achates inſi-  
 gnis in Theſauro S. Capella  
 de Apotheoſi defuncti Au-  
 guſti expoſitus*, 178  
*Cameus alius in Cimeliarcho Im-  
 peratoris expoſitus de Apothe-  
 oſi uiuentis Auguſti*, 181  
 Cam-



# INDEX.

- Campania, & Latij loca quadam,* Elephas *fan.ambulus* ex Medallione, 251  
42  
*Canalis ex Druentia in agrum Arelatensem quando, & à quo derivatus,* 214  
*Carthaginienſis portus, 40. Carthoginienſium lex quadam, 100*  
*Cenſum imminutorum cauſſa, moneta uſualis,* 211  
*Cimbricam linguam eſſe primam omnium quis contendat,* 312  
*Clandefſtinorum coniugiorum prohibitiſio,* 216  
*B. Clementis Epifſtola reperta, editaque,* 269  
*Columna Antoniniana, & Traiana,* 38  
*Conſagratio Baſilica Palatina Pariſienſis, 166. Pontis Trapezitici,* 186. 187  
*Conſtantini Porphyrogenete Codex continens Excerpta inſignia ex Polybia, aliſque hiſtoricis,* 214. 293  
*Cophitici libri,* 244. 269  
*Corſicana expeditio Scipionis Barbaſi ex Inſcriptione,* 157  
*Currus vento aliu,* 23
- D
- D** *Elphini Baptiſmus,* 98  
*Dinienſia Balnea, ac Therma ſingulares,* 102  
*Doctoresorum Inſignium origo,* 70
- E
- E** *Celeſtarum ſitus in ortum, Tropicumque Hibernum,* 187  
*Eclatſis famine inſignis,* 44.  
*Cardani etiam,* ibid.
- F
- F** *Erraria ditio caduca à Clemente VIII. recepta,* 17  
*Fluminum variorum nuncupationes ex eadem origine,* 312  
*Francica hiſtoria Authores conquiſiti, 167. 168. editi,* 313  
*Francorum Regum Stemma vindicatum à technis Scriptorum Auſtriacis aſſentantium, 163. & ſequentibus.*  
*Francorum aliquot Regum effigies in ſigillis antiquis, 87. 109. Tumuli, 87. Statua, 167*
- G
- G** *Lud. Auſtridi cacomagia, 135*  
*Globuli mirabiles in ciſtula ſellea D. Clara reperti, 41*  
*Græca lingua uſu, 48. Græci Codices,* 214. 263  
*Guardonis, ſeu Vardonis pont,* 64
- H
- H** *Enrici Magni, & Mariae Medicæ ſponſalia, 33.*  
*Eiuſdem Henrici mors, & de ea pronia,* 126  
*Hieroglyphica menſa Iſſaca, à quo expoſita, 56. 57. Hieroglyphicorum interpret,* 255
- Fff

# INDEX.

<p><i>Historia studium quàm utile, 371</i>  <i>Hollandi, ut templis, &amp; insigni-</i>  <i>bus Equitum pepererint, 95. ut</i>  <i>Bibliothecam instruant, 249</i>  <i>Homeri effigies cum inscriptione,</i>  <i>150. Ilias cum notis Porphyry,</i>  <i>267</i>  <i>Honorij, &amp; Theodosij Imperato-</i>  <i>rum constitutio, 143</i>  <i>Humoristarum Academia Roma-</i>  <i>na, 399</i></p>	<p><i>Leësternium marmoreum insti-</i>  <i>gne, 75</i>  <i>Leronsium Insularum vindi-</i>  <i>catio, 329</i>  <i>T. Livi ossa Patauij condita, &amp;</i>  <i>ex iis braccium Neapolim</i>  <i>translatum, 57</i>  <i>Locrensium lex quedam, 100</i>  <i>Longauitas senis Angli, 314.</i>  <i>Perse, ibid.</i></p>
---	---

## I

**I** *Ccius Morinorum portus, 216*  
*Inscriptiones varie, 40. 46. 57.*  
*64. 150. 157. 227. 313. &c. Ali-*  
*que mirâ solertiâ à Peireskio*  
*explicata, 86*  
*Insule natantes, 216*  
*Iobelaum anni, 1600. 41*

## K

**K** *alendarium Constantinia-*  
*num apud Peireskium, 160.*  
*181. Vtile ad Chronolo-*  
*giam, 161*  
*Karolus Dux Crois, & Arscho-*  
*tanus quàm curiosus, & huma-*  
*nus Princeps, 97*  
*Karoli Magni Aquis-granensia*  
*monumenta, 114. An Magnus*  
*cognomentum viuus tulerit, 109*  
*Karoli P. Imperatoris in Prouin-*  
*ciam irruptio, 13*  
*Karolus II. Rex Sicilia, & Prou-*  
*incia Comes, sua & filij sau-*  
*ritate conficiunt, 224*

## L

**L** *Ateris Babylonij fragmen-*  
*tum, & quid continens, 210*

## M

**M** *Antuani Ducis Cimeliar-*  
*chium, 60*  
*Marmora Arundelliana Peiresky*  
*cura, & sumptibus eruta, 227.*  
*illorum ad Chronologiam vsus,*  
*ibid.*  
*Massilia ciuitas Græca, 147. Eius*  
*moneta, ibid. Quanta sit in ea*  
*Solstitialis umbra, 318. Mas-*  
*silienses Comites, 354*  
*Matris Deum Magna, Attidif-*  
*que initia à quo exposita, 192*  
*Mensura antiqua cum nostratibus*  
*comparata, ac nominatim Con-*  
*gius exploratus, 120. & seq. &*  
*160. 256. 262. &c. Quàm seduli*  
*antiqui circamensuras, 256*  
*Monetarum valor, ut alteratio-*  
*nem subeat, 157. 211. Ar. Denar-*  
*ius, Aureus, Drachma, Siclus,*  
*Solarus, Solidus, &c. ibidem, &*  
*aliâ. An Medalia moneta-*  
*les, 96*  
*Mors clarorum aliquot virorum,*  
*ut Alexandri, 251. Allealmi, 221.*  
*Arscharani ducis, 249. Bar-*  
*clay, 184. Barony, 107. Bellar-*  
*mini, 186. Cesarini, 200. Cam-*  
*dani, 198. Casauboni, 149. Clu-*

# INDEX.

*ſij*, 116. *Contareni*, 148. *Cornari*, 160. *Fabri*, 142. *Fontanei*, 121. *Fontani*, 104. *Freberi*, 149. *Genebrardi*, 61. *Gorlai*, 116. *Gualdi*, 186. *Lipſij*, 95. *Malherby*, 221. *Meduanij duci*, 184. *Merindoli*, 104. *Nichezola*, 148. *Pacij*, 295. *Pafchalini*, 148. *Pinelli*, 50. *Pignori*, 251. *Scaligeri*, 116. *Schickardi*, 310. *Thuani*, 161. *Varij*, 183. *Velſeri*, 148. *Villaregij*, 163. *Mumia ex Agypto aduecta*, 144. *An Naulum in ore habeant, exploratum*, 246. *Murenſis in Heluetia Monafterij acta*, 165.

## N

**N** *Auigatio ad Auſtrum Merij, & Schuttenij*, 172. *aliorum ad boream, proximè polum*, ibid. *Noſtradami hiſtoria in examen reuocata*, 150. *Notabilium conuentus Rhotomagi*, 162. *Numiſmata quedam*, 39. 58. 75. 83. 85. 97. 98. 108. 197. 244. &c. *Errores quidam Goltzj, & Verſinij circa nummos xxx. Tyrannorum ſub Gallieno*, 83.

## O

**O** *Beliceſus Conſtantinianus*, 37

## P

Bern. **P** *Aludani Encuſanum Cimeliarchium*, 93. *Pandecta Florentini*, 34.

*Panttheon Romanum*, 27. *Panſilippus mons perforatus*, 41. *Lanſonius in Prouincia etiam perforatus*, 285. *Pecunia unde dicta*, 63. *Pes Regius, ſeu Pariſienſis comparatus cum Prouinciali Romano antiquo, Anglicano, Hollandico, &c.* 124. *Peſtis, & turba conſequente in Prouincia*, 129. & ſeq. *Pentingeriana Tabula*, 189. *Phidia, & Praxitelis monumenta quedam*, 27. *Piſanum Cimeliarchium*, 18. *Pocula cuiuſdo, ſeu Symbiba*, 251. *irémque χαρακταια, ſeu literata*, ibid.

*Pondera Romana cum Pariſienſibus collata*, 121. *Vtraque cum Prouincialibus*, 123. *de ponderibus*, 256. 374. & aliàs. *Prouincia Comites antiquiores aliquot*, 12. 151. & aliàs. *Proreges*, 14. 15. 37. 253. 3. *Inter Prouincia, & Toſoſa Comites facta partitió*, 105. 152. *Prouincialis Grammatica, & Pœſis*, 312. *Prouinciales charta chorographica*, 174. *Prouinciales menſura, & pondera*, 123. 14. *de Prouincia plura*, 353. & ſeq. *Pſalterium hexaplon*, 327. *Pytheas Maſſilienſis doctórum in occidente virorum antiquiſſimus*, 318.

## R

**R** *Auenna antiquitates à Gothica uſque Barbarie*, 46. *Raymundus III. Toſoſatum Comes, quando, & quorſum diſi-*

# INDEX.

ne spoliatus, 104  
 Romantè antiquitates, 36. & seq.  
 Rupes incisa, in figne monumentum, 74

## S

**S**amaritanæ Codices, 113. 225.  
 259. 261  
 Scipionis Emilianæ factum, 100  
 Squiritij, de rebus Venetis libræ auctor, 141  
 de Suburbicariis regionibus, & Ecclesiis controneversa, 176

## T

**T**alentum Aegyptium, seu Thebaicum, 197  
 Theotobochi Gigantis ossa fabulosa, 145. & seq. & 250  
 Thyle insula à quo primum detecta, 318  
 Thymelicæ figura, 109. 113

## V

**V**asa varia, 103. Cur pretiosorum præsertim habenda in mensuris ratio, ibid.  
 Vermellius Monspelienfis, quæ occasione præfectus Abyssinorum militia, 272  
 Virgiliana anigmata, 213  
 Viriola ex smaragdus, 62  
 Vnciæ symbola varia quare adposita, 374  
 Urbani Papa octavi electio, 194

## X

**X**iphiæ vox in Sapphiro à Peireskio exposita, 40. 41

## Quæ ad Physicam, Mathematicamque.

### A

**A**magesti Ptolemæici interpretatio quando Arabicè, quando Latine facta, & de Ptolemeo aliqua, 313. 314  
 Aluminis figura octahedrica, 49  
 Alzaro animal Africanum, 287  
 Apum, & Muscarum lingua multiceps, 222  
 Aristarchi Samij de magnitudine Solis, & Luna liber, 266  
 Astrologica vanitas, 16. & alibi.  
 Astronomia studium, 380

Anrora, seu Claritas borea insignis, pro exercitu in aere vulgò habita, 189

### B

**B**alana Aquitanica oculus, lingua, guttur, 279. 280  
 Balneorum aqua, an ex igne acta, vel potentiâ calida, 201. Balnearis aqua quam salutaris, 333

### C

**C**ælum Christianum Bayeri, 218. Cælestes imagines in

# INDEX.

- Ecclesia Vercellensi antiquissima.* *ibid.* *Celestium motuum Tabula Rudolphina*, 219
- Canum insinellus*, 109-133-337
- Capella insigniter aurita*, 107
- Cerasa, & Mespila sine nucleis*, 136
- Cervina pellis cur emergat supra ceteras*, 188
- Chamaleonis anatomia, & qua singularia in eo observata*, 315.
- An aëre vescatur? an colores rerum circumpositarum induat? cur oculos coniungatos non moveat?* *ibid.*
- Chyli in iecur transfusio*, 211
- Cometa anni 1618.* 169. & seq.
- Concha Anatifera*, 75
- Conflagratio Aethnae, è qua torrens igneus, 270. Semi montis, ibid. Vesuvij*, 219
- Coniunctio Magnatrium superiorum Planetarum anni 1604.* pag 79
- Corallij exsiccatio, & observata de eo aliqua*, 201
- Cordis Mediastrinum sanguini pervium*, 212
- Crantia, seu Camporum Herculeorum lapides quomodo geniti*, 241
- Crocodili quot, & cuiusmodi dentes*, 316
- E**
- E** *Lephantis dentes, crura, pondus, & cetera explorata*, 250
- F**
- F** *Ebris qua ratione inediâ curetur*, 338
- Felium partus*, 337
- Ferrea rubiginis magnetica vis*, 287
- Ficus Adamea an racemus terre Chananaeorum*, 136
- Flumina in quam partem arenas egerant*, 285
- Fontium, Fluminumque origo*, 191. & sequentibus.
- Fulminum ignis, an propè, an prociel adueniat*, 287
- Fungus coralloides*, 81. 93
- G**
- G** *Elfeminum Indicum luteum, odoratum*, 234
- Geographia studium*, 21. 171. 210. 307. 308. 380. *Geographia Nubienfis*, 172. *Geographica longitudo, an per Medicea sidera haberi possit*, 133. 309. *Geographicarum, & hydrophicarum maris mediterranei Tabularum errores*, 308
- Gigantum qua creduntur ossa esse Elephanina*, 148. 144
- H**
- H** *Orologium mirabile*, 196
- I**
- I** *Gnes subterranei*, 270
- Insectum multiceps è ligno prognatum*, 222
- Infrisiones singulares*, 236. 315
- J**
- J** *ouis Planeta locus in celo observatus*, 140. *Occultate à Iove Stella observatio*, 289

# INDEX.

## L

- L** *Astea* vene quando , & à quo primum detecta , 112.  
 Etiam in homine obseruata , 283  
*Lapidum* formatio obseruata , 16.  
 De *Lapidum* generatione , & figuratioue fusæ , 237. & seq.  
*Lapis rhomboidalis* , 107. *Fle-xilis* , 241. *Aqua innatans* , 296.  
*Fungifer* , 236. *Vary præterea* , no. 138. &c.  
*Lentiscus Belgenferiensis* , 75  
*Lepores cornuti* , 96  
*Lisa* , seu cucurbita Meccana , planta sericea , 235  
*Lignum fossile Aqua-Spartanum* , 313  
 de *Luminarium* diametris demonstratio correctæ , 237  
*Luna* locus in cælo notatus , 140.  
*Eclipsis* , ibid. *Alia* , 219. 220. 307. *Diameter* obseruata , ibid.  
*Maior hinc usque habita quàm sit* , 306. *Luna* descriptio , seu quasi *Selenographia* , eiusque tam in *Physica* , quàm in *Astro-nomia* usus , 299. & seq.  
*Lux* , an ignis ; & de luce *Squam-marum* , aliarumque rerum noctu-luculentium , 65

## M

- M** *Acularum* ab utero causa disquisita , 77-78  
*Macula Solares* , 144. 252. *Luna-res* , 300  
*Magnetis* proprietates , à quo , & unde exposita , 258  
*Magorum Stigmata* , & impos-tura , 135  
*Malefica* anus prestigia , 17

- Manus* è suggesto enata , 236  
*Mare* aliquas deserere terras , oc-cupare aliquas , 142. *Mavis* motus , 235. *Estus* illius que caussa , 258. *Marium* communi-catio subterranea , 236  
*Mars* Planeta occultare stellam obseruatus , 289  
*Mastiche* è lentisco Belgenferiensi , 75  
*Matheseos* studium , 380  
*Medicea sidera* ; & alia à Galileo primum detecta , 129. *Obserua-ta* , ibid. & sequentib.  
*Mercurius* Planeta in disco Solis obseruatus , 252. *Inexpectata* exilitatis , ibid. *Interdum Sole superior* , 289  
*Microscopiorum* inuentor , 185  
*Montium precipuorum* situs ab ortu in occasum , 243  
*Mustica* auium cur humana præ-habita , 316  
*Myrtus latifolia* , flore pleno , ubi primum inuenta , excultaque , 80. *Myrtites* vinum quid , 336

## N

- N** *Auicum Problema* solutum , 318  
*Nix* sexangula , seu stellata , 189.  
*Fertilitatis* anni quomodo *Nix* caussa , 190

## O

- O** *Culi* variorum animalium dissecti , & qua in eis ob-seruata , 274. & seq.  
*In Oculis* propriis quid à *Peires-kio* obseruatum , 280  
*Orientis* loca minus à nobis di-

# INDEX.

stant, quàm vulgò putetur, 39.

<sup>320</sup>  
Oprices, & Pictura studium, 380.  
<sup>381</sup>

## P

**P**apyrus *Aegyptia* vera, 235  
Paralysis *Peireskij* exhilaratione soluta, 248

Parheli insignes, 229. Alij, 49

Partus undecimestris, quatuordecimestris, &c. 66. 67

Pediculo irato quid eueniat, 340

Peponum usus, 115

Phœnicopteri lingua, caro, plume, 137. Indoles, 142

Physica studium, 49. 376. Vide illic de Metaphysico, Theologico. Ethico, Iuridico, &c.

Piscis septiceps, 222

Planetarum characteres ex Græcis vocabulis, 314

Planta singulares horti *Belgensen*sis, 234. & seq. Alia, 75

Prunuli spina in humano pectore radices agens, germinans, florens, 315

Pulli formatio in dies obseruata, 49

Purpura ex *Limace* marino, 302

Putcolanus puluis marinâ aquâ lapidescens, 45. Cur numismata illic exesa, ibid.

## R

De **R**adiis in punctum coëuntibus problema, 311

Rupinæ formatio, & situs, 242. & sequentibus.

## S

**S**Abulum, seu Arenula ex vesica emissâ dolorem cur faciant, 241

Sanguinea pluuia quid, & eius obseruata historia, 111. & seq.

Scaphidio vsi antiqui circa altitudinem Solis obseruandam, 318

Sehium insigne, 314

Serpentes *Balneorum* *Diniensium* veneni expertes, 103

Simia, aliaque animalia hominibus similia, 271

Solis Eclipsis, 104. 234. Diameter, 306. Altitudo, seu proportio Gnomonis ad umbram

Solstitialem *Massilia*, 318

Somnium *Peireskij* mirabile, 125.

Aliud, 386

Specula gemina species ob situm multiplicantia, 188

Stella in cælo Noua, 79. 140

Styrax *Belgensen*si nascitur, 75

Succinum an fossile, 110

## T

**T**elescopy inuentio, & usus, 119. & seq. 299. 303. & seq.

Terra qualibet congrua insolis alimentis, & medicamenta producit, 226

Terra-motus in *Apulia*, 217

Testudinis cubitalis anatomia, & quæ singularia in ea obseruata, 106

Theriaca insignis effectus, 134

Triton, seu homo marinus, 314

Trusta lacis *Genevensis*, 136

# INDEX.

*Tulipa flores quando primum, & ubi in Pronincia visi, cultique,*

<sup>133</sup>  
*Tussis ut lenita,*

338

*seq. Ventu ut Gustosa dispen-*  
*seur,*

60

*Visio in qua parte oculi fiat, & de visione, deque oculis plura, 175. & sequentibus.*

## V

**V***Enarum valuule à quo primum desecta, descriptaque,*

212

*Veneris Planeta locu in cælo obseruatus,*

140

*Veni variè obseruati, 181. &*

## Z

**Z***embiorum insula fons salutaris,*

254

*Zinziber Belgenserij excultum,*

235

# FINIS.

Pag. 405.


Lin. 11.

Leg. 100.



PEIRES-





INTERPRETATIO VERNACULA  
selectorum aliquot nominum propriorum,  
quæ in vita Peireskij occurrunt.

A



*Bravillævs*, d'Abbeuille.  
*Aginnensis*, d'Agen  
en Agennois.  
*Agutius*, d'Agut.  
*Albaspina*, De l'Aubespine.  
*Album hospitium*, Begude blan-  
che.  
*Alensis Comes*, Comte d'Alais.  
*Alincurius*, d'Alincour.  
*Alresia*, d'Alries.  
*Altinus*, Hautin.  
*Andes*, Païs d'Anjou, *Andinus*,  
*Andegauensis*, d'Anjou, An-  
geuin.  
*Antipolis*, *Antipolistanus*, Anti-  
be, d'Antibe.  
*Apta Iulia*, Apt, ville de Pro-  
uence, *Aptensis*, d'Apt.  
*Aqua-mortua*, Aigucs-mortes.  
*Aqua-Sextia*, Aix, *Aqui-Sex-  
tiensis*, *Aquensis*, d'Aix.  
*Aquistria*, Guistres, *Aquistrien-  
sis Abbatia*, Abbaye de Gui-  
stres, en Guyenne.  
*Arausio*, Orange.  
*Arcofius*, d'Arcos.  
*Arca*, seu *Hiera*, Yeres.  
*Arecomici*, Partie Orientale du  
Languedoc.  
*Arelate*, Arles, *Arelatensis*, d'Ar-

les. *Arelatense Pontificium*, Hi-  
stoire des Prelats d'Arles.  
*Aremorica lingua*, Langue Bre-  
tonne.  
*Argentem*, *Prouincia fluminis*,  
Argens.  
*Arminiacus*, d'Armignac,  
*Arschoranus Dux*, Duc d'Ar-  
schot.  
*Aruernas*, *Aluernas*, d'Auuer-  
gne.  
*Assessor Aquensis*, Assesseur, Ad-  
uocat tenant rang entre les  
premier, & second Consuls  
d'Aix, & Procureurs du païs.  
*Assise*, Assises.  
*Auaricum*, Bourges.  
*Aubrius Menilius*, Aubry du  
Mefnil.  
*Audomaropolis*, Sainct Omer.  
*Auenio*, Auignon.  
*Augusta*, Aufbourg.  
*Angustodunum*, *Augustodunen-  
sis*, Autun, d'Autun.  
*Aurelia*, Orleans, *Aurelianaensis*  
*Puella*, La Pucelle d'Orleans.  
*Aurelia via*, Chemin Aurelien,  
dont il demeure des vestiges  
en Prouence.

B

*Bachus Meziriacus*, Ba-  
chet sieur de Meziriac.

à *Balneo Cardinalis*, Le Cardinal  
Bagni.

*Barcino*, Barcelhone.  
*Bargemonius*, De Bargemon.  
*Barriolus*, De Barraut.  
*Barthalasia*, La Barthalasse.  
*Baulcium*, Les Baux. *Baulciensis*  
*arx*, La forteresse des Baux,  
près d'Arles.  
*Bearnia*, País de Bearn.  
*Bella insula*, Belle-isse près la co-  
ste de Bretagne.  
*Bellevarus*, De Bellieure.  
*Belgenferium*, Beaugenier.  
*Belliquadrum*, *Belliquadrensis*,  
Beaucaire, de Beaucaire.  
*Bernetius*, Du Bernet.  
*Bethunius*, De Bethune.  
*Beuontia turris*, Tour de Beuons  
en Prouence.  
*Boderius*, De la Boderie.  
*Bomparius*, *Bomparia*, De Bom-  
par.  
*de Bononia*, De Boulogne.  
*Borriolus*, Bourrilly.  
*Bracchium Florentinum*, Brasse  
de Florence.  
*Brenius*, De Breues.  
*Brigantium*, Briganzon, forteref-  
se près d'Yeres.  
*Brinonia*, Brignolle ville de Pro-  
uence. *Brinoniensis*, de Bri-  
gnolle.  
*Brossius Vidus*, Guy de la Brosse.  
*Buccardus*, Bouchard.  
*Bulans*, Boule.  
*Bullialdus*, Boulliau.  
*Buguisa Turris*, Tour de Bouc.  
*Burdelotius*, Bourdelot.  
*Burdigalensis*, de Bourdeaux.  
*Buxens*, Boisseau.

C

*Chirim*, Le Caire en Egy-  
pte.  
*Calasum*, Calas, village de Pro-  
uence.  
*Camaldulenses*, Hermites de Ca-  
maldoli.  
*Campinius*, *Bochartus*, Bochart,  
sieur de Champigny.  
*Canayus Fraxineus*, De Fresne-  
canaye.  
*Canna*, Canne, mesure de Pro-  
uence.  
*Canna*, *Cannensis Portus*, Port de  
Cannes en Prouence.  
*Capellanius*, Chapelain.  
*Caradetea familia*, De Caradet.  
*Carpentoractensis*, De Carpentras  
*Cassaneus*, Cassaigne.  
*Castelletum*, Le Castellet.  
*Caumarinius*, De Caumartin.  
*Ceppeus*, De la Ceppede.  
*Chiffletius Vesuntinus*, Chifflet  
de Bezanzon.  
*Cipperia*, *oppidum Prouincia*,  
Cippieres.  
*Cithariste Promontorium*, Cap de  
Cerciech, près de Tollon.  
*Classis prima*, *Auditorium Ma-  
ius*, Grand' Chambre du Par-  
lement.  
*Cleracensis obsidio*, Siege de Cle-  
rac.  
*Coëffereus*, Coëffereau.  
*Collis-martius*, Colmars, ville de  
Prouence.  
*Condaus*, *Condatensis*, de Condé.  
*Comitia Curiata*, L'Assemblée des  
Chambres du Parlement.  
*Compendiensis*, de Compiègne.  
*Cornus ventus*, Maistral.

*Coyerus, mons Prouincia*, Coyer.  
*Crautia, Campi lapidei, Campi  
Herculei*, La Craux près d'Ar-  
les.  
*Crequius Dux, Duc de Crequy.*  
*Curia instauratio*, L'ouverture  
du Parlement.  
*Cyaneus, Prouincia fluiuis*, Cia-  
gne, ou Siagne.

D

**D** *Aubratus*, d'Aubray.  
*Dauoria*, Doria de Gennes.  
*Debonarus*, Debonnaire.  
*Decormius*, Decormis.  
*Demoniosus*, Demoniosieu.  
*Decuria summorum Iudicum*,  
Chambre Souueraine.  
*Dinia*, Digne, ville de Prouence.  
*Dragunianum*, Draguignan, ville  
de Prouence.  
*Druentia Prouincia fluiuis*, La  
Durance.  
*Ducens Fronto*, Fronton le Duc.  
*Duchefinus*, Du Chefne.  
*Dulcia*, Douce, Comtesse de Pro-  
uence.  
*Dumayus*, Dumay.

E

**E** *Ngolisimensis, Magnus Fran-  
corum Melitensium Prior*,  
Henry d'Angoulesme, Grâd  
Prieur de France, Gouver-  
neur de Prouence.  
*Ericis Portus*, Leticy.  
*Eseurialis*, de l'Eseurial.

F

**F** *Aber Nicolaus*, Nicolas le  
Feure.

*Fabrus, Fabricius*, Fabri.  
*Falconius*, de Fauçon.  
*Feronceus*, Feroncé.  
*Ferrerius*, De la Fertiére.  
*Fliscani Genuenses*, La Maison  
des Fiesques de Genes.  
*Fons-Bellaqueus*, Fontaino-bleau.  
*Fontanus Comes*, Comte de Fuen-  
tes.  
*Fontanus, Medicus*, Fontaino.  
*Foninius*, De Fonuiuc.  
*Forbina familia*, De Forbin.  
*Forcalquerium*, Forcalquier ville  
de Prouence.  
*Fortius*, Du Fort.  
*Foro-iulium, Iuly forum*, Freius.  
*Antiquitates Foro-iulienfes*, de  
Freius, ville de Prouence.  
*Fossensis ager*, Terroir de Fos  
près le Martigues.  
*Frereus*, Frere, le Frere.  
*Frontinianum ( non Frontinia-  
cum )* Frontignan en Lan-  
guedoc.  
*Fulco*, Foulquet.

G

**G** *Allaupius Castnellius*, Gal-  
laup, sieur de Chastueil.  
*Galliardus*, Gaillard.  
*Gallo-Prouincia*, Prouence.  
*Galterius*, Gautier.  
*Gapellus, Prouincia fluiuis*, Ga-  
pcau.  
*Godelius*, Godeau.  
*Godefridus, Gothofredus*, Gode-  
froy.  
*Gondius, Dux Radesianus*, De  
Gondy, Duc de Rais.  
*Gornaus, Marcheuiila Comes*, De  
Gournay, Comte de Marche-  
uille.

*Gramusa, Prouincia oppidum*, La Gramuse.  
*Grandus*, Le Grand.  
*Grassensis*, De Grasse.  
*Gratianopolis*, Grenoble.  
*Grimaldiscus sinus*, Golfe de Grimaud.  
*Grollaus, Medullioneus, Bressiaci Marchio*, De Grollé, de Mc-ouïillon, Marquis de Bressieux.  
*Guerinea Cauerna*, Grotte de Guctin.  
*Gusfij Dux*, Duc de Guise.

## H

**H** *Aligreus*, d'Haligre.  
*Hallaus*, Hallé.  
*Hemina, aridorum mensura*, Hemin.  
*Henotica factio*, La Sainte vniou, la Ligue.  
*Hoguetta Fortinus*, Fortin, sieur de la Hoguette.

## I

**I** *Ayus*, Le-Iay.  
*Inquisitoria Classis*, Chambre des Enquestes.  
*Ioyseus*, De Ioyeuse.  
*Iustinianus Marchio*, Le Marquis Iustinien.

## L

**L** *Abbens*, Labbé.  
*Lagneus*, Lagneau.  
*Lainaus Marguerinus*, Lainé sieur de la Marguerie.  
*Lambiscum, Prouincia oppidum*, Lambesc.

*Lanfonium, foramen*, de Lanfon, lieu de Prouence.  
*Latrunculator*, Preuoist des Marefchaux.  
*Lauerma*, Lauerne, lieu de Prouence.  
*Leberoneus*, De Leberon.  
*Ledignery horri*, Iardin du Duc de Lelidiguieres.  
*Legnius*, Lac de Legny en Prouence.  
*Lemonices*, Pais Limosin.  
*Lero, Leronensis, vel Lirinensis*, Lerins, de Lerins.  
*Lexouij*, Lisleux.  
*Lochienfis*, De Losches.  
*Lomenius*, Delomenie.  
*Luilherius*, Luillier.  
*Luxemburgica Pergula*, Gallerie de l'Hotel de Luxembourg.

## M

**M** *Achaltus*, Machault.  
*Marius*, Le Maire.  
*Maltherbius*, De Malherbe.  
*Malignonus, mons Prouincia*, Malignon.  
*Marcus*, Poids de Marc.  
*Martigium Mare*, Mer de Martigues.  
*Meduanij Dux*, Duc de Mayenne.  
*Melhereola, liquidorum mensura*, Meillerolle.  
*Memmius*, De Mesme.  
*Menetrius*, Meneffrié.  
*Merfennus*, Merfenne.  
*Mimetenfis (non Mimtenfis)*, De Mimet.  
*Minutius*, Minuti.  
*Mirebellum*, Mirebeau.

*Monchalius*, De Monchal.  
*Mon-morantius*, De Mon-morancy.  
*Montpelium*, Mon-pellier.  
*Monsterius, pictor*, Du Moustier.  
*Mons Ventosus*, Mon-Ventoux.  
*Montargirium*, Montargis.  
*Montis-maioris Monasterium*,  
L'Abbaye de Mon-majour  
d'Arles.  
*Morguesus*, Morgues.  
*Municipalis Curia*, L'Hostel de  
Ville.

N

**N** *Annetensis*, De Nantes.  
*Natalis*, Noël.  
*Naudaus*, Naudé.  
*Nemausus, Nemausensis*, Nismes,  
de Nismes.  
*Neouilla*, De Neuf-ville.  
*Nibonium*, Nions.  
*Noailius Comes*, Comte de Noail-  
les.  
*Nogaretius Valletanus*, De No-  
garet sieur de la Vallette.

O

**O** *Caitania*, Le Languedoc.  
*Olbia*, Yeres. *Olbienfis*,  
d'Yeres.  
*Olinarius Fontaneus*, Oliuier  
sieur de Fontenay.  
*Onus, mensura Provincia*, Charge.  
*Oppedeus*, Sieur d'Oppede.  
*Oppida alieno ari soluendo impa-  
ria*, Communautéz impuissan-  
tes.  
*Oresonius Marchio*, Marquis  
d'Oreson.

P

**P** *Aludanus*, De la Palud.  
*Pannalis, mensura*, Panal.  
*Pannus, vel Palmus, mensura*,  
Pan.  
*Paulus Sarpus*, Fra-Paolo Sar-  
pio.  
*Pelletarius*, Le Pelletier.  
*Pererius*, Du Perier.  
*Petanius*, Peiau.  
*Petriscum*, Peircsc.  
*Phaitis*, Fayette.  
*Phenicopterus*, Flammant.  
*Pinta, mensura*, Pinte.  
*Pistiacum*, Poissy.  
*Pithæus*, Pithou.  
*Pleffeus*, Du Pleffis.  
*Polanius*, Poulain.  
*Pompadorius*, De Pompadour.  
*Porcelletus Mallianus*, Porcellet  
sieur de Maillanes.  
*Potus, mensura*, Pot.  
*Profenescallus Capitalis*, Licute-  
nant Criminel de Seneschal.  
*Prouincia, Proniucialis*, Prouen-  
ce, de Prouence, Prouençal.  
*Puteanus Eques*, Cavalier de/  
Pozzo, Romain.  
*Puteani freres*, Les sieurs au  
Puy, Parisiens.

R

**R** *Ascasus Bagarrus*, De Raf-  
cas sieur de Bagarris.  
*Regalis Hispanicus*, Real, hui-  
tième de Real.  
*Reginaldus*, Reynaud.  
*Regium, Reij Apollinarius*, Riez  
ville de Prudence.  
*Remigalia*, La Feste de Saint Re-  
ggg iij

*may*, *S. Remigius*, Saint Remy, ville de Prouence.  
*Rhemi*, *Rhemensis*, Rheims, de Rheims.  
*Refius*, De Res.  
*Riantium*, *Prouincia oppidum*, Rians. *Riantiensis*, De Rians.  
*Richelius*, De Richelieu.  
*Rigaltius*, Rigault.  
*Riuierius*, De la Riuiere.  
*Roccabruna*, Roquebrunc.  
*Roissius*, De Roissy.  
*Roitomagus*, Roüen.  
*Rubenius*, *pistor*, Rubens.  
*Rufum Promontorium*, Cap Roux.  
*Rupes intercisâ*, Roque-raillade.  
*Ruzæus*, *Deffiat Marchio*, Ruzé Marquis Deffiat.

S

**S** *Almasius*, Saunaise.  
*Sarpinus*, *Sernita*, Fra Paolo Sarpio.  
*San-benedictina Ecclesia Bistornata*, L'Eglise de S. Benoist le Bistorné.  
*Sancta Balma*, La Sainte Baume.  
*Sancta Capella Gazophylacium*, Le Thresor de la Sainte Chapelie.  
*San-Divnyssum*, Saint Denys.  
*San-Iancum*, Saint Ianet.  
*San-Iulianum*, Saint Iulien.  
*San-Legeris Tondutus*, Tonduti, sieur de Saint Leger.  
*San-Marthæ fratres*, Les sieurs de Sainte Mathe.  
*San-Martinus*, sieur de Saint Martin.  
*San-Maximinum*, Saint Maximin, ville de Prouence. *San-*

*Maximianus*, De Saint Maximin.  
*San-Michaelianus torques*, L'ordre de Saint Michel.  
*Santamantius*, Sieur de Saint Aman.  
*San-Torpetianus Sinus*, Golfe de Saint Tropés.  
*Scaliger*, De l'Escale.  
*Semurium*, Semur en Bourgogne.  
*Sigilli sacri Custos*, Garde des Sceaux.  
*Sillerius*, De Sillery.  
*Solatus*, Escu au Soleil.  
*Solleriensis familia*, & vicus, De Solliers.  
*Sorga*, *fluuus*, Sorgue.  
*Spinosa*, *oppidum Prouincia*, Spinouffe.  
*Stephanitis*, Esteuennette.  
*Suarensis*, Suarés.  
*Syluanelctensis*, De Senlis.

T

**T** *Abaretius Cadafalcus*, De Tabaret, sieur du Chafaut.  
*Tallie*, Les Tailles.  
*Tarasco*, Tarascon, ville de Prouence.  
*Tarraconensis*, de Tarragone.  
*Tende Comes*, Comte de Tende.  
*Thoranius*, Thoron.  
*Thuanus*, De Thou.  
*de Thulia*, De Thules.  
*Ticinensis*, De Pauie.  
*Tolo*, *Tolonum*, *Tauroentium*, Tolon, ou Tollon.  
*Toninum Nitiobrigum*, Tonins en Agnois.

*Trobadores* ; Poëta Provinciales,  
 Los Trobadors.  
*Tullensis Præsul* , Euefque de  
 Toul.  
*Tunetum*, Tunis.  
*Turno* , *Turnonum*, Tournon.  
*Turonum* , *Turoni* , *Turones* ,  
 Tours.  
*Turonica libra* , *turonicus dena-  
 rius* , Liure tournois , denier  
 tournois.  
*Turricula* , Tournelle, Chambre  
 Criminelle du Parlement.

V

**V** *Alanefum* , Valaues. *Vala-  
 nefus* , Sieur de Valaues.  
*Valesus* , Valois, de Valois.  
*Valletanus Eques* , Cheualier de  
 la Vallette.  
*Valleuoria familia* , De Valle-  
 uoire.  
*Valleus* , De la Valle.  
*Vallis-claufa* , *fcaturigo* , Fontai-  
 ne de Vau-clufe.  
*Vardonis* , *feu Guardonis Pons* ,  
 Pont du Gar.  
*Varius* , Du Vair.

*Vafionenfis* , De Vaifon.  
*Vayerus à Motha* , Sieur de la  
 Mothe le Vayer.  
*Venaſcinius Comitatus* , Comté  
 Venaiſcin , ou d'Auignon , le  
 Comtat.  
*Veneris Portus* , Porto-venere.  
*Verdunus* , *Provinciæ fluminis* , Ver-  
 don.  
*Vermellius* , Vermeil.  
*Viaſſius* , De Vias.  
*Vicus Mericus* , Emeric de Vic.  
*Viguerius* , Viguier.  
*Villa-nouanus Flayofci Baro* , De  
 Ville-neufue , Baron de Flay-  
 ofc.

*Villa-regius* , De Villeroy.  
*Villierius* , De Villiers.  
*Vindocinensis* , De Vendosme.  
*Vitrius Mareſcallus* , Mareſchal  
 de Vitry.  
*Vizilia* , Vizile près de Greno-  
 ble.  
*Vulturinus, ventus* , Siroc.

Z

**Z** *Embij, Inſula non præcul To-  
 lone* , Les Zembics.

FINIS.







PEIRESKII  
LAVDATIO

HABITA IN CONCIONE FVNEBRI  
ACADEMICORVM ROMANORVM.

Die Decemb. 21. an. 1637.

*Io. Iacobo Buccardo Parisino perorante.*



RÆCLARE à vobis, & ex ordinis, nominisque vestri dignitate factum est; Academici Romani; quòd clarissimo viro Nicolao Claudio Fabricio Perescio, Gallorum humanissimo, atque doctissimo, publicos in morte honores, funebrémque laudationem decreuistis. Si enim pius mos iste à maioribus vestris, maximè ad eos homines, qui de Republica benè meriti essent ornandos, & ad omnem posteritatis memoriam commendandos institutus est: tanta quidem, ac tam præclara extant Perescij merita, atque ornamenta, in eam Romanæ Reipublicæ partem, quæ doctrinæ, atque humanitatis studia complectitur; vt non solùm labefactatæ rei literariæ inuidiam à Transalpinis nationibus remouisse, sed & ipsorum Romanorum gloriam in colendis artibus adæquasse, vel potius superasse videatur. Omnes enim ex om-

ni ætate, qui in hac ciuitate disciplinas, & scientias, vel industriã suã illustrarunt, vel autoritate, atque liberalitate ornauerunt, si vnum in locum conferantur, cum Perefcio minimè videntur comparandi. Qui cæteris denique omnibus virtutibus aded excelluit, vt etiam hoc vno ætas nostra poterit in omni genere laudis, cum antiquitate certare. Quo maius mihi, ac difficilius onus impositum esse video; vt ego scilicet mediocri profus ingenio, nullo dicendi vsu, aut facultate, homo peregrinus; in hoc ornatissimo Romanorum, id est disertorum politorumque hominum confessu, de innumeris, ac propè incredibilibus summi viri laudibus, verba faciam. Quod quidem à me nec confidentia, aut temeritate quadam susceptum est; eruditissimi Academicus: sed tum mea in vos obseruantia, qui munus istud honorificentissimo vestro decreto, ad me detulistis; meoque in eos obsequio, qui vt summum in me tenent imperium, ita illorum autoritatem, meo de me iudicio præferre necesse habui: tum verò maximè beneuolentia, atque pietate; quæ me ad gratias, quas viuo Perefcio magnas semper habui, mortuo demum, hoc supremo humanitatis officio referendas, pro eius in me meritorum magnitudine impulit. Cùm enim in patria vitam studiis, quibus vsque à puero deditus fui, maximè accommodatam, viuere mihi per parentes non liceret; dum me in forum, & ad curiam nolentem trahunt; Lutetia amplissima, potentissimaque vrbe sponte carens, ad hanc vestram, in voluntatum exilium venire tandem decreui: ex qua nimirum religiones, leges, literas; omnem denique rerum omnium cognitionem, omnem vitæ elegantiam, ad nos olim effluxisse, eùm librorum lectioe cognoueram, tum eadem hæc omnia, nunc sub humanissimo, sapientissimoque Pontifice, in ea magis magisque vigere, ex eruditis nostris hominibus intellegebam. Quibus potissimùm autoribus, eùm Perefcium rerum Romanarum gnarissimum, ex itinere conuenissem: is me & liberali hospicio, atque in intimam accepit amicitiam; & cum tam præclaris de huius ciuitatis instituto præ-

ceptis, atque ita graui ad literatos primatiósq; vrbis viros commendatione, Romam ex Prouincia decedentem profectus est; vt statim sub meum ingressum, non solúm populi ingenium, publicósq; mores cognouerim, méque eis accommodarim facillimè: sed etiam in vestrum omnium; eruditissimi Academici; consuetudinem me insinua- uerim, & quod maximum est, in summorum virorum rei, & publicæ & literaræ principum familiaritate, cum qui non nisi claris, doctisq; hominibus esse solet, locum obtinuerim. Quare impius profecto, ne dum ingratus, apud vos, cæterósq; omnes haberet; cùm literatissimos quosque maximè Italos, laudatione post docessum prosequi olim instituerim; si hodierno die omnium doctissimum, mihi- simum virum, laudandi munus, quantumuis arduum, ac difficile recusarem. Itaque rem aggrediar magni nominis, magni exempli; nouitatis, admirationisq; plenissimam: & quantum eloquentiæ ad id mihi deest; tantundem cùm à singulari mea in præstantissimum virum pietate, percepti- que ex eius obitu doloris magnitudine; quæ nonnunquam disertos ac copiosos facit: tum à vestra benevolentia; Pa- tres amplissimi, vósque cæteri ornatissimi viri; vestraque in me attentè audiendo benignitate, mutuari, atque adedò sup- plere conabor.

Nicolai Claudij Fabricij Perescij vitam; quæ supra huius ætatis hominum captum, morémque putanda est; cum illis antiquorum præstantissimis, ac beatissimis comparanti mihi; vna præ cæteris Titi Pomponij Attici, par adeo, & si- milis visa est; vt eam interea, dum ad alia propero, quæ expectationem de Claudij Fabricij doctrina, literarumque studio, à me ab initio concitatam magis expleant; veluti absolutissimam tabulam vobis proponendam censuerim: in qua expressam Perescij ingenij, virtutumque imaginem videatis. Ambo siquidem nobilibus, literarumque studio- sis geniti parentibus, pueritiam in liberalibus doctrinis, si- cut adolescentiam in literata peteginatione, apud externos

principes, doctósq; viros honoratissimi consumfere. Ambo magnas, & amplas in patria gessere amicitias: bonos viros, & studiosos, tam ab aliena iniuria, quàm à mutua inter se obtretatione; necnon ab egestate vindicauere. Domi, in quam vterque omnium ordinum homines liberaliter inuitauit, plus falis, quàm sumtus in victu; velut in cultu non affluentem affectauere munditiam. Optimis alioquin omnibus rebus vsi, familia in primis, vt ne pedissequus quidem quisquam esset, qui non & anagnostæ, & librarij munus pulchrè præstare posset. In Republica, quæ vtriusque temporibus varia admodum commutabilisque fuit; ita ambo versati sunt, vt semper optimarum partium essent. Honores verò, qui in ea sibi patebant, non petierunt: sed ordine, quo orti essent, contenti, in veterè vitæ instituto, id est in studiis maximè Philosophiæ, atque antiquitatis; suauissimis, optimisque moribus, ad senectutem benè, beatèque vixere.

Hæc pauca ex multis exempli causa attuli, vt sic deinceps habeatis: omnium Titi Pomponij virtutum, quarum pulcherrima extant in antiquitate monumenta; maximè temperantiæ, probitatis, atque prudentiæ laudem, cum Perescio esse communem. Quamobrem iam ad illas venio, ad quas dudum festinat animus, quæ Claudij Fabricij adeò propriæ, tamque suæ sunt; vt nemo ex omni ætatum memoria, cum ipso de earum gloria contendere, vel in societatem venire possit. Nimirum assiduus, ac propè incredibilis labor, egregiæque opera, in omnium magnarum rerum, atque artium scientia, literarumque cognitione percipiendæ: ardens in eas conseruandas, amplificandæque studium, acrisque cura: perpetua denique, & constans voluntas, in homines literatos ornandos; & regia in ea omnia liberalitatis magnificentia. In quibus persequendis, ea veritatis simul, ac breuitatis ratio à me habebitur; vt remoto omni insigni orationis ornatu; simplici, ac planè historica narratione, Perescij studium, liberalitatem, & in commentando, scribendoque diligentiam, rei literariæ præstitas, summam exponam.

## L A V D A T I O.

5

Gens Fabricia, postquam ex equestri ordine, apud quem per trecentos, & amplius annos, militari gloria floruerat, in senatum Aquensem cooptata est; ita ingenio, & doctrina excelluit, ut non solum amplissimæ dignitatis, sed etiam summæ eruditionis, in quartam sobolem propagatæ hæreditas, vna cum satis lauta literaria suppellectile, ad Nicolaum Claudium Fabricium venerit. Qui cum auitas studiorum maximè, atque doctrinarum possessiones, non solum tenere, immo etiam aliquid, atque adeò multum illis addere de suo decreuisset: omnem curam, sumtùmque posuit, in ornando potissimùm, atque amplificando eo instrumento, quo in optimis artibus comparandis, magno prorsus opus est. Quamobrem vbi optimos quosque libros, primùm sibi vndique colligendos; deinde auro, purpura, omni denique eleganti, & magnifico opere ornandos, per egregios artifices, qui suæ domi viuebant, diligenter curasset; illòsque omneis diligentius euoluisset: nihil quidquam habuit antiquius, quàm ut tota Europa peregrinaretur: non solum ad hominum qui tum viuebant, mores, ciuitatùmque instituta noscenda: sed ut tanquam in rem præsentem veniens, eaque demum subiiciens oculis, quæ auditione, vel lectione acceperat; vetustiora antiquitatis monumenta acerrimè contemplaretur: ac quæcunque inde auferri possent, domum secum in bibliothecam transferret. Quò primùm iter dirigeret, Italia se se obtulit: in qua cum ingenia præstantissima, & elegantissima, humanissimi, optimique mores, leges denique præclaræ, atque salutares nunc vigent; tum verò pristinæ fortunæ, illorùmque omnibus artibus florentissimorum temporum, reliquæ plurimæ supersunt. Lustratis igitur Liguriæ, Etruriæque oppidis, ad hanc vestram urbem, velut ad diuini, humanique imperij domicilium, & antiquitatis atque humanitatis sedem, magno itinere contendit: vbi fora, theatra, templa, thermas, arcus, & cryptas; oculis, pedibùsque diligentissimè permensus est; sicut obeliscos, columnas, statuas, æra, marmora, gemmas, atque codices; omnia denique prisce magnificentiæ.

artiúmque monumenta ; quæ in vestrorum murorum ambitu , plura quàm in reliquo terrarum orbe , atque illustriora reperiuntur ; atrectauit , excussit , & quæcunque potuit , domum abstulit : partim maximo pretio emta ; partim oblata , datæque à doctis hominibus , qui , vt semper Romæ , tum maximè studiosissimorum munificentissimorumque Principum Aldobrandinorum , tempestate , plurimi atque humanissimi fuere . Quos omneis , præcipuè Fuluium Vrsinum , & Lælium Pasqualinum , viros in colligendis , colendisque antiquitatum reliquiis diligentissimos , & maximè industrios ; ad admirationem , atque amicitiam adolefcens Perescij virtus , eximiâque doctrina traduxit . Eandem expectationem , fauorémque Roma Neapolim secum attulit , dum versatur cum Matthæo Capuano Conchanorum Principe , magis literarum amore , atque scientia , quàm summa dignitate , generis , fortunæque claro ; ac Marte Gurgustiola , in supremo consilio *iv*-viro apprimè docto : quiambo locupletissimos omnium rerum antiquarum thesauros domi habebant . Celebrcis præterea Ioannis Baptistæ Portæ , atque Ferrantis Imperati ædeis ibi frequentauit : quorum ille rerum occultarum , & quasi à natura inuolutarum acerrimus inuestigator , atque interpret : hic custos , & conseruator diligentissimus fuit . Et cum hisce rebus , non minùs quàm antiquitati studium suum , laborémque Perescius impertiret ; reconditissimum quemque inuestigauit angulum , non solùm amplissimæ , pulcherrimæque vrbis , sed & totius felicissimi illius agri Campani ; in quo iucundum , naturæ mirabilibus illic maximè gaudentis operibus , & antiquæ Græcorum , Romanorumque magnificentiæ , ac luxuriæ , certamen spectaret . Italiam reliquam , omnémque Galliam Cisalpinam pari diligentia lustrauit : Raucenam ex itinere diuertens , vt inuiferet , cum funesta illa Gothicæ barbariæ trophæa , Romani Imperij ruinis imposita ; tum maximè Hieronymum Rubeum , istarum antiquitatum , ac medicinæ scribto rem luculentum . Inde Patavium se contulit , inuitatus præsertim fa-

ma, quæ de eximia Ioannis Vincentij Pinelli doctrina, eius-  
 que referatissimo omnibus omnium linguarum, atque scien-  
 tiarum voluminibus Musæo, ita tum Europam peragrabat:  
 vt docti homines, antiquos libros in bibliothecam colle-  
 cturi, vel suos edituri; ex longinquis locis illuc ad eum  
 consulendum venirent. Ibi Perescius aliquandiu moratus  
 est, non tantum vt in Pinelli domum, ac bibliothecam, sed  
 etiam in illius consuetudinem penetraret: in quam se de-  
 mum totum dedit; ad eximium eius in literas, hominesque  
 literatos ornandos studium, & ceteras omneis viri præstan-  
 tissimi virtutes cognoscendas, percipiendâsque; quas sci-  
 licet imitaretur, & cunctas ipse aliquando rei literariæ,  
 cum maxima ad singulas accessione præstaret. Eamque de  
 se spem adeo magnam, ac propè exploratam iam tum illic  
 dederat, vt Paulus Gualdus, vir & suoapte ingenio, atque  
 doctrina, & intima Ioannis Vincentij familiaritate clarus;  
 in commentariis, quos de eius vita satis eleganter conscri-  
 bsit, de Perescio affirmauerit: Ætatem nostram, si quem  
 Pinello parem ferret, non alium ab eo fore, qui Patavij  
 vix dum plenam pubertatem egressus, eo ardore Pinellum,  
 Pinellique studia fuerit complexus, vt ipsi Gualdo, ceteris-  
 que doctioribus viris, miraculo esset. Qui quidem homi-  
 nes eruditi, quorquot Patavij tunc ætatem in literis  
 beatissimè agebant; in primis Pinellus ipse, & Hierony-  
 mus Aleander, atque Laurentius Pignorius, limato iudi-  
 cio, sicut polita doctrina excellentes, grauissimum hoc egre-  
 giæ indolis, à Gualdo tributum Perescio testimonium, adeo  
 approbauerunt, eamque in illo admirati ita amare; vt  
 præsentem domum quisque suam, maxima cum hospitalitate  
 patere voluerint; suâque teconditoria, tam quæ in priuatis  
 bibliothecis, quàm in publicis tabulariis, Patavij & Vene-  
 tiis, vrbe earum, cæterarumque rerum abundantia, floren-  
 tissima seruarentur. iidem postea absenti; quod plerique  
 etiam ex reliquis Italix, atque adeo Europæ ciuitatibus fe-  
 cere; de studiis per literas communicauerunt, librâsque  
 suos ab ipso, vel in eius nomine edendos honoris causa mi-

ferunt. Sic florens gratia, & hospitii clarissimorum, doctissimorumque hominum, ubi se locupletavit signis, tabulis, nummis, codicibus, ceterisque vetustissimis Italix ornamentis; Germania, vltimáque Britannia peregrinari perrexit. Atque ibi quidem plurimas antiquitatis reliquias collegit, nec non existimationem, ac benevolentiam hominum, non solum in sapientix, ac literarum studiis, sed etiam in pictura, atchitectura, cæterisque elegantioribus artibus excellentium: quos Claudius Fabricius, illorum operum elegans spectator, vt olim in Italia, ita tum in illis regionibus coluit, ac sicut ceteros omnes viros doctos, ad suam adiunxit necessitudinem: præcipuè Petrum Paulum Rubenium, & ob rerum antiquarum cognitionem, & picturæ, sculpturæ, architekturæque scientiam; quas ex Italia ad Belgas, primus cum pristino splendore, atque dignitate, transfulisse videtur: Marcum Velferum rei publicæ apud Vindelicos, & literariæ in tota Germania constituentis, studiosissimum  $\overline{\text{I}}$ -virum: Ioannem Barclaium, rum in Britannia, magnam ex doctrinæ, ingeniique elegantia laudem adeptum: Danielem Heinsium Batauorum politissimum; omniũque doctissimum eius doctorem, Iosephum Scaligerum, qui Claudium Fabricium, sibi tantum fama, ac nomine notum, ubi primùm secum de literis loquentem audiuit: vir acri, certoque iudicio, ipsissimum Pefescium ipsum esse affirmavit. Postrema fuit Parisiensis peregrinatio, quam ob librorum optimorum, doctissimorumque hominum copiam ibi affluentem, iterare ei visum est. Priore, se dedit Iacobo Augusto Thuano, eiusque celeberrimæ bibliothecæ; ad quam Isaacium Casaubonum, Franciscum Pithæum, ceterosque summos viros, ex superiori sæculo, præstantium ingeniorum in Gallia feracissimo superstites, Claudius Fabricius videbat ventitantis: qui ipsum Thuanum, velut historix, ita reliquarum maximarum artium, ac hominum, qui eas profiterentur, principem patronumque oprimum, & Gallici imperij, atque maiestatis, acerrimum defensorem, quotidie celebrabant. Post decennium  
domi



domi consumtum, in recognoscendis literarum, antiquitatísque monumentis, ex tota Eutopa collectis; iisque in Musæum suum, atque in memoriam, quæ ipsi propè diuina fuit, redigendis, digerendisque: Lutetiam iterùm se contulit, ad versandas, vorandásque reliquas bibliothecas: Regiam scilicet, Dionysianam, Victorianam, D. Germani, atque Memmiorum; & studiosos illarum cultores inuifendos; quorum veluti noua soboles illic tum florebat. Inter quos, hodie excellunt: Puteani fratres humanissimi, qui apud Thuani filios, patriis ingenij, virtutisque dotibus ornatissimos, cognatos suos; non solum eius bibliothecam, sed etiam literas, hominésque iis deditos, veluti suæ tutelæ, ac fidei, Iacobi Augusti testamento commendatos; quibuscumque rebus possunt, iuuant, & mirabiliter ornant: Nicolaus Rigaltius, politiore doctrinæ, iudicijque elegantia, & incorrupta Latini sermonis integritate, omnibus antecellens: cui nos, si modò in hoc genere literarum aliquid profecimus, id totum debere gloriamur: Claudius Salmasius, & Hugo Grotius, qui literaturæ, optimarúmque artium principatum sibi vindicant. Petrum Seguerium, Henricum Memmium, atque Hieronymum Bignonium; viros magis doctrina, eximióque suo in literas studio, quàm supremis Gallicæ purpuræ honoribus illustreis, breuitatis causa omitto. Sirmondum relinquo, Petauium, Morinum, Merfenium, Burdelorium, & Valesium, aliósq; propè innumerabileis; ex summa doctrina, præclarissimisque suis scribtis, maximè claros: quorum omnium animos, atque voluntates sibi conciliauit Claudius Fabricius, & ad suos, id est ad rei literariæ vsus coniunxit. Atqui vnum præterire nequeo Gulielmum Varium, non minus eloquentiæ, ac Philosophiæ studio, cæterisque maximis virtutibus; quàm sanctissima cum hoc nostro Attico amicitia, Marco Tullio comparandum. Is ex quo Perescium in Senatum Aquensem, cuius ipse princeps erat, legit; continuò in consuetudinem eius se dedit, sic vt prorsus vnà illic vixerint; nec vnquam postea passus sit

eum à se separari. Quare cùm in aulam à Rege euocatus esset, ad annuli signatorij custodiam; quod summum est apud Gallos, togati hominis fastigium; eum illuc secum duxit; vnum esse in tota Gallia dignum existimans, quem contubernalem, & consiliorum in Republica, atque honorum, adiutorem, sociumque haberet. Huius porro gratia, Perescius nulla ferè in re vsus est, nisi in deprecandis amicorum, hoc est doctissimorum virorum, aut periculis, aut incommodis; & studiorum ratione procuranda: ad quam præter cætera egregia ornamenta, id demum maximum contulit; vt se autore, maxima vetustissimorum codicum copia, Regis nomine compararetur; ad supplendam, atque amplificandam Parisiensem bibliothecam: quæ omni tempore, ad omnium vsus ita patet; vt ex ea maximè, præclariora antiquarum doctrinarum monumenta, in dies eruantur. Quo autem potissimum beneficio, se à Vario ornatum voluit, id vnum propè fuit; vt vetustissima curiarum, templorumque tabularia, in omnibus Galliarum oppidis, sibi ex eius autoritate inuisere, atque excutere liceret. Cùm ab opibus alioquin, & honoribus consecrandis tam esset alienus, vt sæpius repudiauerit à Vario vltro oblatos, qui cùm Claudium Fabricium in amplissimum, pristinaque dignitatis apud Gallos maximè retinentem, Antistitum ordinem cooptari vellent: vix ab eo tandem impetrauit, vt mediocre acciperet sacerdotium. Mortuo Vario, qui suam omnem, vt ita dicam, antiquariam supellestem, amicissimo, studiosissimoque viro legauit; & testamenti tabulas, illius fidei atque autoritati commendauit: domum, Musæumque suum diu desideratum, spectabat Perescius, cùm ecce sub ipsum à Parisiensi aula discessum, ad Romanam denuò ex itinere inuitatur: optatissimo nuntio de noui Pontificis creatione, Maphæi scilicet Barberini Cardinalis. Si quidem hunc ante pontificalia insignia, perinde ingenij doctrinaeque, ac sanctitatis in Republica Romana principem, ipse tam benè nouerat; procuratâque olim simul, atque iterum, diuinorum illius poematum editione, aliisque of-

ficiis demeruerat; vt cùm nuntius, qui Regem ante omneis de ea re certiozem facere vellet, obuio Perefcio tantùm dixiffet: virum Romanorum Principum eruditiffimum, eíque amiciffimum, in mortui Pontificis locum fuffectum; ipfe continuò, Maphæum ad gubernacula Reipub. federe intellexit; cum incredibilem lætitiæ voluptate. Præuidebat enim literarum studia, in lucem, atque splendorem sub doctiffimo Pontifice reuocatum iri; studiofósq;e, vel ex vltimis terris, ad aulam Barberinam celebrandam, ornandamque; honorum, ac præmiorum fpe aduolatuos. Ad quam temporum, literarúmque felicitatem, oculis faltem vfurpandam, ac Pontificem fui studiofum adorandum, Romam ab amicis non inuitus attrahebatur. Sed profectiois caufam, ambitionem, à cuius vel fufpicionem abhorrebat, potiùs quàm officium, vifum iri nolebat: & poftquàm ex Circes infula, tanto labore tandem foluiffet, fi cantibus Sirenium illiceretur, vt apud eas hæreret veritus eft: quare in fuam tandem Ithacam, ad optatiffimum ftudiorum portum, fe ex longa peregrinatione recepit. Tunc enim uerò Perefcij Mufæum, ac tota domus, ex præfentis domini regali, propè liberalitate; qua videlicet non folùm in literas, earúmque inftrumenta ornanda, fed maximè in ftudiofos homines iuandos, colendósq;e, deinceps vfus eft; ipfâ Alcinoi Regiâ, & magnificentior, & hospitalior euafit.

Delectum Romanæ aulæ florem, illuc aliquantò poft Cl. Fabricij accessum, fecum aduexerat Francifcus Barberinus Cardinalis; qui à Pontifice ad iuftiffimum, fortiffimúmque Galliæ Regem, Legatus mittebatur. Porro autem hunc, ac nobilem eius comitatum, lautè adedò, atque splendide accepit Perefcus, vt cum ipfis Regibus de magnificentiâ certare vifus fit: admiratus, veneratúsq;e in iuuentutis Principe, cùm maturam patru Pontificis prudentiam, atque fanctitatem: tum maximè fingularem literarum fcientiam, & erga homines ftudiofos voluntatem. Atque ob illas adedò excellentis primarij iuuenis virtutes, ei vique ad extremum vitæ fpatium, ita omne officium, cultúm-

que tribuit; vt nullus fermè ex Gallia in Italiam traiceret, cui non tantùm literas obseruantiz, sicut eruditionis plenas, ad eum perferendas traderet; sed & libros, plântas, atque animalia rara, peregrinâque, ad locupletissimâ bibliothecâ Barberinâ, hortorùmque ornamentum. Cui vicissim humanissimus Princeps, maximas semper habuit gratias, & eadem epistolarum frequentia, similibûsque muneribus retulit. Haud minori obseruantia, ornatissimos & doctissimos quosque, ex celeberrima Legati cohorte coluit Perefcus: Cassianum Putealem ante omnes, virum ob generis, virtutum, atque eruditionis claritudinem, summis laudibus honoribûsque dignum; cum quo, morum elegantissimorum, & in optimas artes, earûmque cultores, prolixâ naturâ similitudine, sibi coniunctissimo; de omni studiorum suorum ratione, familiariter deinceps communicauit. Item cum Ioanne Baptista Donio, qui ob ingenuitatem, aptûmque ad omnium magnarum rerum scientiam ingenium, fuit ipsi charissimus. Istarum amicitiarum ibi tum, sicut Romæ demum aliarum, conciliator fuit Hieronymus Alexander, vir optimis artibus, summisque ornamentis præditus, & ab adolescentiâ, Fabricij amantissimus, qui nobilem eius, plenâque dignitatis, atque sapientiæ domum, præstantissimâque studia, tunc ita miratus est; vt vnum omnium mortalium maximum, atque felicissimum Perefcium, palam deinceps prædicare soleret: sæpiûsque cogitauerit, ex aula, atque ipsa vrbe, ad eius suauitatem, pretiosissimûmque literaturæ thesaurum fruendum, Aquas Sextias migrare. Quò deinceps omnes principes viri, qui Reipublicæ causa, ex Italia in Galliam, vel illinc ad hanc prouinciâ traiciebant; ex itinere diuerterunt: vt hominem conuenirent, penes quem erant commentarij, acta, & reconditiora regnorum instrumenta; quique regionum situs, descripciones temporum, populorum origines, leges, fœdera, bella; Regum, virorûmque primariorum stirpeis, cognationes, atque successiones optimè nouerat: sic vt nemini fundi, domûsque suæ ratio fuerit, quàm illi orbis no-

stri status, atque conditio notior. Omnes item cuiusvis ordinis, ac nationis homines, magnarum peregrinationumque rerum studiosi, illuc se conferebant, ad ipsum celeberrimumque eius Musæum inuisendum; in quod præclara, raraque omnia collecta, sub vno aspectu cernere erat; quorum conspiciendorum causa, antea mortales vniuersum terrarum orbem peragrabant. Illa siquidem propè cuncta, secum ex peregrinationibus domum attulerat, tam ipse Perescius, quàm frater eius Palamedes Fabricius Valauesius, vir humanissimus; qui ambo in studiorum, domestici vitæ, reique familiaris communitate, ita extra similitatem ad senectam vixere; vt nunquam alter cum altero in gratiam redierit. Ad ea porro, noua quotidie comportabantur, non solum è tota Europa, sed ex Asia, Africa, India, atque nouo orbe; cum vetus hic noster, eius inexhaustæ discendi auiditati non sufficeret: ita vt nemo ex vltimis terrarum oris ad has nostras appelleret, quin illuc inueneret plaustra, atque nauigia rerum, natura, aut arte admirandarum. Has enim in singulos dies ad eum mittebant, homines in celeberrima quaque illarum prouinciarum vrbe, ac portu delecti; quorum opera, ad ea omnia diligentissimè comparanda, infinito sumtu ipse utebatur. Et cum isti homines, sua quantumuis arguta sedulitate, Perescio cumulè satisfacere nequirent; sæpiùs ipse alios domo misit, ad omnes maris Ægæi insulas, montem Atho, Byzantium, Alexandriam, & ad miserandas illas Memphis, atque Carthaginis reliquias: qui suo nomine, atque ære conquirerent, præter res alias nouitate mirabileis, præcipuè vetustissimos codices, Græcos, Hebraicos, Arabicos, Persicos, Coptos, Æthiopicos; denique cum cætera Asiaticæ, atque Africanæ antiquitatis monumenta, tum maximè priscorum Principum Ægyptiorum corpora, pretiosissimis odoribus, medicaminibusque condita. In quo profectò celebrata illa veterum Pergamenorum, Alexandrinorumque Regum, nec non Gallorum nostratium, in bibliothecas magnificentissimè ornandas studia, regali planè animo æmula-

tus esse videtur. Ad suam hanc bonarum artium officinam, & sapientiæ, virtutisque diuersorium, omneis literatum, elegantiorumque artium studiosos, peregrè aduenientis, non solum benignè admittebat Perescius, & bibliothecæ suæ totum eis explicabat thesaurum; sed diutissimè illic retinebat, honesto, ac maximè liberali acceptos hospitio: quibus demùm discedentibus, aliquot codices, nummos, & alia, quæ ad eorum studia magis apta videbantur; omnia item, quæ ipsis opus fuerant, ex sua re familiari largissimè dabat: quemadmodum cæteris propè omnibus literatis hominibus absentibus, sibi nomine tenus notis, quidquid in literaria, atque antiquaria sua supelle&ile erat, quod ipsis, in lucubrationibus, adiumento fore arbitraretur; vltro nec petentibus, sæpiusque talium rerum ignaris mittebat. Si quid domi non esset, quod alieubi lateret, vt id quoquo modo ad illos perueniret, suâque deinceps quæ præ manibus haberent opera, polita, perfectâque ederent; nulli labori, aut impensæ parebat. Quos verò peregrinationes, rerum antiquarum, aut naturalium perquirendarum causa, parate audiebat; ipsis commendatitias literas, iumenta, atque viaticum de suo eutabat: & ad eas suscipiendas, multos iisdem conditionibus vltro oblatis inuitavit. Omneis denique, quos solo literarum, virtutisque studio, & fortunæ iniuria calamitosos esse sciebat; quibus rebus indigerunt, adiuuit, ære alieno oppressos leuauit; vel illos optimatibus diligenter commendabat, ac multa illis sæpè impetrauit; eum apud omneis paullò humaniores Eutoxiæ Principes, maximam gratiam autoritatèque obtineret: præsertim apud EMINENTISSIMOS CELSISSIMOSQUE VIROS, QUI GALLICI IMPERII CLAVVM HODIE TENENT, quippè qui, pro suo singulari literarum amore, atque scientia, doctos in oculis, auribus, atque complexu habent: & quæ sua est regalis magnificentia, atque magnanimitas; eos omnibus omnium ordinum hominibus, in beneficiis honoribusque tribuendis, anteponunt. Beneficæ, prolixæque adeò, Perescij naturæ testeis oculatos, & ab ea

ipsa locupletes, citare possum; non tantum ex hac vrbe, istoque confessu; sed vel ex vltima Syria, immensaque Libani altitudine, Amiram doctissimum apud Maronitas Antistitem; ex Magna Græcia magnum Philosophum Campanellam; ex Gallia eruditum hominem Petitum, & multitudinem aliorum, ex aliis prouinciis infinitam. Innumerablem item liberalitatis, ac magnificentiae exempla, vobis referre haberem; vix de Rege, ne dum de senatorij ordinis, censûsque homine credibilia. Cùm tamen, quod proprius miraculo, quàm fidei est, ipse quadraginta millia sestertium nummum, hoc est vnciam vnâ ex tota redituum summa, in hanc solam vestram urbem, singulis annis erogaret; quod & in ceteras Europæ celeberrimas, eum fecisse existimandum est; partim in libros, aliâque huius generis munera, huc ad amicos mittenda; partim in codices, statuas, æra, marmora, quæ hic in dies eruebantur; vel eorum saltem exemplaria, & imagines pictas, fectasve; aut in cera, gypso, vel charta madente impressas, sibi comparandas. Sed temporis me ratio; eruditissimi Academici; vt vela contraham, portumque tandem respiciam monet. Verumenimvero, vester iste vultuum ardor, animorumque intentio, sine dubio à me contendit, vt munus promissi omne conficiam; quo me vobis probaturum recepi, Claudium Fabricium longè omnibus superasse; non solum singulari in literas studio, & largitate; sed quod demum maximum est, indefesso labore, incredibilique industria, in commentando, atque scribendo, de maximis quibusque artibus; quarum profectò, nullam partem intactam reliquit.

Historiam Prouinciæ Galliæ Narbonensis, hoc est patriæ suæ, pluribus, magnisque voluminibus conscripsit; diligenter aded, vt siue antiquitatem, siue leges, pacem, vel bella, & Reipublicæ conuersiones spectes; nihil est quod in illis desideres. Nobilium eiusdem Prouinciæ familiarum origines, suæque separatim, aliis voluminibus contexuit; & cùm gens Fabricia Pisis oriunda esset; vnde ante quadringentos annos, bellica laude florens, in Galliam propagata est; Pi-

lanam, ipsamque ad eò Italicam antiquitatem; cuius sum-  
 mus amator semper fuit; iisdem libris præclare illustravit: de  
 multa seorsim recondita, in commentariis referens, de  
 Gothicis Regibus, qui Italix imperium obtinuerunt, ex  
 antiquis nummis petita; sicut de Gallicis, quorum originibus,  
 propaginibusque, nimia vetustate obscuratis, maximam attulerat lucem. Omnium denique rerum, quæ magna,  
 ac memoria dignæ, sua ætate gestæ sunt; venustissimos,  
 ac plenissimos scriberat commentarios. Philosophiam, cui  
 potissimum naturali, mirificè deditus erat, suis etiam scri-  
 ptis exornauit, atque amplificauit. Si quidem elegantem  
 confecerat librum, de ludicris illis naturæ operibus, quæ  
 certis regionibus è terra effodiuntur: scilicet de lignis, re-  
 bûsque cæteris, à sua in lapidis, vel aliam naturam degenerantibus:  
 de vastis item, immanibusque illis Gigantum, ut vulgus opinatur,  
 ossibus; quorum magnam vim, ex longinquis locis, sibi aduehendam  
 curauerat: multa de illis, ut erat homo emunctæ naris, falsa odoratus.  
 Plantarum verò peregrinarum, Indicarum in primis, singularem propè  
 vniuscuiusque pertexerat historiam; nondum tentatis experimentis  
 illustratam: cum ipsas arbores, non solum in stirpeis generis planè  
 diuersi; sed in cornua, capita, aliisque viuentium animalium  
 partibus, prospero euentu in seuisset. Quorum animalium naturam,  
 modum, & pondus, vel ipsorum elephantorum, diligentissimè  
 explorauerat; & singula eorum membra, etiam hominum, manu sua  
 disseuerat: oculos præsertim vastissimarum belluarum, atque  
 cetorum; quos vsque ad vltimas Gadeis, homines quæsitum  
 mittebat: vnde cum de cæteris corporis partibus, tum de admirabili  
 oculorum fabrica, atque munere, noua prorsus, & à nemine hæcenus  
 visa, literis consignauit. In Mathematicis illustrandis, non minus  
 industriæ posuit: seque ad astrologiam potissimum, ætate  
 prouectior ita dederat, ut altissimam turrim, magno illarum  
 artium instrumento refertam extruxerit; ubi nocteis serenas,  
 in astrorum contemplatione peruigilabat: quorum non solum  
 altitudines,  
 magni-



magnitudines, vel motus diligenter obseruabat; sed in illorum materiem, ipsamque adeò naturam, acri acie penetrabat; per vitrea illa specilla, quæ nouo, ac verè cœlesti inuento, remotissimas, obscurissimâsque rerum species, ad oculos dilucidè perspiciendas reuocant: quibus perinde verum vsum, ac nomen, inuenit Galilæus Galileius, Mathematicorum sine controuersia Princeps, Fabriciôque nostro amicissimus. Eo instrumento Perescius tam ceterarum errantium stellarum, quàm ipsius Lunæ, varias facies, ac tenuissimas quasque, quæ in iis apparent, notas, & quasi maculas, sedulò inspectas, sibi depingi, ac in tabulas incidi voluit; & suas de iis perpetuas obseruationes literis mandauit: adeò vt noster hic terræ orbis, nemini notior fuerit, quàm fuere Perescio cœlestes, præsertim illius, vt veteres Italiæ sapientes loquebantur, ἀντίχθονος. Cuius præterea defectiones, ipse tam obseruabat, quàm per omnibus Mathematicos, attentius obseruandas curabat; non vt Dez, cuius veluti alteri Endymion, assiduus formæ spectator, atque mirator erat, laboranti succurreret; sed vt vrbium, portuum, arque insularum, rata, certaque, & à quaruor extremis cœli cardinibus, & à se inuicem interualla, inde reperire, atque constituere posset: receptosque itinerum, arque nauigationum errores tolleret. Res à solis hætenus, iisque vno, aut altero, maximis Regibus tentata: quam ad felicem exitum à Perescio tandem perductum iri spes fuit. Accuratas enim earum defectionum obseruationes, in celeberrimis veteris, nouique orbis oppidis, faciendas curauit: quarum omnium accuratissimam, arque vt Perescij verbum vsurpem, palmarem, Neapoli à Ioanne Camillo Glorioso, homine in Mathematicis disciplinis excellenti, sibi que amico, venisse ipse aiebat. Ad hæc autem omnia, assidue utebatur opera Petri Gassendi, rerum cœlestium, atque Philosophiæ scientia, Galliz faciliè primi, & Nicolao Cl. Fabricio intimi; sic vt domi per plureis annos, vnà cum ipso coniunctissimè vixerit; atque illic extremum eius exceperit spiritum: qui demum mortui nomen

atque virtutem, grata memoria profecutus, animum ad commemorarios de Perescij vita scribendos appulit: cásque parreis, quas olim mihi sumseram, ab homine eruditissimo, atque amicitiz consuetudine, mihi maximè deuincto, præoccuparum iri lætor; immo verò etiam de ea re Fabricij manibus gratulor. Operam eius in vestra antiquitate, scribendo restituenda, præclare posiram, Academici, non quo silentio præterire: cùm nulla veterum Romanorum vrensilia, nulla ornamenta, in eius manus venerint, habuit porrò domi pleraque, de quibus scribunt non reliquerit; omnium autem vberimè, atque diligentissimè, de ponderibus, mensuris, tripodibusque antiquorum. Omitto alia, quæ in reliqua literatura effecit opera. Eius tantùm epistolas, in admirationis cumulum addam, quæ quidem sunt ita multæ, atque eruditæ, vt si nullum aliud scribitionis genus vnquam attigisset: vniuersum tamen omnium doctrinarum, & liberalium disciplinarum orbem impleuisse, dici potuerit. Nullum enim adeò præclarum, vel rarum, in bonis artibus nasci potest argumentum, de quo Perescius consulens, vel consultus, ad eruditissimum quemque non scriberet; doctè, frequenter, & copiosè admodum, vt omnibus omnium prouinciarum vrbeis, suis non dicam epistolis, sed voluminibus oppleuisse videatur. Atqui vt sciatis me non laudatoriè, sed Latinè loqui; qualeis, & quantas ad hanc vrbe[m] missas habeatis, exempli causa, nunc adeo ex me cognoscite. Extant propè innumeræ ad **V R B A N V M V I I I.** Pontificem Maximum, & Franciscum Barberinum Cardinalem, illam bonarum artium cognationem, quam in ambobus optimis, doctissimisque Principibus omnes admirantur, complectentes. Extant ad Cæsarem Baronium, & Ioannem Franciscum Vidium Balneum, Cardinales: Iosephum Mariam Suaresium, Antistitem: Christophorum Puteanum, & Constantinum Caietanum; omnibus magnarum artium scientia insignis; de religione rebusque diuinis: sicut de humanis, atque historia; ad Vidium Bentiuolum Cardinalem, & Augustinum Mascardum; eius

artis non solum in hac vrbe, sed in tota Italia facile principes: de naturalibus verò, isque occultioribus, ac magis peregrinis, ad Cassianum Putealem, & Petrum Vallensem; vtrumque tam huiusmodi doctrinæ, quàm cæterarum magnarum rerum laude abundantem. Extant de literis, quas humaniores vocant, linguisque tam veteribus, Europæis, Asiaticis, atque Africanis, quàm recentioribus, Gothica, Cantabrica, Prouinciali, atque Italica; ad Lucam Holsternium, Gabrielem Naudæum, Leonem Allatium, Vincetium Noguera, & Federicum Vbalinum; viros in iis summos, atque perfectos. item ad Franciscum Boncompagnum Cardinalem, Vincentium Iustinianum Marchionem, Mariam Felicem Zachiam, & Alexandrum Rondaninum eius maritum, Stephanum Gualdum, & Claudium Menetrium; homines in antiquitatis reliquiis inuestigandis, conseruandisque diligentissimos; de statuis, nummis, gemmisque veteribus: tum etiam de codicibus antiquitùs scribis; ad summos pariter viros, Scipionem Cobellurium Cardinalem, & Nicolaum Alemannum: quos vicè dilexerat Pefescius; huiusque demùm mortui benignitatem, in aperiendis bibliothecæ Vaticanæ thesauris, vehementer postea desiderauit. Homines in omnibus doctrinis præstantissimos agnoscitis, Academici; qui eò libentiùs nunc à me citati, ac veluti recensiti sunt, quòd propè omnes, sicut ipse Pefescius, in hanc amplissimam lecti olim Academiam; ordinis nostri splendorem, atque gloriam illustrarunt, atque in dies amplificant. Porrò eandem, maiorèmq; Epistolarum vim, non solum ad reliquas Italiæ vrbes; Patavium maximè, ad Licetum, Rodium, Argolium, & Thomasinum; homines in artibus, quas profitentur magnos: sed etiam Mantuam Carpetanorum, Lutetiam, Oxonium, Lugdunum Batavorum, Louanium, Augustam, Vindobonam, & ad alias vtriusque orbis celeberrimas vrbes, claris, doctisque viris maximè florentis, perinde ac Romam, ab eo venisse existimate. Quibus quidem epistolis, non tantùm Transalpinas, atque Cisalpinas, sed etiam cæteras om-

neis Europæas, ac barbaras nationes; humanitatis, & doctrinæ commercio miscuit, atque consociauit: sic vt bonas artes, & vniuersa earum instrumenta; quæ in bibliotheca, ac mente sua reposita, ad omnium vsus inde promebar; inter illas demùm genteis fecerit communia. Quare de Fabricij doctrinæ præstantia, aut Musæi amplitudine, atque dignitate; ex ipsius scribitis, cæterisque antiquorum monumentis, quæ in eius domo extant, minimè est iudicandum: sed potiùs sic habendum, nullas in terræ orbe celebres esse bibliothecas, in quibus celeberrimæ illius Petescianæ, pars aliqua non reperiatur; nullos libros nostra ætate, scriptionum ad fastidium feraci, in lucem fuisse editos, qui non Petescij doctrinam, sicuti nomen præ se ferrent.

**FINGITE** vobis animo, Academici, omnium studiosorum vnum aliquod veluti corpus, in quo Claudius Fabricius, vice fungeretur partis illius in medio quietæ, cui alendæ reliqua membra, suo labore omnia quærun; cuiùsque vicissim haud segne ministerium est, nec magis alitur, quàm cætera alit: aded vt vniuersa studij, atque doctrinæ pabula, ab omnibus sibi vndique conquisita, atque congesta, insaturabili legendi, discendique aviditate vorans, & acri ad meditationem, scriptionemque ardore maturè conficiens, in succum, & sanguinem verteret; quem in omneis demùm parteis, ad ingeniorum alimenta, pariter diuisum redderet: nisi potiùs Petescium, illustris illius, atque immortalis corporis animam fuisse dicamus; quæ totum moderaretur, singulâsque eius parteis, vi, ac numine suo conseruaret, atque auget. Numen dixi, Academici: is enim qui sat breuis, septem & quinquaginta annorum, vitæ partem alteram peregrè, & in aula transegit, alteram in curia, ad senatoria munera, bis quaque die diligenter obeunda; tot tamen, ac tam illustria, sui in literas studij, atque largitatis, ad æternam posteritatis memoriam, monumenta reliquit; libròsque, & epistolas, operâ, manûque sua plures; quàm alij longæui homines, & priuato otio abundantes legere solent; Latinè, Italicè, & Gallicè di-

ligenter conscribis: is inquam, mihi sanè supra hominem putandus esse videtur. Hanc porrò diuinam Nicolai Claudij Fabricij Perescij animam, nunc mortalis sui corporis compagibus reclusam, superas sedes capefcere, & in æterna illa, ac cœlesti domo, ætatem quam hic nobiscum beatam duxit, inter ipsos diuos beatissimam agere, vos Academici Romani, existimare par est; & eam omni honore, qui Heroibus tribui solet, afficere. Præterquam enim quodd summa integritate, atque innocentia vixit; præterea Romanæ religionis, cæremoniarumque maxime colens, & ad extremum spiritum retinentissimus fuit. pro aris, delubrisque fortiter certauit; vt ad illa plurimos reduxerit, ex isto hominum genere, qui nouis, atque alienis obstricti religionibus, ab hac antiquissima, atque sanctissima declinauerunt; vel apud illos, rei literariæ III-viros, non sine spe victoriæ adortus. Quamobrem erga hominem, de Romana Republica, tam multis nominibus optimè meritum, in decoranda eius morte grati estote, Academici; & sicut eam, iam publica laudatione esse honorandam putauistis; ita quidquid præ ingenij, facundięque meæ, nec non temporis angustiis, minùs ex amplitudine, atque dignitate argumenti, oratione exsequi potui; id demùm in præsentia, ornatissimis, optimisque vestris versibus præstare: in posterum verò, Heroi nostro, diurnam pro breui vita memoriam reddite: & quod ipsi gratissimum facturi estis, illius studiorum veluti hereditatem adite, & constanter tenete. Vos autem, Patres amplissimi; ad eam, ad quam vocati estis Reip. procuracionem, vt excellentissimas omnes Nicolai Claudij Fabricij virtutes, maximis & in omni genere laudis eminentissimis (quales sanè estis) Principibus imitandas adhibetis: pergite porrò, vt facitis; atque ita in primis diuinum eius studium, regalẽmque libera literatis magnificentiam imitami, in eas arteis promouendas, quibus omnis vitæ honestas, elegantia, ipsaque aded hu-

manitas constituitur, atque continetur; nec non in homines, qui eas colunt, amandos, ornandósq;e honoribus, ac beneficiis; quæ sancti illi, atque religiosi maiores vestri, in ipsos præcipuè collata voluerunt. Indignum siquidem esset eos iacere, quorum opera, atque vigiliis, summum à Deo datum, hominum generi, literarum bonum maximè viget: sed prorsus digni sunt, qui apud vos gratia, atque autoritate floreat. Si quidem principes viros, de se, suisque virtutibus benè meritos, æternis scribtorum suorum monumentis, ad immortalitatem consecrant: sicuti contra læsi, vel neglecti, notas ad ignominiam, nulla temporis diuturnitate, nec armatis tyrannorum manibus eluendas inurunt. Quare à vobis minimè audiendi sunt quidam homines nihili, qui ceteri numerus tantùm in aulis vestris, & fruges consumere nati sint, illic tamen ut vacua Belidum dolia, leuitate sua versatiles, & vanitate cassum, atque inane sonantes; maximas faciunt turbas, clamorésque, ac risus edunt, tam in hominum literatorum ingenium, morésque, quàm aduersus ipsarum literarum vsum, atque dignitatem. Literatis nihil innocentius, aut temperantius; Patres amplissimi; ut potè qui studium, & tempus omne, quod isti vel ambitioni, atque auaritiæ, vel rebus ridiculis, atque turpibus dant; in maximarum, optimarúmque contemplatione consumunt: nec sunt, ut isti vocant, difficiles, aut morosi; sed acres rerum æstimatores: non contumaces, & superbi; sed res homine ingenuo indignas, nec facientes nec perferentes: non obscuro; sed modesti: non denique rustici, aut agrestes; sed antiqui, & contrà; vnde etiam artes, quas profitentur, nomen inuenere, humani. Literæ verò, quantum non ornamentum solum, sed & præsidij in ciuitatibus benè constitutis afferant, vel ex hac vestra clarè patet: quæ ut olim afflictæ, per earum neglectionem fuit; ita nunc doctissimus, sapientissimúsque Pontifex verè COELESTI DONO,

## L A V D A T I O.

23

ac diuino munere ipsi donatus ; causa est ; quòd viget  
hodie vestra Respublica , quòd floret , quòd beata est ,  
quòd denique , cum cæteræ terrarum orbis partes , bello-  
rum , aliarumque calamitatum tempestatibus agitentur ;  
vna hæc ( quod ei Deus Optimus Maximus proprium,  
ac perpetuum faxit ) in pace , atque in otio conquie-  
scit.

D I X I.





GABRIELIS NAVDÆI  
 AD PETRVM GASSENDVM  
 DE PEIRESKII OBITU  
 EPISTOLA.



ROVOCATVS non semel obseruationibus Astronomicis, quarum per me copiam fieri voluisti celeberrimis hominibus Fortunio Liceto, & Scipioni Claromontio; ac literis tuis insuper ad officium mutuz necessitudinis, quz dudum inter nos arctissimè coaluit, sollicitatus; peramanter omninò te facere intellexi, qui me tamdiu silentio vsu fuisse, quz tua est singularis humanitas, & beneuolentia, non molestè tulisti; satisque amori nostro, & singulari meo in te obsequio factum fuisse existimasti, si dum vrgebam Syntagma meum de *Studio Militari*, hoc interim spatio nihil ad tuas responsi dederim; nisi quòd amantissimo vtriusque nostrum clarissimo PERESCIO frequenter significabam, me, cum per otium liceret, talem habiturum rationem eorum omnium, de quibus egisti mecum per literas, vt ne quidem de suauissimâ tuâ vrbانيتate queri posses; quòd illa non similibus à me iocis, ac salibus excepta fuerit, & facetiarum colludior, gratissimâque vicissitudine compensata. Sed, heu rerum vices, heu fata infanda, heu mors acerba, & infensa bonis omnibus, quz gestienti lætitiæ intercessit: viro illo incomparabili, tunc cum nihil minùs, quàm de eius occasu timebatur, è viuis sublato. Vbi enim crinitum sidus effulsit? vbi de cælo intonuit? vbi terræ motus, & fragores



fragores insoliti, spectraque, & portenta apparuerunt, in eius viri omnium maximi, omnium optimi, sapientissimi- que interitu? Sanè ludunt nos, & fallunt suauiter Historici, eùm nullos Principes absque iis signis interiisse referunt, ex quibus atiolationi de eorum impendente fato locus esse posset. Nam amabo te, Gassende, qui fieri potest, si mundus non casu regitur (vt certè diuinæ illum prouidentiaæ arbitriis gubernari certissimum est) quòd cælo curæ sint homines, non suis plerumque meritis, sed fortunæ cæco impetu, rerum gubernaculis admoti, nec vlla re, quàm suis opibus, & potentia (quà sapissimè in hominum perniciem, per summas vitæ turpitudines, & flagitia abutuntur) commendati: & ipsi interim silente cælo, non curante luna, nemine quidquam nouum, aut insolens in elementis, atque venturi (si quæ sunt) præsciis animalibus obseruante, mortem oppetant, qui virtute regnum sibi amplissimum, honestissimumque inter homines compararunt; qui mortaliū omnium commodis nati, omnes operâ, studio, industriâ iuuant: omnium conatus vrgent, promouent, extollunt; quique orbem vniuersum in sui admirationem trahunt fama, & commendatione meritorum? Huiusmodi verò laudem, si PERESCIVM vnum nostris, elapsisque ab omni xuo temporibus cumulatissimam tulisse dixerim, non est quòd aliquis reclaimer, nisi aut virtutis hostis, aut laudis inuidus, aut ignarus rerum, de quibus boni omnes, & eruditi consentiunt. Ecquis enim ipso vnquam aut peritior extitit antiquitatis, naturæ, temporum, historiarum, linguarum? aut promptior iuuandis studiosorum laboribus, quâ voce, quâ literis, quâ libris, quâ signis, plantis, animalibus, picturis, numismatis, & antiquæ, recentisque memoriæ similibus monumentis? aut aptior denique, qui istud facere posset voluntate, opibus, auctoritate, scientiâ, prouidentia, cæterisque virtutibus, quarum mutuâ consensione ornatus sit oportet, qui instar clarissimi PERESCII, orbem literarium suis nutibus, & votis temperandum suscipit. Quòd equidem facere quàm arduum sit, tu

verò Gassende, istud conicere potes, vel inde quòd si in priscorum Heroum exempla recurras, qui istud similiter fecerit, inuenies prorsus neminem. Atque vt elapsa proximè tempora Vincentium Pinellum, & Dominicum Molinum tulerint non multùm fortasse studio, & voluntate iuuandi literatos inferiores P E R E S C I O; nescio tamen quomodo adiumenta varia illis defuerunt, quæ huic nostro, & communi omnium Mæcenati, vt plenâ velificatione cursum hunc à primâ statim adolescentiâ institutum, ad affectam vsque ætatem perduceret, in causa fuere. Enimuerò quantâ etiam facilitate istud præstiterit, nemini obscurum esse potest, nisi qui solem non videt pleno meridie. Quis enim nescit os eius non hominis, sed Apollinis Delphici fuisse, ex quo oracula de rebus omnibus abstractis, & incognitis quotidie reddebantur? Domum verò instar celeberrimi emporij, mercibus preciosissimis ex vtrâque Indiâ, Æthiopiâ, Græciâ, Germaniâ, Italiâ, Hispaniâ, Angliâ, vicinioribusque prouinciis refertam extitisse; nullâque nauem Galliæ portus intrasse, quæ non aliquod animal peregrinum, non plantas exoticas, non marmora priscorum cælo sculpta, aut exarata, non codices Samaritanos, Coptos, Arabas, Hebræos, Sinenses, Græcos, non erutas ex Bosphoro, aut Peloponeso antiquitatis penitissimæ reliquias, in vnius P E R E S C I I Cumeliarchium inferret? Quem denique latere potest, non conquisitas ab eo fuisse tot opes in propriam tantùm oblectationem, aut musæi sui ornamentum, in quo laterent ipsæ tanquam in Fauissis Capitolinis, aut sepulcris, vnde nefas esset quidquam eruere, ac depromere in aliorum commoda: sed P E R E S C I V M hanc sibi legem statuisse, vt, si quos in orbe literario suis consiliis, opibus, libris, statuis, marmoribus iuuari posse intelligeret, non expectaret ipse, vt morosè precibus illud à se efflagitarent; sed vltrò offerret, inferrétque in eorum ædes; ac penè dicam literatos omnes obrueret beneficiorum suorum magnitudine, & frequentia? Verùm quid opus est, optime Gassende, vt hæc ad te scribam, qui plura oculis

ipsis, in maximo illo Heroe obseruare potuisti facinora, commendatione omnium hominum, ac memoria, æternitatéque temporum dignissima, quàm quibus alius; nisi tu ipse, qui amore in eum, ac dicendi, scribendique lepore nemini concedis, munus istud in te recipias, scriptis vnquam consignare possit? Profectò, cùm nulla eius vitæ pars miraculo caruerit; cùm nullus vnquam exortus sit, cui plura, aut meliora debeant, studius doctrinisque præstantioribus dediti homines; cùm eorum omnium, quæ pulchrè, eleganter, doctè per anteaetas aliquot annorum decades scripta, aut obseruata sunt. pars maxima fuerit; nec ipse mortalis existimandus sit, nisi morte ipsâ, proh dolor! immaturâ, atque immitti in eum, qui nunquam occumbere debuisset; certè non cuiusuis esse intelligo meritotum eius famam transmittere ad posteros: nam vulgari ore istud facete placulum est; parem verò tanti viri inusitatis, incomparabilibusque meritis inuenire orationem, videtur mihi omnino difficile. Quamobrem istius *Musarum curatoris*, siue, vt cum Athenæo loquar, ἑπιμαλτῆς τῶν μουσῶν, vitæ summam ex orbe vniuerso, per quem diffusa illa fuit, in angustum aliquod volumen contrahere, hoc equidem vnum est, quod nisi tu, doctissime Gassende, præstiteris, qui sermone vales puro, eleganti, castigatòque, & assueto rebus diuinis, ac cælestibus celebrandis; cuiusmodi omnino P E R E S C I V M fuisse nemo non bonus existimat; quisque supremos illos orbis, eorumque miracula; quæ profectò non latius patent, quàm P E R E S C I I fama, & merita, in exilium globum solertissimè reducis: vix certè alium inuenio, qui defungi hoc munere adedè commodè, feliciterque possit. Nam etsi omnes, qui P E R E S C I O amici fuerunt, ingenio, facultatèque dicendi valeant, & omnibus illis, non secus atque tibi, negotium incumbat celebrandi virum, cuius recordatio sanctissima illis esse debet; licet etiam multa, quæ de præstanti eius ingenio, laborum contentione, & mirificâ voluntate bonorum omnium conatus subleuandi, dici, atque afferri in medium possent, ea cuius ex præstantissimis

illius facinoribus, æquè ac tibi cognita esse poruerint; fatendum tamen est, quæcumque maiora sunt ex eius laudibus, ista propter intimam, quæ tecum illi fuit consuetudinem, & assiduam multorum annorum conuictum, atque usum; & faciliùs animaduersa à te, & prospecta certius, quàm ab aliis fuisse. Quare age, mi Gassende, calamum summe, inseruire solitum maximis viris aut tuendis, aut celebrandis, non minùs sanè, quàm cælorum, naturæque miraculis explicandis: & cogita apud te fore ex usu omnium, qui literis dant operam; è dignitate patriæ nostræ communis; è Principum, atque magnatum gloria, & splendore; vt eius viri imaginem, qui omnibus inciramento, & adiumento fuit ad virtutem, non solùm ad intuendum, verùm etiam ad imitandum, pro tuâ in viuentem, defunctùmque pietate, quæ protsus egregia fuit, exprimas. Ego verò, qui clariss. PERESCIUM eius loco semper habui, in quo vireis suas natura potissimùm experta est, vt hominem produceret, cui nihil deesset, quod eximium, honestùmque mortalibus concedi in hac vitâ possit; illùmque pro eo, ac debeo, verbis ornare non possim, quorum me pauperem reddidit copia meritum: propterea hoc vnum, vt facias, enixè à te contendo; arbitrabórque meæ, & reliquorum pietati, qui PERESCIANOS manes æterno cultu, gratissimâque veneratione prosequi debemus, factum esse satis; si non modò eruditissimum, atque munificentissimum, quod orbis vniuersi iudicio comprobatum est, sed absque exemplo maximum, ac optimum virum fuisse PERESCIUM, summùmque literatorum fautorem, & cum prudentiâ, tum eruditione, ac omni virtutum genere excellentem, còque nomine inter sæculi nostris miracula habendum, colendùmque, per te, & præsens ætas, & furura cognoscat. Vale, & nisi lugens adhuc, lege, quæ lugens, & ingenti, subitòque mœrore percussus scripsi. Romæ xvi Kal. Aug. 1637.



EX CL. SALMASII PRÆFATIONE  
in Tabulam Cebetis Arabicam.

EX illo hominum genere, quos & priuatâ pariter, & publicâ causâ mœrere ereptos amici debent, fatis ante triennium concessit Nicolaus Fabricius Peirescius, quem virum vel nominare, laudare est. Eum, nisi fama talem ferret, qualem ego scio fuisse, penicillo hîc meo quamlibet rudibus lineis, atque obscuris coloribus exprimere conarer, perfectissimum virtutis omnis, & omnigenæ eruditio- nis exemplar. Tentarem hoc, inquam, de cuius tamen vel minima parte dignè attingenda vix quidquam mihi promitterem. Præstarem equidem quod debeo summis eius viri erga me meritis, quæ nullum in me vitæ, quancumque dabitur, tempus obruet, nulla delebit obliuio. Sed cum id aliter præstare non possim, quin plura dicenda dictis prætermittam, præ ἀδραμία omnium exequendorum numerorum, quos talis vita, & talis fama postulat; contrahere vela cogar, orâmq; legere, ne in tam vasto laudum pelago cum tenui cymbula deprehensus naufragij pericliter. Hoc igitur sufficiat dixisse, non alteri à multis retrò sæculis Solem illuxisse, qui Reipublicæ literariæ promouendæ maiori cupidine flagrauerit, nec qui magis eum, dum vixit, promouerit. Vt non vnum scientiæ genus curiositatem eius prouocauit; ita nec vnum genus hominum beneuolentiam eius cum benefico animo coniunctam expertus est. Alij, quos innumeros esse scio, pro virili, si ingrati non erunt, prædicabunt quid, & quantum illi debeant. Quod ad me attinet, tanta sunt, quæ in me contulit, tôtque modis, quibus potuit cum que, studia mea adiuuare nisus est, vt cogitatione ea comprehendere vix detur, nedum verbis exponere queam. Quibus omnibus adiumentis, ac præsiidiis quando hodie mihi, illo amisso, carendum est, cum maxi-

ma studiorum meorum , Ægyptiorum præcipuè , & Arabi-  
corum remora , & impedimento : plus tamen deſleo , quod  
Reſpublica literaria in illius viri morte ſibi abeſſe perſpicit,  
quàm quæ mihi video periſſe , quantumlibet maxima illa  
eſſe , propriâ tactus iacturâ , etiam nunc ſentiam. Poſt illud  
damnum , quod meum non magis eſſe , quàm totius Reipu-  
blicæ detrimentum fateor , & quidem maximè deploran-  
dum , non aliud grauius , &c.



EX EPICEDIO PERESCIANO  
 ERYCĪ DORMALĪ  
 Ad Eminentissimum Principem  
 FRANCISCVM BARBERINVM  
 CARDINALEM.

Πορτραϊτικὸν ποῦδος Πέτρῳ τῷ Γαλατῆδιον.

Γράμμα τὸ Φαβεικίον δηλοῦν μόρον, εἰν ἐνὶ πᾶσαι.  
 Σβέσσει ἐν ἡμετέρῃς λαμπάδα χρυσοσύνης.

Αψ δὲ ζωγραφέω βιοτιέω τι, ἐν ἡῆα Φωτός,  
 Δύπερον αὐτέτολας, Πέτρε, τὸν ἡέλιον.

Ἀλλὰ φίλος πάχων φρικτώρεε, ὡς ἀναφιλῶν  
 Μοὶ σέθεν ἔκ ζωφίδος, πηλιάδα μολίλου.

Φιλοξενία, ἐν φιλοδωρία.

Πῶς αὖ ἐπιπικθάλων, Πήρέσκιε, σιῶ λαθόμιλον,  
 Ἀμφὶ φιλοξενίας, ἐν μεγαλοφροσύνης;

Τίς γὰρ ἀπ' ἄλλοδαπῆς φιλαθλιμαίων ἐπὶ Κρήτῳ  
 Ἠλθε θάσ, ἐν σὺ κείθεν ἀγούτος ἔβη;

Τίς ποῦδ' οὐ ξενίων σέθεν ἔμμορον; ὡςτις τίς αἰεί  
 Ἐν τεΚύδωνος ἔλεω, ἐν ποῦδ' σοι τίς αἰεί.

Οὐ δόμος ἴω, ξενεῶν ἢ δόμος τοῦς, ὅ μὲ πνιχρὸν,  
 Καὶ ποτέ ΒΑΡΒΕΡΙΝΟΝ τὸν μαζαν δξενίσιος.

Χαῖρέ μοι, ὦ Φραγκῶν κλητὸν πέδον, ὅττι σε τυφρὴν  
Μοῦνος ὁ ἀγλαΐσας, Φρῆδος ἀπηγλαΐσει.

Θρῆνητικόν.

**Μ**ουσπολῶν πρὸς ἄσπαστον, Ἑλλάδος ἄμμα  
Δεξιὸν, Λοιδῶν ἀρμα, καὶ ἠίοχος,  
Κεῖται Νικόλεως Πηρέσιος. ὦχεο δῆθεν,  
Ὠίχεο, ἀλλὰ φίλα βασκαε λήπόλμος.  
Οὐ μὰ τὸν, ἔ δηρὸν μεμονώσμεν, ὄφρα μετῆς  
Σοῖ, κήπερ κρυερῶ ἀν Κλυμῆσιο πύλαις.  
Τόφρ' ἀπ' ἐμείο δέχθ' ἐλεγαίδιον, ὃ πρῶτάπῳ  
Γραψάμνος θερμοῖς δάχρυσιν, ἔ μέλαι.  
Δάχρυσιν, ἔ μέλαι γράψας, Γάτερ, ἐκ γδ' ἀπὸν μῆ  
Κηπκόν, ἐν σοι ἀπὸν μουσικὸν ἔξεκόπη.

Κενόταφιον.

**Π**οῦ σίο πῆ θίλω ὅ κενήσιον, ἐν τίνι σικῶν,  
Ἐν βωμῶν τίνι, ὦ πῶν φίλον ἡμέτερον  
Φαβείκι; ἐκ ἄλλῃ τρεπόγητέ σ' ἐν ἔδεν βωμῶ,  
Ἡ νεῶ, ἀλλὰ μέση γήσομεν ἐν κρηδῆ.  
Ἐν κρηδῆ, ψυχῶ γδ' ἀφῆρπασας, ὥτε σοι ἔμμεν  
Τῶτό μῆ ἡμιθαῖές σῶμα, τῶτον κενόν.

Cætera Elogia, tam prosa, quàm carmine, volumine  
alio collecta seorsum edentur.

F I N I S.







178.  
11.  
35.

